



Q³

7-2/10/-
the new printing


COLLECTION OF PURITAN AND
ENGLISH THEOLOGICAL LITERATURE




LIBRARY OF THE THEOLOGICAL SEMINARY
PRINCETON, NEW JERSEY


SCB
11842


John Quincy






1 - 16





Digitized by the Internet Archive
in 2010 with funding from
Princeton Theological Seminary Library



IRENICUM AMATORIBVS VERITATIS ET PACIS IN ECCLE- SIA SCOTICANA.

Prece & studio

IOANNIS FORBESII, S^c. THEOLOGIAE
DOCTORIS, & ejusdem PROFESSORIS
in ACADEMIA ABERDONIENSI.

Zachar. 8. 19.

Veritatem & pacem diligite.

1. Pet. 3. 15. 16.

*Sitis parati semper ad respondendum cuilibet petenti rationem ejus spei qua in vobis
est, cum lenitate & reverentia, conscientiam habentes bonam, &c.*

Hieronymus, in Epist. ad Rusticum monachum.

Veritas angulos non amat, nec quarit suaves viros.


Augustinus, Epist. 109.

Cum dilectione hominum, & odio vitiorum.



ABERDONIAE,
EXCVDEBAT EDVARDVS KABANVS.

Cum Privilegio. 1629.





REVERENDISSIMO,
IN CHRISTO, PATRI
PATRICIO
MISERATIONE DIVI-
NA EPISCOPO ABER-
DONIENSI;

ACADEMIÆ ABERDONIENSIS CAN-
CELLARIO & INSTAVRATORI:

*Domino & Parenti meo honorandissimo,
Salutem in DOMINO.*

REVERENDISSIME PATER,




Uasdam de receptis ritibus Aporias
Frater quidam combresbyter ad tenuita-
tem meam scriptas misit, enixè rogans ut
titubanti succurrerem. Quod quia sincere
addiscendæ Veritatis & tranquillandæ
conscientiæ studio facere videbatur, proti-
nus ei (invocato priùs serla ac supplice prece Nomine DO-
MINI) de propositis Aporiis breviter rescripsi. Autor verò
mihi exstitit reverentia tua, ut nonnulla in aliorum etiam

utilitatē enucleatius explicarem. Quam parum mihi ab ordinariis laborioſæ profeſſionis ſtudiis ſuppetat otii, neq. latet prudentiâ tuâ, & probè norunt reverendi collegæ mei, & ornatiffimi auditores. Ego tamen parendi certus (juſtis enim tuis mandatis inobſequens eſſe non debui) opportunitatem anniverſariæ ceſſationis ab exercitamentis Academicis præſtolabar. Accedebat interim ſtudioſorū noſtrorū, nondum uſque adeo in hoc quaſtionum genere exercitatorum, indefeſſa effligitatio: & aliorum etiam piorum hortamenta neutiquam contemnenda. In primis verò (ſicut de *IACOBI* Patriarchæ erga *RACHELEM* affectu legimus) hoc mihi impoſitū onus allevabat amor veritatis & pacis in domo *DEI*: in laudē gloriæ gratiæ benigniſſimi Patris luminum, à quo omnis donatio bona & omne donū perfectum ſupernè descendit. Accipe, igitur, præful religioſiſſime, qui veritatis ſemper & pacis in hac *CHRISTI* Eccleſia fideliffimus propagator, & conſtantiſſimus foeliciffimūſq; propugnator, per *DEI* gratiam, exſtititiſti, accipe, conſueta mentis & frontis ſerenitate, hanc qualemcunq. veritati & paci dicatam lucubrationunculam. Quæ ſi perſpicaciſſimæ tuæ probabitur pietati, ſpero eam vernis & pacis amatoribus non diſplicituram. Ipſe autē *DEVS* veritatis. & pacis nos omnes ſanctificet in ſua veritate. & afflicta ſuę Eccleſiæ pacem per *DOMINVM NOSTRVM IESVM CHRISTVM* ſemper omni modo miſericorditer largiatur. Idē reverentiam tuam Eccleſiæ ſuæ & nobis quā diutiſſimè incolunt emtueatur. Vale antiſtes verè ſanctè, Pater honorandiſſime: &, quod facis, nos ama, ſanctiſq; tuis præcibus paſtoralibus paterniſq; *DEO* commenda. Dat. *ABERDONIÆ*, die primo Ianuarij, anno *DOMINI* milleſimo ſexcenteſimo vigeſimo nono.

*Reverendiſſima Pietatis tua, cum in carne,
tum in DOMINO, obſequentiſſimus filius,*

IOANNES FORBESIVS.



AVTOR LECTORI

S.



CHARITAS Patiens est, benigna est, 1. Cor. 13.
 non irritatur, non cogitat malum, omnia
 suffert, omnia credit, omnia sperat, omnia
 sustinet. HÆC jubente silentium diutissimum:
 sperabamus enim fore, ut absque ulteriori disputa-
 tionum conflictu dissensuuncula nostræ sponte eva-
 nescerent. At præter opinionem accidit, per prodi-
 giosam quorundam intemperiem, ut ignis ille discordia, quem sub si-
 mulata amicitia dolofo cinere occultabant, tanta nuper eruperit vehe-
 mentia, ut ejusdem imperio CHARITATIS, quæ non gau-
 det de injusticia, congaudet autem veritati, necesse habuerimus Ibidem.
 confestim accurrore, aquam portantes, è flumine veritatis haustam,
 ad restinguendum publicum incendium: ne vel Ecclesiam DEI pro-
 dere, vel de ea desperare videremur. Hinc opusculi hujus deproperatio.
 Te verò, Lector in DOMINO, ut ad hujus IRENICI
 lectionem te accingens, ante omnia pectus ipse tuum coram DEO ex-
 amines, & seriò cogites CVJVS SIS SPIRITVS. Nam Luc. 9.
 derisor quærit sapientiam, & non invenit: ac scientia intelli- Prov. 14.
 genti est facilis. Si quis voluerit facere voluntatem ejus, Ioan. 7.
 noscet de doctrina, utrum ex DEO sit, an ego à meipso lo-
 quar: ait DOMINVS in Evangelio. Lege vel audi, priusquam
 judices; probè intellige, antequam sententiam feras: ne forte verita-
 tem damnes, & cum DEO pugnare comperiaris. Quid temerariis Act. 5.
 censoribus respondeamus suo nos exemplo docuit DOMINVS,
 dicens injusto percuressi; Si malè loquutus sum, cessare de malo; Ioan. 18.
 sin bene, cur me cædis? Interea non sum immemor fragilitatis
 humanæ, neque meæ tenuitatis sum nescius: si quid igitur repræben-
 dendum existimes, hanc tantum à te postulo æquissimam conditionem,
 ut perspicuas & solidas censuræ tuæ proferas rationes: & docilem inve-
 nies: Non enim possumus quicquā adversus veritatē; sed pro

veritate. Ne tamen mihi pro demonstratione obtrudas conscientie
 tue perperam fortassis informatam dictamen: postulo enim ulteriorem
 probationem, qua mihi ostendas rectè informatam esse istam tuam con-
 scientiam. Neque pro idoneis argumentis recipio inverecondas asser-
 tiones, fremebundos gemitus, repandos in cælum oculos, temerarias exe-
 crationes, frivolos tricationes, temulentas popinarum nantias, ignavum
 & agrestem contemptum illius quod vel non intelligas, vel refellere non
 queas. Istas ego & similes offucias nihil moror: neque eis quisquam
 movebitur cordatus, veritatis suæ salutis non incuriosus. Sed res cum
 re, ratio cum ratione appositè & sobriè conferatur: ponantur in medio.
 Scripturæ sacre, & inde argumenta congrua depromamus, consulamus
 etiam catholicam antiquitatem, interrogemus reformatas Ecclesias, ad-
 vocemus rectam rationem: sic enim facilius erit dissensionum compo-
 sitio, si prius de principiis & argumentorum locis inter nos conveniat.
 Deinde deponamus omnem malitiam, & omnem dolum, & simulationes,
 & invidentias, & omnes detractiones; & ut modò nati infantes, lac il-
 lud sermonis sincerum expetamus, ut per illud adolescamus. Ne imi-
 temur eos, qui VOLUNT ID VERVM ESSE QVOD CRE-
 DUNT, AT NOLUNT ID CREDERE QVOD VERVM
 EST. Isti volentes ignorant; nolunt sanari; amant tenebras; diligunt
 mortem. Nos autem non tenebrarum sed lucis filii, unanimes, pari
 pectoris candore, pari veritatis amore, pari justitiæ siti, veritatem que-
 ramus, pacem persequamur. Dabit DEVS unanimitati credentium
 petitam sapientiam: dabit necessariam scientiam: dabit servare uni-
 tatem spiritus in vinculo pacis. Sit cor nostrum perfectum in statutis
 ejus, & pudore non afficiemur. Non abblandiamur vitiis vestris, sed
 quicquid vel in aliis, vel in nobis ipsis DEO exosum est, id perfectò
 odio prosequamur: qui amat egrotantem, edit morbum; qui sanare vult
 febricitantem, persequitur febrim. Abnegemus nos ipsos, ut CHRIS-
 TVM, qui Veritas est, expediti sequamur. Quid tibi proderit, si
 ego errori tuo parcam? Num propterea tibi parcat DEVS? Imò,
 ut hominem liberem, & ad DEI pacem, cum debita lenitate, &
 necessaria severitate, enim adducam, debeo non parcere Diaboli laqueo
 quo homo captivus tenetur. Non pervenitur ad veram pacem, nisi per
 veritatis viam. Ea sola fida pax est, quæ veritatis est, quæ CHRIS-
 TI est. Necesse igitur habui errores oppugnare, veritatem vindicare,

1. Pet. 2.

2. Pet. 3.
Ioin. 3. & 5.
Prov. 8.1. Pet. 3.
Matth. 18.
Iacob. 1.
Psalm. 119. 80.2. Tim. 2.
Tit. 1. & 2.
Iud. 23.
Vide lib. 2.
cap. 20. part.
2. Num. 11. 12.
13. 14. & cap.
23.

cave, ut hac meum opusculum esse posset hominibus verè Irenicum.
Porre, candide Lector, quo magis inoffenso cursu progrediaris, poteris, si libet, inspicere indicem sphaematum Typographicorum; & quæ visum fuerit, pro tua humanitate, corrigere. Vale: & pro nobis ora. Quod debita Charitatis officium mutuo inter nos debemus.
DEVS nobis inspiret amorem veritatis & pacis: & gressus nostros in veritatis & pacis viam dirigat: ut ad perfectam aeternæ pacis fruitionem, eo perducente, tandem perveniamus, per DOMINUM nostrum IESUM CHRISTUM, cui cum Patre & Spiritu sancto, sit honor & gloria, in sæcula sæculorum. Amen.





QVÆ DVOBVS LIBRIS
HUIUS IRENICI CONTI-
NEATVR, POST EPISTO-
LAS & APORIAS.

Libër primus exhibet pacificam ad Aporias re-
sponſionem, interſperſis etiam aliis.


Ejus ſunt Capita quatuordecim.

CAP.

- I. **A**D quatuor primas Aporias : de Geniculatione in
ſacra Cœna. PAG. 13
- II. Ad quintam Aporiam : de Menſa DOMINICA. 19.
- III. Ad ſextam Aporiam : de communionẽ inter populum :
ubi de patina et diſtributione Panis. 21
- IV. Ad ſeptimam Aporiam : de exemplo CHRISTI
et Apoſtolorum. 22
- V. Incipit reſponſio ad octavam Aporiam : ubi de neceſ-
ſitate obedientiæ, et de aiquitate decreti PER-
THENSIS, ad quam demonſtrandam adferun-
tur rationes ab intuitu Regis articulos proponen-
tis. 28
- VI. De jure et authoritate Synodi PERTHENSIS. 36
- VII. Synodum rerum ipſarum intuitu rectè judicaſſe : ubi
de ipſis quinque Articulis ſigillatim diſſeritur : et
explicatur quæſtio, An res ſit abjicienda propter
abufum. Et, de geſtu menſali. 39
- VIII. Iudicii Synodici rationes juſtæ ac idoneæ ex intuitu
Eccleſiæ SCOTICANÆ : ubi reſiſtentes con-
vincuntur ſchiſmatis. 46
- IX. De juramento à SCOTIS præſtito, ANNO DO-
MINI 1581 : ubi oſtenditur reſiſtentes Fra-
tres

tres esse desertores et transgressores illius juramenti. PAG. 49

- X. Ad secundam partem Aporiæ octavæ: Num mutationi jam factæ resistere liceat. Vbi de offensione infirmorum: de hostium ludibrio: et, de objectione levitatis, et idololatriæ, et reditus ad ritus Papisticos. 54
- XI. Ad tertiam partem Aporiæ octavæ: de necessitate et libertate, et tolerantia mutua. 60
- XII. Ad Aporiam nonam: de actuum quorundam indifferentia. Vbi præsens geniculandi necessitas etiam de jure divino subditis incumbens demonstratur, etiamsi hic gestus secundum suam speciem sit res indifferens. 66
- XIII. Proponitur et explicatur quæstio de necessitate et indifferentia individuorum actuum: et probatur non omnem actum individuum, ex deliberativa voluntate procedentem, esse vel factum vel omissum necessarium: etiamsi necesse sit legaliter, ut omnem actum hominis, ex deliberativa voluntate procedentem, bonitas aliqua concomitetur. Vbi de miseria eorum, qui salubribus Ecclesiæ decretis, per obstinatum conscientię errorem, pertinaciter resistunt. 76
- XIV. Respondetur ad argumenta contra rerum indifferentiam proposita. 86



LIBER SECUNDUS TESTIMO-

nia exhibet Ecclesiarum Reformatarum, &
 Scriptorum Ecclesiasticorum, de præmissis
aliisq; Articulis & Questionibus. Vna cum
pleniori dissertatione de politia Episcopali:
& aliis quibusdam dissertationibus.

Adjecit etiam Antiquitatis Testimoniis.

Quorum omnium notitia multum conducit ad hanc pacifica-
tionem quam sincere intendimus, & seriis supplicationibus à DEO
pacis flagitamus, & ex immensa ejus indul-
gentia speramus.

Hujus Libri sunt Capita vigintiquinque.

CAP.

- I. **E**SS E quasdam res etiam circa cultum divinum
 medias. PAG. 91
- II. Publicū in rebus mediis ordinē esse necessarium. 93
- III. Libertas & potestas Ecclesiarum determinandi de
 praxi in mediis: & necessitas singulis incumbens pa-
 rendi statutis Ecclesiæ in talibus. 96
- IV. Conditiones tenendæ et cavendæ in Constitutioni-
 nibus Ecclesiasticis quibus teneamur obedire in usu re-
 rum mediarum: ubi et de prudenti retentione quarun-
 dam rerum, quarum præcessit abusus. 99
- V. Error necessitatis aut immutabilitatis, de rebus me-
 diis cavendus: ubi etiam de quibusdam justis causis
 mutandi vel abrogandi ritum aut consuetudinem. 105
- VI. Diverfos esse posse ritus medios salva fidei et charita-
 tis compage in diversis Ecclesiis: aut etiam in eadē Ec-
 clesia, pro temporum, aliarumq; circumstantiarum va-
 rietate. Neque Ecclesiam unius temporis aut loci tene-
 ri alterius constitutione aut cōsuetudine in talibus. Sal-
 va tamē uniformitate unius ejusdemq; particularis Ec-
 clesiæ eodem tempore. (De quā Cap. sequenti.) 109

- VII. Non fas esse cuiquam recedere à rēcepta consuetudine, aut constitutione, aut eam mutare suo arbitratu: servandam autem esse in una, eademque particulari Ecclesia uniformitatem. Præsertim si diversitas distractionem, aut offensionem pariat. 115
- VIII. Cavendam esse morositatem in non admittenda mutatione consuetudinis, et rerum mediarum, omnemque contentionem, de rebus mediis. 119
- IX. De recto usu libertatis Christianæ, in rebus mediis. 122
- X. De officio et potestate Magistratus civilis, circa res Ecclesiasticas, ei que debita in talibus obedientia. 123
- XI. De jure præsentia, et regiminis Episcopalis. Vbi etiam de ordinatione Ministrorum, de Chorepiscopis, de Sacerdotibus, et Sacrificio Missæ, de Classium Presbyterialium Moderatoribus, de Archiepiscopis, et Patriarchis, de Papa ROMANO, De Doctoribus. 129
- XII. De potestate excommunicandi. 311
- XIII. Decerta Precum et Catechismi, et Rituum Ecclesiasticorum, forma publica habenda et præscribenda. 312
- XIV. De Concione, sive Exhortatione Funebris. 313
- XV. De Baptismo in privatis locis. Item, De Infantibus Apostatarum et excommunicatorum. 314
- XVI. De Cœna Domini: Vbi
1. De regula institutionis. 317
 2. De mensa. 318
 3. De dispensatione & dispensatore sacra Cœnæ. ibidem
 4. De reverentia & gestu accipientis Sacramentum S. Cœnæ, ubi de gestu Eucharistico & mensali, & contra adorationem Sacramenti & Transubstantiationem. 320

	5. De Pane Azymo, aut Fermentato; multisque aliis indifferentibus, in celebratione hujus Cœnæ.	359
	6. De frequenti communicatione.	363
	7. De communione Clinicorum, aut morte ad-judicatorum.	364
XVII.	De impositione manuum Catechumenis.	368
XVIII.	De Diebus Festis.	372
XIX.	De Schismate.	377
XX.	De Scandalo. Vbi etiam de vera Nationali Ecclesia SCOTICA; & rursus de Schismate; & de Synodo PERTHENSIS; de nupera petitione; de contemnendo cujuscunque hominis schismatici exemplo: non permittendum ut quisquam Ecclesiam DEI laceret impunè: de officio prudentis monitoris: non esse afficiendas molestia aures regias, contempto ordine Ecclesiastico. Hæc omnia habentur in Capite de Scandalo.	403
XXI.	De Die Iejunii.	449
XXII.	De recitatione Orationis DOMINICÆ.	452
XXIII.	Occurrendum est erroribus, & fieri debet errorum abjuratio.	454
XXIV.	Contra juramentum dolosum.	457
XXV.	De Synodorum utilitate & necessitate.	459
	CONCLUSIO HPVVS IRENICI.	463





A P O R I Æ P R O P O S I T Æ

AB A. L.

A P O R. I.



RELIGIOSÈ adorare coram creatura precibus antegressis, &c. Consecrata, significatione sacrâ, citra speciale CHRISTI mandatum; Idololatria videtur: at coram pane, &c. geniculari, est religiosè, &c. ut patet. Ergo. Probatur major: Coram serpente aneo, cruce, Imaginibus, reliquiis, &c. Ergo ita in omnibus. Aut asferatur instantia præterquam quod est in questione. Dices: Coram pane, &c. quidem, at non panem. Contra 1.

II. Quo prætextu palliare se potest quævis Idololatria videtur actus hujus nullum patrocinium esse: at hoc prætextu, &c. ut patet: Causabitur enim Idololatra: coram Imagine, non Imaginem: coram Cruce, non Crucem. Ergo. Contra 2.

III. Omne secundum DEI judicium quale est, revera tale est: at secundum ejus judicium, actui externo coram creatura ejusmodi, conformis est intentio, & ex illo

de hac, sententia ferenda, non contra: adeo nempe ut intentio (quocunq; sibi commento cultor abblandiatur) in aliud nihil dirigatur, quam in illud coram quo externa corporeaq; veneratio est. Negat DEVS sibi dici, Tu Pater meus es, &c. sed imagini ipsi: ergo, &c. ex DEI sententia, non tantum coram pane, sed & eo ipso panem, &c.

IV. Si aliquo modo circa panem (panem, inquam, consideratione manentem & solitarium, &c.) committi possit idololatria; sit vero nullus alius modus vel possibilis, vel manifestior saltem, hoc modo committi videtur, at utrumque prius est verum. aut ostendatur alius modus, &c. Ergo.

V. Prorsus evertitur usus mensæ: quam, penitus inutilem, panem vinumq; circumferente ministro, Seniorum (quos vocamus) uno, amoveri interea & tolli nihil prohiberet. Ergo aut mensa ad cœnam hanc non requiritur.

VI. Ex parte, quantum ad panem, inter populum eidem mensæ accumbentem tollitur communio: siquidem nullus in eandem patinam imponit manum, nullus alteri quicquam porrigit, &c. Ergo.

VII. Omitto exemplum CHRISTI, & Apostolorum morem patrium retinentium, &c. Ergo.


VIII. Sed fac gestum hunc indifferentem esse: Igitur. 1. Aut mutatio non fuit facienda novitassq; invehenda, aut bonum quoddam monstrandum, quod malum mutationem sequens, vel superet vel saltem æquet, at hoc non potest ostendi. 2. Quin mutationi jam facta merito tamen adhuc resistendum, quia alioquin infirmiores offendimus, hostibus ludibrium debemus levitatem, Idololatriam suggillantibus, & animos addimus ad eorum ritus relapsi. 3. Hoc ipso quod indifferens ponatur, obtrudi atque urgeri

non

non potest, ut necessarius: cum potius res ejusmodi tolerantiam mutuam, & plenam, quod vel judicium vel usum judicio semper conformem spectat, postulent libertatem.

IX. Quorundam musitationem potius quam ingenuam (si quid iis cerebri) animi sententiam adjungere libet, nullum esse actum indifferentem. Cujus Paradoxi sunt hæ rationes. 1. Omnis actio est bona vel mala; ergo nulla indifferens. Probatur Antecedens: Omnis actio quæ bonitatis circumstantias omnes habet, vel quæ aliqua destituitur, est vel bona vel mala. At omnis actio vel bonitatis circumstantias, &c. Ergo. In hoc Argumentum incidit Ambr. Catharinus, in Synodo Trid. innixus auctoritati D. Thomæ. 2. Quæ actio regitur ratione, prudentia, deliberatione, vel non regitur, ea est vel bona vel mala, At omnis actio hominis rationalis, prudentis, Christiani ratione, &c. regitur vel contra. Ergo. 3. Qualis est finis proximus talis actio, hæc enim ab illo præcipue specificatur. Omnis finis præcisè est bonus. Ergo. &c. 4. Omnis actio capax bonitatis vel malitiæ (ut ita dicam) ea, si secundum DEI voluntatem optimam fiat, bona est: & si bona non est, saltim ut bona esset convenientius est magisque expedit: At omnis actio est capax bonitatis, &c. Ergo.







I R E N I C I

LIBER PRIMUS,

Exhibens pacificam responsionem
ad memoratas Aporias :

Interpersis etiam aliis ad rem præ-
sentem pertinentibus.

CAPVT I.

De Genuculatione in Sacra Cœna,

Respondetur ad maiorem Propositionem primæ Aporiæ, usque ad §. 9.
Respondetur ad ejusdem minorem, §. 9. ad secundam Aporiam
respondetur §. 10. ad tertiam, §. 11. ad quartam, §. 12.

I.



D primi Argumenti maiorem Propositionem. 1. Supervacua & inutilis est limitatio ista per distinctionem rerum consecratarum à rebus non consecratis, nam ad idololatriam nihil interest, sitne creatura consecrata, quæ adoratur, an non consecrata; sive sacram habeat significationem, sive non habeat. Nam honoris soli DEO debiti translatio ad quamcunque rem quæ non est natura DEV S, sive etiam ad quodcunque figmentum;

idololatria est. 2. Inanis est & altera restrictio, nempe, *Citra speciale Mandatum*: Nam idololatria, seu honoris soli DEO debiti translatio aliorum, vel ex parte, vel in totum, est actus ita intrinsecè malus, & à malitia morali inseparabilis, & legi æternæ necessariò repugnans, ut eum DEVS prohibeat quidem, at nunquam possit mandare, quia non potest abnegare seipsum. Et testatus est se honorem suum non concessurum alteri *Esa. 42. 11.* sicut igitur inanis esset limitatio si quis diceret, non licere blasphemare, aut sumere Nomen DEI in vanum, aut alienum torum adulterio polluere, aut mentiri citra speciale DEI mandatum; quia nihil istorum DEVS ullo mandato unquam jubere potest: ita etiam de actu aliquo in se idololatrico. Duo sunt actuum genera de quibus non est quærendum aut expectandum speciale DEI mandatum: nempe, Actus ita intrinsecè mali ut sint simpliciter indispensabiles, in quo actuum genere est idololatria: Item actus medii, qui neque imperantur, neque prohibentur, in quo genere sunt ritus quidam Ecclesiastici pro circumstantiis mutabiles. Est tertium quoddam genus actuum qui lege generali prohibiti sunt, ita tamen ut actum semota malitia præcipere possit DEVS præcepto speciali, ut patet ex lege Leviratus, & ex mandato quo iussus est *Abraham* mactare filium suum; & quo iussi *Israelita* spoliare *Ægyptios*.

II. Majoris igitur istius Propositionis vis tota huc redit, *Religiosè adorare coram mera aliqua creatura, Idololatria videtur*.

III. Certe non solum videtur sed revera est idololatria religiosam adorationem transferre in meram creaturam. Propositio igitur sic erit confirmanda; *Transferre religiosam adorationem in meram creaturam est idololatria: at religiosè adorare coram mera creatura est transferre religiosam adorationem in meram creaturam: Ergo, religiosè adorare coram mera creatura, est idololatria*.

IV. Si aliquis excipiat non affirmari in propositione illa quod sit idololatria, sed tantum dici quod idololatria videatur; facile occurritur; nam si rectè sentientibus videatur idololat

idololatria, haud dubiè est idololatria. Si autem errantibus tantummodo videatur idololatria, nec sit tamen, corrigendus ac relinquendus est error, mentesque melius informandæ. Propositio igitur illa, si ullarum sit virium, est intelligenda per affirmationem absolutam, viz. quod sit Idololatria.

V. Sin autem dicas multa sæpe in se non mala, relinquenda tamen & omittenda esse propter speciem mali, ne infirmis ponatur scandalum, concedo equidem in rebus indifferentibus, si sit scandalum datum, ut loquuntur, & non tantummodo acceptum. At Idololatria non est res indifferens, sed simpliciter prohibita: ita autem argumentaris contra Genucationem in sacra Cœna ac si esset Idololatria, non autem res indifferens. Nam si sit res indifferens, quid dubitamus debitam Ecclesiæ eam præscribenti reverentiam exhibere? Quum absit omnis superstitio, neque ullum hinc libertati Christianæ existat præjudicium, neque ullum hic inveniatur tam magnum scandalum quam contemnere Ecclesiam & schisma facere propter rem hujusmodi indifferentem, & altare contra altare erigere, teque ab Ecclesiæ orthodoxæ cui subes & in qua degis communionem segregare, adeoque teipsum ab Ecclesia extorrem facere, & excommunicationis sententiam contra teipsum hoc pacto pronunciare, aut saltem, quod insolentius & fastuosius est, Ecclesiam orthodoxam cui subes excommunicare propter rem indifferentem. Si vero sit res per se illicita, ne Angelus quidem è Cœlo veniens audiendus est, si eam dicat usurpandam.

Vide lib. 2.
cap. 19.
part. 3.

VI. Redeo igitur ad Propositionis illius prosyllogismum supra positum §. 3. cujus prosyllogismi majorem libenter concedo. Ejus autem minor eget explicatione: minor est; *At religiosè adorare coram mera creatura, est transferre religiosam adorationem in meram creaturam*. Certè transferre religiosam adorationem in meram creaturam, est religiosè adorare meram creaturam; neque dici potest translatio religiosæ adorationis in creaturam, nisi ipsa creatura religiosè adoretur.

VII. Propositionis igitur istius oportet hunc esse sensum,

Religiosè adorare coram mera creatura, est religiosè adorare ipsam meram creaturam. Quæ propositio non est universaliter vera. Instantiam habes de Altari DOMINI, 1. Reg. 8. 54. De Scabello pedum DOMINI, De Arca Fœderis, Psalm. 99. 5. & Psalm. 132. 7. & 1. Sam. 6. 14. 15. & 2. Sam. 6. 13. 17. De Domo DEI, seu Templo Hierosolymitano, Ezech. 10. 1. Quemadmodum & nos hodie quocunque in loco simus, amoris jam umbris illis typicis, oculos manusque attollimus in Cœlum, ibique habitantem DEVM adoramus in spiritu & veritate, sicuti nos instruunt sacræ literæ; nec tamen Cœlum adoramus. Item alio sensu, David vota sua DEO reddidit, offerens Sacrificia Eucharistica coram universo populo, Psalm. 116. 14. 17. 18. Et Paulus Apostolus sumpto pane gratias DEO egit coram omnibus cum eo navigantibus, Act. 27. 35. Nec tamen aut David populum, aut Paulus navigantes, adoravit. Sic alio atque alio sensu, Elias Propheta oravit coram Populo, coram Altari, coram Sacrificio, & coram DEO, quem solum adoravit, 1. Regum. 18. Populus Israeliticus adoravit adoratione religiosa, coram Mose & Aarone, Exod. 4. 31. Hodie multi publicè testantes poenitentiam, procidunt in genua & religiosè adorant coram Ministro, stante in Exedra, neque tamen aut Ministrum, aut Exedram adorant, sed solum DEVM. Qui ad Officium Pastorale, accipit manuum impositionem, cæteris jam stantibus, aut sedentibus, ipse manet genibus innixus donec ordinatio peragatur: neque tamen aut hominem ordinatorem aut ejus manus, aut ullam meram creaturam adorat. Baptizandus aut baptizandum offerens, se humiliat & orat DEUM ut Baptismum illum ei faciat salutiferum in vitam æternam, nec tamen adorat aquam aut pollubrum ante quæ prosternitur. Dormiturus aliquis procidit in genua & orat coram lecto: pransurus adorat coram mensa, cibisque appositis: neque tamen aut ille lectum, aut iste mensam cibisve adorat. Si quis pernicioso morbo laborans nullum videat nisi extremum quoddam superesse remedium, quod illum vel sanabit, vel majori cumulabit incommodo, idque metuens æger cupidus sanitatis, si adferente

ferente potionem medico, precipitat in genua, implorans DEI benedictionem, eodemque servato corporis situ animique devotione poculum in manum sumat, & liquorem bibat, coque epoto permaneat aliquamdiu adhuc orans & adorans; nemo sanus dicet ab ægrio isto adorari medicum, aut poculum, nam solum DEUM adorat, licet aliquo sensu coram medico adoret, nec minus coram poculo dici possit æger iste adorare, quam communicans adorare coram pane. Sic in Sacra Cœna communicantes non solum initio coram mensa appositisque elementis in genua procidui adorant DEUM, ejusque misericordiam & benedictionem suppliciter implorant, verba faciente Pastore Ecclesiastico, sed memores magni beneficii, magnique periculi, permanent in eadem mentis devotione corporisque humiliatione etiam dum cœnant, & aliquamdiu etiam post cœnam: id quod in hac cœna eo congruentius & commodius fieri potest, quia tota spirituali refectioi destinata est, & brevi tempore peragitur, neque ejus vel epulationi vel sermocinationi conviviali ullum adfert gestus iste, impedimentum.

VIII. Propositio igitur ut vera esse possit, erit adhuc limitanda in hunc modum; Religiosè adorare coram mera aliqua creatura ita ut creaturam illam facias religiosè adorationis objectum in se & per se, ita ut creatura illa adorationem terminet, sive eam propter se adores, sive propter aliud, (sicut propter regem adoratur legatus, &c.) sic, inquam, adorare coram mera creatura, est religiosè adorare meram creaturam, adeoque est idololatria, qualis erat illa tharificatio facta serpenti æneo, qualis etiam est Ethnica & Papistica imaginum, item crucis, & reliquiarum adoratio. vid. 7. Synod.

IX. Sic autem explicata primi argumenti propositione majore, accedo ad minorem. Minor primi argumenti nititur falsa hypothesi. Non enim proponitur panis ut vel ipse adoretur, vel coram eo fiat adoratio ita ut panis sit adorationis objectum, &c. Quomodo fit in exemplis abs te allatis. Nam & antequam adferatur ad aliquem panis, & post manducatum panem, & dum accipitur panis, nihil est corporis humiliatio, & adoratio, quæ nunquid rigere pa-

Vide etiam
Concil. Tri-
dent. Sess. 23.
cap. de Invo-
catione, &c.
Et Bellarm. de
Imaginibus,
cap. 12. 20.
& seqq.

Ad primæ
Aporiæ pro-
positionem
minorem.

nem ullo modo, ne actu quidem externo, dirigitur. Idem-
 que de poculo verum est. Sed humilis iste gestus geni-
 culationis est indicium devotionis & reverentiæ erga DEUM
 jam propius quodammodo accedentem cum pretiosissimo
 dono quod nobis confert: est etiam non incongruus
 gestus precantis, & sedulo ad DEVM clamantis, ut
 eum faciat dignum convivam. Quemadmodum & in
 ordinationibus ministrorum, quando ordinatus genibus in-
 nixus accipit codicem sacrum è manu ordinatoris, non ado-
 rat vel hominem ordinatorem vel codicem sacrum, sed
 DEUM intuetur, in cuius Nomine ordinatur, & quem
 etiam novit esse peculiari modo præsentem, actionemque
 moderantem, officiumque conferentem. Sic in civilibus
 qui scyphum aut munusculum aliquod accipit è manu Re-
 gis, id facit in genua procidens, non adorans scyphum
 aut munusculum, neque coram scypho aut munusculo ado-
 rans, tanquam adorationis objecto, nullo enim modo ad
 ista dirigit suam adorationem, sed solum regem adorans.
 In Coena autem Rex noster seipsum spiritualiter donat no-
 bis, ideo licet non ad externum ministrum aut externum
 symbolum ullo modo dirigatur adoratio, rectè tamen ado-
 ratur à nobis & donans & ipsum donum spirituale, id
 est, DEUS redemptorq; noster IESUS CHRISTUS.
 Nihil simile habet cultus imaginum vel coram Imagine,
 item Thurificatio facta serpenti æneo, & cultus reliquia-
 rum, &c.

*Ad secundam
 Aporiam.*

X. Hinc evacuatur secundum argumentum ut alienum
 à proposito. Quis nostrum unquam ista defensione usus
 est? non respondemus nos coram pane adorare; (etiamsi
 id etiam sano aliquo sensu dici possit, sicut ostendimus su-
 pra, §. 7.) sed dicimus nos DEUM adorare, quando
 jam accepturi sumus, & quando accipimus, & postquam
 accepimus sacra ista & tremenda mysteria: DEUM oran-
 tes ut ad salutem, non autem ad damnationem nobis cedat
 illa acceptio: ei que de immensa benignitate gratias toto
 corde agentes, mortemque DOMINI cum gratiarum
 actumodo olentes & annunciantes.

XI. Item

XI. Item tertium, non enim dirigitur ullo modo adoratio ad symbola sacramentalia; neque ea quisquam vel voce vel gestu compellat, dicens, *Tu es Pater, aut Salvator meus.* Quomodo idololatræ dicebant stipiti, *Tu es Pater meus.* *Es.* 44. 17. & seqq: quod soli D E O dicendum fuit: quandoquidem per Patrem, intelligebant D E V M.

*Ad tertiam
Aporiam.*

XII. Quartum etiam proles est falsa illius hypotheseos: uti etiam patet ex responsione ad argumentum tertium, ubi ostenditur modus idololatriæ qui non invenitur in Cœna. Præterea, neque sicut imagines aut reliquias adorant Papistæ, adoratur à nobis Panis in Cœna: Imò nullo modo adoratur.

*Ad quartam
Aporiam.*



CAPVT II.

De Mensa Dominica.

Respondetur ad quintam Aporiam, qua obijcitur prorsus everti usum Mensæ, per morem qui nunc usurpatur.



MENSA Cœnæ inservit, non Cœna Mensæ. Ideo Cœnam simpliciter quærimus, Mensam autem non propter se, sed propter Cœnam adhibemus: eaque utimur quantum necesse est aut expedit pro commoda et decora distributione et perceptione Cœnæ. Vnde ipsa Cœna metonymicè Mensæ appellationem sortitur. 1. Cor. 10. 21. nam certè non Mensæ, sed Cœnæ, propriè loquendo, sumus participes. Omne autem illud in quod deponitur Cœna, accipit appellationem Mensæ, sive sit Tabula, sive genu hominis, sive etiam ipsius manus, notum est illud, *Hæc etiam*

*Ad quintam
Aporiam,
De Mensæ.*

Mensas consumimus. Si clinico sit Cœna administranda, qui non possit ad aliquam usitatam Mensam manum porrigere, sed

Encl. 7

symbola illi in manum aut fortasse etiam in os exhibenda: dicemus ne quicquam illi deesse ad integritatem aut essentiam pertinens Sacramenti? Cœna facit Mensam, non Mensa Cœnam. Particeps Mensæ tuæ est qui de tuo cœnat, porro Mensæ usus est non solum ut Cœnam sustentet, sed etiam ut ordine ac decenter sedeant, et cœnent convivæ: quamvis convivor singulis fortasse seorsum, sive apponat, sive in manum tradat quod cœnent. In sacra autem Synaxi Mensæ adhibentur, tum ut sustentent apposita Symbola, quando ea opus est deponi, tum etiam ut ordine ac decenter disponantur convivæ: quomodo etiam in viridi gramine sedere voluit DOMINVS illos suos hospites, quos aluit paucis panibus et piscibus, *Marc. 6. 39. et seqq.* Etiam in epulis humanis quædam fercula non apponuntur, sed viritim ab architriclino distribuuntur, et scyphi multis in locis non collocantur in Mensa, sed in manus tantummodo traduntur: quum tamen partem faciant convivii. Nempe agitur prout alimenti cuiusque ratio et decorum postulare videntur. Cœnæ autem DOMINICÆ ea est ratio, cum non constet copioso apparatu externo, neque carnis operosæ refectioni destinata sit, (domi enim edere et bibere jubetur, qui corporaliter esurit aut sitit, *1. Corint. 11. 22.*) ut non indecorè, imo fortasse congruentius subserviat Diaconorum opera transferendo vasa elementis referta, aut ea circumgestando, quàm Mensæ adhærentia trahendo aut propellendo tanta celeritate: sicut fieri necesse erit in frequenti communicantium cœtu.

C A P.



CAPVT III.

Respondetur ad sextam Aporiam ;


De communione inter populum, ubi de patina,
& distributione Panis.



EXTUM Argumentum nititur
falsa definitione communionis: quæ non
in eo sita est, ut multi in eandem pati-
nam imponant manus, aut quisquam
Communicantium in ullam patinam im-
ponat manum; neque ut alii aliis panem

Vide Lib. 2.
Cap. 16.
Part. 3.

porrigant: nihil enim istorum legitur in institutione divi-
na: sed in eo, ut omnes unius panis simus participes, si-
cut docet Apostolus, 1. Corint. 10. 17. Immo frangere &
dare panem actiones sunt sacramentales, ad solum mini-
strum seu pistorem pertinentes, ut patet ex institutione:
convivis autem nihil aliud imperatur nisi ut accipiant & co-
medant in recordationem DOMINI. Et DOMINVS
Panem quidem Discipulis dedisse dicitur, non autem dicitur
Panem eis apposuisse, aut transmisisse.



C A P V T IV.

Respondetur ad septimam Aporiam, De Exemplo Christi & Apostolorum, §. 1. 2. Ostenditur nullum peculiarem gestum esse huius Sacramento essentialem, §. 3. Regula gestus, §. 4. Examinatur & discutitur argumentatio à gestu quousus esse legitur D O M I N U S in celebratione Paschatis, §. 5. 6. 7. 8. 9. Vbi de argumentatione à verbis illis D O M I N I, hoc facite, in fine §. 9. De necessitate & libertate gestus, §. 10. 11.

I.



1. Corinth. II.

U O D autem exemplum C H R I S T I & Apostolorum attinet; quid ibi habuerit rationem exempli necessario imitandi, melius nos docebit Apostolus Paulus, quam hominum conjecturæ. Ille autem repetens institutionem, ejusque diligentem observationem Corinthiis commendans, nullius istorum facit mentionem, de quibus tantas hodie turbas cient homines zelo quidem ferventes, at non secundum cognitionem. Non fit quidem expressa apud Paulum mentio quod panem fractum dederit Discipulis suis, sed id expressè in Evangelicis narrationibus commemoratur: & erat omnibus ita nota ea actio, ut facilè ex textu Apostolico colligi posset. At ne in ipsis quidem relationibus Evangelicis fit diserta ac peculiaris mentio quo gestu acceperint Discipuli Sacramentum è manu D O M I N I. Certum est jacentes sive recubantes comedissee Pascha, Luc. 22. 14. Ioann. 13. 23. Sed unde scis, an non mutato gestu acceperint Eucharistiam? Præsertim quum intervenerit etiam gratiarum actio, & benedictio solennis. Sed fac in eodem situ permanisse, non tamen inde coguntur aliarum gentium Christiani suum

suum consuetum cœnandi morem mutare. Neque id impedit etiam quo minus, si expedire judicent, gestum mutant in ordinariis Cœnis secularibus: adeoque etiam in hac Cœna sacra. Quid igitur obstat quin possit Ecclesia aliqua uti eadem libertate mutandi situm corporis in sola Cœna DOMINICA, quam non denegant ei Cœnis civilibus, & simul in ista sacra? Præsertim cum gestum in prima Paschatis celebratione usurpatum posterius mutasse videantur: neque à posterorum illorum consuetudine recesserit CHRIS-
TUS; quippe non tam gestus, quam gesta respiciens & curans. Non habebit, inquit, speciem Cœnæ. Imo non solum speciem, sed & essentiam Cœnæ habebit perfectam & integram: non enim gestus, sed epulatio facit Cœnam; ut in Cœnis clinicorum & viatorum, & aliorum multorum manifestum est. Et cuius, obsecro, speciem habet, si non Cœnæ? Non certe sacrificii, neque commensationis temulentæ, neque quicquam refert nisi Dominicam Cœnam, & Dominicos convivas, ad Mensam Dominicam.

Vide Lib. 2.
Cap. 16.
Part. 4.
Num. 1.

II. Ad hæc, quod Evangelistæ narrant Dominum Discipulis Pascha comedentibus cœpisse instituire Cœnam, id Apostolus Paulus non ad situm corporis, neque ad patinam Mensæ adhærescentem, sed ad tempus refert, ut intelligamus institutam esse Cœnam ea ipsa nocte qua Dominus passus est, & quidem inter celebrationem Paschatis (cui statim Cœna successit) & agoniam Domini. Neque tamen huic Sacramento essentiale est ut vel tantummodo illa nocte quotannis recurrente, vel omnino illa nocte, Eucharistiam hanc celebremus.

III. Porro sic argumentor; quicquid est alicui sacramento essentiale, illud vel in ipsa illius Sacramenti institutione, vel alibi in Scriptura sacra ubi irrefragabiliter de illo Sacramento sermo est, expresse ponitur. At neque in sanctæ Cœnæ Domini institutione, neque usquam alibi in sacra Scriptura ubi irrefragabiliter de hoc Sacramento sermo est, expresse ponitur ullus determinatus gestus: ergo nullus determinatus gestus est huic Sacramento essentialis. Cui autem nullus gestus est essentialis, ejus essentiam nullus ge-

Nullus peculiaris gestus sacrae Cœnæ essentialis.

stus tollit, neque ullus gestus ei essentialiter repugnat.

Major patet inductione aliorum Sacramentorum, viz. Circumcisionis, Paschatis, Baptismi. Minor manifesta est inductione locorum Scripturæ in quibus irrefragabiliter de hoc Sacramento sermo est, viz. *Matb.* 26. 26. et seqq. *Marc.* 14. 22. et seqq. *Luc.* 22. 19. 20. et *1. Cor.* 11. 23. et seqq. aut si quis est alius locus in quo perspicuè & irrefragabiliter de hoc Sacramento sermo est.

Ergo, firma stat conclusio.

IV. At hinc licebit, inquires, cachinnantem, aut nudum, aut faciem indecorè torquentem, aut saltantem percipere Eucharistiam.

Respondeo, non sequitur istud ex nostra conclusione: semper enim memores sumus, & meminisse oportet, positas esse in Scripturis sacris quasdam de usu rerum indifferentium regulas generales, nunquam negligendas: nempe;

Regulæ gestus.
Rom. 14. 19.
1. Cor. 14. 40.

1. Ut sectemur quæ ad pacem faciunt. 2. Ut ea quæ ad mutuam ædificationem. 3. Ut omnia decenter fiant. 4. Ut omnia secundum ordinem fiant. Quibus regulis observatis reliqua omnia in rebus indifferentibus sunt libera.

Obiectio,
A gestu adhibito in celebratione Paschatis.

V. At dices, quamvis non expressè ponatur aliquis gestus in sanctæ Cœnæ institutione, posse tamen determinatum gestum eumque Cœnæ essentialem colligi ex sacris literis, nempe ex narratione Evangelica de Paschatis celebratione, cui mox successit, absque ulla gestus mutatione in sacris literis memorata, institutio Cœnæ: expressè enim dicitur, quod in celebratione Paschatis DOMINVS discubuerit [ἀνέπεσε] & duodecim Apostoli cum eo, *Luc.* 22. 14. quod recubuerit [ἀνέκειτο] cum duodecim, *Mat.* 26. 20. Vnde argumentum tale erit; Cujus expressa fit mentio in describenda illa Dominica celebratione Paschatis, neque expressè mutatum esse memoratur in describenda institutione Cœnæ, illud est Cœnæ essentialē: at discubitus seu recubationis fit expressa mentio, &c. Ergo.

Responsio.

VI. Respondeo. Nego maiorem, neque probari ullo potest argumento idoneo; imò introducit multa absurda,

VIZ.

videlicet, essentielle Cœnæ esse ut soli viri sint convivæ, & quidem numero tredecim, & in superiori aliquo cœnaculo, & vespere, & in urbe aliqua, etc.

VII. Dices aliam esse in istis atque in gestu rationem.

Object.

Resp.

Respondeo. Ista rationis diversitas, si qua sit, inseri debet propositioni majori, ut esse possit major universalis, ne existat paralogismus ex omnibus particularibus in prima figura: sic; *Aliquid expressum in celebratione Paschatis, quod non legitur mutatum esse in institutione Cœnæ, est Cœnæ essenziale. At discutitur seu determinatus quidam gestus est aliquid expressum, &c. Ergo. Ridiculè.*

VIII. Sed formabo, inquires, majorem universalem, in hunc modum; *Omne expressum in celebratione Paschatis, quod non est Iudaicum seu legale, nec mutatum esse legitur in institutione Cœnæ, licet in ea expresse positum non inveniat, illud est Cœnæ essenziale: at discutibus &c. Ergo.*

Object.

IX. Respondeo. 1. Si negem istam majorem, quonam confugies? Nego igitur majorem. 2. Per hoc argumentum agnosces gestum in celebratione Paschatis usurpatum non fuisse illi Sacramento essentielle, quippe qui non fuerit de Iudaismo, aut lege divina institutus. 3. Tale quippiam, quale in syllogismi istius majore deferibitur, non est Sacramento Evangelico essenziale propter ejus mentionem in celebratione Sacramenti legalis, quia ne ipsi quidem Sacramento legali, in cujus celebratione fit ejus mentio, essentielle est: neque quia non est Iudaicum, nam & ritus Gentilium non sunt Iudaici: neque propterea quod non existens Iudaicum commemoraretur in celebratione Sacramenti legalis, nam istarum duarum conditionum combinatio non sufficit ad hoc ut aliquid sit essenziale Sacramento Evangelico: sed necessario postulatur Evangelica institutio: quam de Gestu nondum vidimus. 4. Ut sint convivæ tredecim, viri, in Cœnaculo superiori, &c. Non sunt Iudaica, seu lege veteri instituta, sit autem eorum expressa mentio in celebratione

Resp. 1.

2.

3.

4.

5.

Paschatis; neque mutata esse leguntur in institutione Cœnæ, imò constat non esse mutata: quamvis de gestu nihil certi habeamus: non tamen sunt ista essentialia Sacramento Evangelico; ac ne ipsi quidem Sacramento legali. 5. Non est ideo aliquid Cœnæ essentialiale, quia in narratione institutionis ipsius Cœnæ fit expressa ejus mentio: ergo multo minus propterea erit aliquid Cœnæ essentialiale, quod fiat expressa ejus mentio in celebratione Paschatis. Antecedens patet ex primis verbis Evangelicæ narrationis, apud *Matthæum* & *Marcum*, [EDENTIBUS IPSIS] non est autem Cœnæ essentialiale, ut quis comedens inveniatur, dum accepturus est symbola Eucharistica. Quantos autem clamores tollerent isti? Si legeretur, [SEDENTIBUS IPSIS ACCIPIT, &c.] quæ tamen inanis esset vociferatio, ut patet. Imò quis nescit, quasdam fuisse in prima Cœnæ celebratione circumstantias, servientes quidem illi actioni pro tempore, at neque de Sacramenti, neque de institutionis essentia: neque Ecclesiæ ad necessariam imitationem propositas? Vt erant dies ille hebdomadis, hora vespertina, panis azymus, vinum (uti videtur) merum, cœnaculum superius, viri tredecim, & quidem soli, nulla præsentē muliere, quod sciamus, & quæ sunt hujusmodi. Et hinc certe puerilis convincuntur futilitatis, qui gestum essentialē probare nituntur ex illis DOMINI verbis, *HOC FACITE*.

Hoc facite.

Necessitas
triplex.

X. Necesse quidem est, ut aliquo gestu utantur communicantes; sed diligenter attendenda est hæc distinctio necessitatis: nam in hoc argumento intueri oportet triplicem necessitatem. *Alia est necessitas Sacramentalis; alia naturalis; alia moralis*. Sacramentali necessitate necessariae sunt ea quæ sunt de Sacramento ex institutione divina: adeoque sunt Sacramento essentialia, nam aliquid Sacramento ideo est essentialiale, quia illud DEVS ut de Sacramento esset instituit; siquidem essentia Sacramenti à divina institutione tota pender. Naturali necessitate necessariae sunt circumstantiæ, quæ propter naturam hominum ipsorumque elementorum, & actionum humanarum naturali-

ter

ter requiruntur, ut sunt locus aliquis, tempus aliquod, gestus aliquis, &c. Necessitate morali necessarium est ut scemur ea quæ pacis sunt, & ad ædificationem faciunt: item ut decenter omnia, et secundum ordinem faciamus.

XI. Primam necessitatem imponit institutio divina: secundam ipsa natura: tertiam lex moralis. Prima necessitas nullum gestum in sacra Cœna postulat: secunda necessitas requirit aliquem gestum, non tamen alligat ad certam speciem gestus, sed quemlibet gestum admittit: tertia necessitas memoratas regulas gestui præscribit, omnemque gestum excludit qui sit contra pacem et ædificationem, omnem etiam indecorum gestum prohibet, neque permittit ut ordinem negligamus. Reliqua de gestu in Cœna libera sunt. CONCLUDO Igitur; quicumque particeps factus fuerit Sacramenti, et rei Sacramenti, eum non indignè communicasse. Ritus autem illos de quibus nostrates discipulant, aio, esse indifferentes, et vel omitti, vel usurpari posse, prout, ordo, decorum, pax, charitas, atque ædificatio postulabunt.


Fundamentum triplicis necessitatis.

Necessitas gestus.

Conclusio.

D 2

CAP.



CAPVT V.

Incipit responsio ad octavam Aporiam, & ostenditur expedientia & necessitas obedientia, quandoque etiam non expediendi decreto §. 1. 2. proponuntur tres classes iustarum rationum per quas demonstraretur expediens iustumque esse decretam Synodi Perthenensis, de quinque articulis, §. 3. Explicatur prima classis ab intuitu Regis proponentis, et primo quidem describitur Rex ipse, §. 4. Deinde decem rationes adferuntur, quas ipse Rex inseruit sue Epistolæ, §. 5. Item octo rationes propositæ à decano Winconiensis in suo ad Synodum alloquio, §. 6. Conferuntur eam opposita exceptione, et docetur quibus sit imputanda culpa sequuti schismatis, iustæque decrevisse Synodum Perthensem. §. 7. 8. 9.

I.



SED fac, inquis, gestum hunc esse indifferens: Certè quum sit indifferens, potuit sine crimine fieri mutatio. Sed quia fugienda est omnis ejusmodi etiam in rebus mediis mutatio, quæ non tam utilitate adjuvat quam novitate perturbat, postulas ut monstretur tibi idonea mutationis hujus causa, nempe bonum quoddam, quod exsuperet, vel saltem æquet malam mutationem sequens, & hoc, inquis, non potest ostendi. Deinde ais, mutationi jam factæ meritò adhuc resistendum, tum propter infirmos, tum etiam propter inimicos. Tertiò, Ex hoc ipso quod indifferens ponatur, inferre non deberi imponi tanquam necessarium, sed plenam unicuique relinquendam esse iudicii & usus libertatem.

*Octava
Aporia.*

*Expedit &
expedit obe-*

II. Respondeo, 1. Etiam si in autoritate constituti decernant aliquid quod expediret potius non decerni, non tamen

tamen propterea expedit neque licet subditis superiorum decreta contemnere, & contra ea rebellare, aut eis obsequium negare, quamdiu quod præcipitur tale est in se, ut à subditis sine peccato præstari possit. At rectius fecissent, inquires, si tale decretum non condidissent. Esto, num inde sequitur te rectè facere, qui superioribus potestatibus nullum tibi peccatum imperantibus resistis? fac illos in officio suo imprudenter se gessisse, num propterea tibi fas à subjectionis officio recedere? illorum est officium leges sancire, tuum est obedire, illorum error non patrociniabitur tuæ contumaciæ. Observa tu regulas debiti obsequii, & tutus eris. Illi si non observarunt regulas iusti imperii, rationem reddent DEO de abusu suæ potestatis, quam tamen potestatem non tibi fas contemnere, propter quemlibet abusum. Expeditet fortasse hunc vel illum canonem non esse conditum, at certè non expedit ut canonem jam conditum subditus contemptim transgrediatur; quamdiu quod canone injungitur, non est contrarium legi DEI in sacra Scripturis revelatæ. Magis peccat subditus in tali casu Ecclesiam contemnendo, & debitam præpositis obedientiam denegando, quam synodus de relicta canonem non expedientem condendo. At facere debemus, inquires, quod expedit, & quod ædificat, & omittere illud quod non expedit, & quod non ædificat, etiam si sit alioqui licitum, 1. Corinib. 10. 23. Jam respondi; ex ista regula Apostolica sequitur synodum debuisse aliter decernere, si expediebat ut aliter decerneret, & indidem sequitur te synodi decreto in casu memorato obedientiam debere: nam in omnibus licitis Ecclesiam reverenter atque obedienter audire expedit, atque ædificat: rebellare autem, & turbas ac schismata pro rebus talibus excitare non expedit, non ædificat; sed ædificationi, & ordini, & paci, & decoro contrarium est. Hæc in Thesi.

III. Secundò accedo ad hypothesin. Et aio non defuisse Ecclesiæ SCOTICANÆ justas & idoneas causas condendi illos Canones, in Synodo *Pertbensi*, de quinque Articulis, ab augustæ memoriæ IACOBO Rege propositis,

dire quando-
que decreto
non expe-
dienti.

Tres classes
iustarum ra-
tionum decernit

ei Perthenſis,
quæ ejus æ-
quitate &
expedientiam
demonſtrant.

& quidem ejus momenti rationes, quæ omnibus illis incommodis, quæ mutationem ſequuta ſunt, longè præponderent: ſive Regem proponentem, ſive res ipſas propoſitas, ſive Eccleſiæ hujus, cui propoſitæ ſunt, fidem, & decus, & libertatem intueamur.

Prima rationum claſſis
ab intuitu Regis articulos
proponentis.

Regis I A-
C O B I vera
deſcriptio.

IV. Rex nobis erat, omnium, quos Sol unquam adſpexit, principum Chriſtianorum, veri purique Chriſtianismi calentiſſimus & ſtudioſiſſimus, reformatæ religionis adeoque verè Apoſtolicæ & Catholicæ fidei longè lateque propagator diligentiſſimus, ac deſenſor conſtantiſſimus, per innumeras tentationes, crebraſque inſidias coronæ vitæque ipſius ab inſenſiſſimis hoſtibus ſtructas, patriæ ſuæ pater amantiſſimus, quo prudenter per DEI gratiam procurante, & fœliciter regnante, ſederunt cives noſtri, unusquisque quaſi ſub ficu ſua, & ſub vite ſua, laudantes D O M I N U M D E U M de tam beata & religioſa tranquillitate. In exteris quoque nationibus reformatæ Eccleſiæ de tam pio prudentique nutricio, nobis & ipſis cœleſti munere conſeſſo, vehementer gaudebant; eumque ut Angelum DEI lætæ complectebantur. Nam ad eas quoque piam ſuam ſolicitudinem & opem extendebat. Ipſi inimici eum admirabantur attoniti. Huc præcipuè omnem ſuam curam, omnia ſua conſilia conferebat, ut religio incorrupta, & in pace ſemper floreret. Decorem domus DEI toto pectore dilexit: & ſedulo operam dedit, ut in Eccleſiis omnia congruenter ſcripto DEI verbo, decenter & ordine & ad ædificationem peragerentur. Pacificus erat, &, quod in maximis principum encomiis ponitur, erat omnium mortalium (illæſa juſtitia) clementiſſimus adeo ut noſtrarium hominum importuna moroſitate, (ne quid gravius dicam) contra quam oportuit, ſæpe provocatus, maluerit ultro ignoſcere, quam agnoſcere, & ſuorum infirmitates paterna commiſeratione diſſimulare, & lenitate ac longanimitate eas, ſi fieri poſſet, ſanare, quam judiciaria ſeveritate compeſcere. Quamvis juſtus dolor, & nimium læſa patientia nonnunquam voces illi queribundâs expreſſerit.

Prov. 20, 28.

1.

2.

3.

4.

5.

6.

7.

V. Hic erat ille Rex, qui nostris hominibus, subditis suis, Articulos illos quinque proposuit, idque non mero impetio, sed gravissimis utens rationibus, quas Regia sua ad *Perthenses* patres epistola complexus est. *Vna erat*, Rex erat, quo jure igitur subditi ei licita, imo ad pietatem utilia, & convenientia postulanti possent obedientiam negare, sine manifesto contemptu ordinationis divinæ. *Alia erat*: res ipsæ propositæ non solum licitæ, sed & irrefragabiliter convenientes & utiles sunt ad promovendam in Ecclesia nostra pietatem & religionem, adeo ut Pastores Ecclesiasticos decuerit ea exposcere potius, quam impedire. 3. Eas olim passus erat Rex à nostratibus ministris indignissimas contumelias, quæ cujuscumque principis animum ab ipsa professione & religione nostra alienissimum reddidissent, nisi DEI & veritatis amor ipsum per DEI gratiam sustinisset: hæc ipsius patientia, & veritatis adversus insensissimos hostes, per multa pericula, constans defensio, meliores à parte nostra fructus elicuisse debebant, quam contumacem resistantiam, et perpetuam oppugnationem optimorum ipsius consiliorum. 4. Dent igitur operam ne ulterius irritetur, id quod ipse Rex operatur. 5. Caveant etiam ne illa divina veritas, quam ipsi profitentur, de obedientia exhibenda principatibus ac potestatibus, diutius negligatur, et contumeliis exponatur, per quorundam insaniam, qui sub speciosa fucatæ sanctimonix larva inordinatè incedunt; se in hoc suo magistratus contemptu et inobedientia, veluti junctis dextris, associantes eis qui primarii sunt papismi sufflaminatores. 6. Etiam si Rex ipse ratione officii sui regalis, ad quod à DEO vocatus est, potestatem habeat etiam non expectato consensu synodi nationalis, disponendi res externas in Ecclesia, easque subditis injungendi, prout eas judicaverit convenientes et utiles ad promovendum inter subditos suos veram religionem; maluit tamen Rex experiri viam synodicam ut communi consensu omnia procederent, id quod Regi exoptatissimum. 7. Laicorum animis contra postularum obsequium nullus inhaeret scrupulus, nisi is sit à ministris Ecclesiasticis, contra quam oportuit, suggestus, aut

8. *fotus; ideo prorsus inanis est quorundam ministrorum prætextus, quem afferunt, de non scandalizandis laicis.* 8. Sicut nos (inquit Rex *IACOBUS*) charitate & solitudine nunquam vobis defumus, ita ex animo cupimus, ut vos quoque, in præstando tam justis nostris postulatis humili obsequio, non inferiores inveniamini aliis nostris subditis in quolibet regnorum nostrorum. 9. Zelum autem domus *DEI*, & sincerum promovendæ & propagandæ pietatis & veritatis studium, fuisse ei præcipuum ad horum articulorum prosecutionem incitamentum, Rex *IACOBUS DEVM* testatur. 10. Deinde hortatur patres synodicos, et seriis precibus *DEVM* suppliciter orat Rex, ut ipsi quoque zelo domus *DEI*, et sincero promovendæ ac propagandæ pietatis et veritatis studio ducantur, utque ea faciant quæ ad promovendum *CHRISTI* Evangelium maximè conducant.

Rationes
à D. Innio
facellano Re-
gio propo-
sitæ.

- VI.* Hæ sunt præcipuæ rationes quæ in regis literis inveniuntur. In fine autem illius epistolæ monet mandatis Regiæ suæ majestatis instructum venire Decanum *Wintoniensem*, ipsius Regis missu, ideoque jubet fidem ei adhiberi. Idcirco & illæ rationes hic adjungendæ videntur, quas memoratus Decanus in suo ad Synodum alloquio in medium attulit. 1. Unica quidem vera et optima, omnibusque seculis usitata, ad extirpandum errores et hæreses, et ad elucidandam veritatem, ordinemque in Ecclesia constituendum, via, est synodica; at serio orandum, et vigilandum, ut Spiritus sancti ductu Synodus sapienter se gerat. 2. Meminisse debent patres Synodici se subjectionem debere principatibus et potestatibus, eisque morigeros esse debere, et promptos ad omne opus bonum. (*Tit. 3.*) Dent igitur operam, ne, per quorundam turbatorum animositate, patiantur hac fæda macula contaminari Ecclesiam nostram, ac si Magistratus auctoritatem defugeremus, atque in hoc cum Papatus columnis conspiraremus. 3. Cavendum ne religiosissimo Regi hanc inferant ignominiam, ut ejus auctoritatem et piam prudentiam ad componendas tum civiles tum Ecclesiasticas dissensiones, ab omnibus alijs

aliis ejus subditis, & ab omnium etiam exterarum gentium Christianis Catholicis tantopere expertam, honoratam, & admirationi habitam, SCOTI nativi ejus subditi contemnere videantur; præsertim verò Ministri Evangelij, qui aliis piæ obedientiæ exemplo anteire debent. 4. Illud etiam cavendum, ne sapientissimo Regi suo veræ Religionis constantissimo & sincerissimo defensori, Patriæ suæ Patri amantissimo, eam maculam aspergere videantur, quasi subditos suos ad superstitionem aut idololatriam adigere conetur, eo quod postulet ut DEO humiliter genua flectant, in præstando illo maximo devotionis actu; atque ita hostibus veritatis, & propter veritatem Regis hostibus ansam præbeant calumniandi & blasphemandi. Diligenter igitur devitent hoc periculosum, notorium, & latè patens scandalum. 5. Aliud etiam scandalum ameliendum, quo offenderunt alias reformatas & florentes Ecclesias, per argumenta illa propter quæ articulos propositos nondum admisisse visi sunt. 6. Verendum etiam atque etiam quo exeat patientia Regis sapientissimi tam sæpe læsa; & cavendum, ne cæca sua obstinatione iram DEI provocent contra hanc Ecclesiam, ac justo DEI judicio asperiora subire cogantur imperia, si jam felix hoc visitationis suæ tempus agnoscere neglexerint, & longanimitatem immensamque benignitatem DEI, & tam benigni clementisque Principis contemnant. 7. Neque est quod jam prætendant metum offensionis quorundam de populo SCOTICO, nam præterquam quod tali timori longè præponderare debeant argumenta superius allata, & pastorum sit oves suas in rectam viam ducere, non ab ovibus de recta via abduci; istius etiam timoris nulla jam haud dubiè causa superest, si Pastores, ut decuit, greges suos de harum rerum natura & mutabilitate, & de quæstionis præsentis statu, sapienter ac fideliter informarunt; id quod se facturos tum Regi coram promiserunt; tum etiam postea in nationali Synodo SANCT-ANDREANA id ipsum sanxerunt. 8. Denique sicut Naamanis servi Hero suo dixerunt,

fic Pastores nostrates cogitent, si optimus Princeps noster majora istis exigeret, quamdiu cum DEI revelata voluntate consisterent, eique nullatenus repugnarent, (alioqui certè juxta regulam Apostolicam, oportet parere potius DEO quam hominibus) annon & ipsi se ad obediendum paratissimos exhiberent, & alios ad promptum obsequium præstandum sua doctrina & exemplo adducerent? Multo magis igitur, quando postulat ab illis pauca hæc necessaria, & expedientia ad gloriam DEI, ad promotionem pietatis inter SCOTOS, & ad hoc ut, debiti honoris exhibitione, Principi suo non iniqua postulanti satisfaciant, ad hoc denique ut in Ecclesiis nostris Ordo, Pax, Unitas, Charitas, feliciter sanciantur. Hæc sunt præcipua argumenta, quæ à sacellano Regio allata sunt,

Ratio inveni-
bilis.

VII. Entibi Regiam Majestatem non solum Gladij gestamine splendide decoratam, sed etiam rationum munimine valide armatam, ac denso argumentorum agmine stipatam, cujus intuitu Patres Synodicos decuit suscipere illos quinque Articulos, quia nihil erat quod ex adverso opponerent, nisi cui tantæ actualis Majestatis intuitus, in tali negotio apud æquos rerum æstimatores immentum præponderat.


De palmaria
resistentium
objectione,
sumpta ab of-
fensione im-
peratorum.

VIII. Palmaria illa objectio, de offensione imperitorum, tum à Rege, (rat. 7.) tum à Decano, (rat. 7.) occupata & evacuata est. Certè ista offensio alio convenientiori modo devitari potuit, ac debuit, quam per multorum graviorum scandalorum inevitabilem dationem. Nulli de plebe horum Articulorum susceptione offenderentur, si Pastores facerent officium, & erroneas persuasiones imperitorum animis non infererent, neque foverent, sed veraci prædicatione greges suos, & de rerum istarum natura, & de Ecclesiastica ac Regali autoritate, & de privatorum subditorumque officio, ac necessario obsequio, & de scelere rebellionis, contumaciæ, & Schismatis, ex sacro DEI Verbo, sincerè ac seriò edocerent. Hoc ita esse, & Schismatis hujus culpam penes quosdam immo-
rige.

rigeros & procaces, aut saltem imperitos Ministros residere, neque quemquam de populo offendi nisi ipsorum vitio, clarissime testatur quotidiana experientia, & res ipsa clamat. Neque prætendunt quicquam resistentes laici, nisi vel persuasionem quandam de rebus ipsis, quasi in se illicitis ac Legi DEI contrariis, adeoque simpliciter abominandis; & quod priorem consuetudinem mutare sit prorsus nefarium, neque Ecclesiæ licitum; quæ persuasio prorsus erronea, & sacris Scripturis manifestè contraria est, & hæretica: quam oportuit Pastores eximere eorum animis, non inserere: vel quorundam Pastorum (qui ipsis pii doctique videntur) obstinatam contradictionem & inobedientiam; quæ certè in Pastoribus Evangelicis erubescenda inscitia est, & prodigiosa protervitas, qua officium suum nec facere sciunt, nec discere sustinent.

IX. Sed ut hanc partem de intuitu Regis proponentis claudam, necesse est vel argumenta superius allata ostendas esse inania, solideq. refellas, (quod frustra tentabis) vel mecum ingenuè fatearis venerandam Synodum PERTHENSEM, intuitu Regis proponentis, habuisse justas et idoneas causas admittendi illos articulos à Rege propolitos.

Iustum
di deo



CAPVT VI.

De jure & authoritate Nationalis illius Synodi Ecclesiæ SCOTICANÆ, quæ PERTHI celebrata est
Anno DOMINI 1618. mense Augusto.

Probatur legitime congregatam esse, & legitime processisse Synodum PERTHENSEM, §. 1. Respondetur convicio, §. 2. Afferitur Synodi authoritas, §. 3. Objectionis, quod etiam legitima Synodus errare possit, §. 4. Ad eandem responsio, §. 5. Hortatio ad pios, §. 6.

I.



NTEQUAM verò ad rerum propositarum considerationem progrediar, mihi veluti manum injicit ipsa Synodus, ut ejus auctoritatem ab importunis seditiosorum quorundam calumniis vindicem. Mussitant nonnulli non fuisse eam legitimam Synodum. Quid, obsecro, ad constituendum, quoad externa, legitimam seu regularem Synodum necessarium defuit huic Synodo? Quæ religiosissimi Principis, & totius nationalis Ecclesiæ consensu, & auctoritate convocata, atque in Nomine DOMINI legitimè congregata est. Cujus convocationis, & congregationis hæc præcipua causa, hic finis fuit, ut propositioni Regiæ, de suscipiendis illis quinque Articulis, responsum, Verbo DEI congruentissimum, & Ecclesiæ SCOTICANÆ, pro tempore, convenientissimum, sincerè, coram DEO, & Synodicè redderent. Hunc in finem, post supplicationes, & conciones sacras de more habitas, audita est Regis propositio cum adjunctis, tum in Regis Epistola, tum in Decani *Wintoniensis* Exhortatione, rationibus: de ea seriò ac sincere deliberatum, auditis hinc inde argumentis, & bis terverelectis Regiis literis, quo clarius certiusque de statu quæstionis, & argumentorum utrinque allatorum pondere, aut levitate, facta diligenti collatione, omnibus constare posset. Ac tandem potioribus suffragiis definitum est articulos à Rege propositos admittendos esse.

II. Quidam contradicentium, in his angustiis deprehensi, ad profana convicia se convertunt, & per impudentissimas calumnias elabi conantur: Dicunt enim multos terrore, aut pollicitationibus victos contra propriam conscientiam suffragia dixisse. Atque ita, dum amorem contradicendi sequuntur, à quæstionum lineis exciderunt; more quorundam loquacium, qui cum disputare nesciant, tamen litigare.

litigare non desinunt: sicut loquitur *Hieronymus*, in Dialogo adversus *Luciferianos*. Respondeat audacissimis istis hominibus Apostolus *Paulus*, Tu quis es, qui condemnas alienum famulum? *Rom. 14. 4.* Vnufquisque nostrum de seipso rationem reddet DEO; ne amplius igitur alius de alio judicemus, *Vers. 12. 13.* Audiant Dominum dicentem; Ne judicetis, ut ne judicemini. *Matth. 7. 1.* Audiant rursum Apostolum *PAVLUM*; Ne ante tempus quicquam judicetis, *1. Corinth. 4. 5.* & *IACOBYM* Apostolum; Ne alij aliis detrahitte Fratres, *Iacob. 4. 11.* Tu quis es, qui judicas Proximum? *Vers. 12.* Quis istos homines constituit cordium scrutatores, & conscientiarum judices? O rem sacrilegam, & abominandum! Tu vide quid Patres Synodici decreverint; internum autem animi sensum DEO pervestigandum & judicandum relinque cordium scrutatori.

III. Legitimè autem congregata est, & legitimè processit Synodus quoad externa: (quod & agnoverunt cum Principe omnes Regni Ordines, in solenni illo & supremo Ordinum conventu, sive parlamento, habito Edinburgi, anno Dom. 1621. mense Augusto. Vbi ex omnium Regni Ordinum consensu suscepta sunt decreta Synodi Perthensis de quinque articulis, tanquam pia & salubria & legitimè a legitima Nationali Synodo condita: & lex civilis lata est, imperans omnibus subditis ut his Synodi decretis promptam obedientiam exhibeant:) & hoc ad autoritatem sufficit, & obedientiæ necessitatem; nisi justam invenias exceptionem in rebus ipsis quæ decreta sunt.

IV. Certè, inquires, Synodus etiam, quoad externa, regularis & legitima potest iniquum aliquid præscribere: propterea non absolutè obligant talis Synodi decreta.

V. Respondeo: Possibile est quidem ut talis Synodus aliquid injustum præscribat: at verò in tali casu non datur justa exceptio adversus ejus regularitatem, ac si non esset legitima Synodus, sed tantum adversus iniquitatem postulari obsequij, quia quando homines jubent nos facere quod

Obedientiæ
regula perpe-
tua.

DEVS nos facere prohibet, oportet parere DEO potius quam hominibus, Etiamſi alioqui ſubjectionem illis hominibus in omnibus debeamus. At nihil iſtiusmodi iunctum nobis decreto Synodi PERTHENSIS, ſed è contrario eam rectè iudicallè, juſtâſque & idoneas iudicii ſui rationes habuiſſe, partim ex ſuperioribus liquet, partim ex iis quæ ſubjiciam palam fiet.

VI. Rogo, interea, æquos rerum æſtimatores, pia & manſueta pectora, veros CHRISTI Diſcipulos, id eſt, veritatis & pacis nobis à CHRISTO tantopere commendatæ verè amantes, ut ſerò, coram DEO, cogitent, num poſt ſolennem Eccleſiæ & Reipublicæ conſentum, jam deceat ullum ſubditum, præſertim verò Evangelii Miniſtrum, ulterius contradicere: &, ingenioſa ad ſeipſum decipiendum perverſitate, frivolas quærere aut comminſci, aut ab aliquo ſufurrone ſuggeſtas arripere exceptiunculas: quibus fretus ſuam & aliorum quietem violet, Eccleſiæ pacem turbet, ejus unitatem rumpat, civium animos ad Schiſma & rebellionem ſolicitet, DEI ordinationi reſiſtat, Eccleſiam DEI contemnat, piorum animos contriſtet, erroneam doctrinam invehat, omnes reformatas Eccleſias ſcandalizet, Papiſtis riſum moveat, ſe eis, ut hominem fanaticum, & egregium reformatæ Eccleſiæ turbatorem, deridendum propinans, iram DEI contra ſe provocet, & ſequaces ſuos in eandem ſecum ruinam trahat. Dum in rebus iſtis à Synodo PERTHENSIS decretis nihil oſtendere poteſt, quod vel ſacris Literis, vel Catholicæ Antiquitati, vel Reformatarum Eccleſiarum doctrinæ, vel rectæ rationi repugnet: vel quod hiſce omnibus non ſit conſentaneum.



CAPVT VII.

Synodum rerum ipsarum intuitu rectè iudicasse, §. 1. Id ostenditur inductione & consideratione ipsorum quinque Articulorum, videlicet, Geniculationis, §. 2. 3. Dierum Fæstorum, §. 4. Catecheticæ educationis, & Benedictionis Puero-
rum, cum impositione manuum, §. 5. (Respondetur objectioni de Papistico abusu, §. 6.) Baptismi in privatis locis, §. 7. Communionis clericorum & vincetorum, §. 8. Conclusio, §. 9.

I.



I X I de intuitu Regis proponen-
tis: accedo ad res ipsas propositas: & aio
etiam earum intuitu Synodum rectè iudi-
casse. Nam res sunt omnes quidem lici-
tæ, & Ecclesiæ nostræ convenientes, quæ-
dam autem etiam necessaria. Id quod ex

*Synodum ip-
sarum rerum
intuitu rectè
iudicasse.*

ipsorum articulorum inductione & brevi consideratione
patebit.

II. Ipsa Cœnæ Dominicæ debita participatio est com-
memorativa mortis DOMINI, sicut patet ex ipsius
DOMINI & PAULI verbis: & hæc participatio
commemorativa, seu commemoratio participativa, est indi-
vulsè atque intrinsecè Eucharistica, non enim ingrata aut
stupida est commemoratio. Hinc Eucharistia nomen
huic competit Sacramento. [Καὶ ἡ τροφή αὐτῆς καλεῖ-
ται παρ' ἡμῶν εὐχαριστία. Id est, hoc autem alimentum
appellatur apud nos EVCHARISTIA, inquit Iustinus Mar-
tyr, in Apologia secunda, prope finem.] Est etiam hæc ac-
tio precatoria. Quid enim? Dum accipis è manu Pasto-
ris elementum, audiens illa verba, *Accipite, edite,
bibite; hoc est Corpus meum; hic est Sanguis meus: hoc faci-*

I.
**DE GE-
NICULA-
TIONE.**

**EVCHA-
RISTIA.**

te in mei memoriam: quæ verba à te exposcunt ut cum fide & grata CHRISTI recordatione hoc facias, an non in hanc sententiam responder, (certè respondere debet) cor tuum Domino, Domine credo hoc esse corpus tuum, pro me fractum; hunc esse sanguinem tuum, pro me fustum; habita Domine in corde meo; credo Domine, succurrere incredulitati meæ; gloria tibi Domine; O quanta charitas tua Domine Deus salutis meæ! lam autem omnis actio in cultu publico, ad Deum Prosphonetica & Eucharistica, est adorativa Dei, estq. pars religiosi illius cultus qui soli Deo debetur: nemo igitur ritè participat Sacramentum Cœnæ Dominicæ, nisi, dum participat, adoret Dominum nostrum Iesum Christum, adeoque indivisam sanctissimam Trinitatem, Patrem, et Filium, et Spiritum sanctum. Vides quanta et quam circumspècta devotio in hujus sacræ Cœnæ participatione sit necessaria, cui gestus quantò humilior, tanto erit convenientior: nempe prout populi excitandi ingenium, et requisitæ devotionis laudabilis ardor, et Ecclesiæ publicus ordo, et administrationis commoditas, aliæque circumstantiæ postulabunt, vel admittent.

III. Scis quid opponatur, videlicet, non licere geniculari in participatione sacræ Cœnæ, eo quod gestus hic sit adorativus, non enim licere adorare. At hoc posterius falsum est: imò oportet adorare: cum igitur actio hæc sit publici cultus pars, & publicè adorativa, sicut ostendimus, sitque ea auscultationis in hac celebratione brevitatis, (non sic in Concionibus) & corporalis refectionis parcitas, (non sic in Paschate) ac timorata devotionis, & devotæ gratiarum actionis necessitas, gestusque adorativi ea sit commoditas, ut neque attentionem in hac actione turbet, neque ministrationem epulationemve impediatur, sed attentionem devotionemque necessariam adjuvet, & acuat, & gravitati talis actionis bene conveniat, neque corporis valetudini officiat; certè, et licet, et convenit uti in hac actione gestu aliquo adorativo. Est autem Geniculatio gestus adorativus in sacris literis cōmendatus tanquam adorationi admodum conveniens, licet non semper necessarius. Hunc populi nostri

repor

Necessaria
est adoratio
Christi, in ipsa
participatione
sacræ Cœnæ.

Vide lib. 2.
cap. 4. num. 9.
& cap. 16.
part. 4. num.
1. 8. 9.

Gestus adora-
tivus conveni-
ens est cele-
brationi sacræ
Cœnæ, quia
necessaria est
adoratio.

tepor & torpor postulabat. Si qui autem sint ferventiores, eis proderit non cohiberi devotionis ardorem, sed concedi ut externa hac humiliatione zelus ipsorum se liberius exerat, & quasi ex angustiis sese dilaret. Præterea conveniens erat, ut consueti gestus mutatione, & hujus gestus approbatione, animi imperitorum erudirentur, & ipsorum conscientis libertas, *CHRISTI* Sanguine parta, assereretur, & docerentur non abhorreere à communione aliarum reformatarum Ecclesiarum, in quibus aut statio, aut geniculatio, aut transitio usurpatur; sed ut scirent se bona conscientia posse cum eis communicare, neque propter gestus diversitatem, quippe rem indifferentem, abstinendum esse ab earum communione. Rectè monet Episcopus *Brechinensis* gestum esse adorativum quod aperto capite in Cœna Dominica sedeant convivæ: quem tamen gestum nemo fratrum geniculationi contradicentium audet contemnere, aut negligere. Ex eis etiam, quæ jam diximus, patet quam sit ridicula illa quorundam objectiuncula contra Geniculationem, quam aiunt non esse gestum Mensalem, seu Mensæ convenientem. Nam ad hanc actionem gestus hic est Mensalis, id est, huic Mensæ bene conveniens, sicut ostensum est: neq; necesse est eundem esse in hac Mensa gestum, qui in Mensis adhibetur secularibus. Nam hujus convivii ab illis longe diversa ratio est. Vide Cap. 1. §. 7. et Lib. 2. Cap. 16. Part. 4. Num. 1.

IV. Illa autem insigniter excellentia, et nunquam obliviscenda DEI beneficia, nobis per *CHRISTI* natiuitatem, et passionem, et resurrectionem, et ascensionem, et Spiritus sancti missionem collata, solenni commemoratione, statis diebus, anniversariè in nostra Ecclesia celebrari conveniebat. 1. Quia id jam olim, ab ultima veterum Patrum memoria, toto terrarum orbe laudabiliter observavit universa quacunq; se diffundebar Ecclesia. 2. Quia horum quinque Capitum anniversaria et accuratior ex professo tractatio, et recurrens meditatio, est veluti quædam anniversaria Catecheseos Christianæ inculcatio, populo nostro ipsique clero admodum fructuosa. Nam etsi ea utiliter quovis tem-

Alia mutationis ratio, libertas conscientiarum, & pax Ecclesiarum.

Apertio capitis gestus adorativus.

Gestus mensalis.

II.
De diebus Festis.

Ratio 1.

2.

pore commemorari possunt, constitutio tamen certi temporis necessitatem imponit negligentioribus, et uniformitatem in Ecclesiis custodit, et populum facit ad discendum paratiorem: neque impedit quo minus aliis etiam temporibus commemorationes fiant. Quemadmodum assiduæ precationis officium non impediunt, sed adjuvant statâ precandi tempora laudabiliter, et fructuosè in Ecclesiis constituta. 3. Non repugnat sacra Scriptura, quæ Christianis prohibet dierum et temporum observationem *Iudaicam* et *Ethnicam*; sed non prohibet statâ eligere tempora quibus Christiani divina beneficia gratis animis & linguis opportunè & fructuosè commemorent: nulla hic est superstitio, neque ἐτεροθρόνησια, quia non mysticam aliquam sanctitatem diebus affingimus, sed salubri disciplina certos dies eligimus quibus sanctissima mysteria anniversaria celebratione recolamus. Ipsa quidem recordatione, et gratiarum actione *DEVS* colitur, at certi diei designatio non est de cultu *DEI*, sed ad Ecclesiasticam εὐμεξίαν, et ad disciplinæ commoditatem pertinet. 4. Eadem anniversariæ celebrationes ab aliis reformatis Ecclesiis ferè omnibus diligenter custodiuntur. 5. Etiam si non certo constet quo mense, et quo mensis die natus sit *CHRISTVS*, certum est tamen eum quodam certo die cuiusdam mēsis quotannis recurrente natum esse. De reliquis Capitibus noti sunt ipsi dies. Nos autem non celebramus divina illa beneficia propter dies, sed propter beneficia addicimus nos anniversariæ eorum meditationi & gratæ solennique commemorationi certis quibusdam diebus. Stultum verò esset, ac superciliosum, in delectu dierum, totius antiquitatis, & omnium reformatarum Ecclesiarum has solennitates custodientium constantem unanimemque consensum, neque veritati, neque pietati repugnantem, contemnere: & abominanda quadam schismaticæ singularitatis prurigine, & singulari quadam insipientia alios potius dies pueriliter, & insolenter deligere.

3.

4.

5.

Respondetur
ad puerilem
quandam ob-
jectionem.

V. Puerorum Catechetica educatio, eorumque benedictio

dictio cum impositione manuum, non solum ab Ecclesia primitiva posteriorum temporum usurpata est, sed etiam ab ipsis Apostolis approbata, & instituta. Propterea ut intelligerent pueri & rudiores quis esset impositionis manuum usus, & in quem finem adhiberetur, inserta est reliquis Catecheticis capitulis etiam hujus capituli brevis explicatio in ordinaria Catechesi pueris & rudioribus tradi solita. Cujus summa capita recenset Apostolus, ad *Hebr.* Cap. 6. ut exemplar habeant etiam posteri ad quod Catecheticas suas summulas conforment. Neque enim vel extraordinarium quippiam ordinariæ Catechesi, vel eam manuum impositionem, quæ in Pastorum ordinatione adhibebatur, rudimentis illis Catecheticis Apostolum inservisse verisimile videtur. Et illo loco ordinariam atque in Ecclesia mansuram manuum impositionem intelligi confirmat etiam constans primitivæ Ecclesiæ praxis.

Catechetica
educatione, &
benedictione,
ab ipsis Apo-
stolis insti-
tuta.

Vide Lib. 2.
Cap. 17.

VI. Objicitur Papistas abusos esse hoc ritu, transformando eum in Sacramentum. Respondeo; Tollatur abusus, & restituarur legitimus usus. Neque enim aut Matrimonium, aut Pœnitentia rejicienda est, quia ex illis Papistæ fecerunt Sacramenta. Certè quæ sunt divinitus instituta, non sunt propter supervenientem abusum abjicienda, sed repurganda: loquor de iis quorum in ordinario cultu usus est perpetuus, & quæ ad hunc usum sunt instituta: ne quis æneum nobis objiciat serpentem. Papistæ recitatione Orationis Dominicæ abusi sunt in invocatione Sanctorum, & in superstitiosa battologia: abusi sunt Coena Domini, eam transformando in Idololatricam actionem: abusi sunt usu clavium: & sortilegi ac lamæ in suis incantationibus abutuntur. Nomine PATRIS, & FILII, & SPIRITUS sancti: neque tamen ab istis licet Christianis abstinere. Præterea neque res mediæ ab hominibus prudenter introductæ propter sequentem abusum semper tollendæ sunt. Abusi sunt Papistæ, Templis, et Oratoris, et Cathedris, & sacris Vasis, & Campanis, & benedictione Matrimoniali: nec tamen propterea res istas censuerunt prudentes Reformatores abjiciendas, sed expulso abusu res ipsas retinuerunt:

An res sic tol-
lenda propter
abusum.

Vide Petri
Martyris episk.
ad Ioannem
Hopperum, Epi-
scopum Glos-
tærensem, Col.
1087.

quamvis indifferens sit uti hoc vel illo loco, in quo templum habeas, aut oratorium, item his aut aliis uti vasis & campanis, sitque benedictio Matrimonialis per laudabilem Ecclesiæ consuetudinem introducta, nec de ea per Pastorem perficienda quicquam in sacris literis præcipiatur. Quare invalidum est argumentandi genus à rei abusu ad necessariam rei ipsius abjectionem. Nam etiamsi quædam res nonnunquam aboleri, aut aliquandiu intermitteri possint, vel debeant propter abusum. Hoc tamen neque in perpetuum, neque de omnibus est necesse, & de quibusdam non licet.

IV.

De administratione Baptismi in privatis locis.

VII. Dixit Dominus Discipulis, *Euntes, docete omnes Gentes, baptizantes eos in Nomen Patris, & Filii, & Spiritus sancti: docentes eos servare omnia quæ præcepi vobis. Matth. 28.* Ergo ubicunque licet docere, ibidem & baptizare; nempe in casu necessitatis: fatemur enim Sacramentorum administrationem conjungendam esse cum doctrina publica, aut cum ea doctrina quæ sit instar publicæ, id est, qua magis publica pro tempore haberi non potest: idcirco Eunuchum *Ethiopem* Philippus Evangelista in itinere baptizavit, nullo præsentis majore cœtu credentium, quantum colligere possumus ex sancti *Lucæ* narratione, *Act. 8.* Et *Paulus* & *Silas* commentariensem *Philippis* baptizarunt cum suis, in privata ipsius domo. Nam etiamsi ordinis, ac decori necessitas postulet publicam Sacramentorum administrationem in cœtu publico, ubi commodè haberi potest, non tamen licet Pastoribus denegare Sacramenta fidelibus, aut fidelium liberis, quorum ea est infirmitas, aut conditio, ut, vel propter morbum, vel incarcerationem & vincula, ad locum publici conventus venire nequeant. In hoc casu incumbit pastori necessitas exequendi illud præceptum, [*Ite, docete, baptizate,*] etiam erga clinicos illos, et vinctos, cum præcepto suo nullam exceptionem addiderit Christus, neque per se, neque per suos Discipulos, sed tantummodo generales quasdam regulas decori, ordinis, etc. At valde decorum et ordinatum est visitare ægrotos ac vinctos, eisquæ necessaria.

necessaria ministrare. Iam si Deo gratum sit quod talibus præstatur officium etiam in aquæ frigidæ propinatione; quam est Deo ingratum, et quam est crudele atque abominandum flagitium, ovibus Christi spiritualia pabula denegare; aut cuivis ex Christi familia demensum, ipsi à Domino destinatum, subtrahere? Teneris illum docere? Eodem præcepto et teneres illum baptizare. Quam reddes Domino rationem de neglecta ovicula, et spreto ipsius mandato? Non sunt hæc ministeria aliquibus certis locis aut temporibus affixa, sed ubicunque sunt duo aut tres congregati in Nomine Domini, ibi ipse est in medio ipsorum, *Math. 18. 20.* Et cavendum ne minimam ex Christi oviculis offendamus, aut contemnamus, *Math. 18.* Gaudium existit in Cœlis de uno peccatore resipiscente, *Luc. 15.* Non est voluntas coram Patre nostro cœlesti ut pereat unus ex pusillis istis, *Math. 18. 14.* Non hic alligamus Dei gratiam Sacramentis, sed ministros ostendimus suo alligatos esse officio, erga eos ad quos missi sunt, ut doceant, ac baptizent.

VIII. Quæ diximus de Baptismo infirmorum aut vinctorum, eadem faciunt pro administranda eis sacra Cœna. Cujus administratio non est ullo certo loco, aut certo communicantium numero circumscripta, sed quamvis annitendum sit, quoad ejus fieri potest, ut in publico populi Christiani cœtu peragatur, non tamen hunc vitæ panem & potum esurientibus, ac sitientibus clinicis & vinctis fas denegare: est enim hæc pars illius demensi quod Christus pater-familias illis suis domesticis distribuendum reliquit. Adhuc modo, ad lectum ægroti, aut in carcere cum vincto vel detento, duo aut tres in Nomine Domini congregati, ut in eo cœtu quantulocunque, ipso Christo præsentem, mysteria celebrentur.

IX. Atque ita jam pater iustas fuisse & idoneas rationes, ex ipsarum rerum intuitu, propter quas Patres *Pertbenses* articulos à Rege propositos, partim potuerunt, partim etiam admittere debuerunt. Nam in rebus illis quædam sunt necessariæ, omnes autem licitæ ac laudabiles: illæ sine peccato contemni non possunt; istæ licitè et laudabiliter admittuntur,

V.
De administratione sacra Cœnæ clinicis & vinctis.

Iustum Synodi decretum.



CAPVT VIII.

*Indicii Synodici rationes iuxta ac idoneæ ex intuitu Ecclesiæ
 Scoticanæ, §. 1. Prima ratio, à Fide data, §. 2. Altera, à
 decore Ecclesiæ, §. 3. Illatio contra Schismaticos, §. 4. De
 malo quod mutationem sequutum est, sive de Schismate, §. 5.
 Tertia ratio, à libertate Ecclesiæ, §. 6.*

I.

Rationes ex
 intuitu Eccle-
 siæ Scoticanæ.



Fides data,

ENIQUE si Ecclesiæ hujus SCOTICANÆ Fidem, decus, et libertatem intuearis, videbis articulos illos convenienter esse introductos.

II. Promiserant Regi Pastores se plebes suas de harum rerum natura diligenter informaturos, uti patet ex rationibus à Regis intuitu allatis, supra Cap. 5. §. 6. Rat. 7. Et Rex nihil subitò, nihil tumultuariè fieri percipiens, spatium illis ad id præstandum concessit; ut, præparatis, & veritatis lumine illustratis hominum animis, omnia suavius progredierentur. Hanc Fidem datam si liberassent omnes Pastores, non superesset jam offendiculi metus. Nam dociles facile intelligerent rerum propositarum convenientiam, et expedientiam: nec omittendæ erant propter contumaces, et indociles.

Decoris.

III. Dedecorosum esset nostræ Ecclesiæ res illas palam licitas, & maximam partem necessarias, omnes certè nostræ Ecclesiæ hoc tempore expedientes, rejicere tanquam illicitas, et Verbo DEI repugnantes, aut etiam tanquam incongruas, nulla alia reddita ratione quam quod prius aliter consueverint: ac si consuetudo omnis Ecclesiastica esset immutabilis; nec ea esset in nostratibus rerum Theologica-

lib. 2.

rum

rum scientia, qua de rerum istiusmodi natura, et consuetudinis mutabilitate, et necessariorum à non necessariis distinctione dijudicare possent. Certè si res illas tanquam illicitas, & quas neque Ecclesia admittere, neque, præscribente Ecclesia, subditi suscipere possent, rejectisset Synodus, ludibrio habiti essemus inimicis, et amicos nostræ inscitiae puderet ac tæderet. Si verò agnoscens Synodus res esse in se licitas, sola tuendæ consuetudinis pertinaciâ omnes memoratas rationes negligeret, proculdubio imprudentiæ notam non effugeret.

I V. Cum vero et sapienter et prudenter jam à Synodo res illæ decretæ sint, quomodo se à nefarii Schismatis, et turbulentæ seditionis crimine excusabunt ii subditi, præsertim Pastores, qui tum res ipsas, tum Synodum contemnant?

Illatio contra Schismaticos.

V. His omnibus nihil opponis, nisi *malum mutationem sequens*: quo tamen allatæ rationes longè præponderant. Præterea, si ab eventu argumentandum sit, quamvis res adhuc in integro esset, admittendi potius essent articuli ex ipso eventu intuitu. Schisma quidem sequutum est: at quis hoc à fratribus expectare posset? Annon potius expectandum erat, ut, quamvis aliter pro tempore sentirent, iudicium tamen suum in hoc rerum genere Synodicæ auctoritati obsequenter submitterent? Quia DOMINVS iussit audire Ecclesiam, & quidem sub pœna ejectionis. Et iubentur spiritus Prophetarum subiecti esse Prophetis: Prophetis, inquam, non sparsim sua placita in hoc vel illo angulo mustitantes, sed Ecclesiasticè sive Synodicè in Nomine Domini Congregatis, *Matth. 18.* et *1. Corinth. 14.* Quia Deus noster non est confusionis Deus, sed Pacis, *1. Corinth. 14. 33.* Malum ergo quod mutationem sequutum est, non per se ex decreto Synodico, aut vitio Patrum Synodicorum mutationem decernentium, sed per accidens, et ex rebellium improbitate existit. Danda quidem est opera, ut, quoad ejus fieri poterit, ne per improbissimorum quidem importunitatem lacerari queat Ecclesia, et Schisma existere: at non semper quolibet medio præcavendum Schis-

De malo quod mutationem sequutum est, sive de Schismate.

Vide lib. 2.
cap. 5. num. 6.

ma, neque illud damnandum est, ex quo per accidens, per aliorum duntaxat improbitatem, Schisma sequutum est. Propter Christi verba Schisma existit inter *Iudæos*, *Ioann.* 7. 43. et *Cap.* 10. 19. Et Apostolus *Paulus* ait, necesse esse ut sint Schismata et Hæreses, *1. Corinth.* 11. Vnicuique ergo curæ esse debet ut suum faciat officium, atque ita nec Schismatis, nec Hæreseos supervenientis reus erit. Facilius erat & conducibilius nostræ Ecclesiæ, ejusque officio convenientius, resistentes dociles erudire, & indociles compescere, quam illa graviora mala, quæ ex negata articulorum admissione erant inevitabilia, super se attrahere.

Libertas.

Dilemma.

VI. Imò verò quamvis de re tota adhuc esset diliberandum, discimus ex hoc Schismate decernendam esse articulorum introductionem potius quam rejectionem : sic enim postulat libertas Ecclesiæ *SCOTICANÆ*, cui jugum necessitatis imponere satagunt homines veritate, hac quidem in parte, destituti. Nam aut res sunt licitæ, & Verbo *DEI* non prohibita, quod agnoscere refugiunt, quia prævident nos facile illaturos, & sponte sequuturos, incumbere eis obediendi necessitatem : vel sunt illicitæ, & Verbo *DEI* prohibita, quod solum habent perfugium quod huic suæ contumaciæ, & lacerationi Ecclesiæ, prætendant. Iam vero hic error est non tolerandus, & Verbo *DEI* repugnans, & primitivæ Ecclesiæ, ac omnium reformatarum Ecclesiarum judicio contrarius. Et omnino liberandæ sunt Christianorum conscientia ab hujus erroris jugo. Esse autem hunc sacris literis repugnantem errorem ex superioribus abundè liquet. Eundem quoque universæ Ecclesiæ judicio esse contrarium patebit ex Libro secundo hujus *I R E N I C I*.

C A P.



CAPVT IX.

De juramento a SCOTIS præstito,
ANNO DOMINI 1581.

Proponitur objectio à juramento, §. 1. Responsionis pars prima, §. 2. Ejusdem pars secunda, §. 3. Pars tertia, §. 4. Pars quarta, §. 5. Conclusio contra desertores juramenti, §. 6.

I.



UM autem argumentorum pondere de re ipsa superantur, confugiunt nonnulli ad juramenti religionem, qua terrorem injiciant infirmis conscientiis; quia scilicet Rex IACOBVS ejusque familia aliique varii Anno DOMINI 1581. jur-

runt se perseveraturos in Doctrina & Disciplina hujus reformatæ Ecclesiæ SCOTICANÆ, & pro vocatione & facultate sua eam defensuros omnibus diebus vitæ suæ.

II. Ad hanc objectionem respondeo. 1. Ut taceam jurasse illos non pro aliis, sed ut aliis exemplum præberent; ne ipsos quidem jurantes obligaret juramentum ullum de re illicita, quæ sine peccato, nec promitti, nec præstari posset. Qui enim illicitum aliquid juramento promissit, peccavit jurando injuste: si autem illud perficere pergat, quasi religione juramenti, jam secundo peccat, quando illicitum juramentum scelere adimpler, & peccato suo Nomen DEI profanè præterdit. Cui igitur tale aliquod excidit juramentum, pœnitentiam agere debet de profana temeritate, non scelus scelere cumulare. Hujusmodi autem perjurii reos se constituunt quicunque de rebus aliqui in se

De juramento
SCOTICANÆ.

Resp. p. 1.
Juramenti de
re illicita datæ
nulla obligatio,
nisi ad pœnitentiam.

Factum Iosua
extraordina-
rium, non tra-
hendum in ex-
emplum ordi-
narium.

non illicitis, sed liberis, & mediis perpetuam sibi figunt regulam, à qua se nullo unquam casu discessuros juramento promittunt: si ea regula pugnet cum rerum ipsarum natura, cum statu & libertate Ecclesiæ militantis, cum charitate fraterna, & per consequens cum Verbo *DEI*. Iuramentum Gibeonitis præstitum contra ipsius *DEI* mandatum, & inconsulto *DEO*, non potuissent Iosua & Israelitæ opere perficere, nisi *DEVS* extraordinariè de suo mandato dispensasset; compassione poenitentis illius populi Gibeonitici, & propter honorem sui Nominis, ut neque fœdistragorum fautor, neque supplicum poenitentium aspernator esse videretur: & ob alias rationes ipsius divinæ Majestati cognitæ. Nec tamen propterea illud Iosua & Israelitarum factum, sive in jurando, sive in servando, contra expressam & manifestam *DEI* præceptionem, fas nobis trahere in ordinarium exemplum. Neque ordinarii officii à *DEO* nobis injuncti fas relinquere tramitem, absque extraordinaria revelatione.

Sesq. p. 2.
Iuramentum
illud *Scotorum*
fuit illicitum, de-
re licita, & ne-
cessaria.

III. Quod autem jurarunt nostrates non erat illicitum, sed à nobis omnibus jure præstari potest ac debet. Ecclesiæ enim *SCOTICANÆ* nunquam ea mens fuit, ut existimaret omnes ritus & cæremonias externas, quæ in cultu *DEI* etiam licitè ac laudabiliter adhibentur, esse prorsus immutabiles: sed è contrario, in publica fidei confessione *SCOTICANA*, quæ exstat inserta Actis primi Parlamenti sub *IACOBO* Rege sexto habiti Edinburgi decimo quinto die *Decembris*. Anno Domini 1567. Et multorum aliorum Parlamentorum decretis confirmata est: & in Syntagmate confessionum latinè edita est: in illa (inquam) confessione, Articulo vigesimo, hæc habentur diserta verba; *Altera conciliorum generalium causa fuit propter bonam politiam constituendam & observandam in Ecclesia, in qua (ut in DEI domo) omnia decenter & ordine fieri convenit. Non quod eandem in omnibus politiam, eundemq; prorsus in singulis cæremoniis ordinem pro omnibus at atibus, temporibus, & locis constitui posse arbitremur; nam ut ca-*

remo-

remonia ab hominibus juventa tantum sunt temporales: ita & possunt & debent mutari, cum potius superstitionem pati, vel fovere, quam ipsarum usu Ecclesiam DEI adificare, inveniuntur. Hæc ibi. In minori autem illa confessione postea edita. qua etiam juramentum continetur, profitentur SCOTI se majori illi confessioni & religionis formæ, libenter in omnibus articulis, in conscientiis suis, assentiri, tanquam indubitata DEI veritati, qua verbo ipsius scripto tantummodo innititur: ideoq; ab omni contraria religione & doctrina abhorrere, eamq; detestari. Iam autem confessioni illi ex diametro contraria est hæc nova doctrina, in quorundam cerebris heri nata, de gestus & similibus in Sacramentorum celebratione rituum & circumstantiarum necessitate atque immutabilitate: quapropter si eos juramenti illius religio movet, meminisse debent se non posse novitium hunc errorem, absque manifesta juramenti illius transgressione, profiteri: sed oportere eos ab hoc errore, tanquam confessioni SCOTICANÆ evidenter contrario, abhorrere, eumq; detestari.

Juramentum violant, fratres illi qui ejus religionem suam præcedunt contumacie.

IV. Præterea in minori ista confessione sanctè profitentur SCOTI se Ecclesiæ Scoticanæ reformatæ seipsos in doctrina, Fide, Religione, Disciplina, & usu Sacramentorum, tanquam viva membra ejusdem corporis sub Christo capite libenter adjungere: promittentes & solenniter jurantes per magnum illud nomen Domini Dei nostri se perseveraturos in doctrina & disciplina hujus Ecclesiæ, & pro sua vocatione ac facultate, eandem defensuros omnibus diebus vitæ suæ. Contemptores igitur sunt & securi violatores illius juramenti, qui ejus vinculo se obstrictos profitentur, & tamen ab Ecclesiâ Scoticanâ reformatâ, vel in doctrina, vel in Fide, vel in Religione, vel in Disciplina, vel in usu Sacramentorum, se separant, non tanquam viva, sed tanquam moribunda, aut certè heteroclitæ, ejus corporis membra: neque habent quod suæ separationi prætexant

Resp. p. 3. Idem ostenditur alio argumento.

quippiam, nisi quod indignantur Ecclesiam usam esse, in rebus mediis determinandis, ac mutandis, ea libertate, quam sibi à Christo relictam esse, seque factam testam conservaturam esse semper professi est. Quam professionem SCOTI solenni jurejurando obsignarunt.

V. Ad hominem etiam argumentabor. 1. Si vigore illius juramenti obstricti sint ut perseverent in doctrina hujus Ecclesiae, quo jure illis licuit neglecta publica Catechesi, quae in Ecclesia recepta est, novas sibi suo arbitratu, & quidem verbis differentes, in multis Parochiis, procudere Catecheses? Respondebunt fortasse, se perseverare quidem in doctrina Ecclesiae, & mentē Eccl. Catecheseos servare, mutasse autem verba quaedam duntaxat, et methodum, ac differendi modum, quae non sint de essentia doctrinae, aut contraria receptae religioni, sed tantum circumstantiae quaedam liberae, ad quarū determinatam aliquam, et fixam regulam non sint illo juramento obligati. Qui sibi tantam concedunt in circumstantiis libertatem, absque autoritate publica, imo non sine magna confusione, dicant quo jure denegent Ecclesiae, publicam habenti auctoritatem, libertatem eam in circumstantiis, quam Dominus ac sponsor ejus ei reliquit. 2. Ex beatæ memoriæ M. Ioannis Knoxi, aliorumque Patrum publicis ac Synodicis decretis hæc Ecclesia reformata SCOTICANA gubernabatur per Superintendentes, id est, Episcopos: nam Episcopos esse Superintendentes, et utroque vocabulo, altero Græco, altero Latino, unum idemque intelligi Officium, docent *Augustinus*, lib. 19. de Civitate *DEL*, cap. 19. et *Hieronymus*, in epist. ad *Evagrium*. Et extant adhuc in publicis nostris rituum libris Liturgicis regulæ publicæ auctoritate editæ, et Plalterio metrico præfixæ, de electione et ordinatione Superintendentium, id est, Episcoporum. Qua fide igitur isti, qui decretorum Ecclesiasticorum immutabilitatem somniant, et huic suo somnio etiam juramentum prætendunt, qua, inquam, fide audent se opponere regi mini Episcopali? 3. Ea etiam erat Ecclesiae SCOTICANÆ disciplina Synodicè constituta, ut notorii homicidæ, adulteri, et incestuosi, et similium horrendorum flagitiorum

Resp. p. 4.
Retorquetur
objectio.

Varietas Ca-
techismorum.

ἐπίσκο-

πῶς.

Superintenden-
tes.

Compendia-
ria excommu-
nicatio.

flagitiorum manifesti, seu legitimè convicti, ex Ecclesia per publicam excommunicationis sententiam protinus ejicerentur, absque præviis admonitionibus, et precationibus publicis: quæ de re editæ sunt constitutiones etiam in libro illo Liturgico. Nec tamen Ecclesia SCOTICANA perjurio se implicuit, abolendo illam summariam (ut vocant) excommunicationem, neque ea utuntur Fratres isti, qui nescio qua incogitantia contumaciæ suæ religionem obtendunt juramenti, sed decreto Ecclesiastico postea factò, de præmittenda trina admonitione publica, & post admonitiones, trina precatione, se præbent morigeros. At certe, si jurata illa, in hujus Ecclesiæ doctrina et disciplina, perseverantia ita exponenda sit, ut neque Ecclesiæ, neque ulli hujus Ecclesiæ membro fas sit ab ulla vel doctrinæ, vel disciplinæ, in legitima Synodo semel receptæ, circumstantia unquam recedere, jam se perjurii reos constituerunt Fratres isti, qui juramenti religionem tantopere jactitant, in tribus istis exemplis jam memoratis. Possem etiam alia adferre.

VI. Sin autem sic intelligenda sit ea perseverantia (sicut eam intelligi oportere omnes sani facile perspiciunt) ut membra hujus Ecclesiæ SCOTICANÆ se huic Ecclesiæ libenter adjungant in doctrina Verbo DEI congruente, et ea disciplina quam convenienter eidem Verbo pro loco et tempore, aliisque circumstantiis, Ecclesia SCOTICANA expedientem judicaverit, sive consuetos ritus retinendo, sive eosdem mutando, prout se facere posse, imò interdum debere, professæ est in majori illa sua Confessione, Articulo 20. profecto Fratres à juramenti illius desertione non sunt immunes, qui ritus ab Ecclesia SCOTICANA congruenter Verbo DEI præscriptos rejiciunt: neque in hac Religionis ac Disciplinæ parte se huic Ecclesiæ adjungunt. Cum tamen ritus isti omnes sint liciti, et hoc tempore expedientes; et quidam etiam perpetuo necessarii: sicut supra demonstravimus. Atque hæc de iuramento, et in universum ad eam objectionem quæ de mutatione facta, et novitate inducta, adfertur.

Conclusio ad-
versus iura-
menti desertio-
nem.



CAPVT X.

Ad secundam partem Aporiæ octavæ, num mutationi jam factæ resistere liceat.

Nefas resistere, §. 1. *De offensione infirmorum*, §. 2.
De hostium ludibrio, §. 3. *De objectione levitatis*, §. 4. *Et*
Idololatriæ, §. 5. *Ad objectionem de reditu ad ritus Papist-*
icos, §. 6.

I.

Obedientiæ
necessitas.



VIN mutationi (inquis) licet factæ meritò tamen adhuc resistendum. Quid audio? Deleatur igitur è sacris literis illa sanctio, si non audierit Ecclesiam, sit tibi velut Ethnicus & Publicanus, *Math. 18.* Et illa præceptio, ut spiritus Prophetarum subiecti sint Prophetis, adjecta hac ratione, quod DEVS noster non sit seditionis DEVS, sed Pacis, *1. Corinb. 14. 32. 33.* Item illud, obedite præpositis vestris, & subiecti estote, *Heb., 13. 17.*

De offensione
infirmorum,

II. At inquis, *Alioquin infirmiores offendimus; hostibus, & ludibrium debemus, levitatem, Idololatriam suggillantibus, & animos addimus ad eorum ritus relapsi.* Respondeo: Si offensionem spectemus, cum fas non sit quenquam ex minimis scandalizare, quo loco ponimus Ecclesiæ nostræ, vicinarumque Ecclesiarum offensionem? Quo loco offensionem Regis Religiosissimi, & Potentissimi? Et hæc quidem offensiones, ut supra ostensum est, erant inevitabiles, & datæ fuissent; ista autem infirmorum (quos vocas) offensio erat evitabilis, si Pastores suum fecissent officium, estque non data, ut supra docuimus,
sed

sed, per quamdam resistantium Ministrorum vel stupendam inscitiam, vel abominandam proterviam, inexcusabiliter accepta. Plebs faciliè informaretur: proficentur enim SCOTI se Verbum DEI scriptum agnoscere pro unica & perfecta eaque perspicua fidei morumque Christianorum Regula: nisi igitur Pastores (quos hoc minimè decebat) sua placita, extra S. Scripturam ab ipsis excogitata, & quibusdam malè intellectis, ac miserè detortis Scripturarum sententiis utcunquè fucata, populo obtruderent, eaque pro divinis oraculis apud imperitos insolèter vendicarent; imò, quod horribilius est, eos indociles redderent, eorumque errorem improbè contoverent, expedita esset via palabundum gregem in salubria pascua reducendi. Pastorum autem infirmitati jam satis concessum est, adeo ut, qui jam ex ignorantia resistunt, sint inexcusabiles; est enim ea affectata & voluntaria ignorantia: qualis cornu derisorum de quibus loquitur Petrus Apostolus, 2. Pet. 3. 5. De talibus Apostolus Paulus, Si quis, inquit, ignorat, ignoret, 1. Cor. 14. 38. Talium hominum offensio quo loco habenda sit docet nos illa DOMINI nostri ad Discipulos, de offensis Phariseis, responsio, finite illos, duces sunt cæci cæcorum, Matth. 15. 14. Si qui autem contra cognitam veritatem obstinatè calcitrant, meminerint multas plagas manere illum servum, qui sciens voluntatem DOMINI sui, non paraverit neque fecerit ad voluntatem ejus Luc. 12. 47. Et durum esse adversus stimulos calcitrare, sicut monet DOMINVS Act. 9. 5. B. Augustinus, lib. 1. contra Epistolam Parmeniani, cap. 7. de improba contumacia, & contumaci improbitate Donatistarum sic conqueritur; *Nec quæ dicebant probare potuerunt, & adhuc in sancta Ecclesia præfione sacrilego furore ferebantur. Publicè insultant, & nec veritatis manifestande causa sermonem nobiscum conferre dignantur. Et adversum nos loquuntur, & cum eos obmutescere compellat veritas, silere non permittit iniquitas.* Hæc Augustinus. Eadem nobis de fratribus quibusdam querimonia est, eorumque sequacibus, qui, misellorum papicolarum in

morem, ultro cæcutescentes, tam bruto stupore à Magistro-
rum suorum ore toti pendent, ut nec ad respondendum, pe-
tenti rationem ejus spei quæ in ipsis est, parati sint, neque
sustineant discere meliora. Et (quod *Augustinus* olim de
Pelagianis scripsit Epist. 105.) *Non inventientes qua ex-
ceant, pergunt in præcipitem stultitiam, dum nolunt mu-
tare sententiam.* Hieronymus, in Dialogo adversus *Laci-
ferianos*, ait quorundam Hereticorum eos esse mores, ut *fa-
ctius vinci possint quàm persuaderi.* Exeratur igitur er-
ga contumacium Pastorum obstinatissimos quosdam cory-
phæos Ecclesiastica disciplina, ut pœna ad paucos, terror ad
multos pertineat; & rudi popello præficiantur prudentes
ac fideles Pastores secundum cor DEI, qui populum DEI
pascant scientia et intelligentia: et hi motus animorum,
atque hæc certamina tanta, exiguo negotio protinus con-
quiescent. Vide lib. 2. cap. 2. num. 5. 6. 7. et cap. 8.
num. 8. et cap. 11. num. 19.

Jerem. 3. 25.

De hostium
ludibrio,

III. At *hostibus* inquis *ludibrium debemus, levitatem,
Idololatriam, suggillantibus, & animos addimus ad eorum ri-
tus relapsi.* Respondeo: Cogita tecum quantum debuif-
semus hostibus ludibrium, si, vanissimorum somniorum
impetu miserabiliter abrepti, res partim utiles, partim neces-
sarias cæca præfidentia condemnasset, tanquam illicitas,
aut etiam temerè rejecissemus.

Ad Objectio-
nem Levitatis.

IV. Frustra levitatis obiectionem metuis, statuta enim
de rebus mutabilibus accommodare loco et tempori non le-
vitas, sed prudentia est. D E V S ipse quas tulit de Cære-
moniis *Mosaicis* leges antiquavit. De qua mutatione S. *Augu-
stinus*, lib. 32. contra *Faustum Manicheum*, cap. 14. sic scri-
bit; *Sicut ager non debet reprehendere medicinalem doctri-
nam, si aliud ille hodie præceperit, aliud cras, prohibens
etiam quod ante præceperat, sic enim se habet sanandi ejus
corporis ratio, ita genus humanum, ab Adam usque in fi-
nem sæculi, quamdiu corpus quod corrumpitur aggravat ani-
mam, ægrum atque sancium, non debet divinam reprehen-
dere*

dere medicinam, si in quibusdam hoc idem, in quibusdam vero aliud prius, aliud posterius observandum esse precipit, præsertim quia sic aliud præcepturum esse promissit. Hæc ille. Audiant etiam Papiæ de Ecclesiasticarum constitutionum mutabilitate Romanos Pontifices, Innocentiam Papam tertium, et Ioannem Papam 22. Innocentius; Non debet, inquit, reprehensibile iudicari, si secundum varietatem temporum statuta quandoq; varientur humana: præsertim cum urgens necessitas vel evidens utilitas exposcit. Extra, de consanguinitate & affinitate, cap. non debet. Vbi Innocentius approbante Concilio revocat constitutionem Papalem & Synodicam Gregorii Papæ in Concilio Meldensi: item Iulii Papæ, de vetitis gradibus consanguinitatis in contrahendis Nuptiis. Ioannes autem Papa in suis extravagantibus, tit. de Torneamentis, ait, Nonnunquam quod consule statuitur, ex sanioris inspectione iudicii consultius revocatur. Hæc Ioannes, qui citato titulo revocat constitutionem prædecessoris sui Clementis Papæ quinti de Torneamentis & Hastiludiis.

V. At hostes (inquis) Idololatriam suggillabunt. Merito quidem id facerent, si nos panem ipsum, quem admodum illi consecratam hostiam, adoraremus. At contrarium nos profiteri, & solum DEVM adorare, & ipsi clamamus, et norunt adversarii, qui de nostra Religione aliquid intelligunt. Ignaris autem inimicis, quocunque re verteris, nisi depulsa ab ipsorum mentibus caligine, nunquam satisfacies. Protervi autem obrectatores non quiescent quocunque usus fueris gestu: si enim sedeas, *Arianismum*, aut saltem prophanum Christi contemptum obiectabunt, genua autem flectentibus ais eos Idololatriam imputare. Tutissimum remedium adversus omnes calumnias est doctrinæ perspicuitas, & intaminate actionis evidentia. Nos in celebratione sacræ Cœnæ illum solum adoramus, cui nostræ per CHRISTVM redemptionis beneficium acceptum referimus, cui de tanto dono gratias agimus, ad quem genua (cum Apostolo) flectimus ut det

Ad objectionem idololatriæ.

Tutissimum remedium adversus hostium calumnias.

Ephes. 3,

nobis, secundum divitiarum gloriam suam, ut fortiter corroboremur per Spiritum ipsius, in interiore homine, ut inhabitemus CHRISTVS per fidem in cordibus nostris, &c. At soli DEO, non autem pani aut calici consecrato, hoc beneficium acceptum referimus, ei que soli de tanto dono gratias agimus, ad illum solum genuaflectimus, ut det nobis, &c. Ergo solum DEVM, non autem Panem aut calicem consecratum, adoramus.

VI. At animos (inquis) eis addimus, ad eorum ritus relapse. Certè non petunt illi à nobis suar superstitionis regulas: sed potius conviciandi ansam arripiunt quando ab eis dissensionem, etiam in rebus licitis, de nihilo affectamus. Genuflexio in gratiarum actione, aut divini Nominis invocatione, non est ritus à *Papistis* inventus, aut Verbo DEI contrarius, sed est in ipso DEI Verbo approbatus, ut tali religioso actui conveniens. Neque permittimus ut quæcunque *Papistis* in usu fuerint, ea *Papistica* & *Papistarum* proprias sentiantur. Nam usi sunt sacris Scripturis, usi sunt Sacramentis, usi sunt invocatione sanctæ Trinitatis, usi sunt recitatione Orationis DOMINICÆ, usi sunt Psalmorum cantibus, usi sunt multis aliis, quorum nonnullis etiam abusi sunt, nec tamen res ipsæ propterea *Papistica*, sive *Antichristianæ* censendæ sunt: cogitandum quid nobis liceat, nec propterea aliquid nobis non licere existimemus, quia eo *Papistæ* usi, aut fortasse etiam abusi sunt. Quam multa enim sunt quibus Hæretici abutuntur, quæ tamen rectè à Catholicæ usurpantur? Olim in primitiva Ecclesia, trina mersio à traditione Apostolica descendisse putabatur, teste *Tertulliano*, Lib. de Corona militis, Cap. 3. Postea tamen, propter errorem *Arianorum*, *Gregorio Remanorum* Episcopo huius nominis primo, et Concilio *Toletano* quarto placuit unica uti mersione, sicut legimus apud *Gregorium*, lib. 1. Epist. 41. Et in Actis Concilii *Toletani* quarti, Can. 6. Vbi tamen *Gregorius* et *Toletani* fatentur reprehensibile non esse infantem in baptismo, vel semel, vel ter immergere. Et jam sublato illo *Arianismi* scandalo liberum est pro regionum

De animatione *Papistarum*, & reditu adeorum ritus.


Non ideo aliquid est *Papisticum* quod eo usi sint *Papistæ*.

De unica & trina mersione in Baptismo.

num varietate, vel unam, vel trinam mersionem adhibere. In tribus mersionibus, inquit *Gregorius*, personarum Trinitas, & in una potest Trinitatis singularitas designari. Vnde verisimile est *Sabellianos* personarū Trinitatē negantes unicos esse mersione, & ante *Sabellium* *Praxeanos*, & *Hermogenianos*, eundem errorem dogmatizantes; cujus erroris aversionem, ut testarentur *Catholici* trinam adhibuerunt in Baptismate mersionem. At verò cum postea *Ariani* mersiones numerarent, ut divinitatem dividerent, vitum est *Catholicis* unica uti mersione, ad significandum Deitatis unitatem; postea verò constabilita contra *Arianos* orthodoxa veritate, quamvis adhuc extant quædam *Arianorum* reliquæ, liberum fuit, & est, sive trina, sive unica uti mersione. Sic etiam *Ecclesia SCOTICANA* (sicut & *Ecclesia confœderati BELGII*) initio reformationis populo sedenti censuit sacram Cœnam administrandam, propter recentem memoriam artolatriæ *Papisticæ*. Nullo tamen ipsius genuflexionis odio. Nunc autem manifestata veritate, & abusu *Papistico* detecto ac prostigato, adeo ut, per DEI gratiam, hominum nostrorum reformatam Religionem profitentium animis nulla inhæreant superstitionis illius vestigia, liberum fuit vel genuflectere, vel alio uti gestu in hac actione. Regula juris Canonici est non spernenda; *Causa sublata, tolli constitutionem ex causa illa ortam*. 1. qu. 7. quod pro remedio, in glossa. g. cessante. Genuflexio autem *Ecclesiæ* nostræ hoc tempore visa est aptissima; qui gestus nunc reprehensibilis esse non potest, magis quam vel trina, vel unica mersio tempore *GRÆGORII*, qui unam ipse adhibens mersionem, fateatur trinam nullatenus esse posse reprehensibilem.

Vide lib. 2.
cap. 16. part.
5. num. 10.

Vide lib. 2.
cap. 16. part.
4. num. 1.



CAPVT XI.

Ad tertiam partem Apotiæ octavæ, de necessitate, & tolerantia, & libertate.

Proponitur objectio, §. 1. Prima responsio, de necessitate, §. 2. Secunda responsio, de mutua tolerantia, §. 3. 4. Tertia responsionis, pars prior, de libertate quoad iudicium, §. 5. Pars secunda, de libertate praxeos, ejusque exercitio, §. 6. Quomodo maneat etiam praxeos libertas non obstante ordine Ecclesiastico, §. 7.

I.



Apotiæ octavæ partertia.

OC ipso (ais) quod indifferens ponatur, [geniculandi gestus] obrudi, atque urgeri non potest ut necessarius: cum potius res ejusmodi tolerantiam mutuam, & plenam, quod vel iudicium, vel usum iudicio semper conformem spectat, postulent libertatem.

Resp. retorq. argum.

Duplex necessitas: alia rei, alia praxeos.

II. Respondeo. 1. Retorqueo Argumentum; hoc ipso quod indifferens sit sedendi gestus, non potest obrudi atque urgeri ut necessitate rei necessarius, nullaque hominum auctoritate mutabilis. Necessitas alia est rei, alia exercitii seu praxeos. Res illæ sunt necessariae quarum praxis aut ommissio est ex præscripto legis divinæ immediatè necessaria, etiam si nullum ea de re interveniret decretum humanum, neque potest hæc praxeos omissionisve necessitas tolli aut mutari per aliquod decretum hominum; ut sunt, DEVM proximumque diligere, non blasphemare, non adulterari, &c. Talia appellamus necessaria necessitate rei. At alia sunt res quarum praxis aut ommissio non est ex lege DEI immediatè necessaria, sed necessitatem quandoque accipit mediante decreto Ecclesiastico, aut politico, eadem rursus auctoritate Ecclesiastica aut civili debilem & mutabilem; adeo ut si jubeat Ecclesia aut princeps rem eam facere, fac

re, facienda sit; si omittere, omittenda sit necessariò; non necessitate rei, sed necessitate obsequii superioribus debiti: quandoque autem res eæ liberè vel omitti, vel fieri conceduntur, & tunc neque omissio, neque praxis est necessaria. Tales res appellantur & sunt mediæ seu indifferentes.

III. Secundò: Tolerantia mutua in rebus mediis locum habet si tantummodo observationum diversitas, non autem turbatorum procacitas toleretur. Nam etiam leviori alioqui offensæ conjunctus Ecclesiæ contemptus est intolerabilis: tali enim introducta tolerantia peribit omnis auctoritas Ecclesiastica, et ordo subvertetur, et negligentur illa præcepta superius commemorata de audienda Ecclesia, et subjiciendis Prophetarum spiritibus Prophetis, et de obedientia ac subjectione præpositis exhibenda.

IV. Certè prudenter et clementer toleranda est docilis simplicium infirmitas, et modesta libertas illorum fratrum qui in usu rerum mediarum vel ita edunt ut non edentem non despiciant; vel ita non edunt, ut edentem non condemnent, sicut monet Apostolus, *Rom. 14.* Neque contemnant Ecclesiam DEI, quam CHRISTVS audire præcepit, *Matth. 18.* At non est toleranda indocilis contumacia et licentiosa protervitas eorum hominum qui astute irrepunt ad explorandum libertatem nostram quam habemus in CHRISTO IESV, ut nos in servitutē adigant, magistraliter asserētes Ecclesiā non habere potestatem mutandi vel abrogandi priorem cōstitutionē aut cōsuetudinē Ecclesiasticā de gestu in Cœna DOMINI, et similibus rebus, quæ sunt in se mediæ et mutabiles; quin et mutationi jam factæ merito adhuc resistendū: atq. ita pertinaciter satagentes adimere Eccl. eam libertatem quam habet in CHRISTO IESV, ab ipso DOMINO acceptam; et fidelium animos ad nefariam rebellionem concitare, ipsamq. fidei confessionē *Scoticanam*, qua libertas hæc declaratur, evertere: et eam clementiam, qua erga eos usa hæten⁹ est Ecclesia, perversissimè interpretantes: quādo neq. dicere erubescunt quidā furiosi, nō ita leniter cū eis actum fore, nisi eorū toleratores sibi cōscii essēt malę causę, et equitatē causę ipsorū facis haberēt cōpōrtā, eiq. cōtra cōscientiā resisterēt.

De tolerantia mutua in rebus mediis.

1. Distinctio.

2. Distinctio.

Quorundam turbatorum intolerabilis infania.

Vide lib. 2.
cap. 5. num. 6.

Iudæ. Verſ. 9.
Rom. 14. 4.

Necessaria
querimonia,
de quorun-
dam prodi-
giola contu-
macia,

O insanam & intolerandam audaciam! Increpet te *DOMI-
NVS*. Tu quis es, qui iudicas alienum servium? En ubi,
blasphemam istorum amentiam tolerare, non jam mansue-
tudo est, sed socordia, & impia prævaricatio in causa veri-
tatis et innocentie. Quid, obsecro, aliud turbulenta quæ-
dam & obstinata ingenia (nemo docilis, nemo modestus
hæc de se dici existimet, de turbatoribus dolens & gemens
loquor) quid, inquam, aliud incendiarii isti sub specioso fra-
ternæ tolerantie obtentu, non jam clam & latenter, sed
propalam & impudenter moliantur; nisi ut ipsis securis im-
punè liceat fratres debitam *DEO* ejusque Ecclesie obe-
dientiam exhibentes non tolerare, sed in eos amarulento
cæci fastus impetu scurriliter debacchari, tumultuari, om-
nia miscere; seditiosæ suæ superstitionis, & supersticiosæ se-
ditionis venena discipulorum suorum auribus animisque in-
fundere: & suarum, non dico traditionum, sed, inventio-
num jugum conscientie Christianorum obtrudere: et
propter sua commenta, *DEI* mandata irrita facere: Ortho-
doxæ Ecclesie *SCOTICANÆ*, in qua adhuc degunt, et cui
subsunt, auctoritatem petulanter contemnere; salubres ejus
constitutiones tanquam intolerabiles contumaciter rejice-
re; ejus libertatem insolenter pessundare; rebellionem
contra eam seditiosè docere; ac tandem Altare contra Al-
tare arroganter erigere? Per quorum insanabilem insaniam
eò jam ventum est, ut ulterius nobis tacere non liceat, nisi
DEI veritatem, & legitimam Ecclesie auctoritatem, & li-
bertatem, & fidelium *DEI* servorum famam, conscien-
tiam, innocentiam, pedibus istorum hominum *Pharisaicè*
proterendam, perfidiosa inertia (quod absit) deseramus.
Adhortor autem vos fratres, (inquit Apostolus Pau-
lus) *ut speculemini eos qui dissensiones & scandala, præter
doctrinam quam vos didicistis, faciunt; & declinetis ab eis.
Nam qui hujusmodi sunt, DOMINO nostro IESV CHRI-
STO non serviunt, sed suo ventri: & per blandiloquen-
tiam & assentationem corda minimè malorum seducunt.
Vestra enim obedientia ad omnes pervenit. Roman. 16.*

Verſ.

Vers. 17. 18. 19. Item, sunt (inquit) multi inobedientes, & vaniloqui, & mentium seductores, (ἀνοήται, καὶ καλασιολόγοι, & φρεναπαλαί) quibus oportet os obturare, (ὅς δ' αὖ ἐπιστομίζειν) qui totas domos subvertunt, docentes quæ non oportet, turpis lucri gratia. Tit. 1. 10. 11. Et alibi, Sed neque Titus, qui mecum erat, quum esset Græcus, coactus fuit circumcidi: nempe propter subreptitios falsos fratres, qui irrepsērunt ad explorandū libertatem nostram quam habemus in CHRISTO IESU, ut nos in servitutem adigerent. Quibus ne ad horam quidem cessimus per subjectionem. Ut veritas Evangelii permaneret apud vos. Gal. 2. 3. 4. 5. Idem Apostolus ad Colossenses, Cap. 2. Vers. 18. ait; Μηδεὶς ὑμᾶς καταβεβηκετω, &c. Vide infra lib. 2. cap. 3. num. 5. 6. 7.

V. In omnibus rebus mediis libertas quoad iudicium plena relinquitur, quando subditi non jubentur credere eam rem esse in se necessariam quæ tantummodo media est, neque jubentur in ea re constipere cultū Dei quæ cultus Dei pars non est: & in summa, quando falsum pro vero non obtruditur hominum iudicio. Et hæc quidem libertas semper relinquenda est Christianis. Quam tamen adimere satagunt non solum Papiæ per suas multiplices ἐθελοθησκείας, sed etiam Fractes isti jugum necessariæ sessionis, tanquam à CHRISTO imperatæ, Christianorum cervicibus volentes imponere; quod tamen CHRISTVS eis non imposuit. Peccant igitur, libertatem Christianis eripere contententes quæ eos CHRISTVS donavit. At Ecclesia SCOTICANA, neque sessionem, neque genuflexionem, neque ullum alium à quavis reformata Ecclesia usurpatum gestum unquam iudicavit in se esse necessarium, neque in eo DEI cultum collocavit: sed huiusmodi rerum indifferentiam, et mutabilitatem semper agnovit, cum omnibus aliis reformatis Ecclesiis.

De libertate
quoad iudicium.

De libertate
praxeos.

VI. Vsum quod attinet sive praxin in rebus indifferen-
tibus, debet quidem ea esse iudicio rectè sentienti con-
formis: at iudicium rectè sentiens, sicut iudicat rem ipsam
in se esse mediam, & vel fieri, vel omitti posse absque pec-
cato, adeoque ejus usum absolutè spectatum esse liberum;
ita etiam libertatis hujus exercitium iudicat subiacere regu-
lis ordinis, & decori, & pacis, & ædificationis, & subje-
ctionis illius qua jubentur Christiani audire Ecclesiam &
præpositis suis obedire, & ipsi Prophetarum spiritus jubentur
subiecti esse Prophetis. Hæ enim sunt leges de liber-
tatis huius exercitio traditæ in sacris Scripturis; *Math. 28.*
Roman. 14. & *1. Corinth. 14.* *Hebr. 13.* Nulli licet contra
has regulas sua libertate abuti. Iam autem in talium rerum
usu id ædificat quod pacificum, illud est pacificum quod
est ordinatum, & quidem decorè ordinatum; is autem de-
cens ordo est in Ecclesia ab ipso CHRISTO constitutus,
ut in talibus non suo quisque se gerat arbitratus, sed audiat
Ecclesia, & exhibeatur præpositis obedientia, spiritusque
Prophetarum subiecti sint Prophetis, id est, legitimo con-
ventui, sive Synodo Prophetarum; quamdiu scilicet non
adimitur illa necessaria quoad iudicium libertas, sed tan-
tummodo praxeos exercitio regulæ præscribuntur, pro ea
auctoritate qua Ecclesiam suam donavit DOMINVS, qui
non seditionis, seu confusionis, sed Pacis DEVS est. Ea
etiam quoad ipsam praxin Christianis relinquenda libertas
est, ut jugum CHRISTI facile non mutetur per rituum
asperitatem in difficile: & loco oneris CHRISTI, quod
leve est, non imponatur grave onus humanum, per im-
portabilem exæmoniarum multitudinem: atque ita po-
pulus Christianus ad antiquam veluti *Iudaismi* servitutem
revocetur. Iam autem per decreta illa *Pertbensia*, nullo isto-
rum trium modorum admittitur vel læditur libertas Christia-
na. Neque enim rebus in se mediis affingitur absoluta ne-
cessitas: neque in talibus ponitur cultus DEI: neque est
onerosa aut aspera præscriptæ praxeos observatio: sed be-
nè congruunt decreta illa memoratis regulis de sectandis
iis quæ

iis quæ ad pacem faciunt, et ædificationem, et ad ordinem et decorum, et de præstanda superioribus debita obedientia.

VII. Si objiciatur nullam videri relinqui libertatem praxeos Christianis, si exercenda sit praxis ex præscripto ECCLESIAE.

Respondeo. 1. Non de omnibus rebus mediis præscribit Ecclesia, sed multarum usus, vel omissio relinquitur privatorum arbitrio. 2. In hoc ipso apparet libertas, quod Ecclesia potestatem habeat de talibus rebus in alterutram partem statuendi: et rursus, statuta illa pro circumstantiarum varietate mutandi. 3. Etiam in eo stat Christianorum libertas circa res tales, quod eas etiam ab Ecclesia præscriptas observent Christiani non ob rerum ipsarum in se spectatarum necessitatem, sed propter necessitatem ordinis et obedientiæ; ideo eis liberum est easdem res omittere, et quas prius omiserant usurpare, Ecclesia constitutionem suam mutante. 4. Præterea quando in usu vel omissione rei non contemnitur Ecclesia, neque venit contra mentem Ecclesiæ, sed fit quod Ecclesia pie prudenterque intendit, magna est libertas in ipso speciali usu vel omissione. 5. Res mediæ ab Ecclesia aliqua præscriptæ in hoc etiam liberas retinent observationes, quod Christianus ad aliam perveniens Ecclesiam, in qua diversa est praxis, & quidem publica illius Ecclesiæ auctoritate recepta, potest liberè uti praxi et consuetudine illius Ecclesiæ ad quam pervenit. Quia in una fide nihil officit sanctæ Ecclesiæ consuetudo diversa: et pro eorum inter quos vivitur societate utendum rebus mediis, ne scandalo simus Ecclesiis DEI. Sicut ergo contra memoratas ordinis, et decori, et pacis, et ædificationis, et obedientiæ regulas peccasset, quicumque in ECCLESIA SCOTICANA gestum sedendi usurpante et præscribente, ab eo gestu per contemptum et contumaciter abstinuisset, ita etiam contra easdem peccant ii qui nunc in eadem Ecclesia, gestum geniculandi usurpante, et præscribente, hunc gestum per contemptum et contumaciter respuunt: contra easdem

Quomodo
maneat liber-
tas, tum judi-
cii, tum
praxeos, in
rebus mediis,
non obstante
ordine Eccle-
siastico.

Vide Lib. 2.
cap. 3. num. 3.
& cap. 4.
num. 8. & 13.
& cap. 9.

etiam regulas peccaret ille, qui ad alias veniens ejusdem nobiscum communionis & Fidei Ecclesias, non se ad illarum consuetudinem in rebus hujusmodi mediis accommodaret, sed earum communionem propter externorum hujusmodi rituum diversitatem obstinatè contemneret.



CAPVT XII.

Ad nonam Aporiam, de actuum quorundam indifferentia.

Proponitur Aporia, seu Paradoxum, §. 1. 2. 3. 4. Affirmationis subjectum explicatur, §. 5. 6. 7. Ejusdem attributum explicatur, §. 8. 9. Questio clariùs proponitur, §. 10. Distinctio pro statu questionis, §. 11. Duo questionis membra, §. 12. Ad prius membrum responsio, §. 13. Solvitur obiectio de honesto & inhonesto, §. 14. 15. Ad posterius membrum responsio, §. 16. Et inde evincitur præsens geniculandi necessitas, & adferuntur aliquot utiles distinctiones necessitatis, quibus ostenditur necessitatem geniculandi nunc subditis incumbere etiam de jure divino, §. 17.

I.

Proponitur
paradoxum.



QVORVNDAM, inquis, missitationem potius quàm ingenuam (si quid iis cerebri) animi sententiam, adjungere libet, nullum esse actum indifferentem: cujus paradoxum sunt hæ rationes, &c.

II. Respondeo; Hoc ipse cum fatearis esse tale paradoxum, ut ejus seriam defensionem nemo, nisi per inopiam cerebri, suscipere possit, cur ipsum nobis, & quidem rationibus aliquot in speciem munitum, proponas, non

nas, non video, nisi quia aut rationes ipsas, quas subjecis, ut-
cunque non ita firmas, probabiles tamen & non contem-
nendas esse judicas; aut, quod magis reor, sententiam hac
de re nostram, & quænam idoneæ responsiones esse videan-
tur, ut expromam, postulas; quod equidem ingenuè faci. m,
DEO dante. Antequam verò ad rationes tuas accedam,
primò ipsam Thesin examinabo, & ostendam argumentum
ab actuum necessitate sumptum valere contra contempto-
res decretorum ECCLESIASTICORUM.

III. THESIS ipsa clarius proponenda est, ut
sensus ejus inveniatur. Actum quidem indifferentem post-
ea interpretaris cum *qui neque sit bonus, neque malus, &*
ais, nullum esse actum indifferentem, sed omnem actionem
esse vel bonam, vel malam. Si quæram ex te, de quo ge-
nere actionum hoc asseras; non satis claram responsionem
suppeditant rationes quas adfers: modo enim loqui vi-
deris tantum de actionibus prudentis Christiani hominis,
modo de cujuscunque hominis actionibus: nec hominis
sive Christiani, sive à Christiana fide alieni actiones distin-
guis: neque doces de quo bonorum & malorum genere
quæstio ista sit intelligenda. Explicabimus igitur propo-
sitionem affirmativam, unde sponte patebit sensus partis
negativæ?

I V. Affirmatio est; *Omnis actio est bona, vel ma-
la:* hinc inferis partem negativam, *Ergo nulla indif-
ferens.* Explicandum est priori loco subjectum propo-
sitionis affirmativæ, deinde ejusdem attributum. Subjectum
est, *Omnis actio:* Attributum, *bona, vel mala.*

V. Non cujuscunque, sed tantummodo rationalis aut in-
tellectualis creaturæ actio intelligenda est: nempe homi-
nis aut Angeli. Arque ut de hominibus nunc loquamur,
cum cujuscunque hominis rationis usum habentis sint aliquæ
actiones necessariò vel bonæ, vel malæ, ut juramentum,
sacrificium, enormis læsio proximi, &c. Haud immeritò
quæritur, num etiam de aliis omnibus cujuscunque homi-
nis rationis usum habentis actionibus idem sentiendum sit.

Explicatio.

Sic *Thomas*, cujus auctoritatem potea obtendis, quæstionem hanc intelligit, in 2. sent. dist. 40. quæst. 5. et 1^a 2^a qu. 18. art. 8. et 9. Hoc solo posito discrimine quod dicat non posse esse aliquem actum à deliberata virtute procedentem in homine habente gratiam, qui non sit meritorius, vel demeritorius : sed tamen in non habente gratiam posse esse aliquem actum deliberatum, qui nec meritorius, nec demeritorius sit, sed indifferens ad meritum et demeritum : esse tamen bonum vel malum omnem actum cujuscunque hominis rationis usum habentis. Sed omissis aliis, loquamur de hominibus Christianis : quamvis probationes, quas subjungis, ad cujuslibet hominis, rationis usum habentis, actiones accomodari possint. Hominis, inquam, rationis usum habentis, nam etiam infans est homo rationalis, antequam rationis usum consequatur.

De cujusmodi
hominis actio-
nibus sit quæ-
stio.

VI. Neque omnis actio hominis usum rationis habentis hic locum habet ; nam sunt actiones Physicæ, naturaliter determinatæ, ut esurire, sitire, appetere felicitatem, &c. Sunt actiones homini cum plantis, sunt cum bestiis communes : quæ, quæ tales, etiam si sint hominis, non tamen propriè humanæ sunt actiones : ut alimentum sumere, concoquere, vigilare, dormire, &c. Quæ omnes actiones, quæ tales, id est, quæ homini cum plantis, bestiisve communes, sunt quidem vegetales, aut animales, at non sunt humanæ : quia ex solæ actiones humanæ sunt quæ homini propriæ, nec plantis, bestiisque communes, id est, quæ rationales, aut voluntariæ sunt. Proinde quamvis edere, bibere, dormire, &c. quatenus ratione reguntur sint actiones humanæ, adeoque vel bonæ, vel malæ, in se tamen, quatenus vegetabiles, aut animales sunt, neque bonæ existimantur moraliter, neque malæ : sed ex circumstantiis, quas ratio dictat, evadunt aliquo modo actiones rationales & voluntariæ, adeoque vel bonæ, vel malæ. In illis autem circumstantiis determinandis occupatur prudentia, & in actionibus secundum prudentiæ dictamen moderandis exercetur virtus moralis.

Actio-
num di-
stinctio.

VII. Non igitur omnis actio hominis, sed tantummodo
humana

humana actio huc pertinet. Neq. omnis humana. Nam omnis actio rationalis est humana. At præsens questio completitur actiones voluntarias duntaxat: sunt autem humanæ actiones, siue rationales, quædam voluntati non subiectæ: ut primis principiis per intellectum credere, et conclusionē demonstrationis scire, &c. Quæ actiones cum voluntati non subsint, sed intellectui et menti sint inevitabiles, non existimantur moraliter bonæ vel malæ. De solis igitur voluntariis actionib⁹ hîc queritur: Voluntarias intelligo non solum ex volūtate deliberata, sed etiam ex indeliberata, nam et temere irasci, et inde fratri dicere, *Raca*, aut ei stulticiam ex indeliberata voluntate contumeliōse objicere, peccatū est morale, sicut docet Dominus, *Mat. 5. 22.* et ē contrario audita fratris calamitate vel prospero successu, statim debita, vel cōpassione, vel congratulatione, etiam absq. deliberata volūtate, affici, est bonum morale. Talia autē appello voluntaria, id est, voluntati, et arbitrio subiecta, quia etiam si pravi mot⁹ nos aliquo modo invitos corripiant, nō tamē sic fuit ab initio, sed in potestate volūtatis integræ hominis nōdū lapsi fuit, ut etiam primi illi mot⁹ vel nō existerent, vel saltē nō culpabiles existerent. Præterea quicquid sit voluntate (siue deliberata, siue indeliberata) illud est aliquo modo volūtarium. Sed agamus interim de actionibus voluntatis deliberativæ secundum quod deliberativa est; sic enim Scholastici, in 2. sent. dist. 41.

VIII. Atque hæc de subiecto propositionis. Sequitur explicatio attributi. Bonum multiplex est, etiam prout actionibus attribuitur. Duas adferam distinctiones: 1. *Bonum vel est Metaphysicum, vel Physicum, vel morale.* 2. *Bonum vel est jucundum, vel utile, vel honestum.* Eisdem nobis dividitur malum, quamvis malum Metaphysicum nihil sit. At quando querimus hoc loco an detur aliquod medium inter bonum et malum, intelligimus tantummodo bonum morale & honestum, eique oppositum malum morale, & inhonestum.

IX. Neque huc pertinet omnis bonitas moralis; nam est quædam moralitas aulica, quæ sine læsione conscientia sæpe negligitur, est et supersticiosa moralitas, qualis erat illa

Quanam actiones ad hanc questionem pertineant.

Quod genus boni hic intelligatur.

Distinctio moralitatis

Phariseorum de cibo non sumendo illotis manibus; *Matth. 15.* Sed neque à principum aulis, neque à superstitionum commentis sumenda est ea moralitatis regula, quæ conscientiae lex sit: nō addetis ad verbum quod ego præcipio vobis, neque diminuetis ex eo, ut custodiatis præcepta DOMINI DEI vestri, *Deuter. 4. 2.* Frustra enim colitur DEVS ex mandatis hominum, *Esa. 29. Matth. 15.* Illud igitur in Theologia bonum est, quod DEVS præcepit: lex enim DEI perfecta est bonitatis moralis regula in Theologia, & prohibitio divina perfectus est Index Theologicus malitiæ moralis: illud est Theologo moraliter malum, quod DEO exosum est, & facientem polluit; sicut illa quæ commemorat DOMINVS mala ex corde prodeuntia, *Matth. 15. 19.* Illud verò bonum est, quod hominem DEO commendat, licet non ad meritum, tamen ad mercedem, sicut promissit DOMINVS etiam de poculo frigida uni ex minimis dato in nomine Discipuli, *Matth. 10. 42.* Talia autem sunt ea tantum, quæ DEVS lege sua vel prohibuit, vel præcepit.

Bonum morale Theologicum, eique oppositum malum.

Bonum remunerabile.

X. *Petrus Lombardus, 2. Sent. Dist. 41. C.* Bonum, inquit, multipliciter accipitur, scilicet pro utili, pro remunerabili, pro signo boni, pro specie boni, pro licito, & aliis forte modis: solaq; illi intentio remunerabilis est ad vitam, quam fides dirigit: sed non illa sola bona est, ut aiunt, nam si quis Iudeus vel malus Christianus necessitatem proximi relevaverit naturali pietate ductus, bonum fecit, & bona fuit voluntas qua illud fecit. Hæc ille. Loquimur nunc de bono remunerabili ad vitam. Propositionis igitur hunc esse oportet sensum. Omnis actio voluntaria vel est præcepta à DEO, vel prohibita, adeoq; vel est moraliter bona, vel mala, & hominem vel commendat DEO ad mercedem, vel polluit ad reatum, & (nisi parcat DEVS) etiam ad damnationem.

Clarius proponitur questio.

XI. Nec ramen adhuc satis clarè proposita est ista dubitatio: sed addenda ea distinctio quæ à *Thoma Aquina-*
te ob

te observata est in 1^a 2^a qu. 18. art. 8. et 9. Nam actio aliqua vel consideratur in suo genere sive secundum suam speciem, vel in actuali exercitio sive secundum individuum. Idcirco duos distinctos articulos hac de re proponit *Thomas* loco citato, et concludit dari actus secundum speciem suam indifferentes, id est, qui neque boni sunt, neque mali: quamvis id neget de actibus individualibus à deliberativa ratione procedentibus.

Distinctio
speciei, & in-
dividui,

XII. Quæstionis igitur hujus duo sunt membra. 1. *Utrum omnis actio voluntaria sit secundum speciem suam bona, vel mala.* 2. *Utrum secundum individuum.*

Duo quæstio-
nis membra,

XIII. Ad prius membrum respondeo negativè. Multa enim sunt voluntaria, id est, arbitrio hominis subiecta, quæ secundum speciem suam considerata neque sunt bona, neque mala, id est, neque hominem polluant coram DEO, neque eum DEO commendant ad mercedem. Dat exemplum *Thomas*, levare festucam de terra. Nec solum in vita communi, sed in ipso etiam DEI cultu talia reperiuntur. E. g. Manè DEVM privatim oraturus, sive id in lecto, sive vestitus in cubiculo aut musæo, sive foris in horto, aut in campis id præstiteris, nil interest, modo pari ubique affectu & reverentia DEO supplices: nec refert sive togatus, sive palliatus quis prædicet Evangelium; item sive aurum habens in marsupio, sive sine auro, sive sub lecto, sive sub dio rem sacram peragas; sive operto, sive aperto capite concionem audias, &c. Illud autem secundum speciem bonum est, quod lege DEI ita præceptum est, ut non sit fas homini illud negligere, aut quicquam facere quod ei repugnet. Et illud malum est secundum speciem, quod lege DEI ita prohibitum est, ut non sit fas homini illud admittere, aut præscribere quocunque prætextu. Quale bonum est DEVM proximumque diligere, nialum autem, DEVM blasphemare, adulterari, &c. Et hujusmodi rerum bonitas, aut malitia, neque ex auctoritate hominum, neque ex locorum aut temporum varietate aliter id genus circumstantiis æstimanda est: sed semper et ubique constans

Ad prius
membrum re-
sponso nega-
tiva.

Quid sit se-
cundum spe-
ciem bonum
aut malum
morale Theo-
logicum.

Quid sit secundum speciem suam indifferens.

stans est, stante Lege DEI. Quod igitur pro locorum et temporum varietate, aut hominum autoritate, aliisque id genus circumstantiis, absque ulla mutatione legis divinæ, fieri vel omitti potest aut debet absque peccato, quippe de quo vel faciendo, vel omittendo, si secundum speciem suam consideretur, nulla exstat divina præceptio vel prohibitio, illud Theologicè neque est bonum secundum speciem suam, neque malum, et proinde est indifferens seu medium: nam si esset bonum, nemo posset sine peccato oppositum facere; si esset malum, nemo usquam id faceret sine peccato. Et hujus generis est gestus sedendi, item gestus standi, item gestus geniculandi in Cœna DOMINI, sicut ex superioribus pater. Item locus, tempus, aliæque circumstantiæ illius primæ Cœnæ nobis non præscriptæ, neque prohibitæ: et multa similia.

Obiectio de honesto, & inhonesto.

XIV. Objici posse videtur, quod omnis actio secundum suam speciem sit vel honesta, vel inhonesta: ergo vel moraliter bona, vel mala. Loquimur enim de honestate Theologica earum rerum quæ moraliter, & coram DEO honestæ sunt. Omnis autem actio humana voluntaria, vel est honesta, vel non est honesta; si non sit honesta, est inhonesta; atque si non sit inhonesta, est honesta; unde efficitur omnem actionem esse vel honestam, vel inhonestam: omne autem honestum est bonum, & inhonestum est malum. Nam jubemur sequi honesta *τὰ καλὰ, τὰ ἀγαθὰ, τὰ ἐφικτὰ*, & fugere inhonesta, seu turpia, *τὰ αἰσχροτά, καὶ ἐν ἀνήκοντα*. 1. Pet. 2. 12. Ephes. 5. 3. 4. Phil. 4. 8. Tit. 3. 8.

Solutio.
Duplex honestum; aliud laudabile, aliud duntaxat irreprehensibile.

Illud bonum est, hoc medium, sive indifferens.

XV. Respondeo: duplex est honestum: nam est quoddam honestum necessarium, ut sunt omnia officia Lege DEI imperata: est & quoddam honestum licitum quidem, at non necessarium, sed moraliter liberum. Illud DEO hominem commendat ad mercedem, ejusque contrarium polluit hominem coram DEO; quale honestum est castitas, seu continentia lege DEI imperata. Hoc non commendat DEO hominem ad mercedem, neque ejus contrarium polluit

polluit hominem coram DEO, et hujusmodi honestum est Matrimonium, teste Apostolo, 1. *Corinth.* 7. 38. et *Heb.* 13. 4. Illud dici potest HONESTUM LAUDABILE, nam gloria, & honor, & laus promittitur facientibus ipsum, *Roman.* 2. 10. & 1. *Corinth.* 4. 5. Hoc dici potest HONESTUM IRREPRÆHENSIBILE, quia non est inhonestum, seu peccatum, sed absque peccato fit: illud est HONESTUM FORMALITER, ET POSITIVE, SEU INCLUSIVE, quia in se formaliter includit honestatem moralem: hoc autem HONESTUM EST EXCLUSIVE, ET PER CONSISTENTIAM SEU COMPOSSIBILITATEM, (ut ita loquar) CUM HONESTO FORMALI ET POSITIVO: nam honestum tantummodo in se irrepræhensibile ideo honestum dicitur, quia fit sine peccato, quemadmodum Apostolus ait posse sine peccato contrahi nuptias, & hæc est ejus consideratio exclusiva, qua excluditur turpitudine: itē quia fieri potest salva honestate laudabili; & cum honesto laudabili cōsistit: nam cum castitate, seu cōtinentia lege DEI imperata cōsistit matrimonium; et hæc est ejus consideratio socialis, sive quoad consistentiam cum honesto formali. Nō igitur omnis actio est vel honesta priori sensu, vel inhonesta; nā datur medium genus actionum, quæ suo quidem modo honestæ sunt, quia irrepræhensibiles: at neque priori modo honestæ, neque inhonestæ. Et hæc secundum speciē suam sunt mediæ. Et considerantur bifariam secundum duplicem oppositionem: Nam actio media honesta vel opponitur alii actioni mediæ etiam honestæ, vel opponitur actioni inhonestæ. Prior oppositio existit ex specie ipsarum actionum: altera oppositio ex ratione honestatis. E. g. Conjugium secundum speciem actionis, semoto moralitatis respectu, opponitur cœlibatui: at secundum rationem honestatis moralis utrumque opponitur fornicationi. Priori modo consideratum honestum medium non est necessarium, sed liberum, quia vel eligi vel omitti potest absque peccato. At posteriori modo spectatum habet quandam necessitatem moralem, nempe hypotheticam, ut scilicet, sine peccato fiat, modo fiat; et hæc necessitas non attingit ipsum actum, sed modum actus. Nam

Duplex consideratio rei mediæ honestæ secundum duplicem ejus oppositionem.

Necessitas quædam hypothetica attingens modum actus secundum suam

suam speciem
indifferentis:
salva indiffi-
rentia & liber-
tate ipsius
actus,

actus ipsius, vel præstatio, vel omissio libera est: at suppo-
sita actus præstatione, vel ommissione, necesse est eam fieri
absque peccato, et salva honestate laudabili. Hoc sensu
Apostolus dixit liberam quidem esse viduam ut nubar cui
velit, hanc tamen addidit conditionem necessariam, ut, si
nupserit, nubar tantummodo in DOMINO, 1. Corinth. 7.
39. Hæc adjecta conditionata necessitas non facit ipsum
actum nubendi esse necessarium, aut etiam abstinentioniam à
nuptiis esse necessariam; sed nubendi, vel non nubendi, li-
bertatem relinquit. Ad illud igitur quod obijcitur de om-
ni actione quod sit honesta, vel inhonesta: atque si non
honestâ, quod sit inhonesta. RESPONDEO: Si nullo mo-
do sit honesta, est inhonesta: at fieri potest ut actio sit uno
modo honesta, quæ alio modo non sit honesta, nec tamen
propterea inhonesta; ut sunt omnes actiones honestæ libe-
ræ ac licitæ, quæ non sunt imperatæ ac necessariæ, et tales
sunt actiones secundum speciem suam mediæ, seu indiffe-
rentes.

Objectioni de
honesto & in-
honesto, dire-
ctè responde-
tur.

Respondetur
ad secundum
membrum quæ-
stionis.


XVI. Et si autem media secundum speciem suam
spectata, neque bona sint, neque mala; quandoque tamen
eorum individua, non quidem ex natura sua, sed per acci-
dens, ex circumstantiis, in ipsa praxi induunt rationem bo-
ni, aut mali; prout scilicet vel necessitas adhærescentis bo-
ni, vel iniquitas adhærescentis mali, ea fieri, vel non fieri;
usurpari, vel non usurpari postulat. Vnde evenit nonnun-
quam ut quod heri facere, idipsum hodie omittere expe-
diat, quod tamen postea vel facere, vel non facere poteris
arbitratu tuo. Exemplo sit trina mersio, vel tinctio in
Baptismo, quam olim ante exortum *Arian* nemo ferè sine
scandalo omitteret, postea in quibusdam locis non poterat
sine scandalo usurpari, propter *Arianos*; tandem vel omitti,
vel adhiberi cœpit liberè, et quidem absque scandalo. Si-
cut docuimus supra Cap. 10. §. 6. Nec temporum so-
lùm, sed diversarum etiam eodem tempore Ecclesiarum
consuetudines diversæ in causa sæpe sunt ut res eadem in
una Ecclesia fieri non possit sine scandalo, in alia omitti non
possit,

Vide Lib. 2.
Cap. 6. 7.

possit, in tertia vel fieri vel omitti liberè possit. Neque in una fide quicquam officit consuetudo diversa.

XVII. Iam si quis ita argumentetur, ut inferre studeat necessitatem omissionis geniculandi in Cœna, in ECCLESIA SCOTICANA, ex hoc quod res secundum speciem indifferens, quandoque existat secundum individuum necessaria: retorquebo argumentum, & inde evincam necessitatem geniculandi hoc tempore, quia in re secundum speciem suam libera, necessitatem praxeos (salva iudicii libertate) imponit nobis necessitas obediendi Ecclesiæ, & necessitas ordinis, & decori, & pacis, & ædificationis. Et hanc obedientiæ in talibus necessitatem imposuit nobis Lex DEI. Adeo ut quamvis genuflexio in hujus Sacramenti celebratione non sit *antecedenter & immediatè* de jure divino necessaria, quomodo necessaria est acceptio, & comestio, sed hoc respectu sit libera; *Consequenter* ramen & *mediante legitima Ecclesiæ autoritate* sit jam nobis necessaria, non quidem *necessitate rei*, sed *necessitate obedientiæ, & ordinis, & pacis, &c.* Cujus obedientiæ, & ordinis intuitu atque interventu ipsa genuflexio, aliqui in se media, evasit pro tempore quoad praxin necessaria etiam de jure divino, adeo ut omitti per inobedientiam & contemptum non possit absque peccato, id est, absque violatione juris divini. De tali necessitate egregiè disserit IOANNES CALVINUS, Lib. 4. Institut. Cap. 10. Sect. 5. 30. 31. Ejus verba invenies à nobis citata, Lib. 2. hujus IRENICI, Cap. 3. Num. 2. & 3. & Cap. 11. Num. 17. & Cap. 4. Num. 3.

Necessaria est privatis Pastoribus, & plebibus *Scoticis* hoc tempore geniculatio, estque hæc necessitas jam de jure divino non quidem antecedenter & immediatè, sed consequenter & mediatè non necessitate rei, sed necessitate obedientiæ, & ordinis, & pacis, &c.



CAPVT XIII.

Proponitur questio, De necessitate & indifferentia individuorum actuum, cum argumento THOMÆ, §. 1. Opponuntur THOMÆ, BONAVENTURA, SCOTUS, DURANDUS, & ipse THOMAS, §. 2. 3. 4. 5. Aliiter respondetur secundum communia principia, per distinctionem inter actum ipsum, & ejus directionem fidemque agentis, & clarius explicatur status controversiæ nostræ, §. 6. 7. Conciliatur responsio cum doctrina THOMÆ, §. 8. Objectio, §. 9. Solatio, §. 10. Regula, §. 11. Determinatio exercitii actus liberi nihili ei addit bonitatis, §. 12. Distinctio malitiae, §. 13. Misericordia obstatu errantium, §. 14.

I.

• Proponitur
questio.



SED quæres ex me, quid de illa THOMÆ AQUINATIS sententia judicandum sit, qua concludit necesse esse ut omnis actus hominis à deliberativa ratione procedens in individuo consideratus, bonus sit vel malus: idque hoc argumento, quod omnis actus à ratione deliberativa procedens, vel ordinetur ad debitum finem, puta ad gloriam DEI, (cum rationis sit ordinare) atque ita conveniat cum ordine rationis, & inde habeat rationem boni: vel non ordinetur ad debitum finem, & ex hoc ipso repugnet rationi, habeatque rationem mali. Sic THOMAS, in 1^a 2^a Quæst. 18. Art. 9.

1. Responsio,
qua authori-
tati opponitur

II. Respondeo. Opponere possemus THOMÆ, BONAVENTURAM, & SCOTUM, qui docent multos esse ejusmodi actus indifferentes etiam secundum esse

authoritas,
cum Autho-
rum rationi-
bus.

esse quod habent in esse morali. In 2. Sent. Distinct. 41. & DURANDUM, in 2. Sent. Distinct. 40. Quest. 2. & ipsum THOMAM, in 2. Sent. Distinct. 40. Quest. 5. ad 6^m & 7^m: Vbi THOMAS aliquos actus ponit indifferentes. *Iste modus dicendi, (inquit BONAVENTURA) quo quidam dicunt bonum & malum immediate dividere actionem deliberativam, nihil enim facere hominem ex deliberatione quod DEUS non reputet ei ad premium, vel non imputet ei ad aliquod demeritum: iste modus dicendi, aut multum ampliat viam salutis, aut multum coarctat. Nam ad hoc quod sit opus meritum, (meritorium opus, dicunt Scholastici, quod potius dicendum remunerabile apud DEUM) aut dicent requiri actualem relationem illius operis ad DEUM, & in particulari. Aut dicent sufficere relationem in habitu & in universali. Si dicant quod requiritur relatio in particulari: nimis est arcta via salutis: Quia tunc in omni opere quod homo non refert actualiter in DEUM, demeretur & peccat, quod valde severum est dicere: si verò sufficeret intentio habitualis, & in universali, tunc quando aliquis proposuisset in corde suo servire DEO in principio anni vel mensis, vel septimanae, vel diei, omnia opera quae postea faceret, etiam nihil cogitans de DEO, essent sibi meritoria. Sed si hoc dicatur, valde ampliatur & largatur via salutis: & in hoc auctoritatibus Sanctorum obviatur, qui dicunt eam esse valde arctam. Hæc BONAVENTURA.*

BONA VEN
TVRA.

III. DURANDVS etiam, in lib. 2. Sent. distinct. 40. quest. 2. §. 11. Dicendum (inquit) quod non omnis actus à deliberatione procedens est meritorius, vel demeritorius, vite eterne, sed sunt complures indifferentes, etiam in habentibus gratiam.

DURANDVS

SCOTVS.

IV. SCOTUS autem, in 2. Sent. Dist. 41. tripartitam proponit distinctionem relationis actus ex charitate in finem ultimum: *Potest (inquit) actus referri ex charitate in finem ultimum tripliciter. Vno modo ACTUALITER, sicut cogitans actualiter de fine diligit illum, & vult aliquid propter illum. Alio modo VIRTUALITER, sicut ex cognitione & dilectione finis devenit ad volitionem huius entis ad finem, puta ex cognitione & dilectione DEI pertinente ad portionem superiorem, portio inferior considerat talem actum, puta pœnitentie, esse assumendum, & postea illum exsequitur volendo, non tamen tunc referendo in finem, quia nec tunc actualiter cognoscitur, nec diligitur. Tertio modo HABITUALITER, puta si omnis actus referibilis in finem, manens cum charitate, quæ est principium referendi, dicatur referri habitualiter.* Hæc SCOTUS. Qui ibidem concludit hominem non teneri referre semper actum suum in DEVM actualiter, vel virtualiter: DEVM enim non obligasse nos ad hoc. Ideoq; multos esse actus indifferentes, in quibus neque sit ea deordinatio quæ sufficiat ad rationem peccati, neque sufficiens ratio bonitatis ut sint meritorii; quia sola habitualis relatio non videtur sufficere ad meritum, neque ulla minor relatio quam relatio virtualis: Cum tamen existant multi actus humani liberè elicit, qui neque actualiter, neq. virtualiter ad finem ultimum referuntur, quamvis eis non desit relatio habitualis.

BONAVENTURA.

V. BONAVENTURA autem ibidem: *Non omnis actio (inquit) non ordinata ad DEVM tanquam ad finem, est mala. Quia quedam non ordinatur propter inordinatam conversionem ad creaturam: quedam verò non ordinatur propter operantis negligentiam: quedam verò non ordinatur propter operantis infirmitatem, & miseriam.*

miseriam. Prima differentia actionis non ordinata est mala malitiâ commissionis. Secunda est mala malitiâ omissionis. Tertia verò neutro modo est mala, sed est indifferens.

Concedendum est igitur quod divisio actionis per bonam & malam, non est per differentias immediatas, pro eo quod inter has differentias contingit reperiri medium: sive actio consideretur secundum genus operis, sive respectu operantis. Hæc ille. Quibus admissis labefactatur illa THOMÆ immediata distinctio.

VI. Verum quia ad præsentem nostram quæstionem nihil interest, sive THOMÆ, sive BONAVENTURÆ, & SCOTI amplectaris sententiam: Respondebimus secundum communia principia. Dicimus igitur distinguendum inter ipsum actum, & actus directionem fidemque agentis. Nam fieri potest ut actus secundum speciem suam bonus, neque ad rectum finem dirigatur, neque ex fide procedat: ut quando hypocritæ dant Eleemosynam: item ut actus in se malus bono quasi fine suscipiatur, nec tamen inde existit actus ipse licitus, quia non sunt facienda mala ut eveniant bona.

VII. Iam autem in quæstione de actibus mediis, quando actus medios, etiam quoad individuum, defendimus, nō negamus relationem, saltem habitualem, actus in DEVM esse necessariam: sed negamus actus ipsius necessitatem, & bonitatem remunerabilem remuneratione æterna. Et in hac cum fratribus quæstione hoc bonum est quod necessarium, seu ad quod nos DEVS obligat, hoc autem medium quod liberum. Neque controversia nostra est de hypothetica necessitate relationis, seu directionis omnium nostrorum actuum ad DEVM, ut aliquo sensu boni sint, aut non mali, si exercentur. Et si fatetur quoque THOMAS non esse necesse ut intentio actualis ordinans in finem ultimum sit semper conjuncta cuilibet actioni, sed sufficere ut aliquando actualiter omnes actuum nostrorum fines in finem ultimum referantur. Sicut fit quando aliquis cogitat se to-

2. Responsio, qua ostenditur illam ipsam Thomæ assertionem non obesse præsentī nostræ causæ. Quia hypothetica necessitas directionis & fidei, sub hypothesi, si fiat actus, non importat necessitatem ipsius actus.

Status nostræ quæstionis.

tum ad DEI dilectionem dirigere : Tunc enim (inquit THOMAS) quicquid ad seipsum ordinat homo, in DEVM ordinatum erit : & ut homo habitualiter in DEO constituat finem sue voluntatis, qua habitualis ordinatio in actum quandoque exeat. Sic Sententiam suam explicat THOMAS, in 1. Sent. Distinct. 1. Quest. 3. & in 2. Sent. Distinct. 40. Quest. 5. ad 6^m. Scimus ex præcepto Apostolico, Sive edamus, sive bibamus, & quandoque, & ubicunque, aut cum quibuscunque; aut quicquid ederimus, aut biberimus, aut aliter fecerimus, illud omne ad DEI gloriam faciendum esse. 1. Corin. 10. De hac directionis (saltem habitualis) necessitate, supposito actu, nulla est inter nos controversia, sed quæritur de necessitate ipsius actus signati, seu exercitii illius actus. Et dicimus Individuum actum à nobis sepe ex voluntate etiam deliberativa exerceri sine peccato, quem ex voluntate deliberativa omittere possemus, aut ejus oppositum indifferens facere etiam sine peccato; quamvis sive cessemus, sive hunc aut oppositum actum exerceamus, omnia in DEI timore, & ad DEI gloriam referenda sint. Et tales actiones earumq; omissiones appellamus indifferentes seu liberas, prout indifferens seu liberum opponitur necessario moraliter, quod vel necessario faciendum, vel necessario omittendum est, necessitate legis divinæ: quæ moralitatis actuum nostrorum suprema regula est. Quemadmodum quicquid non ex fide est, peccatum est. Roman. 14. 23. Non tamen ad evitandum peccatum necessaria mihi de omni actione est ea fides qua credā necesse mihi esse hoc agere: sed in multis sufficit ea fides qua veraciter ex idoneo fundamento credam licere mihi hoc agere; etiamsi simul credam certoque sciam licere mihi omittere eam actionem, aut etiam oppositam actionem indifferentem exercere. Ea enim bonitas quæ actionibus medijs accedit ex fide, aut ex directione in finem ultimum, non importat ipsarum actionum necessitatem, sed tantummodo necessitatem fidei in agente, & directionis actus

Thesis nostra per quam directè respondetur ad eam quæstionem quæ à fratribus movetur.

Necessitas directionis actus, & fidei in agente, non tollit indifferentiam, & libertatem ipsius actus.

actus in ultimum finem. Et hæc fides atque directio non sunt res mediæ, sed necessariae, etiam in actionibus, & omissionibus mediis. Salva tamen ipsarum actionum & omissionum libertate, & indifferentia. Neque ferendum est ut talè jugum conscientis Christianorum imponatur, per quod perpetuè trepidationi subjaceantur, ut scilicet omnem individuum actum existiment esse necessarium: hoc est vel necessario exercendum, vel necessario omittendum. Nam dum cogitant aliquid facere, aut omittere, de quo nihil præceptum esse inveniunt in sacris Literis, quoniam se convertent hominum conscientiae, et ubi securitatem invenient, nisi intelligant libertatem ipsis circa talia relictam esse, eaque libertate utendum absque transgressione generalium illarum regularum de Ordine, Pace, Decoro, Edificatione &c. Vidua nubens, aut nubit in DOMINO, aut non in DOMINO. Si hoc, peccat: si illud, rectè facit; nam præcipitur nubentibus, ut nubant in DOMINO. Et sic hæc actio, respectu adjecti modi, est vel bona, vel mala: quamvis in se sit media, & libera, etiam quoad individuum. Quamvis enim nubenti necesse sit nubere in DOMINO, ut tamen vidua nubat non est necesse: sed indifferens est, & liberum. Ideoque potest vidua sine peccato nubere, vel non nubere. Si SEMPRONIA vidua nubat TITIO, necesse est ut ei nubat in DOMINO: si, posthabito TITIO, nubat CAIO, necesse est ei nubat in DOMINO: si, utroque rejecto, nubat POMPONIO, necesse est ei nubat in DOMINO: si nullis implicita nuptiis cœlebs vivat, necesse est cœlebs vivat in DOMINO: & tamen liberum est SEMPRONIAE viduæ, vel nubere, vel cœlibem vivere: atque, si elegat nubere, liberum est illi, arbitrato suo, cui velit nubere, sive TITIO, sive CAIO, sive POMPONIO. Ex hoc exemplo patet generalem illam bonitatem, quæ omni actioni aut omissioni necessaria est, non imponere necessitatem ipsis actionibus, ut à nobis necessario, vel exerceantur, vel omittantur:

Perniciosa & non ferenda conscientiam servitus.

Illustre exemplum.

Necessitas bonitis illius generalis de qua loquutus est Thomas non imponit necessitatem agendi vel omittendi.

tur : sed, ea non obstante : manere multas actiones medias, id est, liberas, etiam quoad individuum.

Novum hoc
commentum
nihil habet
praesidii in
doctrina Tho-
mae; neque
cuiquam sano
unquam in
mentem ve-
nit.

VIII. Neque repugnat THOMAS, dum contendit omnem actum individualem à voluntate deliberante procedentem esse vel bonum, vel malum; neque ullum esse actum ejusmodi, qui neque bonus sit, neque malus, quia (secundum THOMAE sententiam) quoad intentionem & directionem in finem erit vel bonus, vel malus. At non dicit THOMAS omnem actum, qui, si praestetur, erit sic bonus, esse praestitu necessarium; ejusque oppositum, omisso altero, praestari non posse sine peccato; adeoque nullum actum individualem esse liberum, qui sine peccato praestari, vel omitti, & cujus oppositum fieri liberè possit. Hoc non dixit THOMAS, neque ulli sano unquam in mentem venit.

Objeccio.

IX. At, inquires, si omnis actio individualis sit vel bona, vel mala, saltem ratione directionis in finem ultimum, sequetur omnem actionem vel commendare hominem DEO ad mercedem, vel polluere hominem coram DEO. Quod autem commendat hominem DEO ad mercedem debet fieri, adeoque est factu necessarium; & quod hominem polluit coram DEO, debet non fieri, adeoque est omisso necessarium: omnis igitur actio individualis voluntaria, est legaliter necessaria, neque est ulla actio indifferens, seu libera, quæ sine peccato, vel fieri, vel omitti liberè possit.

Respon.
Distinctio
bonitatis in
necessariam
& necessitante-
m. Item in
eam propter
quam & eam
sine qua non.

X. Respondeo. Actionis individualis bonitas alia est actioni quidem necessaria, at ipsam actionem, non faciens necessariam; alia est necessitans, ut ita loquar, seu necessariam faciens ipsam actionem: Item, alia est bonitas actionis propter quam fit ipsa actio, alia autem sine qua non bene fit actio, quamvis propter eam non fiat. E.g. veritatem & pacem diligere & sectari actio bona est, bonitate legali necessitante hanc actionem, quia praecipitur ipsa actio: at festucam de terra tollere, quam sine peccato illic relinquere posses, actio est bona quidem per bonitatem directam

directionis in finem ultimum, & per bonitatem originis, quia fit ex fide certa que scientia qua credis & scis licere tibi hoc facere: quæ bonitas huic, et omni humanæ actioni necessaria est, nec impedit quo minus actio ipsa sit indifferens: at non est bona bonitate aliqua necessitante hanc actionem. Item, in rebus mediis, quando actionem aliquam secundum speciem suam indifferentem prudens exerceo vel omitto, ad evitandam dationem scandali alioquin inevitabilem, aut propter necessitatem legitimæ obedientiæ, actio ea jam bona est bonitate morali, seu legali *propter quam* fit ipsa actio: at quando actio, quam exerceo, neque est secundum speciem, aut individuum lege DEI imperata, neque ulla specialis bonitas moralis et Theologica est causa specialis actionis; sed tantummodo actionem comitatur illa generalis bonitas originis ex fide, et directionis ad finem ultimum, actio ea bona quidem est bonitate generali, & concomitante sine qua non, at non est bona bonitate speciali, & propter quam, seu specialiter causante. His præmissis distinctionibus, facilis est propositæ objectionis solutio: nam actio bona bonitate necessitante, & bonitate propter quam, commendat hominem DEO ad mercedem ex promissione divina. At actio bona bonitate tantum concomitante, & actioni necessaria, sine qua non bene fit actio, non commendat hominem DEO ad mercedem. Quamvis ipsa bonitas generalis actionem comitans commendat hominem DEO ad mercedem, est enim necessaria, at actus non est necessarius: et absque hoc actu haberi potest bonitas ea generalis æque in omissione hujus actus, aut etiam in executione diversi, vel oppositi actus. Quocirca ut per hanc generalem bonitatem commendetur homo DEO ad mercedem, non est iste actus necessarius: sed manet homini, respectu istius actus, plena arbitrii libertas moralis, tum ea quæ exercitii seu contradictionis dicitur, tum etiam ea quæ specificationis seu contrarietatis libertas appellatur. Id quod, supra illustravimus evidenti exemplo Matrimonii viduæ.

Bonitas actionis, alia est concomitans, alia causans actionem.

Solvitur ob-
jectio.

Duplex arbitrii libertas moralis.

Regula de actu
tum necessi-
tate, & liber-
tate, seu indif-
ferentia,

XI. Et in genere, nullus signatus actus est necessarius, cujus bonitas omnis commendans DEO hominem ad mercedem æque haberi potest omisso illo actu, aut in alio actu; sed talis actus, etiam quoad individuum, liber est & indifferens. Sin autem bonitas simpliciter necessaria haberi nequeat absque ipso signato actu, tunc actus ipse quoad individuum est necessarius, quamvis fortasse sit secundum speciem suam indifferens. E. g. nobis jam necessarium est in Cœna Domini genua flectere, ut habeatur necessarium bonum debitæ obedientiæ, & decentis uniformitatis in Ecclesia SCOTICANA, & evitetur malum contemptus authoritatis Ecclesiasticæ & nefarii schismatis, & confusio-
nis.

Determinatio
exercitii actus
liberi, & prorsus
indifferentis,
nihil ei ad-
dit bonitatis.

XII. Bonitas homini simpliciter necessaria est, ut quicquid agit, ex fide agat, & ad DEI gloriam. At verò ut hunc liberum actum exerceat, ex fide & ad DEI gloriam, non est simpliciter sed tantum hypotheticè necessarium, nempe, si exerceat hunc actum, necesse est ut id ex fide & ad DEI gloriam faciat: ipsa autem determinatio exercitii nihil addit bonitati illi quæ hominem DEO commendat ad mercedem: nam æque haberi potest absque illa determinatione.

Distinctio ma-
litiæ actuum,
alia est malitia
actum polluen-
s & impe-
diens; alia est
tantummodo
polluens, si
adsit, non au-
tem impedi-
ens actum.

XIII. Attendenda etiam distinctio malitiæ. Nam alia est malitia non solum polluens, sed etiam impediens actum, impedimento morali sive legali, quando scilicet ita inhæret actui malitia ut absq. ea malitia actus ille exerceri non possit: qualis est malitia adulterii, & malitia dati scandali, aut impiæ inobedienciæ etiam in rebus secundum speciem suam adiaphoris. Et ad evitandam hanc malitiam necesse est omittere ipsum actum. Alia est malitia actum quidem polluens, si adsit actui, at non impediens actum, quia actus potest aut debet præstari absque ista malitia; neque propter istam malitiam omittendus est actus, sed, quoad ejus fieri potest, amolienda duntaxat ipsa malitia. Qualis est malitia jactantiæ propter quam hypocrita pascit pauperem; nam ad evitandum istam malitiam, non est necesse omittere ipsum
actum

actum pascendi pauperem, sed alio affectu præstandus est actus. Talis est malitia incredulitatis, quæ adhæret scilicet fidei, nec tamen propterea debemus non credere, sed credendum, & clamandum, *Credo DOMINE, succurre incredulitati meæ*; & non imputabitur incredulitas, sed fides, & poenitentia apud DEI misericordiam prævalerunt per DOMINVM nostrum IESVM CHRISTVM. Si quis, in rebus medijs, aliquid licitum ab Ecclesia (salvis illis libertatis legibus, de quibus supra Cap. 11. Sect. 5. 6. 7.) præscriptum, agat, quod nesciat esse licitum, vel quod existimet non esse licitum, vel quod dirigat non ad DEI gloriam, sed ad illicitum aliquem finem; puta, si, jubente ECCLESIA, in sacra COENA flectat genua, nesciens hoc sibi per legem DEI licere, vel existimans non licere, vel actum illum dirigens ad illicitum finem, mala quidem erit illa genuflexio, malitia actum polluyente; at neque omitti pertinaciter potest ipse actus, absque peccato, quia non absque manifesto ECCLESIAE contemptu: neque excusat indocilis & pertinax inscitia. Debet autem sine ea malitia actus ipse exerceri: nam officium nostrum, & scire tenemur, & facere. Malitia verò impediens reddit ipsum quoque actum omisso legaliter necessarium.

Marc. 9. 24.

Pertinax inscitia non liberat à peccato contumacia.


XIV. At, inquires, obedire ECCLESIAE, in re aliqua, contra propriam conscientiam, non placet DEO, sed est peccatum; quia non ex fide. ROMAN. 14. 23. HEBR. 11. 6.

Objectio.

Respondeo. Hoc quidem verum est: sed æquè verum est, peccare eum qui ex pertinaci conscientia errore contemnit DEI ECCLESIAM, *Matth. 18.* Talis error non facit bonam conscientiam, neque liberat ab officio necessario, aut à transgressionis poena, *Luc. 12. 49.* Vide etiam *Hos. 4. 6. 12.* *Ioann. 16. 2.* *Rom. 10. 2. 3.* Hæc stultitia [*ἀφροσύνη*] polluit hominē, *Marc. 7. 22.* *Pollusis autem & Infidelibus, nihil est purū, sed polluta est cor, et mens, tum conscientia.*

Respon.
Misericordia eorum qui salubribus Ecclesiae decretis per obstinatum conscientia errorē pertinaciter resistunt.

DEUM *prostitentur se scire, sed factis negant: cum sint abominandi, & immorigeri [ἀπειθεῖς] & ad omne opus bonum reprobi [ἀδόκιμοι.] ad Titum 2. 15. 16.* Sic igitur errantes, siue obediunt Ecclesiæ, peccant, malitia actū polluyente, siue obedire detrectent peccant, malitia inobedientiam istā etiam impediēte, id est, propter quam vitari debebat inobedientia: atque ita inter duo genera funerum miseri, iniquitatis suæ laqueis undique irretiti tenentur. Vnicum remedium est, ut, depolito fastu, & abjecta pertinacia, humilem docilitatem induant, & discant veritatem, eique agnitæ ex fide obsequantur. Et veritas eos liberabit.



CAPVT XIV.

Respondetur ad Argumenta pro Paradoxo allata.

Primum argumentum, §. 1. Responsio, §. 2. 3. Secundum argumentum, cum responsione, §. 4. Tertium argumentum, cum responsione, §. 5. Quartum argumentum, cum responsione, §. 6.

I.



OSTQUAM de re ipsa prolixè disseruimus, audiamus jam paradoxi abste propoliti probationes, quas adfers.

Omnis actio, inquis, est bona, vel mala; ergo nulla indifferens: probatur antecedens: Omnis actio, quæ bonitatis om-

nes circumstantias habet, vel quæ aliqua destituitur, est vel bona vel mala: at omnis actio vel bonitatis circumstantias, &c. Ergo. In hoc argumentum incidit Ambrosius Catharinus in Synodo Tridentina, innixus auctoritati Thomæ.

I I. Respondeo, omnem actionem esse bonam vel malam negant BONAVENTURA, & SCOTUS, & DURANDUS: quatenus autem secundum ipsius THOMÆ mentem admittenda sit hæc distinctio, ex superioribus patet: nempe non ita esse quamlibet actionem vel bonam, vel malam, ut vel exercenda, vel omittenda sit, necessitate legis divinæ. Quo concessio nihil eviceris, quod ad præsentem controversiam pertineat. Nam qui actionum indifferentiam apud nos oppugnant, eò collineant, ut libertatem Ecclesiæ adimant statuendi de ipsarum actionum exercitio, vel omissione.

III. Subjungis antecedentis quatuor probationes, ad præsentem inter nos questionem nihil pertinentes: ad quas tamen, quia abs te sunt propositæ, respondebimus. Ad primam: Bonitatis actionem necessitantis, ejusque indifferentiam, seu libertatem tollentis, necessaria circumstantia est præceptio divina, hæc omni non malæ actioni non adest. Neque est ullus actus malus, malitia impediens, nisi sit prohibitus. De mente autem THOMÆ supra abunde disseruimus. Quid CATHARINO visum fuerit nihil moramur.

IV. *Quæ actio, inquis, regitur ratione, prudentia, deliberatione, fide, vel non regitur, ea vel bona est, vel mala: at omnis actio hominis rationalis, prudentis, Christiani, ratione, &c. regitur, vel contra: Ergo.*

Respondeo: Potest actio libera, seu indifferens istis regi, quia tale regimen non tollit indifferentiam, neque importat eam bonitatem quæ libertati opponitur, sicuti abunde patet ex eis quæ supra disseruimus, & exemplo illo matrimonii viduæ declaravimus.

III.

V. *Qualis est finis proximus, talis actio. Hæc enim ab illo præcipue specificatur: omnis finis præcisè est bonus: Ergo.*

Respondeo: Hæc velle videris omnem actionem esse bonam, atque ita evertes illam disjunctionem; & concludes nullam esse malam: nam etiam malè agentes habent sibi finem aliquem propositum. Deinde finis actionis proximus, sive internus, est ipsa actionis plena executio, quæ vel bona, vel mala, censenda est secundum morales regulas actionum. At vero non omnis actio, aut actionis plena executio, secundum eas regulas bona est. At *finis*, inquis, *omnis est præcisè bonus*: nempe vel verè vel secundum opinionem intendentis. At ea opinio non mutat naturam actionis, neque adfert veram bonitatem, neque liberat à malitia morali.

IV.

VI. *Omnis actio capax bonitatis, vel malitiæ (ut ita dicam) ea, si secundum DEI voluntatem optimam fiat, bona est, & si bona non est, saltem ut bona esset convenientius est, magisq; expedit: at omnis actio est capax bonitatis, &c. Ergo.*

Respondeo: Distinguenda est ea loquutio, qua dicis actionem fieri secundum DEI VOLUNTATEM OPTIMAM. Nam si per OPTIMAM VOLUNTATEM, intelligatur præceptio divina, erit actio haud dubiè bona, quippe præcepta, at non continuò erit ea actio mala quæ non fit secundum hanc voluntatem, nam sunt actiones multæ liberæ non imperatæ, ne tamen malæ, quia non sunt prohibitæ. Et convenientius est eas actiones esse liberæ, id est, neque bonas, neque malas, quia DEVS convenientius esse iudicavit eas, nec præcipere, nec prohibere. Sin autem per optimam DEI voluntatem, intelligatur optima, & sapientissima dispositio divina, quâ rerum actionumque naturas ordinesque distinxit; omnis quidem actio, quæ secundum eam fit, erit bona bonitate quadam naturali, seu bonitate congruentiæ; at non bonitate morali. Sic

DEVS

DEVS disposuit ut astra circumrotentur, mare æstuet, bos mugiat, canis latret, & ut hominibus quædam voluntariæ actiones sint legaliter necessariae, quædam sint illicitæ, quædam verò nec necessariae sint, nec illicitæ, sed liberae, sive indifferentes. Quocirca ut actio moraliter bona sit, non sufficit quod fiat secundum hanc DEI OPTIMAM VOLUNTATEM. Neque convenientius est

omnem actionem esse moraliter bonam, quia aliter secundum optimam suam voluntatem disposuit

DEVS. Quamvis hætenus bonam esse necesse sit, necessitate legali, omnē actionem voluntariam, ut nō sit ma-

la, quo sensu omnis actio in-

differentis & licita potest

dici bona: etiam si non

sit bona cā bonitate

quæ indifferen-

tiam et liber-

tatem tol-

lit.

ROM. xvj. 27.

*Soli sapienti DEO, Gloria, per IESVM
CHRISTVM, in secula. Amen.*





I R E N I C I

LIBER SECUNDUS,

Testimonia exhibens Ecclesiarum refo-
matarum & scriptorum Ecclesiasticorum,

DE PRÆMISSIS ALIISQUE AR-
TICVLIS ET QVÆSTIONIBVS;

Una cum pleniore dissertatione de politia Episco-
pali, et alia breviori de gestu Eucharistico et mensali.

Adjectis etiam antiquitatis Testimoniis.

Quorum omnium notitia multum conducit ad hanc pa-
cificationem quam sincerè intendimus, & seriis suppli-
cationibus à DEO pacis flagitamus, & ex im-
mensa ejus indulgentia speramus.

CAPVT I.

Esse quasdam res etiam circa cultum divinum
medias sive indifferentes.

Ioannes Calvinus, Lib. 4. Instit. Cap. 15. §. 19.



ERGATVR ne totus qui tingitur,
idque ter an semel, an infusa tantum NVM. I.
aqua aspergatur, minimum refert: sed
id pro regionum diversitate Ecclesiis
LIBERVM esse debet. Quanquam &
M 2 ipsum

ipsum baptizandi verbum mergere significat, & mergendi ritum veteri Ecclesie observatum fuisse constat.

Item, Cap. 17. §. 43.

II: *Quod ad externum actionis ritum spectat, in manum accipiant fideles, [Panem Eucharisticum] necne, inter se dividant, aut singuli quod sibi datum fuerit, edant: Calicem in Diaconi manu reponant, an proximo tradant: Panis sit fermentatus, an azymus: Vinum rubrum, an albū: nihil refert. HÆC INDIFFERENTIA SVNT, ET IN ECCLESIE LIBERTATE POSITA. Quamquam certum est, veteris Ecclesie ritum fuisse, ut omnes in manum acciperent. Et CHRISTVS dixit, Dividite inter vos.*

Idem, in Consutatione Hollandi.

III: *Is rebus, quæ suapte natura vitiosæ non sunt, liberè nos posse uti, aut ab illarum usu abstinere, observandum est. At ubi liquet rem malam esse, longè alia est servanda ratio.*
 ——— *Res erat media, hoc est, neque bona, neque mala, ad concordiam & conjunctionem Iudæorum ac Gentium fovendam, aliquam interdum ceremoniam observare: usque dum ceremoniarum abrogatio perfectè intelligeretur.* ——— *Opera omnia sua natura, aut bona sunt, aut mala, aut media. Hæc Calvinus.*

Plura autem adferemus in hanc sententiam testimonia infra Cap. 16. & alibi passim.




C A P V T II.

Publicum in rebus mediis ordinem esse
necessarium.

IOANNES CALVINVS., Lib. 4. Institut.

Cap. 10. §. 27.



*I*n omni hominum societate necessariam esse politiam aliquam videmus, N V M. I. quæ ad alendam communem pacem, & retinendam concordiam valeat: sicut in rebus agendis vigere semper aliquem ritum, quem non respui publica honestatis interest, atque adeo humanitatis ipsius: id in ECCLESIIIS præsertim observandum est, quæ cum bene composita rerum omnium constitutione optimè sustinentur, tum verò sine concordia nullæ sunt prorsus. Quamobrem si ECCLESIAE incolumitati bene prospectum volumus, diligenter omnino curandum est quod Paulus jubet, ut decenter omnia & secundum ordinem fiant. At cum in hominum moribus tanta insit diversitas, tanta in animis varietas, tanta in judiciis ingeniorum pugna; neque politia ulla satis firma est, nisi certis legibus constituta; nec sine STATA QVADAM FORMA servari ritus quicquam potest, huc ergo quæ conducunt leges, tantum abest ut damnemus, ut his ablatis, dissolvi suis nervis ECCLESIAS, totasque deformari ac dissipari contendamus. Neque enim haberi potest quod Paulus exigit, ut decenter omnia & ordine fiant, nisi additis observationibus, tanquam VINCULIS quibusdam, ordo ipse & decorum constet.

In Syntagmate Confessionum Fidei Ecclesiarum
Reformatarum.

IN CONFESSIOE HELVETICA. Cap. 24.

- II. *Deligit quævis Ecclesia sibi tempus certum ad preces publicas, & Evangelii prædicationem, necnon Sacramentorum celebrationem. Non licet autem CIVIVIS PRO SVO ARBITRIO Ecclesiæ ordinationem hanc convellere.*

Item in Confessione AUGUSTANA, Cap. de discrimine
Ciborum, & similibus.

- III. *In hac corporali vita opus est traditionibus, hoc est, locorum ac temporum discriminibus, ut ordine gerantur res in Ecclesia, sicut præcipit PAVLV S, ut omnia fiant ordine, & ita ut deceant. Ideo & Ecclesia habet traditiones, hoc est, constituit quibus temporibus, ubi convenire populus debeat. Ad hunc CIVILEM finem licet condere Traditiones.*

In responso Protestantium, de reformandis abusibus Ecclesiasticis, quod datum est Imperatorie Majestati, in Colloquio Ratisbonensi, xiv. Julii, Anno Dom. 1541. Sicut exstat apud Melchiorum Goldastum, Tom. 2. Constitutionum Imperialium. Philippus Melancthon in ea responsi illius parte, cujus ipse Author est, sic loquitur, & cum eo reliqui Protestantes.

- IV. *Quia Cæremoniæ invitare homines, & assuesfacere debent, tum verò etiam signa sunt ad admonendos & docendos rudes utilia, curandum est, per eos qui præsunt, ut Cæremoniæ utiles, & quæ aliquid gravitatis habent retineantur, & absurde & indignæ gravitate Ecclesiastica aboleantur.*

DANIEL CHAMIERVS, Lib. 1. de Sacramentis in
genere. Cap. 13. §. 8.

*In posterioris ordinis accidentibus magnam agnoscimus
Ecclesie libertatem, ut sibi ipsa provideat, sed ex hoc axi-
omate. 1. Corinth. 14. Omnia decenter & ordine
fiant. Nimirum ut ne cuius liceat proprio suomotu & pri-
vato, quicquam immutare: sed communi consensu CON-
STITUTVS ORDO TENEATUR in singulis Ecclesiis.*

V.

Hieronymus Zanchius, in quartam praeceptum, in tractatu
de disciplina Ecclesiastica, in fine.

*Demonstravimus de principio, potestatem hanc fuisse à
CHRISTO Ecclesie traditam, ut scilicet pro circum-
stantiis locorum & temporum, proq; necessitate Ecclesia-
rum leges concipiat & canones. ————— Presbyte-
ros Ecclesie non sine causa Apostolus in Actis appellavit
omnes Episcopos, & eos iussit invigilare gregi: quoniam
ipsorum est una cum primario ipsorum Pastore, quem xat'
ἐποῦν solitum fuisse appellari Episcopum, cum reliqui no-
men retinuerint Presbyterorum, demonstravimus: ipso-
rum, inquam, est, curam totius Ecclesie suscipere, videre
qua necessaria sint, quæve conducant saluti Ecclesie, sive
in Ministerio verbi & Sacramentorum, sive in vita &
moribus, sive in disciplina pœnitentiæ, sive in Cæremoniis,
sive in necessitatibus pauperum: & dare operam, ut quæ
de his rebus constituta sunt, vel à DOMINO, vel
ab Apostolis, vel ab Ecclesia, ea servantur. Si quæ verò
constituta non sint, & tamen ad ædificationem Ecclesie per-
tinere videtur: de iis CERTÆ CONSTITVANTVR LEGES,
quæ nomine totius Ecclesie, & piorum principum auctori-
tate firmantur, & ab OMNIBVS observentur.*

VI.



CAPVT III.

Ostendiur libertas & potestas ECCLESiarVM
determinandi de praxi in mediis: & neces-
sitas singulis Incumbens parendi statutis
ECCLESIAE in talibus.

*In Confessione Fidei, nomine ECCLESiarVM GALLICARVM
scripta, Anno Dom. 1562. quæ exstat apud CALVINVM
in Opusculis, & rursus in Epistolis.*

NUM. I.



ATEMVR tum omnes, tum etiam sin-
gulas ECCLESIAS hoc jus habere,
vt leges & STATVTA SIBI CONDANT
ad politiam communem inter suos consti-
tuendam, cum omnia in Domo DEI ri-
tè & ordine fieri oporteat: ejusmodi por-
ro statutis OBEDIENTIAM deferendam esse, modo ne
conscientias adstringant, neque superstitio illic adhibea-
tur: qui hoc detrectent, CEREBROSI & PERVICA-
CES apud nos habentur.

IOANNES CALVINVS, Lib. 4. Institut.

Cap. 10. §. 30.

II.

Quia autem in externa Disciplina & Caremoniis, non
voluit DOMINUS sigillatim præscribere, quid se-
qui debeamus, (quod illud pendere à temporum conditio-
ne prævideret, neque judicaret unam seculis omnibus for-
mam convenire) confugere hic oportet ad generales quas
dedit regulas, ut ad eas exigantur quæcunque ad ordinem
& decor

& decoram præcipi necessitas ECCLESIAE postulabit. Postremo quia ideo nihil expressum tradidit, quia nec ad salutem hac necessaria sunt, & pro moribus uniuscujusque gentis ac seculi variè accommodari debent ad ECCLESIAE adificationem: prout ECCLESIAE utilitas requirit, TAM VSITATAS MUTARE, ET ABROGARE, QUAM NOVAS INSTITVERE CONVENIET.

Item, §. 31.

III:

Iam verò Christiani populi officium est, quæ secundum hunc Canonem fuerint instituta, LIBERA QUIDEM CONSCIENTIA, NULLAQUE SUPERSTITIONE, PIA TAMEN ET FACILI AD OBSEQUIENDUM PROPENSIONE servare, non contemptim habere, non SUPINA NEGLIGENTIA præterire: tantum abest ut per FASTVM ET CONTVMACIAM violare apertè debeat. Qualis (inquires) in tanta observantia & cautione conscientia libertas esse poterit? Imò verò præclare constabit, ubi reputabimus, non fixis esse & perpetuas sanctiones quibus astricti simus: sed externa humana infirmitatis rudimenta. Vbi si imprudentia & oblivione quid erratum fuerit, nullum admissum est crimen: sin contemptu, improbanda est contumacia. ——— Quod si quis obstrepat, & plus sapere hic velit, quam oportet, videat ipse qua MOROSITATEM suâ ratione DOMINO approbet. Nobis tamen istud Pauli satisfacere debet, nos contemdi morem non habere. neque ECCLESIAS DEI.

Idem, in Epistolis, Genevæ impressis, in folio, apud Ioannem Vignon, Anno Dom. 1617. in Epistola ad Neocomentes, in Editionis illius Columna 63.

- IV. *Substantiam Ecclesiasticæ Disciplinæ exprimit disertis verbis Scripturæ: forma autem ejus exercenda, quoniam à DOMINO præscripta non est, à Ministris constitui debet præ edificatione.*

In Constitutionibus Ecclesiæ Scoticanæ, publicæ auctoritate impressis, cum Psalterio metrico, Cap. de offensis quarum est agenda publicæ poenitentia, & de ordine procedendi in talibus casibus.

- V. *Atque ita parva offensa vel calumnia potest jure mereri excommunicationem, propter offendentis CONTEMPTVM ET CONTVMACIAM.*

Item, Cap. de forma excommunicationis.

- VI. *Indulgentia & clementia cuilibet potius peccato concedi potest, quàm CONTEMPTVI salubrium admonitionum, justarumq; ac legitimarum constitutionum Ecclesiæ. ——— Qui fastuose contemnunt Ecclesiæ admonitionem privatam, aut publicam, se declarant contumaces esse, & rebelles, & prorsus impenitentes, ideoque JURE MERITO EXCOMMUNICANDI SUNT.*


In Harmonia Synodorum BELGICARVM,

Cap. 14. & Can. 14.

- VII. *Crimina quæ in Ministris nequaquam tolerari debent, ea ferè sunt hujusmodi, Hæresis, Schisma, MANIFESTVS ORDINIS ECCLESIASTICI CONTEMPTVS, Blasphemia, &c.*

Vide plura in hanc sententiam inferius, CAP. 7.

CAP.



C A P V T IV.

Conditiones tenendæ & cavendæ in constitutionibus Ecclesiasticis : quibus teneamur obedire in usu rerum mediarum. Item, rem necessariam non abjiciendam propter abusum, sed tollendum abusum : nec semper propter abusum necesse esse abjicere rem mediam, quæ interdum prudentius retinetur, aut toleratur.

IOANNES CALVINUS, LIB. IV. INSTIT.

CAP. IO. §. I.



SVS obtinuit, ut Traditiones humana vocentur, quæcunque de Cultu DEI præter ejus Verbum profecta sunt ab hominibus edicta. Contra has nobis est certamen, non contra sanctas & utiles Ecclesiæ Constitutiones, quæ vel ad disciplinam, vel honestatem, vel pacem conservandam faciunt.

I.

ITEM, §. 2.

Hujus generis ergo Constitutiones hic impugnare animus est; quæ in hoc feruntur, ut animas intus coram DEO ligent, & religionem injiciant, ac si de rebus AD SALUTEM NECESSARIIS præciperent.

II.

ITEM, §. 5.

Notatu dignum est leges humanas, sive à Magistratu, sive ab Ecclesiâ ferantur, tamen si sint OBSERVATV NECESSARIÆ (de probis & justis loquor) ideo tamen NON LIGARE PER SE CONSCIENTIAM, quia tota observandi necessitas, ad generalem finem respicit, non autem consistit in rebus præceptis.

III.

Item, §. 8.

IV.

*Hominum constitutiones Verbo DOMINI contra-
ria, sunt omnes illæ quæ ad verum DEI CULTUM
sunt finguntur pertinere, & quibus servandis conscientia ob-
ligantur, ac si observatu NECESSARIÆ essent. —*

*Habemus ergo impias esse omnes Constitutiones,
in quarum observatione Cultus DEI situs esse fingi-
tur.*

Item, §. 11.

V.

*Sunt alia quoque duo non levia vitia, quæ in iisdem
constitutionibus improbamur: 1. Quod magna ex parte
inutiles, interdum etiam ineptas observationes præscri-
bunt: Deinde quod immensa earum multitudine oppri-
muntur piæ conscientia, & in Iudaismum quendam re-
volutæ, umbris sic adherescunt, ut ad CHRISTVM
nequeant pervenire.*

Item, §. 16.

VI.

*Quod si remotis circumstantiis, simpliciter habere libet
quæ sint omnium temporum humane Traditiones, quas ab
Ecclesia repudiari, & à piis omnibus improbari convenit:
erit illa, quam superius posuimus, certa & clara definitio;
esse omnes leges sine DEI VERBO in hunc finem ab
hominibus positas ut VEL MODVM CO-
LENDI DEI PRÆSCRIBANT, VEL CON-
SCIENCIAS RELIGIONE OBSTRINGANT,
QVASI DE REBUS PRÆCIPiant AD
SALVTEM NECESSARIIS: Si ad alterum,
vel ad utrumque istorum accedunt alia vitia, quod sua mul-
titudine Evangelii claritatem obscurant: quod nihil adi-
ficent,*

*ficent, sed inutiles sint ac luforia occupationes potius quàm vera pietatis exercitia: quòd sint ad fordes ac turpem quæftum expofitæ: quòd sint obfervatu nimium difficiles: quòd sint malis fupertitionibus inquinatæ: hæc erunt ad-
jumenta vt facilius deprehendamus quantum fit in ipfis mali.*

Item, §. 27.

VII.

*Id tantum femper in iftis obfervationibus excipiendum eft, ne aut ad salutem credantur neceffariæ, atque ita con-
fcientias religione obstringant, aut ad DEI cultum con-
ferantur, atque ita in illis reponatur pietas.*

Item, §. 28.

VIII.

*Habemus ergo optimam & fideliffimam notam, quæ in-
ter impias illas conftitutiones diftinguat, (quibus veram
obfcurari religionem & confcientias fubverti dictum eft)
& legitimis Ecclefie obfervationes: fi his meminimus
alterum femper ex duobus effe propositum, aut utrumque
fimul, vt in fagro fidelium cætu DECENTER peragan-
tur omnia, & qua convenit dignitate; vt ipfa hominum
communitas velut quibusdam humanitatis & moderationis
vinculis in ORDINE retineatur, ubi enim femel
PUBLICÆ HONESTATIS caufa pofita lex in-
telligitur, jam fublata eft SUPERSTITIO, in quam
incidunt qui humanis inventis DEI CVLTVM me-
tiuntur. Rursum ubi ad COMMVNEM VSUM
fpectare cognofcitur, eversa eft FALSA ILLA OB-
LIGATIONIS ET NECESSITATIS OPI-
NIO, quæ ingentem terrorem confcientiis injiciebat, cum
putarentur traditiones ad salutem neceffariæ. Siquidem hic
nihil quaritur, nifi vt cõmuni officio alatur inter nos chari-
tas.*

ITEM, §. 29.

IX.

Decorum non vocabimus in quo nihil præter inane oblectamentum inerit: quale exemplum videmus in illo Theatrico apparatus, quo utuntur Papistæ in suis sacris: ut nihil quam inutilis elegantie larva, & luxus sine fructu appareat. Sed illud nobis decorum erit, quod ita erit ad sacrorum MYSTERIORUM REVERENTIAM aptum, ut sit idoneum ad pietatem exercitium: vel saltem quod ad ornatum faciet actioni congruentem, neque id ipsum sine fructu: sed ut fideles admoneat QVANTA MODESTIA, RELIGIONE, OBSERVANTIA, sacra tractare debeant. Porro ut pietatis exercitia sint Cere-
monia, ad CHRISTUM recta nos deducant necessesse est. Similiter ordinem non constituemus in illis nugatoris pompis quæ nihil habent præter evanidum splendorem, sed in ea compositione quæ omnem CONFUSIONEM, BARBARIEM, CONTUMACIAM, turbas omnes, & dissidia tollat. Prioris generis exempla sunt apud Paulum, ut ne profana symposia cum sacra DOMINI Cæna commisceantur, ne mulieres in publicum nisi velata procedant: & alia plurima in quotidiano usu habemus: quale est, quod FLEXIS GENIBUS NVDOQUE CAPITE oramus: quod DOMINI Sacramenta non sordide, sed cum aliqua dignitate administramus: quod in sepeliendis mortuis quandam honestatem adhibemus, & quæ alia eodem pertinent. In altero genere sunt HORÆ publicis precationibus, concionibus, & mysticis actionibus DESTINATÆ: in ipsis concionibus quies ac silentium, loca destinata, hymnorum contentus, DIES celebranda DOMINI Cæna PRÆFIXI, quod Paulus vetat ne mulieres in Ecclesia doceant, & si
qua

qua sunt similia. In primis verò quæ disciplinam conservant, ut CATECHESIS, censura Ecclesiastica, excommunicatio, IEIUNIA, & quæ in eundem Catalogum referri possunt. Itæ omnes Ecclesiasticas constitutiones, quæ pro sanctis & salutaribus recipimus, in duo capita referre licet: altera enim ad ritus & Ceremonias, altera ad Disciplinam & Pacem respiciunt.

Id est, ad decorum, & ad ordinem.

HIERON. ZANCHIVS, in 4. Præceptum, Col. 765.

Demonstravimus potestatem hanc fuisse à CHRISTO Ecclesiæ traditam, ut leges concipiat & canones: sed ita ut primum non pugnent cum Verbo DEI, deinde NE ILLIS OBSTRINGANT FIDELIVM CONSCIEN- TIAS. Denique ut omnia quæ constituuntur ad edificationem Ecclesiæ faciant. X.

IOANN. CALVINVS, Comment. in Cap. 6. ad HEBR. loquens de impositione manuum.

Quamobrem hodie retinenda pura institutio est: superstitio autem corrigenda. XI.

PHILIPPVS MELANCTHON, in responso Protestantium, de reformandis abusibus Ecclesiasticis, Anno Dom. 1541.

Curandum est per eos qui præsent ut Ceremoniæ utiles & quæ aliquid gravitatis habent retineantur. XII.


IDEM, IN CONFESSIOE AVGVSTANA, CAP. DE DISCRIMINE CIBORVM.

Homines imperiti doctrina Christiana, AFFIN- GUNT SUPERSTITIOSAS OPINIONES TRADITIONIBVS, easque per superstitionem sine modo

mōdo cumulant : id quēsti sunt accidisse in Ecclesia non tantum recentiores, GERSON & alii quidam, sed AVGVSTINVS etiam. —————

Sunt autem duplices Traditiones, quædam flagitant opera palam pugnantia cum lege divina, vt prohibitio conjugii. Necessè est autem in Ecclesia exstare hanc regulam, oportet DEO magis obedire, quam hominibus. Ideo constat talibus Traditionibus humanis nequaquam esse obtemperandum. Aliæ loquuntur de rebus sua natura adiaphorais, vt de cibo, vestitu, & similibus rebus. Hæ Traditiones sunt impie, cum proponuntur cum his opinionibus, quod mercantur remissionem peccatorum, QVOD SINT RES NECESSARIÆ, QVOD SINT CVLTVS DEI, id est, officia, quorum finis immediatus sit, vt per ea DEUS honore adficiatur. Hæ PESTIFERAS OPINIONES necessè est in Ecclesia taxari. Ac propter hæ opinioniones humani ritus inutiles, sunt abijciendi, vt discrimina Ciborum, Monasticus vestitus, & similes mores superstitiosos, vt EZECHIAS aneum Serpentem combussit, cum videret à multis coli. Sed quia hæ societas hominum in hac corporali vita habet opus ordine, possunt aliqui ritus utiles ad hunc finem politicum retineri, sine superstitiosis opinionibus, hoc est, ne iudicentur esse cultus, aut res necessariæ, vt populus sciat, quando cætus in Templis convenire debeat ad Conciones, & ad usum Sacramentorum. Oportet enim Ministerium illud esse publicum. Prodest CERTA TEMPORA constitui. Ita servantur apud nos feria Diei Dominici, & pleraq; alia: retinentur visitata historiarum discrimina in cantionibus, Natalis DOMINICI, Paschatis, Festi Ascensionis, Pentecostes, & aliis. Et magis amat populus hæ ipsas Cæremōnias postquam conscientie liberatæ sunt periculo, & illis INIVS-

TIS ONERIBVS, de quibus olim *Monachi* & *canonice* vociferabantur: & è regione utilitas monstrata est, quòd hi ritus serviant *Ministerio Evangelii*. Item admoniti sunt homines, finem esse *POLITICVM* harum ordinationum. Hac dè xtra interpretatio traditionum, reddit eas gratiores moderatis animis. Et quanquam opinio necessitatis & cultus detrahatur, tamen satis munite sunt, quia docemus in Ecclesiis emendatis, utiles *Ceremonias* servire *Ministerio Evangelii*, quare qui *PETVLANTER ET CVM SCANDALO* has *Ceremonias* violant, hoc est, qui impediunt *Ministerium Evangelii*, hos *PECCARE* dicimus. Certè modum Traditionum esse necesse est, & *Conscientiis* consuli oportet, ut intelligant *humanos ritus*, nec res necessarias, nec iustitiam esse. ————— Itaque non vituperamus jejunià, sed *superstitiosas opiniones*, & *LAQUEOS CONSCIENTIARVM* in traditionibus.



CAPVT V.

Error necessitatis aut immutabilitatis de rebus mediis cavendus: ubi etiam de quibusdam iustis causis mutandi vel abrogandi Ritus aut Consuetudinem.

IN CONFESS. HELVETICA, ART. 27.



INDIFFERENS (dixit ad *AVGUSTINVM HIERONYMVS*) illud est, quod nec bonum nec malum est; ut siue feceris, siue non feceris, nec iustitiam habeas, nec iniustitiam.

Nym, I.

IN CONFESSIONE SCOTICANA, ART. 20.

II.

Altera generalium Conciliorum causa fuit propter bonam politiam constituendam, & observandam in Ecclesia, in qua (ut in DEI Domo) omnia decenter & ordine fieri convenit. Non quod eandem in omnibus politiam, eundemque prorsus in singulis Caremoniis ordinem pro omnibus atatibus, temporibus, & locis constitui posse arbitremur: nam ut Caremonie ab hominibus invente tantum sunt temporales: ita ET POSSUNT ET DEBENT MUTARI, cum potius superstitionem pati, vel fovere, quam ipsarum usu, Ecclesiam DEI adificare, inveniuntur.

HENRICVS BULLINGERVS, in sua ad CALVINVM Epistola, de diebus festis, & id genus aliis rebus, in lib. Epistolarum CALVINI, Col. 138. sic alloquitur CALVINVM.

VIII.

Scio in huiusmodi rebus te nunquam fuisse morosum. Ego quidem in his eam libertatem servari cupio, quam videro apud Ecclesias viguisse ab ipsis Apostolorum temporibus.

MARTINVS CHEMNECIVS, in secunda parte examinis Concilii TRIDENTINI, in Sess. 13. Can. 10. pag. 110. Col. 2.

IV.

Non sunt conscientis, tanquam NECESSARIA imponenda, quae non habent in Scriptura mandatum DEI.

IOANNES CALVINVS, in opere illo Epistolarum, Col. 484.

V.

Si penuria sit vini, exiguum quod suppetet aqua dilue-

re, ut toti Ecclesia sufficiat minime absurdum erit. Si religio injicitur, ac si *NECESSARIA* foret mixtio, superstitione hoc non caret.

IDEM, LIB. 4. INSTIT. CAP. 10. §. 16.

Quod si remotis circumstantiis, simpliciter habere libet quæ sint omnium temporum humana Traditiones, quæ ab Ecclesia repudiari, &c. Invenies supra, Cap. 4. Num. vi.

VI.

Idem, in Tractatu de necessitate reformandæ Ecclesiæ, paulò ante medium.

Quum putarentur observatu *NECESSARIÆ* esse hominum leges, corrigi debuit *PERNICIOSVS HIC ERROR*. Quæ externa poliæ causa feruntur leges, *OBEDIENTER SERVANDAS* esse, sicut dixi, non negamus; ad regendas conscientias non nisi unus *DEUS* est legislator. Maneat ergo penes ipsum solum hæc, quam sibi multis Scripturæ locis vindicat, auctoritas. In eare primum *DEI HONOR*, quem nullo modo imminui fas est: deinde *SPIRITUALIS CONSCIENTIARVM LIBERTAS* vertitur, quam Paulus hominum arbitrio subijci summopere vetat. Quod itaque *OFFICII NOSTRI* erat, ut fidei conscientias indigna servitute, qua conscriptæ tenebantur, eximeremus, eas ab hominum legibus liberæ, & solutæ esse docuimus. Hanc libertatem, quæ acquisita esset *CHRISTI* Sanguine non esse proposituendam. In hac causa, si quis nos reos faciat, trahat in eundem simul reatum & *CHRISTUM*, & Apostolos, necesse est.

VII.

In Conclusione Harmoniæ Synodorum
BELGICARVM.

VIII.

Articuli hi ad legitimum Ecclesiæ ordinem spectantes, ita mutuo consensu sunt constituti, ut, si utilitas Ecclesiæ aliud postulat, MUTARI, augeri, & minui possint, & debeant. Non erit tamen privata alicujus, &c. Vide infra, Cap. 7. Num. I.

Daniel Chamierus, Lib. 6. de Eucharistia,
Cap. 4. §. 3. & §. 4.


IIV

Refert & approbat sententiam ALPHONSI DE CASTRO, & GREGORII DE VALENTIA, Græcos Schismaticis & Hæreticis annumerantium, non ideo quod utantur fermentato, seu in fermento conficiant, sed propterea quod putent non nisi in fermentato posse & debere Sacramentum confici. Addentium item necessitate præcepti Ecclesiastici Latinos azymo, Græcos fermentato uti debere.

IX.

Nos itidem (ait Chamier) sic sentimus: & utrovisque pane confici posse Sacramentum; & retinendum cuique esse sue Ecclesiæ morem.

CAP.



CAPVT VI.

Diversos esse posse ritus medios salva fidei & charitatis compage in diversis Ecclesiis; aut etiam in eadem Ecclesia, pro temporum aliarumque circumstantiarum varietate. Neque Ecclesiam unius temporis aut loci teneri alterius constitutione aut consuetudine in talibus. Salva tamen uniformitate unius ejusdemque particularis Ecclesie eodem tempore, de qua infra dicemus.

IOANNES CALVINVS, Lib. 4. Instit.

CAP. 10. §. 32.



*S*UMMA diligentia incumbendum est ne quis irrepat error — Ne Ecclesia Ecclesiam ob externæ Discipline VARIE- TATEM contemnat. Postremo ut nullâ hic PERPETVAM legem nobis statuen- tes, totum observationum usum & finem ad Ecclesie edificati- onem referamus: qua postulante, non modo MV- TARI aliquid, sed quicquid ante in usu nobis observa- tionum fuerit, INVERTI nulla offensione feramus.

NUM. I.

IN CONFESSIOE ECCLESIE SCO- TICANÆ, ART. 20.

Non quòd eandem in omnibus politiam, eundemque prorsus, in singulis Ceremoniis ordinem pro omnibus atati- bus, temporibus, & locis constitui posse arbitremur; nam ut Ceremonia ab hominibus inventæ tantum sunt tempora- les, &c. Sicut habetur supra cap. 5. num. 2.

II.

In Confessione Helvetica, Cap. 23.

III.

Neque oportet Preces publicas, quoad formam & tempus, in omnibus Ecclesiis esse pares. Libertate enim sua utantur Ecclesia qualibet.

Item, Cap. 27.

IV.

Quod si in Ecclesiis dispares inveniuntur ritus, nemo Ecclesias existimet ex eo esse dissidentes. Socrates, impossibile fuerit, inquit, omnes Ecclesiarum, quae per civitates & regiones sunt, ritus conscribere. Nulla religio eodem ritus custodit, etiamsi eandem de illis doctrinam amplectatur. Etenim qui ejusdem sunt fidei, de ritibus inter se dissentiant. Hec ille. Et nos hodie ritus DIVERSOS in celebratione Cæna DOMINI, & in aliis nonnullis rebus habentes in nostris Ecclesiis, IN DOCTRINA TAMEN ET FIDE NON DISSIDEMUS, neque unitas societâsque Ecclesiarum nostrarum ea re discinditur. Semper verò Ecclesia in hujusmodi ritibus, sicut mediis, usæ sunt libertate. Id quod nos hodie quoque facimus.

Hæc omnia habentur in Confess. Helvetica, loco citato. Legatur Epistola Irenæi, ad Victorem, apud Eusebium, Lib. 5. Hist. Eccles. Cap. 26. Græcè: quod est Caput 24. in Editione latina.

IN CONFESSIOE ANGLICANA, Articulo 34.

V.

Traditiones atque Cereemonias easdem non omnino necessarium est esse ubique aut prorsus consimiles: Nam & variae semper fuerunt, & mutari possunt pro regionum, temporum, & morum diversitate, modo nihil contra Verbum DEI instituat. ————— Quali-
bet Eccl

CAP. VI. Diversos esse posse ritus, &c. 111

bet Ecclesia particularis sive nationalis, auctoritatem habet instituendi, mutandi, aut abrogandi Ceremonias, aut ritus Ecclesiasticos, humana tantum auctoritate institutos: modò omnia ad adificationem fiant.

IN AVGVSTANA CONFESSIOE, ART. 7.

Ad veram unitatem Ecclesie satis est consentire de doctrina Evangelii, & administratione Sacramentorum. Nec necesse est ubique similes esse traditiones humanas, seu ritus ab hominibus institutos.

VI.

In Confessione Bohemica, Artic. 15.

Ne ob Ceremoniarum, consuetudinum & rituum discrimina, quae in variis Ecclesiis inter Christianos videre est, nec reclamant aut officiunt pietati, alii in aliis offendantur, aut se vicissim contemnant, oderint & persequantur. Ne etiam sectas aut seditiones excitantes, se ab Ecclesie unitate alienent & distrahant, cum nunquam in Ecclesiis eadem fuerint, nec nunc quoque sint.

VII.

In Consensu Ecclesiarum reformatarum Majoris & Minoris Poloniae, Russiae, Lithuaniae, & Samogitiae, &c. In Synodo Sandomiriensi, habita Anno 1570. §. Ritus autem,

Ritus autem & Ceremonias uniuscujusque Ecclesiae, liberos hac concordia & conjunctione relinquimus. Non enim multum refert, qui ritus observentur, modo facta testis & incorrupta existat ipsa doctrina & fundamentum fidei, ac salutis nostrae.

VIII.

Petrus Martyr, in locis Commun. Class. 2.

CAP. 4. §. 39.

Neque existimo nimium esse contendendum, ut ritus

IX.

& Ceremonia sint eadem, & ubique modo eodem servantur. Sed hoc providendum est, ut cum Verbo DEI minimè pugnent: imò ad illud quam maximè potest fieri accedant, & pro viribus adificatio, necnon decens ordo promoveatur. ————— Imò hanc in ritibus varietatem non parum ad veram opinionem de Ceremoniis inducendam conferre opinor: nempe ut omnes intelligant, eas quæ divinis literis minimè traduntur, ad salutem non esse necessariae, verùm pro tempore & adificationis gratia posse commutari.

HENRICVS BULLINGERVS, in Epistola ad CALVINVM:
quæ extat in lib. Epistolarum CALVINI, Col. 170.

X. *Quanquam nostra Disciplina vestra per omnia non respondeat, illam tamen pro ratione temporum, locorum, & personarum esse temperatam, nec ideo vestram velle subversam, omnes concorditer consenserunt.*

PETRVS MARTYR, in Epist. ad IOAN. HOPPERVM,
Episcopum GLOCESTRIENSEM.

XI. *Non me lateat Ecclesiarum auctoritatem, siue præsentium, siue præteritarum, non eo debere valere, ut illis Verbi DEI veritas prematur; nam ea, etsi fractus ilabatur orbis, inconcussa & immota permanere debet: sed propter adidæſoga id minimè faciendum esse contendo, vel ut damnentur, vel ut de eis minùs honestè loquamur.*

IOAN. CALVINVS, in Epist. ad MONSBEKGARDENSES:
quæ incipit, *Tametsi Neocomum.* in lib. epist. col. 56.

XII. *Quod autem vos terret offendiculorum periculum, si quam novam agendi formam receperitis quæ non sit nostris Ecclesiis*

CAP. VI. Diversos esse posse ritus, &c. 113

Ecclesiis usitata, id quidem merito facitis: sed quia non eo ventum est perfectionis, quin optemus adhuc progredi, hic timor vos impedire non debet ab ijs ritibus admittendis, quos alioqui non liceat penitus improbare.

Idem, in Epist. ad HALLERVM, de diebus Festis, quæ incipit, *Quod tibi nuper.* Col. 137.

Nec tamen est cur homines adeo exasperentur, si libertate nostra, ut Ecclesie adificatio postulat, utimur: quemadmodum nec vicissim præjudicio esse morem nostrum æquum est.

XIII.

AUGUSTINVS Epist. 86. ad CASULANVM.

In his rebus, de quibus nihil certi statuit sacra Scriptura, mos populi DEI vel instituta majorum pro lege tenenda sunt. De quibus si disputare voluerimus, & ex aliorum consuetudine alios improbare, orietur interminata luctatio, quæ labore sermocinationis cum certa documenta nulla veritatis insinuet, utique cavendum est, ne tempestate contentionis serenitas charitatis obnubiletur. ———
Sit ergo una fides universe &c.

XIV.

GREGORIUS I. Papa ROMANVS, Epist. 41.
ad LEANDRVM.

In una fide nihil officit sanctæ Ecclesie consuetudo diversa.

XV.

HIERONIMVS, in Epist. ad LVCINIVM, quæ incipit,
Nec opinanti; & apud GRATIANVM, 12. dist. illud.

Nec aliquorum consuetudo aliorum contrario more subvertitur.

XVI.

Idem, in eadem Epist. de talibus consuetudinibus mediis loquens. Et apud Gratianum; 76. dist. utinam.

XVII. *Unaquæque Provincia abundet in sensu suo.*

AVGVSTINI CANTVARIENSIS ANGLIÆ Archiepiscopi
Interrogatio tertia, cum Responsione GREGORII I.
Papæ ROMANI, in fine operum GREGORII, & apud
BEDAM, Lib. I. Eccles. Hist. Gentis ANGLORVM,
Cap. 27.

INTERROGATIO AVGVSTINI.

XVIII. *Cum una sit fides, cur sunt Ecclesiarum consuetudines diversæ? Et altera consuetudo Missarum est in Romana Ecclesia, atque altera in Galliarum Ecclesiis tenetur.*

RESPONDET GREGORIUS.

Novit fraternitas tua Romanæ Ecclesiæ consuetudinem, in qua se meminit nutritam. Sed mihi placet, ut sive in Romana, sive in Galliarum, seu in qualibet Ecclesia aliquid invenisti quod plus Omnipotenti DEO placere possit, sollicitè eligas: & in ANGLORVM Ecclesia, quæ adhuc ad fidem nova est, institutione præcipua, quæ de multis Ecclesiis colligere potuisti, infundas. NON ENIM PRO LOCIS RES, SED PRO BONIS REBUS LOCA AMANDA SVNT. Ex singulis ergo quibusque Ecclesiis, quæ pia, quæ religiosa, quæ recta sunt elige, & hæc quasi in fasciculum collecta, apud ANGLORVM mentes in consuetudinem depone.

IRENÆVS, in Epist. ad VICTOREM, apud EVSEB.

Lib. 5. Cap. 24. 25.

XIX.

Ἡ διαφωνία τῆς ὑπερίας τῶν ἐμόνων τῆς πί-
στεως

σεως συνίστησι. Id est, *Varia ac discrepans jejuniij ratio concordiam fidei plurimum cōmendat.*



C A P V T VII.

Non fas esse cuiquam recedere à recepta consuetudine, aut constitutione, aut eam mutare suo arbitrati : servandam autem esse in una eademque particulari Ecclesia uniformitatem. Præsertim si diversitas distractionem aut offensionem pariat.

IN HARMONIA SYNODORVM BELGICARVM,
IN CONCLVSIONE.



ARTICVLI hi mutari, augeri, & minui, postulante Ecclesiarum utilitate, possunt & debent: NON ERIT tamen privata alicujus Ecclesie id facere, sed dabunt OMNES operam, ut ILLOS OBSERVENT, donec Synodo aliter constitutatur.

NUM. 2

Ioannes Calvinus, in Epistola ad Mensonem Poppium, in Lib. Epist. Col. 450.

Optandum quidem est, ut præter DOMINICVM pauci retineantur dies festi: ————— ut tamen obviam eatur disidiis, cavendum est, ne quisque PROPRIO ARBITRIO ferias abrogans, emulationem accendat. Sed qui malum hoc sanatum cupiunt, studeant in eundem consensum fratres suos adducere.

II

Idem, in responsione ad duo certa Capita, in Lib.
Epist. Col. 478.

III.

Quod ad Dies Festos, & certas alias Ceremonias at-
tinet: ————— non censeo ut quisquam fratrum ea
de causa instet, ut ab Ecclesia, cui addictus est recedat, si
major pars gregis feratur in contrarium: quia in ejusmo-
di casibus satis esse mihi videtur, si quod rectum esse
novimus, à nobis procuratum sit. Quamvis enim quod ob-
truditur, & scandalum afferat, & malam caudam trahat:
quia tamen PER SE DEI VERBO NON
REPVGNAT, concedi potest: maximè ubi MA-
IOR NUMERVS pervincit, quando ei qui MEM-
BRVM EST tantum illius corporis, NULLA RA-
TIO suppetit ulterius pergendi.

Idem, in Epist. ad HALLERVM, in Lib.
Epist. Col. 137.

IV.

VARIETAS cum in Ecclesia ritè composita tole-
rabilis non foret; atque etiam apud externos suspensionem gign-
eret, non benè civibus inter se convenire, senatuum
hortatus sum, ut commodo remedio in posterum hoc dissidium
tolleretur.

AVGVSTINVS Epist. 118. ad IANVARIVM,
Cap. 2.

V.

Alia verò quæ per loca terrarum regionesq; varian-
tur, sicuti est quod alij jejunant Sabbato, alij v. r. non: alij
quotidie communicant Corpori & Sanguini DOMI-
NICO, alij certis diebus accipiunt; alibi nullus dies
intermittitur quo non offeratur; alibi Sabbato tantum &
DOMIN

DOMINICO; alibi tantum DOMINICO: & si quid aliud huiusmodi animadverti potest, TOTUM HOC GENVS rerum liberas habet observationes. Nec Disciplina ulla est in his melior gravi prudentique Christiano, quàm ut EO MODO AGAT QVO AGERE VIDERIT ECCLESIAM ad quamcunque fortè devenerit. Quod enim neque contra fidem, neque contra bonos mores injungitur, INDIFFERENTER est habendum, & PRO EORVM INTER QVOS VIVITVR societate servandum est. Credo te aliquando ex me audisse, sed tamen etiam nunc commemoro. Mater mea Mediolanum me consecuta, invenit Ecclesiam sabbato non jejunantem, ceperat perturbari & fluctuare quid ageret, cū ego talia non curabam, sed propter ipsam consului de hac re beatissima memoria Virum AMBROSIVM, Respondit se nihil docere me posse, nisi quod ipse faceret, quia si melius nosset, id potius observaret. Cumque ego putassem, nulla reddita ratione, autoritate sola sua nos voluisse admonere ne sabbato jejunaremus, subsecutus est, & ait mihi: CVM ROMAM VENIO, IEIUNO SABBATO; CVM HIC SUM, NON IEIUNO. Sic etiam tu, ad quam forte Ecclesiam veneris, EIVS MOREM SERVARE, si cuiquam non vis esse scandalo, nec quenquam tibi. Hoc cum Matri renunciaissem, libenter amplexa est. Ego verò de hac sententia etiam atque etiam cogitans, ita semper habui, tanquam eam COELESTI ORACULO susceperim. Sensi enim saepe dolens & gemens multas infirmorum perturbationes fieri, per quorundam fratrum CONTENTIOSAM OBSTINATIONEM, ET SUPERSTITIOSAM TIMIDITATEM, qui in rebus huiusmodi, quæ neque Scripturæ autoritate,

Ambrosii iudicium, & consilium.

Augustini iudicium.

neque universalis Ecclesia Traditione, neque vita corrigenda utilitate ad certum possunt terminum pervenire, tantum quia subest qualiscunque ratiocinatio cogitantis, aut quia in sua patria sic consuevit, aut quia ibi vidit ubi peregrinationem suam quo remotiorem à suis, eo doctiorem factam putat, tam litigiosas excitant questiones, ut NISI QVOD IPSI FACIUNT, NIHIL RECTVM EXISTIMENT.

IN CONFESSIOE ANGLICA,
ARTIC. 37.

VI. *Traditiones & Ceremonias Ecclesiasticas, quæ cum Verbo DEI non pugnant, & sunt authoritate publica institutæ, atque probatæ, quisquis PRIVATO CONSILIO VOLENS ET DATA OPERA publicè violaverit, is, ut qui peccat in publicum ordinem Ecclesiæ, quique ledit authoritatem Magistratus, & qui infirmorum fratrum conscientias vulnerat, publicè, ut ceteri timeant, arguendus est.*

Vide supra, CAP. 3.

CAP.



CAPVT VIII.

Cavendam esse morositatem in non admittenda
mutatione consuetudinis, & rerum media-
rum; omnemque contentionem
de rebus medijs.

IOANNES CALVINVS, ANGLIS

FRANCFORD: Lib. Epist. Col. 213.



QVIDEM ut in rebus medijs, ut
sunt externi ritus, facilem me, ac flexi-
bilem praebeo: ita non semper utile es-
se iudico, *STVLTA* eorum
MOROSITATI, qui nihil de
consuetudine sua remittunt, obsequi.
— amant ea quibus assueti sunt.

Hoc primo & *EVGATORIVM*, ET *PVERI-*
LE est: Deinde multum interest hac nova institutio à
mutatione. Ego verò, si quorundam infirmitas ad sum-
mum gradum non conscendat, ut vos ultra modum rigi-
dos esse nolim; ita rursus alios monitos esse cupio, *NE*
SIBI IN SVA INSCITIA NIMIS
PLACEANT: Deinde ne *SVA PERVICA-*
CIA sancti aedificij cursum retardent. Tertio, Ne
STVLTA eos *EMVLATIO* abripiat. Nam quae
illis rixandi causa, nisi quia pudet *MELIORIBVS*
CEDERE? Sed ego frustra ad eos sermonem conver-
to, qui fortè non tantum mihi tribuunt, ut consilium à tali
auctore profectum admittere dignentur.

Idem, ad MONS BELGARDENSES Lib.

Epist. Col. 56.

- II. *Suadeo ne vos NIMIS DIFFICILES AC MOROSOS, QUOAD LICET, praebeat. Nam ubi hanc vestram MODERATIONEM adverterit princeps, facilius adducetur ut nonnihil vobis ipse quoque vicissim concedat, praesertim ubi viderit vos non absque causa pugnare.*

Idem, ad BVLLINGERVM, Lib.

Epist. Col. 131.

- III. *Itaque sicuti in recusanda vñctione ejus Constantiam laudo: ita de pileo & vestelinea maluissim (ut illa etiam non probem) non usque adeo ipsum pugnare: idque nuper suadebam.*

Idem, ad IOANNEM KNOXVM,

Lib. Epist. Col. 328.

- IV. *In Cereemoniis confido tuum rigorem, quamvis multis displiceat, moderatum tamen fore, &c.*

Idem, ad GASPAREM OLEVIANVM,

Lib. Epist. Col. 455.

V.

Quamvis breviter rem attigerim, agnoscis tamen quibus rationibus adductus agrotos non esse arbitrer à communicatione arcendos. Neque tamen ea de causa velim TVRBAS MOVERE. Scis in hac Ecclesia alium esse morem. Acquiesco, quia utile non esset contendere.

Quanto magis de rebus merè indifferentibus contentionem refugisset CALVINVS,

Idem

Idem, ad N. N. Lib. Epist. Col. 480.

Quod si neque ista satisfaciunt fratribus, qui **ZELO DVCTI NIMIS SVNT OPINIONIBVS SVIS ADDICTI**, peto ab illis per **DOMINUM**, ut cogitent etiam atque etiam in quod discrimen Ecclesiam adducant. *Habitatis istic ut precario. Vbi hoc notabitur, tam esse difficiles in multis rebus, annon VESTRA MOROSITAS* radium aliquod et animi alienationem allatura sit bonis illis et pijs senatoribus, à quibus tam humaniter excepti essis.

VI.

Idem, in Epistola ad FARELLVM, Lib. Epist. Col. 11.

De Cereemonijs effice apud fratres, ne eadem certent cum vicinis pertinacia. Ita fiet ut omnia nostra sint, nos **AB OMNIBVS LIBERI, SERVI SIMVS PACIS ET CONCORDIÆ.**

VII.

Idem, Comm. in 1. COR. Cap. 11. vers. 16.

Perniciosa res contentio, ideoque arceri debet ab Ecclesijs. Et AVCTORITATE MAGIS COMPESCENDI SVNT PERVICACES et rixandi cupidi, quam refellendi longis disputationibus. Nunquam enim contentionum erit finis, si certando velis hominem pugnam vincere, quia **CENTIES VICTVS**, nunquam fatigabitur. Diligenter ergo notemus locum istum, ne abripi nos supervacuis disputationibus sinamus: modò tamen contentiosos **NOVERIMVS DISCERNERE.**

VIII.

Vide eundem in Lib. Epist. Col. 323, & alibi passim.



CAPVT IX.

De recto usu libertatis Christianæ in
rebus mediis.

IOANNES CALVINVS, AD FARELLVM, LIB.
EPIST. COL. II.

I.



*OS ab omnibus liberi, servi simus pa-
cis & concordie.*

Idem, Lib. 4. Instit. Cap. 10. §. 32.

II.

*Hæc autem cognitio facit ut sua cuique
in his rebus omnibus libertas constet, & QUANDAM
nihilominus sæ quisque LIBERTATI NECES-
SITATEM ultro imponat, quatenus aut illud quod
diximus de æquor, aut charitatis ratio exiget.*

Idem, in Lib. Epistolarum, Col. 322.

III.

*Æquissimum est, CHRISTI jugum admittere,
illudque agnoscere, legitimum libertatis nostræ usum ab
AERARI LICENTIA remotum esse.*

CAP.



CAPVT X.

De officio & potestate Magistratus civilis circa
res Ecclesiasticas, eiꝛue debita in ta-
libus obedientia.

IN CONFESSIOHE HELVETICA, ART. 30.



MAGISTRATVS Officium praci-
puum est, pacem & tranquillitatem pub-
licam procurare & conservare. Quod
sanè nunquam fecerit felicius, quam cum
fuerit verè timens DEI & religiosus,
qui, videlicet, ad exemplum sanctissi-
morum Regum Principumq; populi DOMINI, ve-
ritatis predicationem, & fidem sinceram promoverit, men-
dacia & superstitionem omnem cum omni impietate & ido-
latria exciderit, Ecclesiamq; DEI defenderit. Equi-
dem docemus RELIGIONIS CVRAM IMPRI-
MIS PERTINERE AD MAGISTRA-
TVM sanctum. Teneat ergo IPSE in manibus Verbum
DEI, & ne huic contrarium doceatur PROCV-
RET, bonis item legibus ad Verbum DEI compositis,
moderetur populum sibi à DEO creditum, eundemque
in Disciplina, Officio, obedientiaq; contineat. Indicia exer-
ceat iuste iudicando, ne respiciat personam, aut munera
accipiat, viduas, pupillos, & afflictos asserat, injustos, im-
postores & violentos coerceat atque adeo & excindat. Ne-
que enim frustra accepit à DEO Gladium. Stringat

ergo hunc DEI Gladium in omnes maleficos, seditiosos, latrones, vel homicidas, oppressores, blasphemos, perjuros, & in omnes eos, quos DEUS punire ac etiam cadere jussit. Coerceat & HÆRETICOS (qui verè Hæretici sunt) INCORRIGIBILES, DEI Majestatem blasphemare, & ECCLESIAM DEI CONTURBARE, adeoq; perdere non desinentes. ——— Subditi omnes honorent & reverentur Magistratum, tanquam DEI Ministrum: ament eum, faveant ei, & orent pro illo, tanquam pro Patre: OBEDIANT item omnibus ejus justis & aquis Mandatis: ——— qui enim Magistratus se opponit, iram DEI gravem in se provocat. DAMNAMVS itaque omnes Magistratus contemptores, rebelles, Republicæ hostes, & seditiosos nebulones, denique omnes quotquot officia debita præstare, vel palam, vel arte renuunt.

In Confessione ANGLICA, Art. 37..

II.

Regia Majestas, in hoc ANGLIÆ Regno, ac cæteris ejus Dominiis, summam habet potestatem ad quam omnium statuum hujus Regni, sive illi Ecclesiastici sint, sive Civiles, IN OMNIBVS CAUSIS SUPREMA GUBERNATIO pertinet, & nulli externæ jurisdictioni est subjecta, nec esse debet. Cum Regia Majestati summam gubernationem tribuimus, quibus titulis intelligimus animos quorundam CALUMNIATORVM offendi, NON DAMVS Regibus nosstris, aut Verbi DEI, aut Sacramentorū administrationem; quod etiam Injunctiones, ab ELIZABETHA Regina nosstra nuper editæ, apertissimè testantur. Sed eam tantum prærogativam quam in sacris Scripturis à DEO ipso omnibus p̃ys Principibus videmus semper fuisse attributam: hoc

est, ut

CAP. X. De officio & potest. Magistratus. 125

est, ut OMNES status atque ordines fidei suæ à DEO commissos, sive illi Ecclesiastici sint, sive Civiles, IN OFFICIO CONTINEANT, & contumaces ac delinquentes Gladio CIVILI coerceant.

In Confessione SCOTICANA, Art. 24.

Regum, Principum, Gubernatorum, & Magistratum, esse POTISSIMUM ET IMPRIMIS Religionis purgationem & conservationem, affirmamus. Adeo ut non tantum propter civilem politiam, sed etiam propter conservationem veræ Religionis, & ut Idololatria & superstitio quavis supprimatur, à DEO sint ordinati: ut in Davide, Iosaphato, Iosia, Ezechia, & alijs, summis laudibus propter singularem zelum ornatis, est videre. Ideo confitemur & profitemur quod qui suprema authoritatè RESISTUNT, usurpantes quod ad illius munus pertinet, illi DEI ordinationi resistunt, ideoque coram illo innocentes esse non possunt. Et præterea affirmamus quod quicumq. AUXILIUM, CONSILIUM, ET CONSOLATIONEM Principibus, & Gubernatoribus, fideliter in executionem muneris incumben-
tibus, negant, idem auxilium, consilium, & suppetias DEO, qui hæc per præsentiam sui vicem gerentis petit, recusant.

III.

In Confessione BELGICA, Art. 36.

Magistratum est non modò de civili Politia conservanda esse sollicitos, verum etiam dare operam ut sacrum Ministerium conservetur, omnis Idololatria, & adulterinus DEI Cultus è medio tollatur, regnum ANTICHRISTI diruatur, CHRISTI verò regnum propagetur. Deniq. horum est efficere, ut sacrum Evangelij verbū undiq.

IV.

prædicetur, ut singuli purè DEUM colere & venerari ex præscripto Verbi ipsius liberè possint. Caterum cuncti homines, cujuscunque sint vel dignitatis, vel conditionis ac status, legitimis Magistratibus subijci debent, illisq; vectigalia, ac tributa pendere, & eis IN OMNIBVS OBSEQUI AC OBEDIRE QUÆ VERBO DEI NON REPVGNANT.

In Confessione Augustana, Art. 16:

- V. *Christiani necessariò debent obedire præsentibus magistratibus ac legibus, NISI QUVM IVBENT PECCARE: tunc enim magis debent obedire DEO quam hominibus.*

In Confessione SAXONICA, Art. 23.

- VI. *Magistratui politico subditi debent obedientiam, non solum propter iram, id est, metum pænæ corporalis ab ipsis Magistratibus; sed etiam propter conscientiam, id est, CONTVMACIA EST PECCATVM OFFENDENS DEVM, ET AVELLENS CONSCIENTIAM A DEO. ——— Vult DEUS Magistratum voce proponi Leges, prohibentes cultum idolorum, blasphemias, perjuria, injustas cædes, vagas libidines, &c. Et officium Magistratus est ut sit legum divinarum custos, in puniendis omnibus qui eas violant. Item, Officium est Magistratus politici etiam addere naturali legi aliquas leges, quæ sunt determinationes circumstantiarum legis naturæ. Itaque & harum legum custos in puniendo sit: sed nequaquam ferat aut defendat leges pugnantes cum jure divino & naturali. ——— quamquam autem multi in imperiis negligunt gloriam*

riam DEI, tamen hac PRÆCIPVA CVRA esse debebat audire & amplecti veram doctrinam de Filio DEI, & Ecclesias fovere. — ipse quoque Reges & Principes sint membra Ecclesie, & doctrinam RECTE INTELLIGANT, NON ADIVVENT EOS QVI FALSAM DOCTRINAM STABILIVNT, & injustam sævitiam exercent, sed sint memores hujus dicti; Glorificantes me glorificabo. — & cum sint inter præcipua Ecclesie membra, VI-DEANT VT IVDICIA IN ECCLESIA RECTE EXERCEANTVR: sicut Constantinus, Theodosius, Arcadius, Martianus, Carolus Magnus, & multi p̃y Reges curaverunt rectè exerceri iudicia Ecclesie.

In Conciliis omnibus æcumenicis, per primos mille annos, patres se profitentur jussu & sanctione imperatoris,

Κελεύσι, προσέξῃ, κατὰ θέωπισμα, κατὰ κέλευσιν, τῶν βασιλέων, vel τῆ βασιλέως, προσαγματι βασιλικῶ, congregatos esse. VII.

In Sermone prosphoetico Sextæ æcumenicæ Synodi, ad Constantinum Imper. quæ exstat in actione 18. illius Synodi, sic loquitur Synodus.

Τιδὲ καὶ μάλιστα βασιλεὶ προπεωδέσειρον, ἢ πρὸ πάντων εὐσεβεία καπακοσμεῖν τὸ ὑπήκοον, δι' ἧ καὶ τοῖς ἄλλοις εὐδαιμονεῖ, τὸ πολίτευμα: id est, Quid vero est, & præsertim quod Regem magis deceat; quam præ omnibus pietate adornare subditos: per quod & in aliis felicitatur respublica. VIII.

IN SYNODO PARISIENSI, IVSSV LO-
DOVICI ejusque Filii LOTHARII Augusto-
rum habita, in causa reformandæ disciplinæ Eccle-
siasticæ: ANNO DOMINI 829. Lib. 2. Cap. 2. cita-
tur & approbatur illud ISIDORI dictum.

IX. *Principes seculi nonnunquam intra Ecclesiam potesta-
tis adeptæ culmina tenent, ut per eandem potestatem*
DISCIPLINAM ECCLESIASTICAM
MVNIANT. *Ceterum intra Ecclesiam potestates ne-
cessariæ non essent, nisi ut quod non prævalet Sacerdos*
sufficere per doctrinæ sermonem, potestas hoc imperet
per disciplinæ terrorem. Sæpe per regnum terrenum,
cælestè regnum proficit, &c.

Item, Cap. viij. dicunt patres illi
PARISIENSES.

X. *Sicut subjecti, à Rege sibi volunt piè & justè opitu-
lari, ita SPECIALITER EI PRIMVM*
AD SALVTEM ANIMÆ SVÆ PRO-
CVRANDAM, *deinde generaliter ad honestatem*
& utilitatem regni, secundum DEI voluntatem, dis-
ponendam atque ministrandam, indistimulanter atque
irretractabiliter solatium opportunum debent exhibere.

CAP.



CAPVT XI.

De iure præſidentix, & regiminis
EPISCOPALIS.

Proponitur quæſtio ; & impeditur obſcientium concluſio, §. 1. Qui primi hac de re controverſiam moverint : ubi de hæreſi Aërii, & ſententia Hieronymi qui fuit ab Aërii hæreſi alienus, §. 2. 3. Ab eadem hæreſi aliena reſormata Eccleſiæ, earumque Doctores, §. 4. Id oſtenditur de Eccleſiis reſormatis, earumque Doctores, NUM. I. II. III. IV. V. VI. VII. VIII. IX. X. XI. XII. XIII. XIV. XV. XVI. Politiam Epiſcopalem ita eſſe humanam ut etiam ſit divina, ſecundum doctrinam reſormatarum Eccleſiarum, & Doctores earundem, §. 5. et NUM. XVII. Iudicium Eccleſiæ Scoticanæ, NUM. XVIII. Antiquus Canon contra Clericos rebellantes adverſus ſuum Epiſcopum, NUM. XIX. Sequuntur duodecim Propoſitiones earumque exegeticæ confirmationes, quibus oſtenditur præſecturam Epiſcopalem, et obediendi Epiſcopis neceſſitatem eſſe de iure divino: appellationem verò Epiſcopi eſſe huic officio appropriatam iure Eccleſiaſtico, œcumenico, et Apoſtolico.

Non tamen nulla eſt Eccleſia quæ caret Epiſcopo. Vbi de ordinatione Miniſtrorum, et Chorepiſcopis. Item, de Sacerdotibus, eorumque Sacrificio, PROP. 13. De Claſſim Preſbyteralium Moderatoribus, PROP. 14. De Metropolitanis, et Patriarchis, PROP. 15. Papam Romanum eſſe Antichriſtum: ubi de ejus primatu et infallibilitate, PR. 16. Appendix de Doctores.

§. I.



DISPUTANT quidam Fratres ſit ne præſidentia & regimen Epiſcopale juris divini an humani ſive Eccleſiaſtici. Et quia præcipui hujus diſceptationis in cultatores hunc ſibi habent propoſitum

Proponitur
quæſtio.

Impeditur
objicientium
conclusio.

finem, ut præsentiam & regimen EPISCOPALE contemnant & ex ECCLESIA eliminent. Primo loco quærendum ab eis, num omnis humana constitutio sit abominanda, & contemni sine culpa possit aut debeat. Hoc si asserant, convincuntur perniciosi erroris, & abominandæ arrogantia, ex eis quæ supra allata sunt, CAP. 3. & CAP. 7. Sin autem ingenuè fateantur, sicut necesse est, multa esse autoritate Ecclesiastica utiliter constituta, quæ subditis contemnere nec expediat, nec per ipsam DEI Legem liceat, quamvis res ipsæ secundum DEI Legem sint in se indifferentes; quid, obsecro, obtinebunt pro fine illo suo assequendo, etiamsi largiremur præsentiam & gubernationem Episcopalem jure Ecclesiastico esse introductam? Cum licitis Ecclesiæ constitutionibus obedientiam de jure divino debeamus.

Qui primi
disceperunt
depolitæ Epi-
scopalis jure
divino.

I I. Episcopos jure divino Presbyteris præesse nemo primis Ecclesiæ Christianæ & quidem multis seculis dubitasse aut de ea disceptasse legitur, præter *Aërium* & *Hieronymum* Presbyteros: quorum alter, nempe *Aërius*, est propter suam opinionem Hæreticus judicatus, sicut ex *Epiphanio* & *Augustino* constat; alter verò, nempe *Hieronymus*, nunquam propterea est Hærescos insimulatus. Itaque discrimen aliquod fuisse oportet inter opinionem *Aërii* hæreticam, & opinionem *Hieronymi*.

Intereos dis-
crimen, prop-
ter quod *Aë-
rius* judicatus
est hæreticus,
non autem
Hieronymus.

Ambo prærogativam Episcopi supra Presbyteros ad jus Ecclesiasticum retulerunt: sed hoc discrimen fuit; quod illam Ecclesiasticam constitutionem *Hieronymus* reverenter suscepit, eique se obedienter subjecit, tanquam non illicitæ, sed utili, & laudabili. *Aërius* autem Hæreticus constitutionem illam damnans dicebat Presbyterum ab Episcopo nulla differentia debere discerni: sicut discretè scribit de eo *Augustinus* ad QVODVLTDEVM, Hæresi 53. Vbi etiam monet occasionem in Hæresi incidendi *Aërio* hanc fuisse, quod doluerit se Episcopum non potuisse ordinari. Quod & prolixius declarat *Epiphanius*, in *Ta-
nario*, contra Hæreses, lib. 3. Tom. 1. Hæresi 75. Quam
reveren

reverenter autam atque obedienter *Episcopalem* præsidentiam suspexerit *Hieronymus*, & quam utilem *Ecclesiæ* hanc politiam judicaverit, liquidò pater ex plurimis ejus scriptis tum ad *Episcopos*, tum de *Episcopis*; ubi de iis eorumque præsidentia honorificè loquitur: tum etiam ex iis ipsis locis in quibus de identitate *Presbyteri* & *Episcopi* differit, nempe *Epist. ad Evagrium*, & *Comment. in Epist. ad Tit.* CAP. I.

III. Frustra igitur, & imperitè *Hieronymi* auctoritatem prætendunt illi qui hanc politiam cum *Aërio* Hæretico insolenter contemnunt, et tanquam Verbo DEI repugnantem explodendam ex *Ecclesia* clamitant. Ob hanc enim insipientiam *Aërius* meritò judicatus est Hæreticus: à qua *Hieronymus* longissimè abfuit.

Noltri *Aëriani* frustra prætendunt auctoritatem *Hieronymi*.

IV. Quidam reformatæ *Ecclesiæ* Doctores *Hieronymum* imitati, gubernationem *Episcopalem* *Ecclesiastici* quidem juris esse censuerunt, ab *Aërii* tamen insania alienissimi fuerunt. Sicut patebit ex hisce paucis Testimoniis quæ nunc subjungam.

Ab eorum *Aërianismo* alienissimi reformatæ *Ecclesiæ* Doctores.

IN CONFESSIOE FIDEI, NOMINE
ECCLESIARVM GALLICARVM, scripta
anno Domini 1562. apud CALVINVM
in OPUSCVLIS.

INTEREA tamen *Ecclesiæ* auctoritatem, vel *Pastorum* & *Superintendentium*, quibus *Ecclesiæ* regenda provincia mandata est, sublatam nolumus. Fatemur ergo *Episcopos*, sive *Pastores* reverenter audiendos, quatenus pro suæ functionis ratione Verbum DEI docent.

NVM. I.

In responso Protestantium, de reformandis abusibus *Ecclesiasticis*, Anno Domini 1541. apud *Melchiorum* *Goldschmidtum*, Tom. 2. *Constitutionum* *Imperialium*. *Martinus*

tinus Bucerus, in illa responsi parte cujus ipse est Author, & cum eo reliqui PROTESTANTES sic loquuntur, §. 3.

II.

Quum singula oppida paulo populosiora suos proprios Episcopos & Curatores Religionis habere debeant: nec utile sit plures cuique Ecclesias committi, quam quorū commode curare & per se quotannis, absque detrimento Ecclesie sedis sue invisere possit: ne Ecclesie necessaria cura, ut jam diu factum est, fraudentur, & illud curandum erit, ut singula oppida aliquanto frequentiora, Ministros ejusmodi habeant, quibus plena sacri Ministerij potestas committatur, quo quisque & sue, cui precipue addictus fuerit, & vicinis minoribus Ecclesiis necessariam Religionis curam impendere, & eas, tam annua inspectione, quam aliis Ministeriis, quae ista cura requirit, in officio pietatis continere possit. Annitendum itaque est, ut ea omnino procurationis Ecclesiastica ratio & distributio, quam Canones Episcopis & Metropolitanis praescribunt, restituatur, & servetur. Nam & antehac in amplioribus diocesibus, quia singuli sufficere non poterant, plures Suffraganei, Archi-presbyteri, atque Archi-diaconi constituti fuerunt. Quantum enim damni Ecclesiis hoc dederit, quod non singula quibus opus erat, idoneos Ministros habuere, ac verè Episcopali cura & inspectione destituta fuerunt, nemo verbis explicare satis poterit.

Item, §. 5.

III.

ECCLESIIS tam Cathedralibus, quam iis, quae secundum Canones debebant habere suos proprios Episcopos, Ministri, & Pastores, modo & ratione, quam veteres

tercs Canones præscribunt, ordinentur, qui curam animarum, totumque Pastorale munus, docendo, Sacramenta exhibendo, & Disciplinam exercendo, per se præstare valeant: qui etiam ad Synodos statis temporibus, ut Canones præcipiunt, singuli cum duobus Presbyteris, aut singulis conveniant, potestatemque habeant dicendi sententias in Synodis, & faciendi iudicium Ecclesiasticum, quod Synodis Canones facere concedunt & præcipiunt.

In generali Synodo PETRICOVIENSI
Ecclesiarum reformatarum POLONIÆ,
&c. ART. 6.

Constitutum est, ut nullus Patronus recipiat ac in Ecclesia docere patiatur ullum Ministrum, nisi qui esset à Superattendentibus ac Senioribus nostrarum Ecclesiarum legitime ordinatus ac missus. IV.

Ioannes Calvinus, Lib. 4. Instit. Cap. 10. § 6.
loquens de Papisticis Episcopis.

Sanè si veri Episcopi essent, aliquid eis in hac parte auctoritatis tribuerem, non quantum sibi postulant, sed quantum ad politiam Ecclesiæ ritè ordinandam requiritur. V.

Idem, de iisdem, in Tract. de necessitate
Reformandæ Ecclesiæ.

Utinam verò, quam jactant possessionem, suo merito retinuisent. — — — munus suum, plebem pascendo, impleant, si pro Episcopis agnosci volunt. Ut potestatem nominandi & ordinandi retineant, justum illud & serium doctrinæ vitæ examen restituant: quod jam multis seculis inter eos obsolevit. VI.

Idem, Lib. 4. Institut. Cap. 4. §. 1.

VII.

Veteris Ecclesie forma nobis divina institutionis, de ordine gubernande Ecclesie, Imaginem quandam oculis representabit. Tametsi enim multos Canones ediderunt illorum temporum Episcopi, quibus plus viderentur exprimere quam sacris literis expressum esset, ea tamen cautione totam suam æconomiam composuerunt ad unicam illam Verbi DEI normam, ut facile videas nihil ferè hac parte habuisse à Verbo DEI alienum.

Item, §. 2

VIII.

Quibus docendi munus injunctum erat, eos omnes nominabant Presbyteros. Illi ex suo numero in singulis civitatibus unum eligebant, cui specialiter dabant titulum Episcopi: ne ex æqualitate, UT FIERI SOLET, dissidia nascerentur. — Singula Presbyterorum Collegia politica tantum & pacis conservanda gratia uni Episcopo suberant: qui sic alios dignitate antecedeat ut fratrum cætui subjiceretur.

Item, §. 4.

IX.

Quod autem singule Provincie unum habebant inter Episcopos Archi-Episcopum: quod item constituti sunt Patriarchæ, qui essent ordine & dignitate Archi-Episcopis superiores, id ad discipline conservationem pertinebat. — Si rem intuemur, reperiemus veteres Episcopos non aliam regende Ecclesie formam voluisse fugere ab ea quam DEVS Verbo suo præscripsit.

Item, §. 15.

X

Suos Presbyteros quisque Episcopus cum Presbyterorum collegio

legio ordinabat. Quamquam autem idem agebant omnes: quia tamen præibat Episcopus, & quasi ejus auspiciis res gerebatur, ideo ipsius dicebatur ordinatio.

Hieronymus Zanchius, in quartum Præceptum, Col. 732. et 733.

Non ita multò post Apostolos, obtinuit consuetudo, ut ex multis Pastoribus unus præficeretur reliquis. —

XI:

Hoc non ex ordinatione divina, sed ex consuetudine Ecclesiastica, atque ea quidem minimè improbanda, profectum est: neque enim hunc ordinem prohibuit CHRISTVS, sed potius regulam generalem reliquit per Apostolum, ut in Ecclesia omnia fiant ad ædificationem. Quia igitur constitutio hæc facta fuit, ut tollerentur Schismata & dissensiones, ut Hieronymus testatur; atque ita ut melius servarentur Ecclesiæ: idcirco damnari hæc pia vetustatis ordinatio non potest. —

Ecclesiastici Ministerij partitio ac distributio in Episcopum unum & multos Presbyteros, tolerabilis fuit: quia nihil habebat, pugnans cum Mandato DEI & Ecclesiæ: utilis erat ad evitandam ἀνῆξιν confusionemque & Schismata. —

Hæc partitio pia est & Christiana: non damnatur in sacris literis, & non ita multò post Apostolos obtinuit in Ecclesia, & ad Ecclesiæ utilitatem & ædificationem facit. Immo neque improbari potest, quod inter Episcopos unius Regionis constitutus fuerit unus primus, qui, in cætu aliorum Episcoporum, præset aliis ut Rector & Consul in Senatu: & cujus esset reliquos convocare & ordinare, qui & Archi-Episcopus vocaretur. Neque enim hoc pugnat cum sacris Literis: & antiquissimus est ordo in Ecclesia. Hæc ibi. Vide supra Cap. 2. Num. 6.

FRANCISCUS IVNIUS, IN ANIMAD-
VERSIONIBVS, IN LIBRVM BEL-
LARMINI, DE CLERICIS.

CAP. XIV. NOT. 2.

XII.

Hoc illud est quod negamus, discrimen istud Episcopi & Presbyteri à jure divino esse. Alioquin omnia hec, ut juris humani, atque adeo (si ita placet) Ecclesiastici, concedimus fuisse jam olim observata: nec damnamus ea simpliciter, si non abusus accesserit. Hoc Aërius contra ordinem in universa Ecclesia receptum fecit: quid nobis cum Aërio? Hæc autem omnia quomodo non fecisset Episcopus, cui mandata erat auctoritas? Quomodo ordinationem fecissent Presbyteri seorsim, quæ ex instituto Ecclesia, & conventionē communi, ac privata sua potestatem hanc cesserant Episcopo? ut dictum est supra, Cap. 3. Not. 59: & alibi: præsertim verò ex quo publica illa accessit Conciliorum auctoritas, & Ecclesiarum consensus. Et si ne hoc quidem in Alexandrina Ecclesia suo tempore obtinuisse Ambrosius & Augustinus sunt Auctores, sicut alibi diximus; sed Presbyteros absente Episcopo consignasse atque consecrassē.

HIERONYMVS, in Epist. ad EVAGRIVM, quæ incipit, *Legimus in Esaiâ.*

XIII.

Quod postea unus electus est, qui cæteris præponeretur, in Schismatis remedium factum est: ne unusquisque ad se trahens CHRISTI Ecclesiam rumperet. Nam & Alexandria à MARCO Evangelistâ usque ad Heraclam & Dionysium Episcopos, Presbyteri semper unum ex se electum, in excelsiori gradu collocatum, Episcop

Episcopum nominabant : quomodo si exercitus imperatorem faciat : aut Diaconi eligant de se quem industrium noverint, & Archidiaconum vocent. Quid enim facit excepta ordinatione Episcopus, quod Presbyter non faciat ?

Idem, Comment. in Epist. ad Tit.

CAP. I.

Antequam Diaboli instinctu, studia in Religione fierent; & diceretur in populis, ego sum PAVLI, ego APOLLO, ego autem CEPHÆ: Communi Presbyterorum Consilio, Ecclesiæ gubernabantur. Postquam verò unusquisque eos quos baptizaverat, suos putabat esse, non CHRISTI: in toto orbe decretum est, ut unus de Presbyteris electus superponeretur ceteris: ad quem omnis Ecclesiæ cura pertineret: & Schismatum semina tollerentur.

XIV.

Idem, ibidem.

Hæc propterea, ut ostenderemus apud veteres eosdem fuisse Presbyteros quos & Episcopos: paulatim verò, ut dissensionum plantaria evellerentur, ad unum omnem sollicitudinem esse delatam. Sicut ergo Presbyteri sciunt se, ex Ecclesiæ consuetudine, ei qui sibi prapositus fuerit esse subiectos: ita Episcopi noverint se magis consuetudine, quam dispositionis DOMINICÆ veritate, Presbyteris esse majores: & in commune debere Ecclesiam regere, imitantes MOYSEN, qui cum haberet in potestate solus præesse populo ISRAEL, septuaginta elegit cum quibus populum judicaret.

XV.

Idem, in Dialogo adversus Luciferianos.

XVI

ECCLESIAE *salus in summi Sacerdotis dignitate pendet: cui si non exors quedam, & ab omnibus eminens detur potestas, tot in Ecclesiis efficientur Schismata, quot Sacerdotes.* HÆC HIERONYMVS.

V. Ecce, sicut monuimus, HIERONYMVS prærogativam Episcopi, quem summum Sacerdotem vocat, supra reliquos Sacerdotes, sive Presbyteros, ad Ecclesiasticam quidem refert consuetudinem; ac eam nec damnandam, nec dispositionis DOMINICÆ veritati repugnantem; sed, ut antiquissimam & œcumenicam, ita etiam necessariam & utilissimam judicat. Eumque sequuti reformatæ Ecclesiæ memorati Doctores hanc politiam agnoscunt esse piam & Christianam, à Verbo DEI non alienam, sed ei convenientem, & Ecclesiæ utilem, & necessariam, & facientem ad ejus ædificationem, & pacem, & ad idoneam averruncationem confusionis & ἀσέβειας: neque eam absque Hæresi damnari posse. Sicut ex ipsorum verbis superius allatis clarissimè constat. Jam autem talis Ecclesiastica constitutio est etiam aliquo modo divina, quia apertissimè reducitur ad generales illas regulas constitutionum Ecclesiasticarum in Scriptura positas, de decoro, & ordine, & pace, & ædificatione. Et quamvis res ipsæ constitutæ, humani sint sive Ecclesiastici juris: ipsa tamen obligatio, ad reverentiam & promptam obedientiam talibus Ecclesiæ constitutionibus exhibendam, est juris divini: juxta illa dicta, Si non audieris Ecclesiam, sit tibi velut Ethnicus, aut Publicanus, MATTH. xvij. Spiritus Prophetarum, subjecti sunt Prophetis; non enim confusionis DEVS est, sed pacis. Item, Omnia fiant ordine & decenter, I. CORINTH. xiv. Obedite Præpositis vestris, et subditi estote, HEBR. xij. Quod dixi licitas aut laudabiles Ecclesiæ constitutiones esse aliquo modo divinas; id explicat

CAP. XI. DE EPISCOPIS. 135

explicat CALVINVS his verbis quæ subjiciam : allato Geniculationis exemplo.

IOANNES CALVINVS, LIB. IV. INSTITUT. CAP. X. §. 30.

XVII.

Hic testari operapretium est, eas demum humanas constitutiones me probare quæ & DEI authoritate fundata, & ex Scriptura desumptæ, adeoque prorsus divine sint. Exemplum sit in GENICVLATIONE, quæ sit dum solennes habentur Precationes. Quæritur sit ne humana Traditio, quam repudiare vel negligere cuius liceat. Dico SIC ESSE HUMANAM, VT SIMVL SIT DIVINA. DEI est quatenus pars est decori illius cuius cura & observatio nobis per Apostolum commendatur: Hominum autem, quatenus specialiter designat quod in genere fuerat indicatum magis quam expositum. Ab hoc uno exemplo æstimare licet quid de toto hoc genere sit sentiendum: nempe, quia DOMINUS, & totam vera iustitia summam, & OMNES CVLTVS NVMINIS SVI PARTES: & quicquid ad salutem necessarium erat, sacris suis Oraculis tum fideliter complexus est, tum perspicuè enarravit: in his solus MAGISTER EST audiendus. Quia autem in externa disciplina & Caremonis non voluit sigillatim præscribere, &c. Vide reliqua supra CAP. 3. NUM. 2. & 3.

Quodnam autem fuerit reformatorum Ecclesiæ SCOTICANÆ, adeoque ipsius nostræ Ecclesiæ reformatæ de hac pollicia iudicium, patet ex illa constitutione Ecclesiastica, de electione Superintendentis, quæ exstat in Libro illo constitutionum Ecclesiasticarum, qui præmittitur PSAL-

TERIO nostro metrico. Vbi beatæ memoriæ reverendus ille Pater, Magister IOANNES KNOXVS, publica ad hoc ipsum Ecclesiæ authoritate instructus, preces concipit publicas pro Magistro IOANNE SPOTSWODO, qui tunc admittebatur Ecclesiarum LOTHIANIÆ SUPERINTENDENS; DEVM autem orat D. KNOXVS in hæc verba,

XVIII.

Indicium re-
formatae Ec-
clesiæ SCO-
TICANÆ

Mitte huic nostro fratri, cui IN TVO NOMINE præcipuam Ecclesiarum in LOTHIANIÆ partibus curam imposuimus, eam Spiritus tui sancti portionem, &c.

Idem quoque D. KNOXVS his verbis Superintendenti illi benedicite;

DEUS, QUI TE VOCAVIT ad officium excubitoris erga populum suum, multiplicet dona gratiæ suæ in Te. Eumque sic hortatur:

Ne usurpes dominium, nec tyrannicam auctoritatem supra fratres tuos. — — — & ita te geras in HAC SANCTA VOCATIONE cum ea sobrietate, ut DEUS tuo Ministerio glorificetur.

Plura iudicium Ecclesiæ nostræ reformatæ, de hac politica evidenter declarantia inveniet lector apud Episcopum BRECHENENSEM, in defensione Synodi PERTHENSIS, in discussione iuramenti; deprompta ex Libro primo Disciplinae, conscripto, ANNO 1560. Vbi de Superintendentium sive Episcoporum distinctis diæcesibus eorumque functione & potestate.

IN QUARTA ACTIONE CONCILII CHALCEDONENSIS œcumenici quarti, statim post lectam ARCHIMANDRITARVM Epistolam, ad Concilium CHALCEDONENSE, quæ incipit, *Ad primam vocationem.* Lectus est antiquus Canon olim in Concilio Antioceno conditus, cujus hæc sunt verba:

XIX.

Pœna constituta in Clericos contumaces suo Episcopo.

Si quis Presbyter aut Diaconus suum contemnens Episcopum, ab Ecclesia se separaverit & seorsum collegerit, & altare constituerit, & evocanti Episcopo acquiescere et obedire noluerit, & prius & secundò vocanti, hunc omni-

no damnari, nec unquam curationem mereri, nec recipere eum posse honorem [ordinamus.] si autem permanserit turbas faciens, & seditiones Ecclesiae; per extraneam potestatem, tanquā seditiosum, debere everi, [seu coerceri.]

Εἰ τις πρεσβύτερον ἢ διάκονον καταφρονήσῃς τῇ ἰδίᾳ ἐπισκόπῳ, ἀφώρισεν ἑαυτὸν τῆς ἐκκλησίας, καὶ ἰδίᾳ συνήραγε, ἢ θυσιαστήριον ἔστησε, ἢ τῷ ἐπισκόπῳ προσκαλεμένῳ ἀπειθοίη, καὶ μὴ βέλοιτο αὐτῷ πάθει, μηδὲ ὑπακούῃ, καὶ παῶτον, καὶ δεύτερον καλῶν, τῶτον καταρῶν παντελῶς, καὶ μηκέτι δευτείας τυγχάνῃ, μηδὲ ἀπλαυθάνῃ αὐτὸν διψᾶσαι τὴν τιμὴν. εἰ δὲ ἐπιμένῃ παροῶν, καὶ ἀναπειλῶν τὴν ἐκκλησίαν, ἀπὸ τῆς ἐξώθεν ἐσχίστας, ὡς σασσιῶδη, αὐτὸν ἐπιστρέφει.

Hoc Canone per ABTIUM, Archidiaconum praelecto omnes Patres Synodici (NUM. 630.) in Concilio CHALCEDONENSI clamaverunt; *Hæc juxta regula, hæc regula Patrum.* ἔτ' οὖν δίκαιον κανὼν, ἔτ' οὖν ὁ κανὼν τῶν ἁγίων πατέρων.

Ex his omnibus evidenter efficitur non posse hanc politiam absque hæresi damnari, aut absque scelere contemni, etiam si concedatur eam jure Ecclesiastico esse introductā.

Sed quæres fortasse, quid revera sentiendum sit de hujus gubernationis jure, sit ne ea juris divini, an Ecclesiastici. Respondendo breviter; & absque contentionis studio, quid vero propius videatur, candidè indicabo; his paucis propositionibus.

PROPOSITIO I.

EA est Ministerij Evangelij ratio de jure divino, ut e non repugnet Ministrorum disparitas, sed possit ei congruenter convenire.

Veritas hujus propositionis manifesta est ex historia Apostolorum & Evangelistarum, et Presbyterorum oppidatim constitutorū: et ex verbis Apostoli, παῶτον, δεύτερον, τρίτον, ἑπέμ, εἴπα. 1. Cor. 12. 28.

Primis duodecim propositionibus, earumque exegericis affirmationibus ostenditur præfecturam Episcopalem, & obediendi Episcopis necessitatem, esse

de iure divi-
no, appella-
nem vero E-
piscopi esse
huic gradui
appropriatam
iure Ecclesia-
stico, œcume-
nico, & Apo-
stolico.

PROPOSITIO II.

DE Iure Divino est, ut sit sociale Ministerium, hoc est, ut unusquisque Pastor societatem aliquam Pastorum agnoscat, cui subjectionem & obedientiam debeat.

Iuxta illud, spiritus Prophetarum, subiecti sint Prophetis. I. CORINTH. XIV. 32.

PROPOSITIO III.

IURIS Divini est, ut singula societates, sive Collegia Pastorum suas certas habeant regiones, & limites, jam post Apostolos.

Legimus enim Apostolos constituisse & constitui iussisse Presbyteros κατ' ἐπακοίαν, & κατὰ πόλιν, Ecclesiam, ut ita loquar, & oppidatim, ACT. 14. 22. ad TITUM 1. 5. Vocavit ad se Apostolus PAULVS Presbyteros Ecclesiæ EPHESIÆ eisque curam demandavit illius gregis, super quem Spiritus sanctus constituit eos Episcopos, ACT. 20. Aliarum etiam Ecclesiarum Pastoribus commendavit proprios ipsorum greges. Vnde meritò statutum est in Concilio CARTHAG. 3. CAN. 20. Ut à nullo Episcopo usurpentur plebes alienæ. Item, CAN. 37. Ut Clerici in aliena civitate non immorentur, nisi causas eorum iustas Episcopus loci, vel Presbyteri locorum perviderint.

PROPOSITIO IV.

DE Iure Divino necessarius est societati, sive Collegio Pastorum, Præses aliquis, & Moderator, qui auctoritate publica instructus reliquos convocet, & cum iis iudicia exercent Ecclesiastica, Clericos ordinet, conventum moderetur, Ecclesias visitet, sententias pronunciet, easque executioni pro officio mandandas curet, cui reliqui subijci

in DOM.

in DOMINO, & obedire tenentur, se legitime gerenti in sua πρεσβυτερία.

Hoc ipsa postulat conservandi ordinis & decori atque evitandæ con-
fusionis necessitas. Et clariùs etiam elubricet per
exegesi sequentis propositionis. Neque negant etiam
Episcopalis præsentia adversarii necessitatem Moderatorum,
sive Præsidium.

PROPOSITIO V.

IURI Divino congruit, post Apostolos omnium societatum communes Moderatores, ut unicuique diocesano Pastorum Collegio unus præsit Moderator, potius quam plures.

Hoc ipsa ratio tuendi ordinis, & pacis, ac vitandæ confusionis dictat. Idque ipsum patet ex Apostolica scribendi ratione ad TIMOTH. & TIT. 1. TIM. 3. & CAP. 5. vers. 19. & seqq. & CAP. 1. vers. 3. & seqq. & ad TIT. CAP. 1. vers. 5. & seqq. & CAP. 3. vers. 10. Item, ex Epistolis APOCALYPTICIS, ad Angelos Ecclesiarum, Apoc. 2. & 3. In quibus Scripturarum locis ordinatio Pastorum, judicia Ecclesiastica, excommunicatio Hæreticorum, & coërcitio inordinatè viventium, & similia publicæ auctoritatis negotia, quamvis communi Compresbyterorum consensu peragenda sint, tamen uni speciatim commendantur, & injunguntur, & ob eorum neglectum acres ob-
jurgationes in illum unum proximè diriguntur; quamvis in cæteros etiam Compresbyteros ejusdem reos locordie redundent, ipse tamen singulariter admonetur, laudatur, reprehenditur, tanquam aliorum Præses & Rector, qui ratione suæ πρεσβυτερίας reliquos ad officium faciendum extimulare et adigere ex officio debuerat, eisque suo exemplo præluere. Vnde antiquis Canonibus constitutum est, ut in una Diœcesi non nisi unus sit Episcopus. Quibus

In tract. de
cura & resi-
dentiâ pasto-
rali.

autem casibus possint esse duo Episcopi in una diœcesi, alias docuimus.

PROPOSITIO VI.

IURI Divino consentaneum est, ut Moderator, sive Præses fratrum ordinarius, non nisi propter culpam aut infirmitatem se abdicet officio illo, vel ab eo amoveatur.

Nam cum sit hæc cura divinitus ei imposita, sitque pars Ecclesiastici Ministerii, et omne Ecclesiasticum Ministerium ordinarium, secundum institutionem divinam sit perpetuum, et omnis Episcopus, et Presbyter, et Diaconus in sua quisque statione sibi dictum existimare debeat quod Archippo dici jubetur, *Vide ut ministerium quod accepisti in DOMINO, impleas: COLOSS. 4. 17. Et quod ait DOMINVS apud LYCAM, Nemo qui manu sua admoda aratro, respexit ad ea quæ à tergo sunt, aptus est regno DEI: LVC. 9. 62.* Cum inquam hæc ita se habeant, et perpetua unius idonei præsentia ad cavendam ambitionem et seditionem inter fratres etiam conducat; haud dubiè juri divino et naturali sicut et Ecclesiastico congruit, ut idoneus moderator, nec ipse stationem deferat, nec ab officio amoveatur, citra culpam, aut casum infirmitatis, aut aliquam similem rationem propter quam quilibet pastor, ab officio vel officii executione desistere teneatur. Hæc autem moderatricis potestatis et dignitatis circularis per fratres circumgyratio aut annua translatio, nuperum est inventum, antiquitati incognitum, et sacrarum Scripturarum munimine destitutum. Et quamvis rebus adhuc turbatis, needum firmatis, haud ineptè à quibusdam usurpatum; non tamen (constabilita nunc per DEI gratiam reformatione) in Ecclesiis constitutis et ordinatis retinendum.

PROPOSITIO VII.

Moderator Fratrum debet ipse etiam censura esse subiectus.

Vide supra,
Num. 8.

Iuxta illud, Dic Ecclesiæ, MATH. 18. &, Spiritus Prophetarum, subiecti sunt Prophetis, 1. COR. 14.

PROPOSITIO VIII.

Debet præesse cum mansuetudine absque tyrannico fastu, & dominatione.

Huc pertinet quod ait DOMINVS Discipulis: Scitis quod Principes Gentium dominantur in eas: & qui magis sunt, licentia utuntur in eas. Verum non ita erit inter vos: sed quicumque voluerit inter vos magnus fieri, sit vester minister: & quicumque voluerit inter vos primas esse, sit vester servus. Sicut Filius hominis non venit, ut sibi ministraretur, sed ut ministraret, MATH. 20. 25. 26. 27. 28. Ibi enim non prohiberi disparitatem, sed fastum & tyrannidem patet ex illis verbis, Sicut Filius hominis, &c. Huc pertinet ille Concilii CARTHAGINENSIS quarti, Canon 32. Vt Episcopus quolibet loco sedens, stare Presbyterum non patiatur. Item, Canon 35. Vt Episcopus in Ecclesia, & in consessu Presbyterorum, sublimior sedeatur; intra domum verò collegam se Presbyterorum esse cognoscat.

PROPOSITIO IX.

IURIS Divini est, ut Moderator nihil ponderosum gerat absque consensu Compresbyterorum.

Iuxta illa dicta, dic Ecclesiæ. Et spiritus Prophetarum, subjecti sunt Prophetis; id est, moderatori ejusque assessoribus, sive synedrio Prophetarum. Id quod CYPRIANVS, Episcopus CARTHAGINENSIS, diligenter à se observatum esse testatur, Epist. 6. vel in alia Editione, Lib. 3. Epist. 10. Vnde statutum est, in Concilio CARTHAGINENSI 4. Can. 23. *Vt Episcopus nullius causam audiat absque presentia suorum Clericorum: alioquin irrita erit sententia Episcopi, nisi presentia Clericorum firmetur.* Hæc ibi. Inseruit etiam hunc canonem Decreto GRATIANVS Caus. 15. Quæst. 7. Can. EPISCOPVS.

PROPOSITIO X.

QUI Compresbyteris preponitur, is manet adhuc *de iure* divino Presbyter, & ad Presbyteralis Officij executionem tenetur.

Constituiebant Apostoli oppidatim primò quidem Presbyteros, qui communi consilio Ecclesiam illam regerent sub inspectione Apostoli, aut viri alicujus Apostolici, deinde autem multiplicatis & firmatis Ecclesiis, uni ex Presbyteris in excelsiori gradu collocato Superintendentia, & *οὐρανίας*, inter Fratres onus imponebant, in Schismatis remedium, ne unusquisque ad se trahens CHRI-
STI Ecclesiam rumperet. Sicut patet ex confirmatione propositionis quintæ: & propositionis undecimæ. Ita tamen ut præpositi illi non desinerent esse Presbyteri, neque eximerentur à necessitate prædicandi, propter accessionem oneris gubernationis. Quemadmodum generalis Apostolorum præfectura, omniumque Ecclesiarum cura, non liberabat eos ab onere prædicationis, neque per illam suam prærogativam Apostolicam desinebant esse Presbyteri laborantes in Verba, & dispensatores Mysteriorum DEI.

(1. Pet

(1. Pet. 5. 1. & 2. Ioan. 1. & 3. Ioan. 1. & 1. Cor. 4. 1.) Quando Presbyter fit Episcopus, non desinit esse Presbyter, neque mutatio est, sed accessio oneris. Ideo & hoc faciendum quod præ aliis impositum est Episcopo, nec illud negligendum quod eidem homini adhuc Presbytero constanter incumbit. Ita alios exstimulare & adigere debet ad Ecclesiarum ipsis commissarum pastorem curam, ut ipse boni Pastoris exemplum in se præbeat, habens, sicut alii Presbyteri, suam peculiarem plebem, seu gregem cui verbi pabulum diligenti prædicatione dispēset, & suam habens (jam post paræciarum, seu parochiarum distinctionem) peculiarem Ecclesiam parochialem, quæ ipsi sit Cathedralis, id est, ad quam constanter resideat, faciens opus illud Evangelistæ, quod TIMOTHEO imperatur, 2. Tim. 4. 1. 2. 5. Id est, prædicans Verbum, instans opportunè, importunè, arguens, objurgans, exhortans cū omni lenitate & doctrina, vigilans in omnibus, mala perferens, Ministerii sui plenam fidem faciens. Præcipuum & excellentissimum opus in quolibet Ministro Verbi est ut perduret in oratione & administratione Verbi, Act. 6. 5. Neque æquum est eum derelicto Verbo DEI ministrare mensis, Vers. 2. Neque fas est Vicario alicui prædicandi provinciam relinquere, nisi velit etiam per vicarium salvus fieri. Vnusquisque enim mercedem propriam accipiet secundum proprium suum laborem, inquit Apostolus, loquens de labore prædicationis, 1. CORINTH. 3. 8. Neque satis est ad rationes uniuscujusque nostrum, si de aliorum talentis DOMINVS noster lucra percipiat, sed necessaria est unicuique sedula negotiatio de proprio talento, quod accepit, neque illud in alium transferre potest. Quod si quisquam dicitur Episcopus, qui non accipit à DOMINO talentum pastorale, seu peritiam prædicandi & regendi, si non est didaxit, cucurrit non missus, vñ illi, IEREM. 23. fur est, & latro, per fenestram ingressus,

Vide supra,
num. 2. & 3.

ingressus, non Pastor. IOAN. 10. *Oportet Episcopum esse διδάσκαλον.* 1. TIMOTH. 3. 2. id est, aptum, promptumque ad docendum, & in docendo diligenter occupatum. *Ve jam mihi est, si minimè predicavero,* inquit AMBROSIVS, Episcopus MEDIOLANENSIS, Lib. de Dignitate Sacerdotali, Cap. 1. Expedi tamen, imò necesse est, adjungi Episcopo unum aut plures Presbyteros collegas, ad peculiarem illum gregem parochialem communi opera pascendum, ne nimio Episcopus onere prægravatus non queat publicæ etiam curæ sufficere. Et ne Episcopo alias Ecclesias ex officio visitante, aliisve publicis congruisque curis intento, grex ejus parochialis Pastoralis custodia, & necessario verbi pabulo destituatur. IRENÆVS, apud EVSEBIUM, Lib. 5. Hist. Eccles. Cap. 24. 25. in Epistola sua ad VICTOREM, Episcopos ROMANOS, ANICETVM, PIVM, HYGIVM, TELESPTHORVM, SIXTVM, vocat Presbyteros. *Omnis Episcopus Presbyter est, non omnis Presbyter Episcopus: hic enim Episcopus est, qui inter Presbyteros primus est,* inquit AMBROSIVS, vel quisquis Author est illius Commentarii: certè AMBROSIO non citerior, nam DAMASO erat contemporaneus, in 1. TIM. 3. Aliibi etiam AMBROSIVS, *Honor quidem,* inquit, *Episcopalis coram hominibus præclarus est; sed si ruinam sustineat, dolor magnus est. Nam quanto præ ceteris gradus Episcopalis altior est, tanto, si per negligentiam delabatur, ruina gravior est. Magna sublimitas, magnam debet habere cautelam: Honor grandis, grandiori debet sollicitudine circumvallari.* Hæc AMBROSIVS, Libro de Dignitate Sacerdotali, CAP. III. De hoc autem Argumento prolixè, ex facie

cris Scripturis, & Patribus, disseruimus in Tractatu nostro, De Cura & Residentia Pastoralis.

PROPOSITIO XI.

QUOD Presbyter, Compresbyterorum, Præses, & Moderator ordinarius appellatus sit peculiari-
ter EPISCOPVS, ceteris PRESBYTERORVM
vocabulo contentis; id non est contra Legem Divinam
factum, sed congruenter LEGI DIVINÆ intro-
ductum est jure Ecclesiastico, œcumenico, & Apostoli-
co, & perpetuo seculorum omnium usu irreprehensibili-
ter servatum. Idcirco cum de re constet turbas jam
de hac nomenclatura ciere, & tumultuari insolentissi-
mæ insaniæ est.

Hujus PROPOSITIONIS veritatem sic osten-
do: Non est contra jus divinum; nam vocabulum
communius lex divina non vetat certo aliquo sensu ap-
propriare; neque vetat novis etiam vocabulis antiquam
doctrinæ veritatem exprimere, prout Ecclesiæ ædifica-
tio postulaverit. Apostoli & Episcopi, cum ipso
CHRISTO Diaconi dicuntur, 2. CORINTH.
6. 4. MATH. 20. 28. ROM. 15. 8. & 1. TIM. 4.
6. CHRISTVS Apostolus, & Episcopus, HEB.
3. 1. & 1. PET. 2. 25. Apostoli Presbyteri, 1. PET.
5. 1. & 3. IOAN. 1. Presbyteri Apostoli, 2. COR. 8.
23. Apostolus PAVLVS Doctor, 1. TIM. 2. 7.
EPISCOPI ANGELI nuncupantur, A-
PQCALYP. 1. & 2. & 3. Quam multa etiam à veteri

Ecclesia propter doctrinæ commoditatem vocabula contra SAMOSATENIANOS, SABELLIANOS, ARIANOS, aliosque Hæreticos sunt introducta, sine additione ad sacras Scripturas, vel earundem diminutione, quoad ipsam doctrinæ substantiam: ut Trinitas, Persona, Cōsubstantialis, &c. Non enim in nominib⁹, sed in reb⁹, sita est nostra Religio, ut rectè monet GREGORIUS Theologus, in Oratione quam habuit coram centum & quinquaginta Episcopis, in Concilio œcumenico secundo, CONSTANTINOPOLI celebrato, Anno 382. Cum igitur rei ipsius æquitas ex superioribus propositionibus manifesta sit, patebit insolentissimæ esse insanix de hac nomenclatura tumultuari, si ostendero eam jure Ecclesiastico, œcumenico, & Apostolico esse introductam, & hucusque in universali Ecclesia irreprehensibiliter continuatam. Nihil apud me distat in verbo, quod non distat in sensu, inquit AMBROSIVS, Lib. 2. Comment. in LVCAE EVANG. in illa verba, & posuit in præsepia. Certè ubi constat de re, stultum & importunum est inutiliter certare de vocabulo, λογομαχεῖν εἰς ὃδὲν χεῖρι-
 μόν: Quod prohibet Apostolus, 2. TIM. 2. 14. Ecclesiastico & œcumenico jure introductum esse hunc vocabuli usum patet ex ipsius HIERONYMI verbis supra citatis, (Num. 13. et 14.) ait enim jam inde à MARCI Evangelistæ temporibus, non solum in ALEXANDRINA Ecclesia unum ex Presbyteris in excelsiori loco collocatum, cæterisque superpositum, appellatum esse EPISCOPVM; sed idem etiam toto orbe decretum esse. Idipsum verò esse etiam juris Apostolici, id est, ab ipsis Apostolis institutum, vel saltem approbatum, inde patet, quia à MARCI Evangelistæ temporibus hoc obtinuit. Iam autem MARCO mortuo, Anno 8. Imperii NERONIS, successit ANIANVS, Episcopus ALEXANDRINVS, testibus EVSEB. lib. 2. Hist. Eccles. cap. xδ. 23, & HIERONYMO, in Catalogo scriptorum Ecclesiasticorum, cap. 18. PETRVS au-

rem & PAVLVS Apostoli supervixerunt, curam agentes Ecclesiarum, usque ad Annum 14. NERONIS, eodem teste HIERON. in Catal. script. Eccl. cap. 1. & 15. IOANNES Apostolus usque ad TRAIANVM principem perseverans, totas ASIÆ fundavit rexitque Ecclesias: ut loquitur HIERON. eodem lib. cap. 19. Et SIMON CANANÆVS, ad ejusdem TRAIANI tempora pervenit, ut scribit HIERONYMVS ibidem, cap. 9. Idem quoque HIERONYMVS, in illo Catalogo, cap. 11. scribit TIMOTHEVM fuisse EPHESIORVM Episcopum ordinatum à beato PAULO. Et cap. 12. TITVM fuisse Episcopum CRETÆ, Et cap. 3. IACOBVM fratrem DOMINI cognomento justum, post Passionem DOMINI statim ab Apostolis HIEROSOLYMORVM Episcopum esse ordinatum. Et cap. 9. SIMONEM CANANÆVM, ejusdem IACOBI fratrem, successisse IACOBO in illum Episcopatum. Et cap. 27. POLYCARPVM, à IOANNE Apostolo, ordinatum esse SMYRNÆ Episcopum.

PROPOSITIO XII.

IN CHRISTUM peccat, quicumque, sive Laicus, sive Clericus, Episcopi sui auctoritatem contemnit, ejusque justis mandatis, in eis quæ potestati Episcopali subsunt, obedientiam, obsequiè denegat.

Hujus propositionis veritas ex eis quæ toto hoc Capite præmissa sunt luculenter patet. Quisquis DEI ordinationi resistit, is in DEVM peccat. Vide etiam cap. 19. part. 3. num. 4. dixi, in eis quæ Episcopali potestati sunt, quia si jubeat Episcopus emere aut vendere fundum, si hanc vel illam uxorem ducere, aut simile quidpiam quod ad curam Episcopalem non pertineat, non est necesse, in talibus, ei obtemperare. At in eis quæ ex officio suo Episcopali tibi legitimè injungit, si neque contra fidem sit, neque contra bonos mores, teneris ei obedire, Hebr. 13. 17. quod

quidem per ea quæ hæcenus dicta sunt, satis clarè demonstratum est, adjiciam tamen uberioris doctrinæ gratia, nonnulla certa & genuina ex genuinis Epistolis antiquissimi scriptoris beati IGNATII, Episcopi ANTIOCHENI, quem HIERONYMVS in Catalogo scribit Martyrio coronatum esse Anno undecimo TRAIANI Imperatoris, ad cujus imperatoris tempora pervenit IOANNES Apostolus, eodem teste HIERONYMO, in Catalogo scriptorum Ecclesiasticorum. Beati autem IGNATII in Epistola ad TRALLIANOS, hæc sunt verba: *Episcopo subiecti estote; velut DOMINO* (ὥς τῷ κυρίῳ:) *ipse enim vigilat pro animabus vestris.* — ἀναγκάιον ἔν' ἐστὶν ὅσπερ ποιᾶτε, ἀνευ τῆ ἐπισκόπου μηδὲν πράττειν ὑμᾶς. Ἀλλ' ὑποτάσσεσθε, καὶ τῷ πρεσβυτέρῳ, ὥς ἀποστόλοις Ἰησοῦ χριστοῦ, &c. id est, *Necesse itaque est, quicquid facitis, ut sine Episcopo nihil tentetis. Sed & Presbyteris subiecti estote, ut CHRIS- TI Apostolis, &c.* — ἀιδεῖσθε δὲ καὶ τὸν ἐπίσκοπον ὑμῶν, ὃς χριστὸν, καθ' ἡμῶν οἱ μακάριοι διατάσσοντο ἀπόστολοι, &c. id est, *Reveremini autem Episcopum vestrum, sicut CHRISTVM, quemadmodum beati nobis præceperunt Apostoli. Qui intra Altare est, mundus est, quare & obtemperat Episcopo, & Presbyteris. Qui verò foris est, hic est, qui sine Episcopo, & Presbyteris, & Diaconis quippiam agit; & ejusmodi, inquinatam habet conscientiam, & infideli deterior est. Quid enim aliud est Episcopus, quam is qui omni principatu & potestate superior est; & quoad homini licet, pro viribus imitator CHRISTI DEI factus? Quid verò Presbyterium aliud est, quam sacer cœtus, Consiliarij, & assessores Episcopi?* [Τὶ δὲ πρεσβυτέριον, ἀλλ' ἢ σύσημα ἱερὸν, σὺμβεβηλοῖ, καὶ συνεδρευτῶ τῆ ἐπισκόπου;] —
 — Antidotum vobis porrigo adversus pestilentem inobediē-

CAP. XI. DE EPISCOPIS. 153

inobedientium [τῶν ἀνυποτάκτων] *morbum, quem fugite beneplacito CHRISTI DOMINI nostri.* Hæc ibi.

NICOLAUS VEDELIVS, Professor in Academia G E -
NEVENSI, & Verbi DEI Minister, in sua exercita-
tione, in Epistolam IGNATII ad TRALLIANOS, Cap. 2.
ait IGNATIVM hic inculcare hæc duo: 1. *Ne quicquam
fiat sine Episcopo:* 2. *Vt obedientia deferatur Episcopo.*
Et Cap. 9. Num. 7. ait potestates politicas Episcopo ma-
jores IN ECCLESIA non esse: hic autem IGNATIVM
facere mentionem tantum ordinum Ecclesiasticorum, ac
inter eos Episcopum omnium maximum esse, sicut docet
IGNATIVS, adeo ut Episcopus superiorem se nullum in
Ecclesia habeat: cæteri autem gradus Presbyterii & Dia-
conatus Episcopo subjiciantur. Vnde colligit VEDELIVS
tyrannicè peccare & errare ROMANENSES, qui
supra Episcopos cæteros ROMANVM Papam collocant,
tanquam imperio, & potestate de jure divino superiorem.

Idem, IGNATIVS, in Epistola ad EPHESIOS:
*Enistimini, inquit, Charissimi, subjecti esse Episcopo, &
Presbyteris* [τῷ ἐπισκόπῳ, & τοῖς πρεσβυτέροις] *&
Diaconis. Qui enim his obedit, obedit CHRISTO, qui
hos constituit* [τῷ ποροχερισμένῳ αὐτῆς] *qui verò
his reluctatur, reluctatur CHRISTO IESV.* —

*præfractus enim, contentiosus, & superbus est, qui non ob-
temperat superioribus.* Idem quoque in Epistola ad PHI-
LADELPHENSES: *Episcopo attendite, & Pres-
byteris, & Diaconis.* — *Sine Episcopo, nihil face-
re.* NICOLAUS VEDELIVS, in exercitatione in Epistolam
IGNATII ad PHILADELPHENSES, Cap. 14. Iam, in-
quit, tempore IGNATII erat discrimen illud Presbyterorum &
Episcopi, ut ex pluribus Epist. harum locis apparet.

Idem IGNATIVS, in epist. ad SMYRNENSES, *Nefandus,*
inquit, *hæreses, & eos qui schismata faciunt, fugite, ut fon-
tem malorū. Omnes Episcopum sequimini, ut Christus Patrè:
& Presbyterorū collegiū, ut Apostolos: Diaconos revereimini,*

ut ex DEI præcepto ministrantes. Sine Episcopo nemo quicquam faciat eorum quæ ad Ecclesiam spectant. Rata Eucharistia [εὐχαριστία] habeatur illa quæ sub Episcopo fuerit, vel cui ipse concesserit. — qui honorat Episcopum, à DEO honorabitur: sicut qui ignominia afficit illum, à DEO punietur. Hæc IGNATIVS.

VEDELIVS autem, in exercitatione in illam IGNATIVI Epist. ad SMYRNENSES, CAP. 5. Recenset, inquit, Ecclesiastica εὐταξίας, (sit enim IGNATIVS vocat id, quod alij καταχρηστικῶς Hierarchiam vocant) gradus, qui quibus immediate subsint, indicat IGNATIVS: Laicos vult subesse Diaconis, Diaconos Presbyteris, Presbyteros Episcopo, Episcopum CHRISTO. Episcopus igitur nemini quam CHRISTO subest. Similiter is qui DIONYSIVM AREOPAGITAM se nominat, de Eccles. Hierarch. Cap. 5. dicit, Episcoporum Hierarchiam immediate in CHRISTUM terminari. Hæc VEDELIVS.

Verum Episcopatus sit ordo distinctus à Presbyteratu.

Vexatissima est, inter Scholasticos Theologos, & Canonistas controversia, de numero ordinum Ecclesiasticorum. DIONYSIVS ille qui AREOPAGITA scribitur, antiquus quidem Author, illo tamen, de quo in Actis Apostolorum fit mentio, longè posterior, in Libro suo, de Ecclesiastica Hierarchia, non nisi trium ordinum Ecclesiasticorum meminit; nempe, Ordinis EPISCOPORVM, & ordinis PRESBYTERORVM, & ordinis DIACONORVM. Ordinem Episcoporum appellat τὴν τῶν ἱεραρχῶν τάξιν: & hunc vocat ordinem summum, supra quem in Hierarchiæ Ecclesiasticæ distinctione, non altius ascenditur, nisi ad ipsum DOMINVM IESVM CHRISTVM: Ideo & summum vocat hunc ordinem, & postremum respectu complementi in ascendendo:

dendo: ejus verba sunt, Ἡ θία τῶν ἱεραρχῶν τάξις, πρῶτη μὲν ἐστὶ τῶν θεοπλικῶν τάξεων. Ἀχροτάτη δὲ καὶ ἐσχάτη πάλιν ἡ αὐτὴ· καὶ γὰρ εἰς αὐτὴν ἀποτελείται καὶ ἀποπληροῦται πᾶσι τῆς καθ' ἡμᾶς ἱεραρχίας διακόσμησις. Ὡς γὰρ ἀπασαν ἱεραρχίαν ὁρῶμεν εἰς τὸν Ἰησοῦν ἀποπεριχυμένην, ὅτως ἐκάστην εἰς τὸν οἰκεῖον ἐνδεον ἱεράρχην. id est, Divinus igitur Pontificum ordo primus quidem est eorum ordinum qui DEUM vident; summus autem & postremus rursus idem est. In eo enim, & absolvitur, & expletur omnis Hierarchia nostra distinctio: ut enim Hierarchiam omnem videmus in IESVM definire; sic unamquamque in suum proprium divinum Pontificem. Hæc DIONYSIUS, lib. citato, cap. 5. ubi ordinem Presbyterorum appellat, τὴν τῶν ἱερέων τάξιν, Ordinem Sacerdotum: Ordinem verò Diaconorum vocat τὴν τῶν λειτουργῶν τάξιν, Ordinem Ministrorum.

PETRUS LOMBARDOVS, Episcopus PARISIENSIS, Lib. 4. sent. Disti. 24. ait Episcopatum, prout à Presbyteratu distinguitur, esse quidem dignitatem quandam & officium à CHRISTO in Ecclesia constitutum; at ordinem nullum agnoscit sublimiorem ordine Presbyterali; in quo ponit etiam Episcopos, ut reliquis Presbyteris, non ordine, sed dignitate & officio Superiores. Ideo duos tantum numerat ordines Ecclesiæ primarios; nempe, Presbyteratum, & Diaconatum. Et horum duorum supra alios inferiores ordines geminam commemorat prærogativam: 1. Quod hi duo per excellentiam dicantur sacri: 2. Quod hos solos habuerit primitiva Apostolica Ecclesia, & de his solis Apostolus præceperit: Apostolos enim in civitatibus ordinasse Episcopos, & Presbyteros, & Diaconos: at alios inferiores ordines procedente tempore Ecclesiam sibi constituisse. Cui concordat, quod ait THOMAS, in quartum Sent. dist. 24. quæst. 2.

Art. 2. ad secundum : *In primitiva, inquit, Ecclesia, propter paucitatem Ministrorum, omnia inferiora Ministeria Diaconis committebantur.* Hæc THOMAS. Idque ipsum confirmat ex DIONYSIO, de Eccles. Hierarch. CAP. 5.

Enumerat autem LOMBARDVS, infra Diaconatum, quinque ordines, videlicet, *Subdiaconorum, Acoluthorum* (ἀκολούθων, EVSEB. lib. 6. Hist. cap. 35. μϣ. quos LOMBARDVS corruptè ACOLYTOS vocat, & alio portentoso vocabulo, *Ceroferarios*) *Exorcistarum, Lectorum, & Ostiariorum.* Et hunc septenarium numerum Scholastici Theologi Magistrum sequuti tueruntur.

At Canonistæ ISIDORVM & GRATIANVM sequentes, Distinct. 21. CLEROS : & Distinct. 25. Can. PERFECTIS. Etiam Psalmistarum, sive Cantorum, adijciunt ordinem; & Episcopatum, prout à Presbyteratu distinguitur, affirmant esse verum ordinem, & imprimere Characterem. Ut sic habeant novem ordines, ad similitudinem cælestis Hierarchiæ.

Opinio Iuristarum, inquit AVREOLVS, discordantium in hoc à Theologis est, quod Episcopatus est verus ordo — hæc est intentio communis omnium Iuristarum, & dicunt quod nos Theologi in hoc à vero deviamus. Hæc AVREOLVS, in quartum Sent. Distinct. 24. Art. 2. §. de primo.

Decadem controversia Angelus, *Sed Canonistæ, inquit, tenent quod sunt novem ordines secundum novem Hierarchias; scilicet prima tonsura, seu Psalmistatus, & ordo Episcopalis: & quod prima tonsura sit ordo, & quod Episcopatus sit ordo, & imprimatur Character.* Hæc ANGELVS, in Summa, Verbo, ORDO, Cap. 1. ubi se profiteatur sentire cum Canonistis.

Respondent Theologi, Psalmistatum, sive primam tonsuram, non esse propriè ordinem, sed dispositionem ad ordinem

ordines: *Et in hoc concordant communiter Theologi*, inquit ANGELVS, loco citato.

THOMAS: *Psalmistatus*, inquit, *non est ordo, sed officium ordini annexum*, in quartum Sent. Distinct. 24. Quæst. 1. Art. 1. ad quintum. Idem dicit BONAVENTURA, ibidem. Art. 2. quæst. 2.

De EPISCOPATV responder CAPREOLVS, in quartum Sent. Distinct. 25. Art. 1. Conclusionem secundam: *Episcopatus est ordo, accipiendo ordinem largè, prout ordo dicitur tam de Sacramento, quam de officio non Sacramento: non autem propriè & strictè, prout ordo est Sacramentum*. Hæc CAPREOLVS.

De Characterè responder THOMAS, in quartum Sent. Distinct. 25. Art. 2. ad secundum: *In promotione Episcopi datur ei potestas quæ perpetuo & indelebiter manet in eo, sicut Character, quia per consecrationem datur: quamvis dici non possit Character*. Hæc ibi.

BONAVENTURA, in quartum Sent. Distinct. 24. Art. 2. Quæst. 3. *Tenet communis opinio, quod in Episcopatu Character novus non imprimatur: sed illi aliqua eminentia confertur, quæ semper manet cum ipsa Characterè ordinis, ablata omni jurisdictione*. Hanc ergo opinionem sustinendo, dicamus, quod Episcopatus, præcisè loquendo, non est ordo; sed ordinis eminentia, vel dignitas.

Idem ibidem, ad primum: *Quod, inquit, obijci- tur de ISIDORO & GELASTO; dicendum, quod ad eorum auctoritates, & consimiles, unica responsione potest responderi, quod ipsi nomen ordinis ampliant ad officia, & dignitates*. Hæc BONAVENTURA.

AVREOLVS Articulo superius citato, ait, Episcopatum non esse diversum ordinem ab ordine Presbyterali; sed esse ampliationem potestatis in eodem ordine.

SCOTVS ait ordinem, propriè loquendo, non esse Sacramentum: Dico, inquit, quod loquendo propriè de Sacramento, ordo non est Sacramentum: quia omne Sacramentum, est signum sensibile; & ordo (ut dictum est) quidam gradus est spiritualis. Tamen accipiendo Sacramentum pro signo invisibili, sicut aliquid dicitur res, & Sacramentum, hoc modo potest dici Sacramentum. Hæc SCOTVS, in quartum Sent. Quæst. unica, Art. 3. Num. 8.

Hæc propterea commemoranda doxi, ut manifestè ostenderem nihil esse in tota hac controversia, quod adversetur propositionibus nostris, de jure divino officii & dignitatis episcopalis supra simplices presbyteros. Nam de hoc nō est inter eos dissensio: sed unanimi consensu omnes, non solum canonistæ, sed etiam Theologi cum Magistro & cum Dionysio agnoscunt, Episcopatum esse ordinem distinctum à Presbyteratu; accipiendo ordinem pro officio in Ecclesia divinitus instituto: & in primitiva Ecclesia Apostolos, jussu CHRISTI, constituisse Episcopos, & Presbyteros, & Diaconos: & esse hos tres distinctos ordines; cum hac subordinatione, quod Diaconi subsint Presbyteris; & utrisq; cum Diaconis tum Presbyteris præsit Episcopus, de jure divino. Neque nos aliud demonstratum ivimus. De sacramento autem & charactere dum ipsi inter se disceptant, nos instituti nostri interea memores, progrediamur.

PROPOSITIO XIII.

ECCLESIA Orthodoxam tenens Fidem, si careat Episcopo, sive Presbyterorum ordinario præfecto Diacono, laborat quidem defectu quodam æconomico: at non propterea desinit esse vera Ecclesia, neque excidit potestate illa Ecclesiastica, quam habent alie Ecclesie ab Episcopis gubernate. Quamvis opzandum & annitendum, ut habeat Episcopum.

Gradus

Gradus quidem Episcopalis, est juris divini; sic tamen ut Ecclesia esse non desinat, sed esse possit, & sit quandoque vera Ecclesia Christiana, in qua non reperitur hic gradus. Idque non solum ante Episcoporum institutionem, sicut videre est in Ecclesia *SAMARITANA*, per *PHILIPPVM* Diaconum recens fundata, antequam ibi ullus esset Episcopus. Act. 8. 12. Et in prima illa *ANTIOCHENA* Ecclesia, de qua legimus Act. 11. 20. 21. Et Ecclesia *LYSTRENSI*, item *ICONIENSI*, & *ANTIOCHIE PISIDIE*, quibus Apostoli *PAVLVS* & *BARNABAS* praeferunt Presbyteros, καὶ ἐκκλησίαν, Act. 14. 20. 21. 22. Et Ecclesia *EPHESINA*, quando initio regebatur tantum à Presbyteris, nondum constituto illic proprio aliquo Episcopo, (erant enim Apostoli, & viri Apostolici quos consulerent) Act. 20. Quamvis postea acceperit Episcopum, qui dictus est Angelus Ecclesiae *EPHESIÆ*, Apocal. 2. 1. Olim, inquit *PANORMITANVS*, Presbyteri in communi regebant Ecclesiam, & ordinabant Sacerdotes, & pariter conferabant omnia Sacramenta: sed postmodum, ad Schismata sedanda, fecerunt seu ordinaverunt Apostoli, ut crearentur Episcopi. Hæc *NICOLAUS ARBAS PANORMITANVS*, in lib. 1. decretalium, de consuetudine, CAP. *QUANTO*. Non solum, inquam, ante Episcoporum institutionem; sed etiam post constitutos in Ecclesiis Episcopos. Non enim ad esse, sed ad melius esse Ecclesiae necessaria est hæc œconomia.

IOANNES MAIOR, lib. 2. historiae de gestis *SCOTORVM*, cap. 2. scribit *SCOTOS* per Sacerdotes, & Monachos, sine Episcopis, in fide eruditos esse, usque ad annum *DOM. 429.* adeo ut, primitiva Ecclesia *SCOTICA* plusquam ducentos & triginta annos floruerit absque regimine Episcopali. Nam Religionem Christianam suscepit *SCOTIA* anno *DOM. 203.* sicut consentiunt omnes Historici.

ECCLESIA
SINE EPIS-
COPO.

Exemplum
in Ecclesia
SCOTICA-
NA.

Exemplum
in Ecclesia
Romana.

Non omnis
defectus illius
quod jure di-
vino præscri-
bitur, est defe-
ctus essentialis
auferens essen-
tiam Ecclesiæ.
Exemplum de
Diaconis, &
Episcopis.

ORDINA-
TIO MI-
NISTRO-
RUM.

Ecclesiæ etiam *ROMANÆ*, sede vacante, præfuerunt Presbyteri per undecim menses, & quindecim dies, post eandem *XISTRI* secundi, Episcopi *ROMANI*, immanissima persecutione Comitum Pontificalia *ROMÆ* prohibente, Anno D.O.M. 259. ut scribit *ONUPHRIUS* in Chronico. Nec tamen desuit esse vera Ecclesiæ, aut potestatem habere veræ Ecclesiæ. De jure divino est, ut in Ecclesiis Diaconi sint Clerici, Canonicè per manuum impositionem ordinati, & per totam vitam adstricti. Act. 6. & 1. Tim. 3. In nostra tamen Ecclesia *SCOTICANA* reformata id haberi nondum potuit, propter Ecclesiasticam paupertatem: bonis Ecclesiasticis secularium hominum sacrilegio direptis. Sic etiam, in nonnullis Ecclesiis reformatis, impedit magistratus civilis ne sint Episcopi. Sunt quidem hi defectus æconomici quoad *ἐκονομία*, sed non sunt defectus essentielles qui tollant essentiam aut potestatem veræ Ecclesiæ.

Valida est ordinatio quæ peragitur per Presbyteros in eis Ecclesiis, in quibus non est Episcopus, aut ubi non est Orthodoxus, sed notorius hæreticus & lupus: quamvis decentius fieret (si possibile) per Orthodoxum Episcopum & Presbyteros: aut etiam per solos Presbyteros, consentiente & concedente Episcopo. Nam Episcopo proprium de jure divino, est solum regimen, superinspectio, & *πρωτοία* Gubernatrix sive Episcopalis, quam jurisdictionem vocant: reliquæ autem omnes pastoralis officii partes omnibus pastoribus, tum Episcopis tum Presbyteris, de jure divino communes sunt: quamvis non nisi decenter & ordine exercendæ, adeoque non sine Episcopo, aut Episcopi saltem consensu, in eis locis ubi Ecclesiam regit Episcopus. Vbi verò non est Episcopus, fieri debent omnia communi consilio & auctoritate Presbyterorum Synodicè congregatorum. Quamvis, ut dixi, annitendum sit, ut etiam æconomicus iste defectus tollatur, & uuaquæque Diæcesis proprium habet Episcopum.

Aposte-

CAP. XI. De ordinatione Ministrorum. 161

Apostolus PAVLVS eam manuum impositionem, per quam ordinatus est TIMOTHEVS, modò vocat impositionem manuum suarum, 2. TIM. 1. 6. modò impositionem manuum Presbyterii, 1. TIM. 4. 14. id est, confessus Presbyterorum, sic enim in NOVO TESTAMENTO passim, & apud antiquissimos scriptores Ecclesiasticos, usurpatur hoc vocabulum. Quod autem nonnulli Presbyterium hoc loco interpretati sunt cœtum Episcoporum, nisi per Episcopos intelligas simplices Presbyteros, violenta est interpretatio, & sensus insolens. Et quod alii ipsum gradum Presbyteratus intellexerunt, stare non potest, nam gradus non habet manus, sed hominum sunt manus. Sive igitur de TIMOTHEI ordinatione in simplicem Presbyterum, sive de ejus ordinatione in Episcopum loquatur Apostolus, haud dubiè nomine Presbyterii intelliguntur simplices Presbyteri, illi scilicet Ecclesiæ EPHESINÆ Presbyteri de quibus, ACT. 20.

Ordinatio
Timothei.

Neque hoc absurdum videri debet quod Presbyteri Ecclesiæ una cum Apostolo imponant manus ordinatrices ei qui ordinatur in ipsum Episcopum. Nam hoc ritu potestatem illam, quæ penes Presbyterorum Collegium antea residebat, ei deferunt: non seipsos ea potestate simpliciter denudantes, sed illi præfecturam & regimen concedentes, ut posthac non nisi ex ejus autoritate & consensu potestas illa exerceatur. Nempe quamdiu in ea Ecclesia erit Episcopus Orthodoxus.

Ordinant
Episcopum
Presbyteri.

Convenit illa HIERONYMI narratio in Epistola ad EVAGRIVM de Episcopis ALEXANDRINIS; Presbyteri, inquit, *unum ex se electum, in excessiori gradu collocatum, Episcopum nominabant: quomodo si exercitus imperatorem faciat.* Hæc ille. Quibus verbis haud

obscure indicat Presbyteros ALEXANDRINOS initio ordinasse sibi Episcopum. Quam ordinationem ratam habuerunt ipsi Apostoli, sicut ostensum est, in exegesi propositionibus undecimæ.

Ordinatio
Pelagij i. Episcopi
Romani per Presbyterum.

PELAGIVM, hujus nominis primum, Episcopum ROMANVM, ordinarunt duo Episcopi, & unus Presbyter OSTIENSIS, nomine ANDREAS, qui tanquam Episcopus munus illud ordinationis obivit: dum non invenirentur tres Episcopi, qui, secundum Canones, PELAGIVM ordinarent: subducentibus se reliquis Episcopis ab ejus communione, propter quandam de eo suspensionem. A qua tamen suspicione se postea PELAGIVS, jam Papa factus, purgavit, eosque sibi reconciliavit.

Canonibus
constitutum
est ut tres Episcopi
ordinarent Episcopum.

Decretum verò erat in Concilio NICÆNO, Can. 4. ut ad ordinandum Episcopum, si non possent omnes provinciales Episcopi convenire, tres tamen omnimodo in unum convenirent, & absentes per scripta consentirent, & tunc ordinatio celebraretur, Metropolitano omnia rara habente & confirmante. DAMASVS Episcopus ROMANVS Epistola quinta ad prosperum NVMIDIÆ primæ sedis Episcopum, & alios Orthodoxos Episcopos, *Quod enim, inquit, Episcopi non sint, qui minus quam à tribus sunt ordinati Episcopis, omnibus patet: quoniam, ut bene nostis, prohibitum à sacris est patribus, ut qui ab uno, vel à duobus, sunt ordinati Episcopis, nec nominentur Episcopi. Si nomen non habent, qualiter officium habebunt?* Hæc DAMASVS. Item post DAMASVM, in Concilio AFRICANO ducentorum & septemdecim Episcoporum (cui præsedie CORNELIVS Episcopus CARTHAGINENSIS, & interfuit AVGUSTINVS Episcopus HIPPO NENSIS) Can. 16. *Forma, inquit, antiqua servabitur, ut non minus quam tres sufficiant, qui fuerint à Metropolitano directi, ad Episcopum ordinandum.* Hæc Patres AFRICANI

CANI. Observa omnes tres simul ordinare, & omnes esse pariter ordinatores. Vide Glossam in Can. *Episcopus*, 23. Dist.

PELAGIUS igitur *ROMANÆ* Ecclesiæ Diaconus, cum eum ordinari ejusdem Ecclesiæ Episcopum juberet Imperator *IVSTINIANVS*, nec invenirentur tres Episcopi, ut canonibus satisfaceret, ejusque ordinatio valida esse posset, accepit ordinationem e manu unius Presbyteri & duorum Episcoporum. Atque ita canonica in hunc usque diem habita est ejus ordinatio. Hanc de *PELAGII* ordinatione historiam scripsit *ANASTASIUS* Bibliothecarius in libro Pontificali, in vita *PELAGII* Papæ primi. Qui ordinatus est, Anno DOMINI 555. Ut annotat *BINIUS* in parte secunda, tomii secundi Conciliorum. Hoc non fecisset *PELAGIUS* neque eam ordinationem agnovisset Ecclesia *ROMANA*, & *PELAGII* successores Episcopi *ROMANI*, nisi judicarent etiam *SIMPLICEM PRESBYTERVM*, in casu necessitatis, ESSE SUFFICIENTEM MINISTRVM AD CONFERENDVM QVEMLIBET ORDINEM ECCLESIASTICVM.

Quomodo canonica fuerit ordinatio Pelagii.

Presbyteri autem ordinatione per impositionem manuum Episcopi & Presbyterii citat *GRATIANVS*, ex Concilio *TOLETANO* vndecimo hunc Canonem; *Presbyter cum ordinatur, Episcopo cum benedicente, & manum super caput ejus tenente, etiam omnes Presbyteri, qui presentes sunt, manus suas, juxta manus Episcopi, super caput illius teneant.* 23. Dist. Can. *Presbyter*. Observa autem tres saltem debere manus imponere, secundum analogiam ordinationis Episcopi.

Canon de ordinatione Presbyteri.

Per hanc autem impositionem manuum Presbyterii, non solum declaratur assensus fratrum, sed & ordo ipse confertur, & gratia ordini necessaria impetratur, quemadmodum per impositionem manuum Episcopi: cum quo Presbyteri manus imponunt, non tanquam duntaxat consentientes, (ad consensum enim sufficiunt suffragia, &

Presbyteri ordinatores cum Episcopo.

plebs etiam consentit, nec tamen ejus est manus imponere) sed tanquam ordinantes, seu ordinem conferentes, & ex potestate ordinandi divinitus accepta, gratiam ordinato, hoc adhibito ritu, apprecantes. Ut patet ex verbis Apostoli, 1. TIM. 4. 14. Vbi per illam impositionem manuum Presbyterii exstitisse ait in TIMOTHEO donum gratiæ [*χάρισμα*.] Quo quid amplius dici potest de impositione manuum Episcopaliū? Cū ipse Apostolus, de fructu impositionis manuum suarum loquens, non alio utatur vocabulo, nisi quod per eam exstiterit in TIMOTHEO donum gratiæ DEI, 1. TIM. 2. 6. Quibus autem non competit potestas ordinandi, illi orant etiam pro ordinato, at non hoc ritu orant, ut manus imponant, & per impositionem manuum ipsorum quodammodo adducant Spiritum Sanctum; nam hic precandi gestus per impositionem manuum, in ordinatione & confirmatione, solis convenit eis qui ex officio habent potestatem benedicendi & ordinandi. Angelus in Summa, verbo, ORDO, Cap. 1. Art. 6. Ait manus impositionem non esse de substantia formæ ordinationis. Idem quoque sensit THOMAS in quartum Sent. Dist. 25. Quæst. 1. Art. 1. ad primam. Nos de hoc non certamus; sed asserimus hunc ritum ab Apostolis usurpatum esse in signum collati officii, & non futuræ gratiæ eis qui dignè ordinem susceperent: & adhibitionem hujus signi indicare potestatem ordinandi, ut patet ex sacris literis.

Soli Presbyteri ordinatores,

Habent Presbyteri de jure divino, ordinandi, sicut prædicandi & baptizandi, potestatem: quamvis hæc omnia exsequi debeant sub regimine & inspectione Episcopi, in locis ubi est Episcopus, sicut dictum est. In aliis autem locis, ubi Ecclesiæ communi tantum Presbyterorum Consilio administrantur, valida est & efficax ordinatio quæ fit per impositionem manuum solius Presbyterii. Quin & ubi est Episcopus, possunt Presbyteri ordinare, consen-

consentiente, licet non simul manus imponente Episcopo: cui propria de jure divino, est sola autoritas & præfectura Episcopalis, ut curet omnia decenter & ordine fieri in domo DEI, & nemini permittat licentiosè abuti quacunquesua potestate, sed ut omnes ordinatè ac decenter se gerant secundum legem DEI, & legitimas Ecclesiæ constitutiones. Quod dixi Presbyteros, de jure divino, etiam ordinandi, sicut Prædicandi, & Baptizandi, habere potestatem; illud intelligendum est cum hoc discrimine; quod Prædicare & Baptizare possint, inconsulto Episcopo, aut Synodo, hoc est, non expectata ad singulas vices particulari commissione: ordinare autem non possint sine particulari commissione ab Episcopo, vel à Presbyterorum Diæcesano Consilio in locis ubi non est Episcopus. Ratio discriminis est, quia ordinatio est negotium magis communiter attingens totam Diæcesin, & ad publicos præsidēs magis pertinens.

AMBROSIUS in Epistolam ad EPHESIOS, Cap. 4. *Apud ÆGYPTVM, inquit, Presbyteri consignant, si præsens non sit Episcopus.*

AVGVSTINVS, siue quicunque author est illius operis, in quæstionibus ex utroque TESTAMENTO mixtim quæst. 101. *In ALEXANDRIA, inquit, & per totam ÆGYPTVM, si desit Episcopus, consecrat Presbyter.*

In Concilio ANTIOCHENO (quod celebratum est, ANNO DOMINI circiter 341. Cujus canones confirmati sunt in Synodo vniuersali quinisexta, Can. 2. quæ quinisexta Synodus celebrata est. CONSTANTINOPOLI in TRVLLO, ANNO DOMINI 692.) in Concilio, inquam, ANTIOCHENO, Can. 10. conceditur Chorepiscopis, (qui duntaxat erant Presbyteri, non autem verè Episcopi) ut ordinent Lectores & Sub-Diaconos & Exorcistas: de superioribus verò

Discrimen
inter ordina-
tionem, & ver-
bi prædicationem, &c.

Ordinatio
per solos Pres-
byteros ostenditur ex cano-
ne Antiocheno.

ordinibus decernitur, ut nec Presbyterum, nec Diaconum ordinare audeant, *οὐδεὶς τῶ ἐν τῇ πόλει ἐπισκόπου, ἢ ὑποεῖνται αὐτῷ, καὶ ἡ χωρὰ*, id est (ex versione DIONYSII EXIGVI) *præter civitatis Episcopum, cui ipse cum possessione subiectus est.* GENTIANVS HERVETVS venit, *absque urbis Episcopo.* At ex probatissima illa versione, quam sequitur ISIDORVS Episcopus HISPALENSIS, *præter conscientiam Episcopi.* Quæ versio optimè explicat mentem Concilii. Estque ipso rei usu & executione firmata; ut nimirum possent Chorepiscopi etiam Presbyteros & Diaconos ordinare, permittente, licet non simul ordinante, Episcopo loci; ut patet ex ISIDORO, Lib. 2. de officiis Ecclesiasticis, Cap. 6: ubi de Chorepiscopis, ea etiam ætate adhuc in Ecclesiis existentibus, loquens, ait; *Chorepiscopi, id est, Vicarij Episcoporum, juxta quod Canones ipsi testantur, instituti sunt ad exempla 70. Seniorum, tanquam Sacerdotes, propter sollicitudinem pauperum. Hi in vicis & villis constituti, gubernant sibi commissas Ecclesias, habentes licentiam constituere Lectores, Sub-Diaconos, exorcistas: Presbyteros autem & Diaconos ordinare non audeant præter conscientiam Episcopi, in cujus regione præesse noscuntur. Hi autem à solo Episcopo civitatis, cui adjacent, ordinantur.* Hæc ISIDORVS: Ex quibus patet illam DAMASTI constitutionem, de abolendo Chorepiscoporum officio, non esse executione roboratam per Ecclesias; sed aliquot postea seculis permanisse in Ecclesiis Chorepiscopos, eosque, sicut Canone ANTIOCHENO præscriptum erat, à solo civitatis, cui adiacebant, Episcopo ordinatos esse; habentes licentiam constituendi inferiores Clericos, & superiores etiam consentiente Episcopo loci. Quum igitur praxis Ecclesiastica sit optima Canonum interpres, præsertim tot sæculis continuata, & hac interpretatione, *præter conscientiam Episcopi*, tanquam suo seculo indubitata, & perpetua

Eadem ostenditur ex Isidoro, & ex praxi veteris Ecclesiæ.

Damas. Epist. 5.

tuo rei ipsius ad eam usque ætatem usu firmata, utatur ISIDORVS, manifestum est hanc esse genuinam Canonis interpretationem. Floruit ISIDORVS, Anno DOMINI 630. Elapsis jam post Synodum illam ANTIOCHENAM annis paulò minus trecentis: & post DAMASVM annis plusquam ducentis. Eodem sensu beatus IGNATIVS jubet *ἀνευ τῆ ἐπισκόπου μηδὲν πράττειν.* in Epist. ad TRALLIANOS, et alibi, *χωρὶς ἐπισκόπου μηδὲν ποιεῖν.* Epist. ad PHILADELPHENSES.

Quod verò ait ISIDORVS Canones testari Chorepiscopos, ad exemplum septuaginta institutos esse, *tanquam Sacerdotes, Episcoporum Vicarios*, id habet ex Concilio NEOCÆSARIENSI, cap. 13. quod est in Græca editione, cap. 14. ubi dicuntur ad exemplū 70. instituti esse *ὡς συναγρογοὶ.* Reliqua, de collatione ordinum, & ordinatione ipsorum Chorepiscoporum, desumit ISIDORVS, ex Canone illo decimo, Concilii ANTIOCHENI.

Quod autem ait ISIDORVS institutos esse Chorepiscopos, *propter sollicitudinem pauperum*; id clarius explicat RABANVS MAVRVS, Archiepiscopus MOGUNTINVS, lib. 1. de institutione Clericorum, cap. 5. (quod opus scripsit adhuc Presbyter) Vbi de Chorepiscopis hæc scribit; *Episcopi Apostolorum vicem in Ecclesia tenent: & Chorepiscopi, qui vicarij sunt Episcoporum, ad exemplum septuaginta seniorum constituti sunt: nec aliquid eis magis licet in Ecclesia ordinare aut constituere, nisi quantum eis conceditur a legitimis Episcopis, qui sedem & regimen integrum in Ecclesiis obtinent. Ordinati sunt autem Chorepiscopi propter pauperum curam, qui in agris & villis consistunt, ne eis solatium confirmationis deesset. — Hi autem a solo Episcopo civitatis, cui adjacent, ordinantur, sicut Presbyteri.* Hæc RABANVS: de Chorepiscopis, etiam illa ætate adhuc existentibus. Quamvis jam

Chorepiscopi
manus im-
ponebant cate-
chumenis.

angustioribus limitibus potestas eorum circumscriberetur, ut apparet ex concilio *MELDENSI*, quod, vivente *RABANVS MAVRO*, celebratum est sub *CAROLO* juniore *FRANCORVM* Rege, ann. Dom. 845. in quo Concilio, Cap. 44. decernitur, *Vt Chorepiscopus modum suum juxta canonicam institutionem teneat.* — neque ordines *Ecclesiasticos*, qui per impositionem manus tribuuntur, id est, non nisi usque ad sub-diaconatum, & hoc jubente Episcopo, & in locis, quibus *Canones* designant, agere presumant. Hæc habentur citato capite Concilii *MELDEN-SIS*: vndeliquet coarctatam esse illo seculo Chorepiscoporum potestatem. Nisi dicas mendosam esse editionem, & pro & hoc jubente Episcopo, legatur, nisi jubente Episcopo, quia in Canone *ANTIOCHENO* hoc dicitur, *διχα τῷ ἐπισκόπῳ*, ut scilicet liceat illis jubente, aut permittente Episcopo etiam majores ordines conferre. Quod illis *ANTIOCHENO* Canone concessum est, & aliquot sæculis post Synodum *ANTIOCHENAM* illis permiserunt Ecclesiæ.

Habebant enim (ut ex eis quæ dicta sunt patet)

Chorepiscopi a suis Episcopis duo commissionum genera: vnum commissionis ordinariæ & communioris, ex qua *Lectores*, & *Sub-diaconos*, & *Exorcistas* ordinare poterant: aliud genus commissionis extraordinariæ & particularis, ex qua poterant conferre majores ordines *Diaconatus* & *Presbyteratus*. Et hos quidem conferre prohibentur præter conscientiam Episcopi, id est, nisi singulis vicibus ad vnamquamque singularem ordinationem acceperint commissionem particularem ab Episcopo, quamvis ipse Episcopus non esset corporaliter præsens, suasque simul manus imponeret. Quod certè eis non concessisset Ecclesiæ, nisi judicasset *VALIDAM ETIAM ESSE EAM ORDINATIONEM, QUÆ PER SOLOS PERAGITVR PRESBYTEROS.*

Porro *Chorepiscopos* illos, quibus potestas illa conceditur,

Canon Mel-
densis de chor-
episcopis.

*Chorepif-
copi* habe-
bant à suis
Episcopis duo
commisso-
num genera.

Offenditur
Chorepisco-

ditur.

ditur, non fuisse verè Episcopos, sed tantum Presbyteros (qui regiunculis Diaecleos ab Episcopo præficiebantur, quales sunt nostri Moderatores Classium Presbyterialium) sicut manifestum est ex superioribus, ita etiam patet ex ipsis verbis Can. illius *ANTIOCHENI*; ubi dicuntur *in Villis & Regionibus* constituti, & *subjecti esse* Episcopo, & *ab Episcopo civitatis, cui subsunt, ordinandi*. Ecce & locus, & subjectio, & ordinatio, arguunt non esse Episcopos, sed tantum Presbyteros.

pos ordinantes fuisse tantum Presbyteros, non autem Episcopos.

Idem patet ex Concilio *NEOCÆSARIENSIS*, quod *ANTIOCHENO* illo antiquius fuit; ubi *CHOREPISCOPI* dicuntur constituti ad exemplum & formam septuaginta Discipulorum. CAP. XIII. id.

Eosdem duos Canones, Concilii *NEOCÆSARIENSIS*, & Concilii *ANTIOCHENI*, allegat *DAMASVS*, Episcopus *ROMANVS*, in sua illa Epistola quinta, ad *PROSPERVM NVMIDIÆ* primæ sedis *EPISCOPVM*, & alios orthodoxos Episcopos; ubi affirmat, & multis contendit, manifestè patere, quod nulli Chorepiscopi sint Episcopi, & quod necesse sit ut te Presbyteros esse fateantur, alioqui nihil futuros, nec in Sacerdotali Catalogo habendos, quum duo tantum sint ordines primi in *ECCLESIA*, id est, *APOSTOLORVM*, & septuaginta *DISCIPULORVM*.

Ridiculum autem, & puerile effugium est *BELLARMINI*, *LIB. de CLERICIS*, cap. 17. ubi, fatetur quidem Chorepiscopis à Concilio *ANTIOCHENO* concessum esse, ut etiam Presbyteros & Diaconos ordinare possent, si id Episcopus loci permitteret: sed dum imperitè contendit ordinationem ita esse *EPISCOPORVM* propriam, ut nullo modo *PRESBYTERIS* permitti possit, confingit nobis novum quoddam & antea inauditum *CHOREPISCOPORVM* genus; & ait

Ineptum Bellarmini effugium.

Chorepiscopos illos, de quibus ibi loquitur Canon Concilii ANTIOCHENI, fuisse veros Episcopos, alios à Chorepiscopis illis qui tantum sunt Presbyteri. Quum tamen id disertè perneget DAMASVS, Epistola citata, postquam consideravit illa ipsa Canonis verba, quibus fretus BELLARMINVS audet DAMASO, & toti Antiquitati contradicere, Verba sunt: qui *Chorepiscopi nominantur, quamvis manus impositionem Episcoporum perceperint, & ut Episcopi consecrati fuerint.*

Has quidem verborum interpretatione usus est DAMASVS, non tamen inde sequitur eos fuisse veros Episcopos, sed tantummodo accepisse quandam ordinationem quasi Episcopalem, & non verè Episcopalem, sicut differit DAMASVS, probans veram illorum ordinationem esse secundum formam septuaginta Discipulorum, id est, tantummodo Presbyteralem.

Detestanda verò BELLARMINI impudentia est, aut miseranda imperitia, quando ait DAMASVM Chorepiscopis adimentem licentiam ordinandi, non loqui de iis Chorepiscopis, de quibus fit mentio in principio Canonis ANTIOCHENI: cum disertè ipsissima prima Canonis ANTIOCHENI verba citet DAMASVS, & eosdem illos, de quibus ibi fit mentio, neget esse veros Episcopos, aut habere auctoritatem Episcopalem: & de iisdem proferat antiquiorem illum Canonem NEOCÆSARIENSEM, ubi dicuntur constituti esse ad exemplum & formam septuaginta, ὡς συλλελεγχοι ut comministri.

Quamvis autem Presbyteri quandoque dicantur successisse Apostolis, in veterum scriptis, nusquam tamen dicuntur Episcopi successisse septuaginta Discipulis.

Quamvis etiam DAMASVS conjecturam illam, de ordinatione Chorepiscoporum aliquando per plures Episcopos, admiserit ex quodam Grammatico intuitu pluralis numeri nominis *Episcoporum*: neque de ea quæstione
certare

certare voluerit, quia existimabat se posse compendiosius ora obturare suis adversariis, si evinceret nullum Chorepiscopum, sive ab uno, sive à pluribus ordinatus esset Episcopis, esse aut unquam fuisse Episcopum; sed omnes esse semperque fuisse simplices duntaxat Presbyteros: quamvis, inquam, conjecturam illam, utpote, causæ suæ nihil officientem, admiserit DAMASVS: quia tamen nullum ejus vestigium exstat in Historiis, aut Canonibus Ecclesiasticis, præter meram illam conjecturam Grammaticalem; ei que repugnant ipsa Canonum verba, & nota Ecclesiæ praxis: & potest ea pars Canonis ANTIOCHENI satis commodè, imò commodius & simplicius aliam interpretationem recipere; neque rem à se visam vel fando auditam, aut in Historiis lectam profitetur DAMASVS; sed tantum dicit sibi ita VIDERI ex plurali numero nominis EPISCOPORVM: poterimus, sine DAMASI contumelia, simpliciorum sensum investigare, qui ad propositum DAMASI non minùs faciat, ejusque conclusionem corroboraret. Verba Canonis sic se habent, *ἐὶ ἐ χειροθεσίᾳ ἐκ ἐπισκόπων ἐιληφότες*, placuit sanctæ Synodo, ut noscant suum modum. Et in fine Canonis, absque ulla distinctione variæ ordinationis, dicitur constitui debere Chorepiscopos ab Episcopo civitatis cui subjiciuntur: nempe, eos ipsos Chorepiscopos, de quorum officio & potestate loquebantur Patres toto illo Canone; nam nusquam comparer, vel levissima aliqua distinctionis aut diversitatis umbra. Quocirca certior & simplicior videtur hæc, quam subjiciam, interpretatio: ut, scilicet ἡ χειροθεσία hoc loco accipiatur, non passivè pro ea manuum impositione, per quam ordinabantur ipsi Chorepiscopi, sed activè pro ea manuum impositione cujus exercendæ potestas concedebatur Chorepiscopis; & ἐπισκόπων intelligamus possessivè, ac si diceres eam impositionis manuum potestatem, quam possident Episcopi, & ἐιληφότες interpretemur acceptionem per delegatio-

Simplicissima
& certissima
interpretatio

χειροθε-
σίας ἐ-
πισκό-
πων
in Canone
Antiocheno.

nem ab Episcopo loci, qui Chorepiscopos sua armabat potestate, sicut quilibet delegans delegatos, ut non minus valida haberetur & esset ordinatio illa quæ per Chorepiscopos ex delegatione perageretur, quàm ea quæ fiebat per impositionem manuum ipsius Episcopi. Qui assumebat Chorepiscopos ad sustinendum congruam partem sollicitudinis, suam illis potestatem ad certas res gerendas impertiens; servata sibi interim Episcopali potestatis plenitudine. Concilium autem ANTIOCHENVM, præscribit Chorepiscopis regulas exercitii hujus potestatis, per delegationem seu commissionem acceptæ, quas transgredi non audeant. Addita sanctione in transgressores, ut eo ipso priventur honore cujus participes facti sunt.

Neque huic expositioni repugnat Latina illa versio, quæ usus est DAMASVS; *Qui in vicis & possessionibus Chorepiscopi nominantur, quamvis manus impositionem Episcoporum acceperint.* Quorum verborum simplicissima est ea expositio, quam præmisimus: & ita debere exponi patet etiam ex eo, quod describantur toto illo Canone ea quæ omnibus Chorepiscopis, tum antea secundum Canonem NEOCÆSARIENSEM ordinatis, tum postea secundum eundem NEOCÆSARIENSEM, & hunc ANTIOCHENVM Canonem ordinandis. Sicut clarissimè patet ex ipso Canone ANTIOCHENO, quem mox integrum subjiciam. Illa autem verba in versione qua usus est DAMASVS. *Et ut Episcopi consecrati fuerint,* addidit interpretes Latinus de suo, per modum exegeteos, ut ostenderet tam manus imponendi seu ordinandi potestatem concessam esse Chorepiscopis, Episcoporum vicem in hoc negotio gerentibus, per quam erant illi, non quidem veri Episcopi, sed ~~ut~~ Episcopi, sive quasi Episcopi, in illis casibus ad quos se extendebat commissio eis ab Episcopo data. Nam in negotiis jurisdictionis non est illicitum quandoq. adhibere Vicarium *ὡς συλλαβέγγων* ut comministrum. Observa etiam frau-

dem

dem BELLARMINI; nam cum verba Can. ANTIOCHENI, tum in græca, tum in latina apud DAMASVM editione, sic se habeant, sicut ea retulim⁹, ille, ut incauto lectori imponeret, aliam verborum faciem nobis pingit, & Synodū sic loquentem inducit; *Chorepiscopi, qui manus impositionem ab Episcopis acceperunt, & ut Episcopi sunt ordinati, &c.* ac si loqueretur Synodus, de certo quodam genere Chorepiscoporum, distincto ab aliis Chorepiscopis, quibus non competeret ea *χειροθεσία ἐπὶ ὁνόματι*; cum tamen Synodus manifestè loquatur de Chorepiscopis absolutè, nulla prorsus adhibita distinctione, nisi dicas esse unum genus Chorepiscoporum, qui in vicis & regionibus erant dicebatur⁹ Chorepiscopi, & aliud genus eorū qui neq. in vicis, neq. in regionib⁹ erant constituti, neq. dicebantur Chorepiscopi. Quæ absurda foret distinctio, isti enim non essent omnino Chorepiscopi. Synodus non dicit, *Qui manus impositionē ab Episcopis acceperunt*; sicut fingit BELLARM. sed ait, *ETIAMSI* [*ἔτι καὶ*] *manus impositionem Episcoporum acceperint*. Hoc absolutè pronuncians de omnibus quibuscunque *CHOREPISCOPIS*.

Atq. ut clarissimè pateat ex ipsius canonis ANTIOCHENI verbis, potestatem, quæ illic conceditur, concedi omnibus Chorepiscopis; etiā postea ordinandis: neq. esse ullum Chorepiscoporum genus, quod inde excludatur; ipsum canonē integrum exhibemus: *Qui sunt in vicis, aut regionibus, sive qui Chorepiscopi appellantur, etiamsi manus impositionem Episcoporum* [*χειροθεσίαν ἐπὶ ὁνόματι*] *acceperint, placuit S. Synodo, ut noceant suam modum* [*ἐκδεύαι τὰ ἐκὼν μέτρα*] *& gubernent subiectis sibi Ecclesias, et contenti sint harum cura et sollicitudine: constituent verò Lectores, et Subdiaconos, et Exorcistas, et horum promotio ipsis sufficiat. Neque Presbyterum verò, neque Diaconum ordinare audeant, præter conscientiam Episcopi civitatis, cui ipse, cum regione, subiectus est. Si quis autem ausus fuerit transgredi quæ definita sunt, ut privetur ille eo ipso honore cæjas particeps est. Chorepiscopus autem fiat* [seu ordinetur] *ab Episcopo civitatis, cui subijcitur*. Hactenus verba Canonis.

Canon Antiochenus de Chorepiscopis.

Quilibet sanus facile perspicit, hoc canone describi quid omni Chorepiscopo concedatur: & severè mandari ut hos communes limites nullus omnino Chorepiscopus, cujuscunque, prærogativæ fiducia, transgrediatur, & hanc esse ipsissimam Concilii *ANTIOCHENI* mentem, longo etiam usu manifestatam, luculenter superius demonstratum est.

Et quamvis jam abunde confutatum sit illud *BELLARMINI* figmentum, liber tamen, ad cumulum, huic *IESUITÆ* etiam ea opponere quæ scripsit alius *IESUITA GABRIEL VASQUEZ*; quæ in Commentario in tertiam partem *THOMÆ*, Disputatione. 238. Cap. 7. §. alii tamen. Postquam proposuisset istud *BELLARMINI* somnium, hæc subjungit verba; *Alij tamen* (inquit *VASQUEZ*) non minoris autoritatis existimant Chorepiscopos fuisse tantum Presbyteros. Ita expressè sentit *AYALA* de traditionibus Ecclesiasticis, 3. part. Consideratione 4. ubi hanc rem ex professo disputat; & nosler *FRANCISCUS TVRRIANVS*, in annotationibus ad Concilium *NICENVM*, can. 54. ait ordinem Chorepiscoporum non fuisse nisi Presbyterorum tantum: eandem sententiam sequuntur docti aliqui recentiores, pro qua citant *DEMOCAR*, Lib. 3. de Sacrificio, cap. 4. & *SOTERIAL*. verbo Chorepiscopus, quos ego non legi. Porro *DAMASVM* duo illa genera Chorepiscoporum minime distinxisse, sed de omnibus, etiam illis, quorum meminit Concilium *ANTIOCHENVM*, pronunciasse, veros non esse Episcopos; ita ut si Presbyteri esse nollent; nihil omnino essent, probat ex instituto *AYALA* loco citato. Potestque ex ipso *DAMASO* suaderi. — nunquam dicit [*DAMASVS*] hos Chorepiscopos diversos esse a prioribus, aut verè Episcopos esse; imò verò ex professo probat, licet a pluribus consecrati, verè tamen Episcopos non esse. Hæc *VASQUEZ*. Idem

Idem quoque disput. 243. cap. 4. §. *demum*. ait confirmari posse ex Canone illo *ANTIOCHENO*, quod possit Presbyter diaconatum & Presbyteratum conferre ex commissione.

Ex his omnibus manifestum est licuisse Presbyteris in veteri Ecclesia, ut etiam soli, non præsente Episcopo, ordinarerent Presbyteros & Diaconos; eamque ordinationem validam habitam esse. Quamvis, ad Disciplinæ conservationem, prudenter constitutum sit, ut non nisi permittente Episcopo loci id facerent. Nempe, in quibus locis Ecclesiam regebat Episcopus, nefas erat ejus auctoritatem contemnere. At verò in iis locis, ubi tantummodo communi Presbyterorum consilio Ecclesiæ gubernantur, sufficit, tum ad ordinationis valorem, tum ad Disciplinæ reverentiam, ut permittente illo Presbyterorum cœtu, penes quem pro tempore est suprema in illis Ecclesiis auctoritas, ordinationes peragantur.

Valida ordi-
natio per so-
los Presbyte-
ros.

Ceteriorum seculorum quidam scriptores, invalescente Papali tyrannide, ea quæ omnibus olim Episcopis erant communia, uni Papæ ROMANO appropriare conati sunt. Proinde cum negare non possent etiam Presbyteris convenire ordinis collationem; & viderent decori & ordinis gratia constitutum esse, ut, ad illius Ministerii executionem, expectarent commissionem ab Episcopo, operam dederunt Scholastici Theologi, & Canonistæ, ut omnem dandæ commissionis potestatem, ad unum Episcopum ROMANVM revocarent. Idcirco quamvis non asserant Presbyteros posse ordinare ex commissione accepta ab Episcopo loci, sicut olim licebat; aiunt tamen Presbyteros, qui non sunt Episcopi, posse conferre etiam majores ordines, accepta commissione à Papa ROMANO.

Idem probatur testimo-
niis Scholasti-
corum Theo-
logorum, &
Canonistarum.

PETRVS AVREOLVS in quartum Sent. Distinct. 24. Art. 2. §. *Secundo dico*: & apud CAPREOLVM, Distinct. 25. Art. 2. *In habent* (inquit) *animam rationalem quandoque impeditur actus rationis, &*

postea removetur impedimentum; non datur nova anima vel forma, sed tantum removetur illud quod impediēbat prius animam, ne exiret in actum rationis. Sed ORDINARE IN SACERDOTE M EST ACTVS CONVENIENS SACERDOTI, IN QVANTVM SACERDOS EST; & tantum est actus impeditus in eo. Probo, quia nemo dat quod non habet, sicut in naturalibus, ubi forma transfundit seipsam: Ergo non Sacerdotis non est ordinare in Sacerdotem: sed hoc pertinet ad Sacerdotem, qui habet formam illam in actu potentem transfundere seipsam. Vnde Papa non posset ordines committere, nisi Sacerdoti, ut Diacono, vel Laico; POTES T AVTE M COMMITTERE CVICVNQVE SACERDOTI: Ergo videtur, quod conferre ordines sit pertinens ad Sacerdotem. Probo, quia PONE, QVOD SIT SACERDOS, OMNI ALIO CIRCVMScripto, POTES T PAPA COMMITTERE EI ORDINES: Pone autem alia omnia, & circumscribe Sacerdotium, non poterit Papa committere potestatem ordinandi: hoc videtur satis rationale, quia omnis forma, ex quo est in actu, videtur, quod possit se communicare infra eandem speciem [apud Capreolum est, in eandem speciem:] ERGO SACERDOS HOC MODO, QVANTVM EST EX POTES TATE SIBI CONVENIENTE ABSOLVTE, POTES T ORDINES CELEBRARE: Ergo si potestas illa modo sit impedita, sicut est de facto, & impedimentum removeatur per hoc, quod sit Episcopus, NON DATVR EI NOVA POTES TAS, sed tantummodo pristina potestas prius impedita redncitur ad
vsum

usum impedimento remoto, & hac reductio illius potestatis ad usum dicitur ampliatio potestatis. Hæc AV. REOLVS.

De Consecratione, Dist. 5. Can. manus, in glossa, irritum; habentur hæc verba:

Ex demandatione Papa quilibet conferre potest quod habet: unde ordinatus ordinem quem habet conferre possit; & confirmatus confirmationem.

In Decretalibus GREGORII IX. De Consuetudine, cap. 4. quanto, in glossa, reservata:

Dico quod Papa potest hoc delegare simplici Sacerdoti, & non Laico, sicut credo: & sic ex tali delegatione, & in adminiculo habiti Sacramenti, potest conferre quicquid habet. Hæc ibi.

NICOLAUS, ABBAS PANORMI.

TANVS, ibidem.

Ego potius putarem ut Sacerdoti hoc possit delegare indistincte: quia licet de Sacramento Eucharistia sit dispositum institutione DOMINICA, qui habeant illud administrare: hoc tamen NON EST DISPOSITIVUM IN COLLATIONE ORDINVM. Nam olim Presbyteri in communi regebant Ecclesiam, & ordinabant Sacerdotes. Vnde quemadmodum olim poterant, ita videtur quod Papa possit hoc concedere Sacerdoti, maxime delegando, quum nihil exerceat delegatus nomine proprio. Hæc PANORMITANVS.

ANGELVS, de Clavasio, in Summa, verbo
Ordo, Art. 2.

Utrum Papa possit dare licentiam non Episcopo conferendi ordines sacros? Resp. INNOCENTIVS, in can. quanto, de consuetudine; quod sic, dummodo ille, cui datur talis licentia, habeat ipsos ordines quos alteri vult dare; alias non. Hæc ANGELVS.

Potest ordinatio valide peragi per solos Presbyteros.

Ex his evidenter sequitur ordinationem, quæ per solos Presbyteros peragitur non esse de jure divino invalidam, neque ordinationem esse de jure divino ita propriam Episcoporum, ut non possit valide peragi per solos Presbyteros: alioqui non posset Papa Presbyteris committere ordinationem Presbyteri. Nam *in jure divino non potest Papa dispensare*, sicut diserte loquitur BELLARMINVS, Lib. 2. de Conciliis, Cap. 18. §. pars prima. Idemque docet INNOCENTIVS Papa, extra de rest. spol. cap. literas. Et rursus BELLARM. Lib. de Matrimonio, Cap. 11. §. prima propositio. *Ea quæ sunt ordinum*, inquit AVREOLVS, omnes recipiunt immediate à CHRISTO, ita quod in potestate nullius, imò nec Papa est illa auferre: quæ sunt autem jurisdictionis, potest ea Papa suspendere. Hæc AVREOLVS, in quantum Sent. Dist. 24. Art. 2. §. tertia ratio.

Consentiunt autem Canonistæ ordinationem Clericorum esse in eis rebus quæ sunt ordinis, sicut expressè dicitur in Glossa, de consecratione Ecclesie, cap. aqua. Vbi etiam dicitur quod licet Episcopus committere valeat quæ jurisdictionis existunt; non tamen possit ea, quæ ordinis Episcopalis sunt, inferioris gradus Clericis demandare. Et quamvis ibi dicatur ordinatio esse ordinis Episcopalis; ex eis tamen quæ præmisimus, evincitur eam esse ordinis Presbyteralis, saltem quo ad actum primum, sive quoad potestatem

CAP. XI. Ordinandi potestas non solis, &c. 179

potestatem absolutè; quamvis quoad actum secundum, sive quoad executionem, subiecta sit regulis deconi, & ordinis, ac debitæ subiectionis. Nam ordinandi potestas in habitu sive actu primo non datur per commissionem temporariam, quia est sua natura perpetua, sicut rectè dicitur in Glossa citata, in cap. *aqua*, extra, de consecratione Ecclesie. Neque potest cuiquam convenire potestatis huius exercitium per delegationem, nisi jam habeat virtute sui ordinis potestatem, in actu primo, à CHRISTO ipso immediatè acceptam, quando ipse ordinabatur. Atque hoc est illud *adminiculum ordinis*, de quo loquitur Glossa in Can. *manus*, Distinct. 5. de consecratione: ubi dicitur hoc adminiculum esse necessarium, alioqui ordinationem fieri non posse ex demandatione.

PETRUS de PALUDE, apud IOANNEM CAPREOLVM, in quartum Sent. Distinct. 25. Art. 3. contrariam sententiæ autorum allegatorum, de ordinum majorum collatione, tenens sententiam, sic loquitur: *Solus Episcopus iure suo potest ordines conferre, præcipuè majores. — Sed Papa potest committere simplici Sacerdoti confirmationem et minores ordines. Quia ministrum conferendi ordines summos CHRISTVS determinavit summam Sacerdotem, scilicet, Episcopum, QVEM MINISTRVM PAPA NON POTEST MVTARE: Ministrum verò confirmationis, et minorum ordinum CHRISTVS posuit Sacerdotem, quem Ecclesia determinaret. Hæc PALUDANVS, quem sequitur CAPREOLVS.*

Obiectio
Paludani &
Capreoli.

In his verbis vera falsis miscentur. Verum est, PAMPAM NON POSSE MVTARE MINISTRVM ORDINIS QVEM CHRISTVS DETERMINAVIT: Verum etiam est CHRISTVM Ministerium confirmationis, & minorum in Ecclesia officiorum concessisse Presbytero QVEM ECCLESIA

Responsio.

180 IRENICUM. LIB. II.
 CLESIA DETERMINARET. At verò fal-
 sum est & gratis dicitur, neque probari potest, CHRI-
 STVM DETERMINASSE VT SOLI
 EPISCOPI ESSENT MINISTRI OR-
 DINVM MAIORVM.

Argumentum verò PALVDANI & CA-
 PREOLI tale erit:

*Quod ministerium determinavit CHRISTVS pera-
 gendum tantummodo per Episcopum, illud non potest
 Papa committere non Episcopo: At Ministerium con-
 ferendi ordines maiores determinavit CHRISTVS,
 &c. Ergo. Respōdeo; Major pro nobis facit: Minor falsa est;
 pro qua aliam substituo veriore; quæ non erit nuda
 assertio, sicut illa PALVDANI & CAPREO-
 LI, sed idonea confirmatione muniatur; vnde sequetur
 opposita conclusio. Sic igitur argumentor:*

Argumentum
 pro veritate.

*Quod Ministerium solis Episcopis a CHRISTO
 tributum est, id non potest Papa, aut ullus Episcopus, aut
 Concilium committere Presbyteris non Episcopis: At Mi-
 nisterium conferendi ordines Diaconatus & Presbyteratus
 potest Papa, aut quilibet Episcopus, ex consensu Concilij
 Provincie in qua degit, committere Presbyteris non Episco-
 pis: ERGO MINISTERIVM CONFE-
 RENDI ORDINES DIACONATVS ET
 PRESBYTERATVS, NON EST SOLIS
 EPISCOPI A CHRISTO TRIBVTVM.*

Minorem de Papa probant testimonia superius allata
 ex AVREOLO, & PANORMITANO, & ANGELO, & GLOSSIS.
 Præterea, quilibet Episc. hoc potest, ergo & Papa Romanus.

De quolibet autem Episcopo, ex consensu provincialis
 Concilij, Minorem nostram confirmat Canon ANTI O-
 CENENS, & praxis veteris Ecclesiæ, quàm superius
 prolixè demonstravimus. Porro sic argumentor.

Alid argu-
 mentum pro
 veritate.

*Quod Ministerium potest Papa, vel quilibet Episcopus, com-
 mittere Presbyteris, non Episcopis, illud CHRISTVS con-
 sefuit fieri per Presbyteros, quos Ecclesia determinaret: at Ministe-
 rium*

CAP. XI. Ordinandi potestas non solis, &c. 181

rum conferendi ordines etiam majores potest Papa, &c. ergo. Major est ipsius PALVDANI: Minor superius confirmata est.

Quid verò sibi volunt Cardinales Presbyteri & Diaconi, *judicantes, creantes, deponentes* Episcopos, id quod ab eis fieri scribit BELLARMINVS, LIB. de Clericis, CAP. 16. §. *At si consideremus.* Quo, inquam, jure hoc audent, si non possit Presbyteris demandari ordinatio Presbyteri? Nam, quoad potestatem ordinis, Presbyteros & Diaconos Cardinales minores esse Episcopis, non Cardinalibus, & respectu jurisdictionis in propriam Ecclesiam esse veluti Parochos Episcopis subjectos, agnoscit BELLARMINVS, eodem CAP. §. *Quantum*, & §. *Pari.* Fatetur etiam olim omni modo Episcopos quoscunque praelatos fuisse Cardinalibus, non Episcopis, imò etiam Cardinalatum gradum fuisse ad Episcopatum, §. *Neque.* Postea autem mutatum esse ordinem, & cœpisse Cardinales Episcopis anteponi, §. *Postea.* Hoc quidem superbe & iniquè fit, sed ad hominem argumentatur. Si potuit hoc Papa mutare, ut Presbyteri illi & Diaconi, qui de jure divino, & cōsuetudine veteris Ecclesiæ erant minores Episcopis, anteponanantur Episcopis, eosq. *judicent, creent, deponant*; Cur dicit BELLARM. (eodem lib. CAP. xv. §. *At inquires*) ordinationem Sacerdotum ita propriam esse Episcoporum, ut nullo modo Presbyteris committi possit? Annon Episcopos *judicare, creare, deponere*, plus est, quàm ordinare simplicem Presbyterum? Et quemlibet Clericum deponere, plus est, quàm eundem ordinare, 15. quæst. 7. can. *Sexta*, & can. *Episcopus.* Sive hæc ordinis esse dicant, sive jurisdictionis cujuscunque, nunquam evadent, quin fateri cogantur, *judicationem, creationem, depositionem* Episcoporum non posse ullis, neque ex officio proprio, neq. ex Papæ commissione competere, nisi clericis, adminiculū habentibus idonei ordinis. (Nō enim dicēt hæc cōvenire posse laicis.) Quo certè adminiculo carēt diaconi; nam quamvis cōsentire & subscribere

Typhus Cardinalium.

possint sententiæ creationis, vel depositionis Episcopi, non tamen possunt isti mensarum, & viduarum Ministri, ullo modo esse idonei qui Episcopum creent, vel deponant. Iniquum etiam est, & Antichristianum sapit factum, & tyrannidem, ut unius civitatis paucis Presbyteris & Diaconis committatur iudicium de aliarum civitatum Episcopis; quod exercendum erat per comprovinciales Episcopos, juxta veteres Canones, in codice Canonum Ecclesiæ AFRICANÆ, Cap. 125. et Concil. CHALCED. Can. 9. & Caus. 15. Quæst. 7. Can. F O E L I X. Imò Canonibus cautum est, ut neque Presbyter quidem, aut Diaconus deponi possit à suo Episcopo, nisi à pluribus Episcopis audiatur reus, caus. 15. Quæst. 7. can. *si quis*: & can. *Felix*: & can. *si autem*: & tamen audent isti unius civitatis Presbyteri & Diaconi Episcopos aliarum civitatum deponere calcatis canonibus.

Sed ut hæc absurda præteream: Quæro ex ipsis Cardinalibus Presbyteris, cujus ordinis adminiculo capaces sint tantæ potestatis in Episcopos, si non adminiculo Presbyteratus? Nam de eorum Cardinalatu, seu ordine aut gradu Cardinalium, ultra adminiculū Presbyteratus considerato, appositissimè uti possumus verbis illis DAMASI, quæ scripsit de CHOREPISCOPIIS, Epistola quinta. *Eorum ordo non habet in divinis literis auctoritatem.*

—— *Rogo ut manifestè prodatis quid sint, quoniam aut aliquid sunt, aut nihil. Nam manifestè patet, quoniam Episcopi non sunt: & si Episcopi non sunt, & Presbyteri esse despiciunt, quid erunt? — Si verò nihil ex his sunt, quæ superius memoravimus, tunc necesse est, ut nihil sint ex his quæ Sacerdotibus debentur, & ideo nec in Sacerdotali catalogo habeantur. — Restat enim, quod per ostium hi nequaquam subintrarunt, quia non habebant ostium per quod ingrederentur: quia, ut dictū est, si nec Episcopi sunt, & plusquam Presbyteri esse ambiunt,*
per

per quod ostium intrabunt? Cum hi tantum duo ordines in Ecclesia leguntur, nec amplius ad pastorale officium aliquod patet ostium, per quod Pastoriatret. Audite Fratres, non me sed ipsam dicentem Veritatem; qui non intrat per ostium in ovile ovium, sed ascendit aliunde, hic fur est & latro. Et reliqua. Cum etiam egregius predicator dicat: fundamentum enim aliud nemo potest ponere præter id quod positum est. Cum prædicta duo fundamenta in Ecclesia tantum inveniantur posita, quicquid amplius positum in his invenitur, stare nullatenus poterit, & ideo cum omnibus suis fundamentis & actionibus atque radicibus, ut evellatur necesse est, ita ut amplius pullulare nec germinare valeat. Hæc D A M A S V S, loquens de Chorepiscopis, de suo quasi gradu (ut videtur) superbientibus. Quæ aptissimè conveniunt in Cardinales istos, qui nescio quem gradum Cardinalitium jactant: qui certè neque est Presbyteralis, cum per eum sese efferant supra Episcopos, id est, supra dignitatis fastigium summorum Pontificum: ut verbis utar D A M A S I: neque est Episcopalis, ut ipsi fatentur, & res ipsa clamat. Loquimur enim de Cardinalibus istis, qui Presbyteri dicuntur at modum ordinis Presbyteralis non tenent.

De CARDINALIUM origine & incrementis, legere poteris apud P E T R V M M O L I N Æ V M, L I B. de Monarchia temporali, Pontificis R O M A N I, CAP. 3.

Sed ne à proposita quæstione divagetur oratio, jam abundè liquet, ex superiore dissertatione, SIMPLICES PRESBYTEROS ESSE IDONEOS MINISTROS AD VALIDE CONFERENDVM QVEMLIBET ORDINEM ECCLESIASTICVM: eosque hanc potestatem in actu primo, sive in ipsa aptitudine, habere immediatè à CHRISTO, vi sui ordinis Presbyteralis; quamvis ad exercitium requiratur, ut habeant com-

missionem ab Episcopo, vel ab eis Clericis, qui, pro tempore, rerum summæ præsumt in ea Diœcesi.

Quæstio de
prohibitis, or-
dinantibus.
De Episco-
pis prohibi-
tis, &c.

Supereſt dubitatio de prohibitis, ſive Episcopis, ſive Presbyteris, verum validè ordinent, nec ne.

Communis Sorbonistarum & Canonistarum ſententia eſt, Episcopum etiam prohibitum, imò hæreticum, excommunicatum, (non pauci etiam, degradatum) retinere poteſtatem ordinandi, & validè ordinare.

BO N A V E N T U R A, in quartum Sent. Diſt.

25. Art. 1. quæſt. 2.

BO N A V E N -
T U R A,

Per illuſtriſſimum Doctorem A V G V S T I N U M apertè eſt nobis hæc quæſtio patefacta, quod ſacramenta Eccleſiaſtica apud hæreticos, qui formam Eccleſie ſervant, & intentionem habent faciendi quod facit Eccleſia, ſunt quantum ad veritatem, quamvis non ſint quantum ad utilitatem. — — —
& ideo in omnibus Sacramentis, quæ habent veritatem differentem ab utilitate, generaliter verum eſt, quod apud hæreticos poſſunt eſſe: omnia autem Sacramenta ſunt talia, præter Sacramentum pœnitentiæ, cujus res eſt interior contritio, ſine qua nulla vera eſt abſolutio, & cum qua nulla abſolutio eſt vana, vel inutilis: ideo omnia poſſunt diſpenſare & diſpenſant veraciter, præter ſolam abſolutionem pœnitentiæ: & ideo nulla iterantur præter illam, niſi fortè unctio extrema: & ſic cum ordo habeat characterem, qui præter Spiritus ſancti gratiam, qua peccata delentur, exiſtit; dicendum quod per eos poteſt veraciter diſpenſari.

Idem ibidem.

Summus Pontifex auferre poteſt jurisdictionem, & poteſtatem quæ conſequitur ipſam: unde poteſt excommunicando auferre poteſtatem abſolvendi & excommunicandi; ſed non ordinandi: quoniam character auferri non poteſt, ideo poteſtas, quæ conſequitur

quitur characterem, de facto auferri non potest. ———
 Quia character immediate à DEO imprimatur & est in omnibus aequalis. ——— Si ipse [PAPA] prohibeat, non potest talis potestas licite exire in actum, tamen quia ab ipso non dependet secundum rem, de facto facit, sicut & alius. Hæc
 BONAVENTURA.

THOMAS, in quartum Sent. Distinct. 25.
 Quæst. 1. Art. 2.

Ordinum potestas non amittitur propter hæresin, vel aliquid huiusmodi: Ergo nec potestas ordines conferendi. THOMAS.
 Præterea sicut baptizans exhibet tantum Ministerium exterius, ita & conferens ordines, DEO interius operante: Sed nulla ratione aliquis ab Ecclesia præcisus amittit baptizandi potestatem; ergo nec ordines conferendi.
 ——— quidam dicunt quod hæretici quamdiu ab Ecclesia tolerantur habent potestatem ordines conferendi; non autem postquam ab Ecclesia fuerint præcisi: & similiter nec degradati & alij huiusmodi. Et hæc est prima opinio. Sed hoc non potest stare: quia omnis potestas, quæ datur cum aliqua consecratione, nullo casu contingente tolli potest: sicut nec ipsa consecratio annullari. Quia etiam Altare vel Chrisma semel consecrata, perpetuo sacramentum manent. Vnde, cum Episcopalis potestas, cum quadam consecratione detur, oportet quod perpetuo maneat, quantumcunque aliquis peccet, vel ab Ecclesia præcidatur. Et ideo alij dixerunt, quod præcisi ab Ecclesia, qui in Ecclesia potestatem Episcopalem habuerunt, retinent potestatem alios ordinandi & promovendi: sed promoti ab eis hoc non habent. Et hæc est quarta opinio. Sed hoc etiam esse non potest: quia si illi, qui fuerunt in Ecclesia promoti, retinent potestatem quam acceperunt, patet quod
 A 2 exseq

exsequendo suam potestatem, veram consecrationem faciunt: & ideo verè tribuunt omnem potestatem, quæ consecratione datur: & sic ordinati ab eis, vel promoti, habent eandem potestatem, quam & ipsi. — — — Vera Sacramenta conferunt, sed cum eis gratiam non dant, (nisi fortè in Baptismo in articulo necessitatis) non propter inefficaciam Sacramentorū, sed propter peccata recipientium ab eis Sacramenta contra prohibitionem Ecclesiæ. Hæc THOMAS.

PETRVS AVREOLVS, in quantum Sent. Distinct. 24. Art. 2. §. Tertia ratio.

AVREOLVS. *Non potest Papa Episcopo quantumcunque degradato ordinandi potestatem auferre.*

Idem, in quantum Sent. Distinct. 25. Art. 1. §. Nunc secundo.

Ordinis Minister idoneus est Episcopus, sive degradatus, sive excommunicatus. — — — Quia Episcopo in consecratione committitur indelebilis potestas. Hæc AVREOLVS.

IOANNES CAPREOLVS, in quantum Sent. Distinct. 25. Art. 3.

CAPREOLVS. *Heretici, Schismatici, & degradati, dum tamen sint ritè ordinati, & acceperint potestatem Episcopalem, possunt ordinare, non obstante prohibitione Ecclesiæ. — — — Vbi est sufficiens potestas conferendi ordines, nulla prohibitio Ecclesiæ, nec aliquod peccatum potest illam impedire, ne exeat in actum. Hæc CAPREOLVS.*

ANGELVS, de Clavasio, in sua Summa,
Verbo, ORD O. Cap. 2.

Episcopus qui resignavit Episcopatu, vel degradatus, hereticus, aut excommunicatus est, si fuit legitime Episcopus ordinatus, confert ordines. Hæc ANGELVS.

ANGE-
LVS.

VAS-
QVEZ.

His se adjungit GABRIEL VASQUEZ, IESUITA, in tertiam partem THOMÆ, Disputatione 243. Cap. 1. §. ET QVAMVIS. De Episcopo, inquit, heretico, excommunicato, & suspenso Scholastici omnes, & Summissæ, qui de hac re mentionem faciunt, consentiunt, & merito affirmant habere potestatem ordinandi quosunque Ministros, ac proinde, si ritum Ecclesia Catholica in materia & forma servent, verum ordinem conferre. Nec de hac re ullo modo dubitari potest. Item, §. IDEM QVO D. Ecclesia impedire non potest effectum Sacramenti, neque mutare materiam, aut formam, aut Ministerium illius. Quare licet Ecclesia excommunicet Episcopum, nihilominus quia nequit Characterem illius delere, aut potestatem auferre, non potest impedire effectum consecrationis, & ordinationis ab eo factæ: ac proinde, omnes ab eo ordinati verè ordinati manere debent. Item, §. ET PRIMVM. Sicut baptismus, ab hereticis secundum ritum Ecclesiæ Catholicæ collatus, verus est, & nullo modo repetendus; ita etiam & ordo ab hereticis Episcopis collatus verus est, neque repeti debet. Item, §. HANC SENTENTIAM. Hanc sententiam, quod attinet ad Episcopum hereticum, aut excommunicatum, aut suspensum ordinantem, ut ordo ab eo collatus verus sit, docent S. THOMAS, in quartum Sent. Distinct. 25. Quæst. 1. Art. 2. ALBERT. Art. 1. S. BONAVENTURA, Art. 1. Quæst. 2. RICHARD. Art. 1. Quæst. 2. SCOT.

Quest. 2. §. de secundo Art. THOMAS de ARGENTINA, Art. 2. Conclus. 1. & 2. Durand. Quest. 1. Num. 4. PALVDAN. Quest. 1. Art. 1. CAPREOLVS, Quest. 1. Art. 3. ad secundum AVREOLI, contra ambas conclusiones. Supplementum GABRIELIS, Quest. 1. Art. 2. Conclus. 1, 3, 4. ALMAIN. Quest. 1. non longè ante finem §. de secundo principali. DOMINIC. SOTVS Quest. 1. Art. 1. PETRVS de SOTO, Lib. de institutione Sacerdotum, Lect. 5. de Sacramento ordinis, §. quod igitur ad Ministrum. SYLVEST. in sua Summ. Verb. Ordo, 3. Quest. 6. & ANGEL. verbo etiam. Ordo. 2. Num. 3. atque omnes eodem nituntur fundamento, videlicet. quod potestas semel per consecrationem Episcopi collata ad ministrandum hoc sacramentum, neque per hæresin neque per excommunicationem, aut suspensionem tollatur: hinc enim rectè inferunt, sacramentum secundum ritum a CHRISTO institutum ab Episcopo collatum verum esse. Item §. EGO QUIDEM, Ego quidem fateor, GRATIANVM in ea fuisse sententia, ut ordinationem factam ab hæretico excommunicato, qui nunquàm fuit inter Catholicos, veram non esse putaret. — & idè sensisse Pallem: — Sed dicendum, immeritò eos in prædicta sententia fuisse. Hæc VASQ. qui etiam ead. disp. cap. 2. contendit Episcopum degradatū esse sufficientem Ministrum ad conferendum ordines; & ordinationem ab eo factam veram esse & firmam.

Quid de his sentiendum sit, inferius dicemus.

De Presbyteris prohibitis, &c.

Sed de Presbyteris, non levis quæstio est. Nam etiam ij qui concedunt Presbyteris potestatem ordinandi ex commissione, negant Presbyteros prohibitos validè ordinare, ut patet ex Glossa in Can. Manus. Dist. 5. de consecratione. Vbi dicitur, Quod cum collatio Sacramenti competit alicui ratione ordinis & officij, etiam prohibitus conferre potest

re potest : ubi verò ex adminiculo ordinis & demandatione, ve confirmatione in fronte Sacerdoti, vel collatio ordinis competis non Episcopis, in eo casu prohibitus nihil agit. Hæc ibi.

Augēt difficultatem ea quæ superius dicta sunt: nam communis Theologorum & Canonistarum sententia est, ea quæ conveniunt Episcopo aut Presbytero vi ordinis, ea inquam quæ ordinis sunt, non tolli per villam Ecclesiæ prohibitionem. Ordinatio autem eis quæ ordinis sunt annumeratur, extra, de consecratione Ecclesiæ, cap. 9. *Aqua*, in Glossa. Præterea ea quæ sunt ordinis Episcopalis, non potest Episcopus demandare aut delegare alijs qui sunt inferioris gradus, secundum Glossam in cap. *Quanto*, de consuetudine. Neque conferuntur hæc per demandationem, sed per ordinationem seu consecrationem, suntque perpetua neque adimi possunt. Secundum glossam in cap. *Aqua*, de consecratione Ecclesiæ. Et inde nos supra evicimus Presbyteros vi sui ordinis habere potestatem conferendi majores ordines: id quod etiam ex Sacra Scriptura superius demonstravimus. Porro valor ac veritas ordinationis illius, quæ ex delegatione peragitur, non videtur provenire, neque dependere a delegatione, sed a potestate ordinandi, sive adminiculo ordinis in ordinante. Nam si Papa delegaret Laico ordinationem, nihil efficeret Laicus, neque esset valida aut vera ea ordinatio, sicut habetur in Glossa, in Can. *Manus*, dist. 5. de consecratione. Et extra, de consuetudine, cap. *Quanto*, in Glossa. Vnde videtur quòd neque Presbytero possit Ecclesia auferre ordinandi potestatem, cum ordinatio sit in eis quæ sunt ordinis, & vi ordinis Presbyteralis competat Presbytero. Imò, PETRVS AVREOLVS, in quattum Sent. Dist. 24. Art. 2. § SECVNDO DICO, disertè affirmat ordinare in Sacerdotem esse actum convenientem Sacerdoti, in quantum Sacerdos est: & tantum esse impeditum in eo hunc actum. Et quando Presbyter fit Episcopus, non dari ei novā potestatem,

sed tantummodo pristinam potestatem, prius impeditam, reduci ad usum, impedimento remoto. Vnde adhuc crescit difficultas; nam quod Presbytero convenit in quantum Presbyter est, sive ex ordine & vi ordinis sui Presbyteralis, videtur non posse in eo iustè impediri per auctoritatem Ecclesiasticam, absque ipsius Presbyteri culpa, per quam mereatur illam impeditionem. Adhuc, si verum sit quod asseribamus, propriam Episcopo de jure divino esse solam jurisdictionem, & cum concesserimus ordinationem esse in eis quæ ordinis sunt, & ostenderimus eam esse ordinis Presbyteralis, videtur ordinationem non convenire Episcopo, quia Episcopus est, sed tantum quia Presbyter; adeoque eam æqualiter convenire omnibus Presbyteris; & iniquè factum esse a patribus jam inde ab ultima Ecclesiasticæ antiquitatis memoria, quod ordinationem reservaverint Episcopo. Ex altera parte, si dicamus eam ordinationem esse veram ac validam, quam peragit Presbyter, prohibente Episcopo, videtur introduci horrenda confusio: ut scilicet, quilibet Presbyter vel solus, vel saltem duobus aut tribus sibi associatis Presbyteris, multiplicare possit pro sua libidine, invito Episcopo, veros Presbyteros. Idem etiam incommodum sequi videtur ex eis quæ præmissa sunt de Episcopo prohibito, hæretico, excommunicato, degradato. Quomodo enim stabit Ecclesiæ *εὐταξία*, nisi tales etiam Episcopi cohibeantur, ita ut ordinationo, quam peragunt, irrita censeatur?

Sternitur
via ad solutionem
dubiorum.

Definitio
ordinis sacri.

Pro horum dubiorum solutione, explicanda est distinctio ordinis & jurisdictionis. Et inde patebit facilis via ad evitandum omnia illa incommoda.

Ordo sacer est spirituale officium, & potestas in Ecclesia DEI, divinitus data homini, ad opus Ministerij, ad ædificationem corporis CHRISTI. Hanc definitionem confirmant verba DOMINI, *Matth. 24. 45.* & Apostoli *P A V L I*, *Ephef. 4. 11. 12. 13.*

Et est vel idem cum jurisdictione, ut Episcopatus, vel
ab ea

ab ea distinctus, ut Presbyteratus, & Diaconatus.

Ut autem intelligatur illa distinctio ordinis & jurisdictionis, recurrendum est ad fundamentalem ordinem, nempe, PRESBYTERALEM, qui reliquos ex se quodammodo emisit. Et propter quem reliqui sunt instituti. Eorum quæ conveniunt PRESBYTERIS, vi ordinis sui Presbyteralis, & quæ per sui consecrationem, sive ordinationem acceperunt Presbyteri, duo sunt genera: alia enim immediatè conveniunt singulis personaliter; alia verò immediatè conveniunt, non quidem singulis personaliter, sed conjunctis collegialiter, sive presbyterio. Singulis autem personaliter non conveniunt nisi mediatè, id est, interposita nova commissione ab auctoritate publica ad quam pertinent immediatè. Prioris generis sunt, Verbum prædicare (nempe, ex officio, & cum auctoritate Pastoralis) ægrotos visitare, baptisma, & Cœnam DOMINICAM administrare, offendentes admonere, pœnitentes nondum excommunicatos reconciliare, &c: quorum omnium habet presbyter, vi sui ordinis plenariam potestatem, tum QVOAD APTITVDINEM, tum QVOAD EXSECVTIONEM: hujus etiam prioris generis est ea potestas quarundam rerum, quam habet presbyter, vi sui ordinis, QVOAD APTITVDINEM; licet earum potestatem non habeat, QVOAD EXSECVTIONEM; cujusmodi sunt Ecclesias visitare, catechumenis manus imponere, Ministerii candidatos ad publicum examen admittere, presbyteros & diaconos ordinare, suspendere, deponere; contumaces excommunicare, excommunicatos pœnitentes reconciliare, compresbyteros ad synodum vocare, canones Ecclesiasticos condere, &c. Ad talia enim nemo aptus est, nisi presbyter; sed non obtinent singuli in collegio presbyteri personaliter, vi sui ordinis, potestatem exsequutionis horum; quamvis habeant singuli potestatem aptitudinis, per quam idonei sunt, qui istis etiam peragendis adhibeantur, per novam commissionem ab eis penes quos est plenariæ executionis potestas. Talia ad prius genus pertinent, si considerentur

Explicatur
distinctio ordinis & jurisdictionis.

derentur, quoad aptitudinem; at quoad executionem, sunt posterioris generis.

Potestas autem plenariæ executionis talium rerum, quæ publicam auctoritatem magis immediatè attingunt, fundata quidem est in ordine presbyterali, quia nemo nisi presbyter ejus est capax, & quilibet presbyter, vi sui ordinis, habet jus suffragii in suo collegio, quamvis non habeat jus & potestatem pronunciandi sententiam, & executioni mandandi: at non existit personaliter in singulis vi ordinis, nisi accedat publica auctoritas, quempiam è presbyterorum numero munens hac potestate per commissionem, seu delegationem: & tunc ille presbyter negotia illa auctoritatis publicæ, ipsi commissa, exsequitur non suo privato, sed publico synodi seu presbyterii delegantis nomine & auctoritate, tanquam delegatus, non autem faciens tanquam ex officio proprio. (Hæc intelligenda sunt de presbytero habente collegas, quorum collegio subjiciatur. Nam si solus sit, mox dicemus quid facere possit, & debeat.)

Quanam
sint ordinis, &
quæ sit potestas
ordinis.

Ea autem quorum habet quilibet presbyter, vi sui ordinis, plenariam potestatem, etiam quoad executionem, adeo ut ad ea exsequenda non egeat ulla nova commissione sed sufficiat ei ipsius ordinatio, per quam accepit ordinem, & omnem potestatem quæ consequitur ordinem in singulis ordinatis; EA, inquam, SVNT ORDINIS; & ea potestas est POTESTAS ORDINIS. Et quamvis talium executionem possit etiam prohibere Ecclesia, si tamè contra Ecclesiæ prohibitionem, ea exequatur, quamdiu manet Presbyter, non depositus valida est executio, quia valor executionis in talibus dependet ab ipso ordine Presbyterali, & per ordinem perfectè habetur; ordo autem, & per consequens executionis valor sicut per nudam commissionem non datur, ita nec per nudam prohibitionem aufertur. Ideo Presbyter prohibitus baptizare, aut conficere Eucharistiam, si baptizet aut conficiat, validè baptizat & conficit. Etiam

si

si peccet, contemnens legitimam Ecclesiæ auctoritatem. *Multa fieri prohibentur, quæ si facta fuerint, obtinent firmitatem*, inquit INNOCENTIVS Papa, 3. extra, de regularibus, & transcurrentibus ad Religionem, cap. 16. *Ad Apostolicam.*

At ea quorum habet Presbyter potestatem, vi sui ordinis, quoad aptitudinem tantum, non autem quoad executionem, validè quidem fiunt a Presbytero (habente collegas) per delegationem, sive ex commissione, nam, **ORDO DAT APTITVDINEM, COMMISSIO EXECVTIONEM**: at non validè fiunt absque commissione publicæ auctoritatis: nam etiamsi valor talium exsequutionum, quæ requirunt adminiculum ordinis Presbyteralis, non existat absque adminiculo illius ordinis; in ijs tamen quæ, quoad exsequutionem, immediatè tangunt auctoritatem publicam, non sufficit ordo, pro vt est in singulis, ad executionis valorem, sed necesse est accedat publicæ auctoritatis adminiculum. Ordo igitur in talibus est causa sine qua non, sed non est causa adæquata valoris exsequutionis. Quemadmodum etiam commissio non facit executionem validam, sine adminiculo ordinis in accipiente commissionem. At ij penes quos est publica auctoritas, validè agunt ex auctoritate, quia & habent ordinem, per quem ijs competit potestas aptitudinis; & habent auctoritatem publicam, sive jurisdictionem, per quam obtinent potestatem plenariæ & validæ executionis. Illud enim vnusquisque validè agit quod secundum potestatem, quam habet, agit: ultra potestatem autem, quam quisque habet nemo validè agit. Et hæc potestas publica est **IURISDICTIO**, & ea quæ ad ipsam immediatè referuntur, sunt jurisdictionis, quia publicam juris publici postulant dictionem.

Cum verò ex collegarum in publicis iudicijs æqualitate, dissidia & factiones nascerentur, placuit Spiritui sancto, & Apostolis, ad tollenda seditionum plantaria, & ne

*Quæ nam
sint jurisdi-
ctionis, & quæ
sit potestas
jurisdictionis.*

*Origo &
natura ordinis
Episcoporum.*

vnusquisque ad se rapiens CHRISTI Ecclesiam rumpe-
ret, quo omnia tranquillius, decentius, & ordinatius pro-
cederent, hanc publicæ jurisdictionis potestatem vni è
Presbyterorum collegio electo tradere; non privando col-
legium jurisdictionis potestate, sed ipsum talis præside-
ntiæ subsidio corroborando. Singulis etiam Presbyteris re-
lictum est illud suffragij jus quod habent & adhuc reti-
nent vi sui ordinis. Potestatem autem illam gubernatri-
cem & publicam fratres convocandi, suffragia rogandi,
sententias definitivas pronunciandi, canones condendi, or-
dines sacros conferendi, excommunicandi, excommunica-
tos reconciliandi, &c. Per se vel per suos delegatos, & com-
missiones ad ea facienda dandi; quæ collegialiter tantum
diffusa cōveniabat toti Presbyterio, dederunt Apostoli etiā
Episcopo personaliter: atque ita, quod antea erat tantum
collegiale, evasit etiam officium personale. Et cum perpe-
tua potestas spiritualis personis singularibus a DEO data
in Ecclesia ad opus Ministerij, & ædificationem corporis
CHRISTI, sit ordo Sacer, existit per hanc potestatem
in persona Episcopi, novus ordo Sacer in Ecclesia, nempe,
ordo Episcopalis. Cujus vi Episcopus haberet eam pote-
statem, quam collegialiter Presbyterium obtinebat, nem-
pe, potestatem publicæ jurisdictionis, & executionis earum
rerum, quas exequi non potest simplex Presbyter, vi ordi-
nis sui Presbyteralis, sine commissione ab auctoritate pub-
lica gubernatrice.

Non autem sic est concessa hæc potestas Episcopo, ut
neglectis Fratribus, negotia Ecclesiastica suo arbitratu ad-
ministraret, sed ut ex eorum consensu ea gerat: neque eos
præ se contemnat, sed tanquam collegas Compresbyteros
honoret, sicut supra docuimus.

Non enim est adempta Presbyterio jurisdictio, sed ma-
nens in Presbyterio collegialiter, communicata est Episco-
po personaliter, tanquam perpetuo collegij præsidi. Ut
post institutos Episcopos, illud Presbyterium quod habet
Episc

Mutua ob-
ligatio Epis-
copi & Pres-
byteri.

Episcopum, jurisdictionem exercent non sine suo Episcopo, sed cum eo, & sub ejus inspectione, & regimine: quemadmodum neque Episcopo eam potestatem exercere fas est, seorsum absque Presbyterio. Non enim opponuntur, sed componuntur Episcopus & Presbyterium. Potestas jurisdictionis non alia atque alia, sed una eademque integra manet aliter in Presbyterio, nempe, collegialiter, & aliter est in Episcopo, nempe, personaliter, cum mutua relatione, & obligatione, tum collegii ad suum præsidentem, qui etiam collegii pars est, & præsidis ad collegium cui præest.

Si tamen totum Presbyterium, vel morte corporali, vel hæresi deficiat, cessat ea obligatio, & poterit Catholicus Episcopus, jam solus, ordinare sibi Compresbyteros Catholicos: & sic, vice versa, si vel morte, vel hæresi deficiat Episcopus, & maneat Presbyterium Catholicum, vel si sit Presbyterium quod regi non soleat ab Episcopo, poterit jam Presbyterium Catholicum, Episcopo Catholico destitutum, valide exercere potestatem jurisdictionis, ordinando Presbyteros, excommunicando contumaces, &c. Nisi fortè spes certa sit habendi Episcopum Catholicum intra brevè tempus, quod præstolari poterunt.

Libertas
Episcopi, &
libertas Pres-
byterii.

Quæri solet, utrum Episcopus, sit propriè Pastor totius Diæceseos, an tantum unius illius Parochiæ, cui Presbyteralem ordinariè curam impendit. Respondeo: Quoad curam Presbyteralem est Pastor suæ Parochiæ, non autem totius Diæceseos; at quoad jurisdictionem, sive curam Episcopalem, Pastor est totius Diæceseos. Teneatur parochiæ suæ præstare ea quæ diximus esse ordinis presbyteralis: Diæcesi verò ea quæ sunt jurisdictionis, sive ordinis Episcopalis. Non solum à pabuli præbitione, sed etiam à gubernatione, & rectorali custodia meretur aliquis nomen pastoris. Episcopus, ex consilio presbyterii, aliis etiam suæ Diæceseos parochiis indigentibus prospicere debet de spiritali pabulo pro ratione sui officii. Si- cut provideret presbyterium, cui non esset Episcopus.

Episcopi
sunt Pastores.

Discrimen
prohibitorum.

Ex his patet Presbyterum ab Episcopo suo, vel à Presbyterio, cui deest Episcopus, legitime se gerente, prohibitum, non valide ordinare: Episcopum verò cum suo presbyterio à Synodo Episcoporum, cui subest, etiam legitime se gerente, prohibitum, valide ordinare. Ratio discriminis est, quia plenariam ordinationis executionem, vi ordinis sui Episcopalis, habet Episcopus, & potestate collegiali eam habet presbyterium: non autem simplex quilibet presbyter, vi ordinis sui presbyteralis.

Per hæc facilem habemus, & expeditam viam dissolvendi omnia illa dubia, quæ superius proposita sunt.

Sol. dub.
ordinatio cu-
jus sit ordinis.

CANONISTÆ dicunt, Ordinationem esse ordinis EPISCOPALIS: nos dicebamus, eam esse ordinis PRESBYTERALIS. Conciliatio est: quoad potestatem aptitudinis est ordinis Presbyteralis; at, quoad potestatem plenariæ executionis, est ordinis EPISCOPALIS.

Sol. dub. de
demandatione
eorum quæ
sunt ordinis.

Quidem Theologi, & Canonistæ, aiunt, Ordinationem peragi posse ex commissione; alii id negant, hoc argumento, quod ea quæ sunt ordinis, non possint demandari Clericis inferioris ordinis. Respondeo: Quæ sunt ordinis Presbyteralis, qui purus est, & fundamentalis ordo, ea non possunt demandari inferioris ordinis Clericis; (nam etiam prædicare EVANGELIUM ordinariè per delegationem non est concedendum hominibus non presbyteris, quamvis id eis concedi possit nonnunquam ad exercitium, aut ad experimentum, aut ad necessarium, pro illa vice, adjumentum; Nam illud præceptum, I T E, D O C E T E, &c. MATH. XXVIII. Presbyteris datur, non autem inferioribus Clericis, qui non missi sunt ad prædicationem EVANGELII, sed ad inferiora quædam Ministeria, obeunda: Pastoribus et Doctoribus commissa est EVANGELII prædicatione:) At verò demandari possunt ea quæ sunt ordinis EPISCOPALIS, quia hic ordo prout à Presbyterali distinguitur, jurisdictionalis est, ut ita loquar, neque

Ordo juris-
dictionalis.

neque aliud quicquam nisi mera jurisdictio; qualem habet presbyterium, Episcopo destitutum, supra singulos presbyteros: quæ autem sunt jurisdictionis, ea interioribus Clericis demandari posse omnes fatentur.

Hinc liquet quo sensu rectè dici possit Episcopo propriam esse de jure divino solam jurisdictionem, sicut nos supra asseribamus: et nihilominus Episcopatum esse ordinem sacrum à presbyteratu distinctum, quia est spiritalis potestas jurisdictionis.

Ex his etiam patet ordinem in presbytero esse à jurisdictione distinctum; ordinem verò in Episcopo, quæ Episcopus est, nihil aliud esse quam ipsam jurisdictionem, contra communem errorem Sorbonistarum, et Canonistarum. Et contra inanem illam responsionem *BELLARMINI*, LIB. 2, de *ROMANO* Pontifice, CAP. XXVI: ubi respondens ad argumentum *NILII* sumptum ab æqualitate omnium Episcoporum, cum omnes sint ejusdem ordinis, et dignitatis; et Papa *ROMANVS* nihil sit amplius, quam Episcopus, ut constat tum ex eo, quod ab Episcopis ordinatur, tum ex eo quod *DIONYSIVS* nullam agnoscit in Ecclesiastica Hierarchia dignitatem Episcopali majorem: unde infert *NILVS* Papam non minus teneri legibus Conciliorum, & judicari posse, quam Episcopos cæteros: Adhuc, inquam *NILII* argumentum responderet *BELLARMINVS*, Episcopos pares esse ratione ordinis, non tamen ratione jurisdictionis; hujus enim ratione Episcopum *CONSANTINOPOLITANVM* majorem, esse Episcopo *CÆSARIENSI*: Pontificem autem *ROMANVM* non ideo judicari non posse, quia dignitatem, vel ordinationem habeat Episcopali majorem; sed quia Episcopalem jurisdictionem amplissimam habeat, ita ut omnibus præsit, nulli subiectus sit. In qua responsione sunt hæc absurda: 1. Ordinem Episcopalem à jurisdictione Episcopali distinguit ac si jurisdictio esset

Quomodo
Episcopo sit
propria sola
jurisdictio.

In quibus
sit distincta ju-
risdictio ab or-
dine.

aliquid diversum ab ordine, aut latius patens : quasi verò esset vlla jurisdictio Episcopalis, quæ non habeatur per ordinem Episcopalem. Nam si non habeatur vi ordinis Episcopalis, jam non erit ea jurisdictio Episcopalis, sed alterius, conditionis. 2. Cum quæstio illic sit de jurisditione, quæ sit juris divini, adfert ille exemplum jurisditionis Patriarchalis Episcopi *CONSTANTINOPOLITANI*, quæ non est Episcopalis, aut divinitus instituta jurisdictio, sed honor quidam ultro habitus illi Episcopo, ex institutione humana, sive Ecclesiastica, non eximens eum ab obedientia aut censura Canonum. De quo honore plura inferius dicemus propos. 15. 3. Imperitè interpretatur jurisditionem Episcopalem, ac si esset supra Episcopos, cum omnis jurisdictio Episcopalis non nisi Diæcesanos inferiorum ordinum Clericos & Laicos spectet. Nemo enim per Episcopalem jurisditionem est Episcoporum Episcopus; sed suæ quisque diæceseos est Episcopus. Neque datur altior jurisdictio vlla Ecclesiastica personalis de jure divino; supra hanc autem est potestas Synodica. 4. Denique absque vlla idonea probatione, impudenter petit principium, sumens quod est in quæstione, quando ait Papam omnibus præesse, nulli subiectum esse. Quod quid aliud est, quam palam profiteri Papam esse illum Antichristum? De quo infra Propos. 16.

Demandantur ea quæ sunt jurisditionis, non ipsa jurisdictio.

Sol. dub. de impedimento Presbyterorum.

Alia est observanda distinctio : demandari possunt ea quæ sunt jurisditionis, puta executio earum rerum quas supra memoravimus, at non potest demandari ipsa jurisdictio sive potestas seu ordo Episcopalis : nam hoc esset non facere delegatum, sed Coëpiscopum; neque esset delegatio, sed associatio.

Objiciebatur, iniquè facere Ecclesiam quæ immerentes Presbyteros impediatur ab executione potestatis ordinandi, cum eam habeant vi sui ordinis, qua Presbyteri. Respondeo, nihil adimit Presbyteris Ecclesia quod habent vi ordinis Presbyteralis; nam relinquit eis potestatem ap-
titudinis

titudinis: potestas autem validæ executionis non competit Presbytero qua Presbyter est, (nisi accedat jurisdictionis potestas) sed Episcopo qua Episcopus est; aut etiâ soli Presbyterio sive Synodo Presbyterorû, qua Presbyteriû est seu synodus, in locis illis ubi non est Episcopus: & hanc quidem potestatem non potest adimere Ecclesia Episcopo, aut Presbyterio, immerenti. Neque adimit: sed eam obtinet Episcopus, personaliter; & Presbyterium collegialiter.

At verò si Episcopus aut Synodus notoriè defendat hæresin, neque ordinationem collaturus sit Episcopus, aut synodus, nisi cum obligatione ad hæresin; fugiendi sunt lupi illi; neque potest injusta eorum intercessio impedire conservationem ordinis, per ministerium residuorum Presbyterorum orthodoxorum, in Ecclesia: quos in tali casu oportet resistere illicitis conatibus Episcopi & collegarum, & in reformationem diligenter incumbere. Neque de auctoritate sua dubitent, cum CHRISTVS promiserit se non deserturum duobus aut tribus congregatis in NOMINE ipsius, MATHE. CAP. XVIII. Quando igitur Ecclesiam sic occupat, & inundat hæresis & obstinatio, ut tantum duo vel tres presbyteri relinquatur orthodoxi, ad illos paucos pertinet plenaria potestas Ecclesiastica. Duo vel tres sunt presbyterium, quando plures non inveniuntur. Imò unus, cum cœtu orthodoxo, quando non sunt alii orthodoxi, habet eam potestatem Ecclesiasticam, qua nulla apud orthodoxos pro tempore aliter reperitur, et quam haberet presbyterium vel Episcopus orthodoxus. Nam deserere Ecclesiam nefas: fas autem non esse à notoriis hæreticis ordinationem petere, aut scienter suscipere, (et præsertim cum impia obligatione conjunctam) docent THOMAS, in quartum Sent. Distinct. 25. Quæst. 1. Art. 2. Quem sequitur CAPREOLVS, ibidem Art. 3. et ANGELVS, in Summa, Verbo, *Ordo*, cap. 2. et est communis sententia.

Quo casu
validè ordi-
nent Presby-
teriam pro-
hibiti.

Penes or-
thodoxos re-
sider auctori-
tas.

Non est pe-
ccanda aut
scienter susci-
pienda ordi-
natio à noto-
riis hæreticis.

Et BELLARMINVS contendit Hæreticum mani-

festum ipso facto esse depositum. Idque probat auctoritate beati PAULI, qui in EPIST. ad TIT. CAP. 3, jubet hæreticum post duas correptiones vitari: *Id est*, inquit BELLARMINVS, postquam manifestè apparet pertinax, & intelligit [Apostolus] ante omnem excommunicationem, & sententiam judicis: ut ibidem scribit HIERONYMVS. Pergit BELLARM. Non Christianus, non potest ullo modo esse Papa: at Hæreticus manifestus non est Christianus, ut apertè docet CYPRIANVS, Lib. 4, Epist. 2. ATHANASIVS, sermone 2, contra ARIANOS. AVGVSTIN. Lib. de gratia CHRISTI, Cap. 20. HIERONYM. contra LUCIFERIANOS, & alij. Hæreticus igitur manifestus, Papa esse non potest. ————— Denique sancti Patres concorditer docent, non solum Hæreticos esse extra Ecclesiam; sed etiam ipso facto carere omni jurisdictione & dignitate Ecclesiastica. CYPRIANVS, Lib. 2, Epist. 6, dicimus, inquit, omnes omnino Hæreticos, atque Schismaticos, nihil habere potestatis ac juris. Et Lib. 2, Epist. 1, docet Hæreticos ad Ecclesiam redeuntes suscipiendos ut Laicos, & si antea in Ecclesia Presbyteri, vel Episcopi fuerint. OPTATVS, Lib. 1. contra PARMENIANVM, docet Hæreticos & Schismaticos claves regni Cælorum habere non posse, nec solvere aut ligare. AMBROSIVS, Lib. 1, de pœnitentia, Cap. 2: Et AVGVSTINVS, in Enchiridio, Cap. 65. Idem docet HIERONYMVS, Lib. contra LUCIFERIANOS. ——— Est ergo opinio vera Papam Hæreticum manifestum, per se desinere esse Papam, & caput, sicut per se desinit esse Christianus, quare ab Ecclesia posse eum judicari & puniri. ——— Fundamentum hujus sententia est, quoniam Hæreticus manifestus, nullo modo est membrum Ecclesie. Hæc

BELLARM. Lib. 2, de ROMANO Pontifice,
Cap. 30.

Quando igitur prædicto modo prævalet Hæresis & obstinatio, quid facient residui Catholici Presbyteri, aut solus residuus Presbyter cum, cætu Catholico? Mittent ne ordinandos ad eos qui ipso facto deserunt esse Christiani & sunt extra Ecclesiam, & carent omni jurisdictione, & dignitate Ecclesiastica, & qui ex præcepto Apostolico vitandi sunt: qui etiam neminem Ministrum ordinare consentiunt, nisi cum impia obligatione ad Hæresin? Cum igitur penes residuos illos Catholicos pastores jam resideat suprema potestas & jurisdictio Ecclesiastica, necesse habebit vel vnus ille Presbyter, multiplicatis fidelibus, collegas sibi ordinare. Et quamvis, extra casum huiusmodi necessitatis, canonibus constitutum sit, vt plures sint Presbyteri ordinantes, & vt ordinatio non sine Episcopo peragatur; tamen in talibus cæremonialibus, vbi manet essentia formæ, & nihil sit in contemptum Canonum, & servantur illæ regulæ de qualitatibus ordinandorum, quas præscripsit Apostolus, 1. TIM. 3, & ad TIT. 1. locum habet illa regula juris. *Quod non est licitum in lege, necessitas facit licitum*, extra, de regulis juris, Cap. 4. vbi adferuntur exempla Sabbati & jejunii.

Casus necessitatis, in quo catholici presbyteri licet ac valide ordinant, quamvis ab Episcopis hæreticis prohibeantur, imò in quo vnus presbyter bene ordinat.

Et in huiusmodi causis, vbi per graves dissensionum scissuras, non huius aut illius hominis periculum, sed populorum plurimorum, strages jacet; detrahendum est aliquid severitati, vt maioribus sanandis malis charitas sincera subveniat: vt loquitur AUGUSTINVS, apud GRATIANVM, 50. Distinct. Can. *Vt Constitueretur*. Agitur illic de admissione aut reditu ad clericatum post alicujus criminis pœnitentiam: idem quoque aptè convenit præsentī nostro negotio. Nam in casu à nobis proposito multorum populorum strages jacet & periclitatur Ecclesia. Et est casus extremæ necessitatis. Proinde locum habebit illud quod legimus apud GRATIANVM, Caus. 1, Quæst.

Regulæ de casu necessitatis.

1, *Can. Remissionem*, §. *Sed notandum: Necessitas non habet legem, sed ipsa sibi facit legem.* Et quod ait *GE-LASTIVS* Papa; *Pro necessitate vel utilitate Ecclesiæ, mutilantur & laxantur præcepta canonica: Caus. 1. Quæst. 7, Etsi illa.* Quamvis ex eo quod, magna necessitate cogente, dispensativè factum est, nullum sacris Canonibus fieri debeat præjudicium: sed *Canones proprium robur obtineant; & cessante necessitate, illud quoque cesset quod factum est pro necessitate*, sicut loquitur *VRBANVS 2*, Papa *Caus. 9, Quæst. 1. Can. Ordinationes.* Neque quod certa causarum consideratione interdum de canonum rigore remittitur, in ordinariam trahendum est consequentiam: sed sublata necessitate, antiquis & ordinariis vivendum est regulis, *Caus. 1, Quæst. 7, Donatum.* Neque censendi sunt illi quicquam facere in Canonum contemptum, sed existimandi sunt mentem Canonum servare, qui faciunt quod in se est, & quoad patitur Ecclesiæ necessitas, & necessaria Fidei Catholicæ custodia, ut Canonibus adhærescant.

Quod sit etiam licitè in casu necessitatis, non est trahendum in ordinariam consequentiam.

Necessitas Protestantium qua coacti sunt uti ordinatione Presbyterali.

Et hæc fuit conditio *PROTESTANTIVM*, in reformatione Ecclesiæ, in *GERMANIA*, aliisque transmarinis Regionibus: Qui extrema Ecclesiæ necessitate adacti, vel invitati, necesse habuerunt, misso pro tempore Canonum rigore, saluberrimum adhibere temperamentum; ut & Presbyteri ordinarent, & tamen Disciplina pristina in hoc conservaretur, ut nemini nisi secundum ordinem publicum vocato & ordinato concederetur publica verbi in Ecclesia, & Sacramentorum administratio. Ex animo optantes, ut potius secundum veteres Canones ordinarent Episcopi: sed quoniam id ab Episcopis impetrare non potuerunt, absque nefariis obligationibus; & Episcopi, iterum atque iterum moniti, non destiterunt divinæ veritati resistere, ejusque sinceros prædicatores & professores immaniter persequi; coacti sunt ad residua reme-

remedia a DEO ipsis relicta confugere. Neque potuit injusta Episcoporum jam notoriè Hæreticorum prohibitio invalidam reddere eam ordinationem, quam peragebant Catholici Ecclesiarum Pastores, penes quos erat summa pro tempore potestas Ecclesiastica inter Catholicos in illis Regionibus.

Hoc a se factum esse nullo Canonum contemptu, sed officij necessitate, protestari sunt GERMANI PROTESTANTES in Apologia Confessionis A V G V S T A N Æ, Cap. de numero, & vu Sacramentorum, ad Artic. 14: vbi hæc eorum sunt verba; *Articulum 14, in quo dicimus, nemini nisi ritè vocato concedendam esse administrationem Sacramentorum, & verbi in Ecclesia, ita recipiunt, si tamen utamur ordinatione Canonica. Hac de re in hoc conventu sæpe testati sumus, nos summa voluntate cupere conservare politiam Ecclesiasticam, & gradus in Ecclesia factos etiam humana auctoritate; scimus enim bono & utili consilio a Patribus Ecclesiasticam Disciplinam, hoc modo ut veteres Canones describunt, constitutam esse, sed Episcopi Sacerdotes nostros, aut cogunt hoc doctrinæ genus, quod confessi sumus, abjicere ac damnare, aut nova & inaudita crudelitate miseros & innocentes occidunt. Hæ causæ impediunt quo minus agnoscant hos Episcopos nostri Sacerdotes: ita sævitia Episcoporum in causa est, quare alicubi dissolvitur illa Canonica politia, quam nos magnopere cupiebamus conservare. Ipsi viderint quomodo rationem DEO reddituri sint, quod dissipant Ecclesiam. Nostræ conscientia hac in re nihil habent periculi, quia cùm sciamus confessionem nostram veram, piam & Catholicam esse, non debemus approbare sævitiam istorum, qui hanc doctrinam persequuntur. Et Ecclesiam esse scimus apud hos, qui verbum DEI rectè docent, & rectè admini-*

Protestantium protestatio de casu suæ necessitatis, in quo necesse habebant, uti ordinatione per Catholicos Presbyteros prohibitos ab Episcopis Papanis.

stant sacramenta; non apud illos, qui verbum DEI non solum edictis delere conantur, sed etiam recta & vera docentes trucidant: erga quos, etiamsi quid contra Canones faciunt, tamen ipsi canones mitiores sunt. Prorsus hic iterum volumus testatum, nos libenter conservaturos esse Ecclesiasticam & Canonicam politiam, si modò Episcopi desinant in nostras Ecclesias seivire. Hæc nostra voluntas & coram DEO, & apud omnes Gentes, ad omnem posteritatem excusabit nos, ne nobis imputari possit, quod Episcoporum auctoritas labefactetur, ubi legerint atque audierint homines, nos injustam sævitiam Episcoporum deprecantes, nihil æqui impretare potuisse. Hæc PROTESTANTES, loco citato.

At quænam, inquires, necessitas jam vrget reformatas Ecclesias, in Regionibus transmarinis, quin possint habere Orthodoxos Episcopos, & ordinationem per Episcopos, secundum veteres Canones? Respondeo: 1. Quædam habent Episcopos Catholicos, quos Superintendentes, vel Superattendentes vocant. 2. Etiam extra casum necessitatis valida est jure divino ea ordinatio quæ peragitur auctoritate Presbyterij, cui non præest Episcopus, adeoque penes quod est suprema & absoluta ordinandi potestas, pro tempore, in illa Ecclesia: sicuti supra prolixè ostensum est. 3. Porro sua cuique Ecclesiæ hac in parte necessitas cognita est.

Fateor tamen eas tamdiu laborare defectu quodam œconomico, quamdiu carent Episcopis. Quamvis igitur etiam sine Episcopis valida sit ordinatio, & tota illarum Ecclesiarum Disciplina, optandum tamen potius ut habeant Episcopos. Hoc enim divinæ institutioni convenientius est, & ad Ecclesiæ pacem, & decorum & ordinem accommodatius: sicut est a nobis in præcedentibus propositionibus earumque exegesis, & in hac ipsa dissertatione demonstratum.

Modiæus de-
fectus œcono-
micus, qua-
rundam Eccle-
siarum refor-
matarum.

Canonibus constitutum est, ut non minus quam tres Episcopi sufficiant ad ordinandū Episcopum: PALLADIUS tamen SCOTORVM primus Episcopus, SERVANVM Episcopum, ORCADVM solus ordinavit, ut scribit IOANNES MAIOR, LIB. 2, de Gestis SCOTORVM, CAP. 2: ubi hæc adjicit verba; *Ex isto, inquit, patet quod Episcopus in necessitate ab uno Episcopo consecratur, & non est de Episcopi essentia quod à tribus ordinetur. Peccant tamen alter ordinantes, ubi Episcoporum trinitas haberi preest.* Hæc MAIOR. Non tamen existimandum est PALLADIUM, prorsus solum ordinationem eam peregrisse, quamvis solus fuerit Episcopus: haud dubiè enim adhibuit secum Presbyteros saltē duos: quemadmodū fecerunt postea duo illi Episcopi qui sibi associarūt ANDREAM Presbyterum OSTIENSEM, ad ordinandum PELAGIUM, Episcopum ROMANVM. Sic apud GRATIANVM, 67 Dist. Can. *Episcopus: solum Episcopum, interpretatur Glossa, sine aliis Episcopis, non exclusis Clericis.*

Casus necessitatis dispensativæ in ordinatione Episcopi.

Nam etiam si casus incidere possit, ut necesse habeat Presbyter solus ordinare Presbyterum; ut in casu Hæreseos superius memorato: item, si quis Presbyter ad remotam Oceani insulam appellens, ibique relictus, barbaris prædicet EVANGELIUM, &, per DEI benedictionem, lucretur ingentem multitudinem, neque illi cum aliis orbis partibus intercedat commercium: necesse habebit, ea, quæ à Magistris suis accepit, proponere fidelibus hominibus, qui idonei futuri sint etiam alios docere, sicut monet Apostolus, 2 TIM. 2, 2. *Eosque jam maturos secundum Canones qui habentur.* 1 TIM. 3, TIT. 1, constituere Presbyteros *κατὰ πόλιν, καὶ κατ' ἐκκλησίαν*, oppidatim, & per singulas Ecclesias. Quamvis, inquam, iste casus incidere possit, vix tamen cogitari potest casus, in quo necesse sit Episcopo ut solus etiam sine Presbyteris ordinet Episcopum: nam ordinatio Episcopi

Alius casus, in quo unus presbyter bene ordinet presbyterum.

necessaria non est, nisi in multitudine Presbyterorū, ad vitandum Schisma, & decenter ac pacificè gubernandam Ecclesiam. Præsto igitur semper erunt Episcopo ordinatori aliqui saltem Presbyteri, qui cum illo in ordinatione concurrant.

Conciliatio
necessariæ so-
litudinis cum
nostra secun-
da propositio-
ne, de sociali
ministerio.

Quod diximus, supra, Propositione secunda, de sociali Ministerio, illud ita intelligendum est, ut quilibet Pastor collegium aliquod Pastorum, cui subjiatur, agnoscat, vel affectu simul et actu, quando scilicet ei præsto est collegium Catholicorum Pastorum, cui subjiici possit; vel saltem affectu, si non possit actu, in casu necessariæ solitudinis: paratus semper etiam actu subjectionem et obedientiam exhibere, quodocunque nactus fuerit collegas.

Ordinatio
per Episcopos
in Ecclesiis
reformatis
BRITAN-
NICIS.

Postquam de ordinatione Presbyterali, jam prolixius quàm intenderam disserui: subjungam brevem Dialogum, de ea ordinatione quæ in Ecclesiis BRITANNICIS reformatis fit Ministerio Episcoporum. Meminisse interim convenit eorum quæ supra citavimus ex THOMA, et AVREOLO, et CAPREOLO, et aliis de veritate ordinis, quem confert Episcopus Hæreticus, prohibitus, excommunicatus, degradatus: non quod tali præsidio et tam misera defensione egeat nostra causa, sed quia conducent ad obturandum os imperitis et contentiosis quibusdam Papistis, qui illius doctrinæ, quam profitentur, ignari, caninam exercent facundiam contra DEI Servos. Cum interim non intelligant quæ loquuntur, neque de quibus affirmant. Audiamus collequentes CATHOLICVM & PAPISTAM.

CATHOLICVS.

QVId habes quod objicias contra eam ordinum Ministrationem, quæ ab ipso Reformationis exordio in ANGLIA in hunc usque diem, et nunc etiam DEI beneficio in SCOTIA peragitur per Catholicos Episcopos?

PAP.

PAPISTA. *Episcopi vestri non sunt Catholici, sed sunt Hæretici, adeoque ipso jure sunt Excommunicati, & omni dignitate Sacerdotali exciderunt.*

CATH. Hæretici non sunt. sed quorsum tendit ista criminatio? Si negas Hæreticos & Excommunicatos validè ordinare, et verum ordinem conferre, contradicis Ecclesiæ ROMANÆ. Degradatos etiam Episcopos validè ordinare, docent THOMAS, et AVREOLVS, et CAPREOLVS, et ANGELVS, et Glossa, Cauf. 9, Quæst. 1, in principio; et in Can. Ordinationes: Glossa, Nisi probare: et alii. Si hæc nescis, disce: si scis, cur gratias rixaris. Sed fac Hæreticos non validè ordinare, id nostrorum ordinationem non infirmabit; nam Episcopi nostri non sunt Hæretici, sed Orthodoxi.

PAP. *Illi vestri Episcopi, qui Religionis reformationem (ut vocatis) primi amplexi sunt, a quibus sunt ordinati? annon à Papa Romano?*

CATH. Dicere possum verum ordinem & ordinationem Episcopalem, per continuatam successionem in ANGLIA, jam totos mille annos, esse perpetuò conservatam in hunc vsque diem, jam inde a tempore AVGVSTINI, ANGLORVM Episcopi, quem ordinavit ETHERIVS, Episcopus ARELATENSIS, (circa annum DOM. 600) teste BEDA, Lib. 1, Hist. Eccles. Gentis ANGLORVM, Cap. 27. Nos autem ETHERIVM, & AVGVSTINVM non accensimus Hæreticis, neque, GREGORIVM, Papam ROMANVM, cujus hortatu & missu venerat in ANGLIAM AVGVSTINVS. Quamvis citeriores quosdam ROMANOS Pontifices meritò habeamus pro Hæreticis. Canonibus constitutum est, ut tres saltem Comprovinciales Episcopi, cum Metropolitanis consensu, ordinent Episcopum, sicut supra docuimus: & ut Metropolitanus à suis Comprovincialibus ordinetur, dist. 66, Archiepiscopus. Si servavit Ecclesia ANGLICA-

NA has regulas, non est passa intercідere ordinationem Episcopalem acceptam tempore *AVGVSTINI*. Sed fac Episcopos nostros ab ipso *LEONE*, Papa decimo, qui Religionis reformationi restitit, ordinatos esse; quid inde efficies?

PAP. Nempe, ut fatearis eos aut verum ordinem non accepisse, aut debuisse permanere in Fide ordinantis.

CATH. Annon jam consensimus verum ordinem accipi posse ab Hæretico ordinante? num propterea debet ille qui ab Hæretico ordinatus est, permanere in Hæresi seu Fide (vel potius perfidia) ordinantis? Quicquid veræ & Catholicæ fidei profitetur Papa, in eo libenter permanemus: at quam admiscuit perfidiam, meritò rejecimus. Sed ut argumenti tui imbecillitatem, clarissimo exemplo, tibi ob oculos ponam; quosdam olim in Hæresi Novatiana ab ipsis Catharis, sive Novatianis ordinatos Pastores, ad Ecclesiam Catholicam postea redeuntēs, recepit prima œcumenica Synodus *NICENÆ*, aliq̃ue Catholi Patres, in suis ordinibus, (salvo illis gradu Presbyterij, imo etiam gradu Episcopali si vel non esset pro tempore alius illius civitatis Episcopus Catholicus vel placeret Episcopo Catholico eum sibi habere collegam) absque nova ordinatione, Concil. *NICEN.* Can. 8, & Caus. 1, Quæst. 7, Can. *Donatum*: & Can. *Saluberrimum*. Et idem scribit *HIERONYMVS*, in Dialogo adversus *LVCIFERIANOS*. *AVGVSTINVS* autem disertè scribit ordinem in ea Hæresi acceptum, in qua baptizatos recipimus, non esse iterandum, sed esse verum ordinem, Lib. 2, contra Epistolam *PARMENIANI*, Cap. 13. Et qui hoc postea negarunt fieri rectè posse, *LVCIFERIANI*, Schismaticis, & propter obstinatham animositatem etiam Hæreticis annumerati sunt. Et eam *AVGVSTINI* doctrinam tenet Ecclesia *ROMANÆ*. Vide Concil. *TRID.* Sess. 23, Cap. 4, & testimonia supra citata. Iam secundum

dum bellam istam tuam argumentandi solertiā, aut illi ab Hæreticis in hæresi ordinati non habebant verum ordinem, & sic contradicis Synodo *N I C Æ N Æ*, & *A V G V S T I N O*, alijsque orthodoxis Patribus, & Ecclesiæ *R O M A N Æ*: aut si verum ordinem acceperunt, debebant permanere in Fide ordinantium, id est, in Hæresi Novatianorum, aut *A R I A N O R V M*, aut alia quacunq; Hæresi, in qua verum illum ordinem acceperunt. Viden' in quas te angustias præcipitaveris?

P A P. At ego te jam irretitum tenebo; vt, vel agnoscat Papam esse Catholicum, non autem Hæreticum; vel Episcoporum vestrorum, qui à Papa ordinati sunt, ordinationem esse saltem maledictam, & *D E O* exosam: nam qui ab Hæretico ordinem suscipit, ipsa ordinis susceptione peccat mortaliter; adeoque contrahit in ipsa sui ordinatione maledictionem.

C A T H. Qui à notorio Hæretico scienter petit aut suscipit ordinem, fatemur eum mortaliter peccare: at verò qui ab eo petit vel suscipit ordinem, quem non scit esse Hæreticum, eum excusat quoad petitionem aut susceptionem ordinis, probabilis ignorantia, Caus. 9, Quæst. 1, Can. Ordinationes. Quamvis peccet adhærendo ejus Hæresi; & quicquid maculæ contraxit ipse ordinatus per susceptionem immaculati ordinis ab Hæretico, id per Hæreseos desertionem aboletur. Propterea Patres Catholici quando Hæreticos Episcopos & Presbyteros pœnitentiam de Hæresi agentes in suis ordinibus receperunt, non eos rursum ordinarunt, neque exegerunt ab iis vt ordinem deponerent, sed vt Hæresin deponerent, & per hanc Hæreseos abdicationem fideique Catholicæ sinceram professionem coeperunt bene habere eum ordinem quem antea verè quidem at malè habebant. vt docet *A V G V S T.* lib. 2, contra epistolam Parmeniani, Cap. 13. sic etiam Episcopi nostri qui à Papa, vel a Papistis, in cordis sui simplicitate, ordinem susceperunt, excusantur per probabilem ipsorum ig-

norantiam, & cordis simplicitatem; & quicquid in Hære-
 si labis contraxerunt, id per Hæreseos Papisticæ seriam
 abnegationem deletum est: & ordo quem acceperunt,
 non est abolitus, sed firmus mansit eumque magis salubri-
 ter postea habuerunt. Postea verò quàm eo devenit Pa-
 pæ obstinatio in Hæresi, ut nobis jam manifestè innotescat
 eum esse notorium & contumacem Hæreticum, non am-
 plius petimus nec suscipimus ab eo ordines. Quamvis
 ab illo ordinatos, & de Hæresi ejus ad Ecclesiam Catho-
 licam venientes, suscipi posse, cum manuum impositione,
 existimemus in suis ordinibus, si examen sustinentes ido-
 nei inveniantur: quia ex charitatis lege judicamus illos
 per ignorantiam eum sequutos esse, ordinemque ab eo
 suscepisse. Approbamus enim illam regulam juris Ca-
 nonici, ex BEDA sumptam, *Ut ea facta, quæ dubium
 est quo animo fiant, in meliorem partem interpretemur.*
 Extra de regulis juris, Cap. 2, *Estote.*

PAP. Tota hæc tua argutatio nititur falsissima hy-
 pothesi: tun' Papam Hæreseos insimulas? prophana hæc
 est calumnia, & impudentissimum mendacium.

CATH. Non clamoribus & conviciis, sed idoneo ali-
 quo argumento refellenda tibi erat mea Hypothesis, si
 eam velles convulsam. Sed ut te æquiores habeam,
 Hypotheseos meæ veritatem demonstro, hoc argumen-
 to.

Qui doctrinam, de fide & moribus Christianis sa-
 cris Scripturis & Catholicæ antiquitati contrariam palam
 proficetur, mordicis retinet, & obstinatè defendit, ille est
 notorius Hæreticus, & ex præcepto Apostolico, etiam
 ante synodalem sententiam fugiendus, ut eversus & pec-
 cans, & suapte judicio condemnatus, Tit. 3, 10, 11. &
 2, Ioan. 10. at Papa Romanus doctrinam de fide &c. Er-
 go.

Audi aliud argumentum:

Qui

Qui sacrarum Scripturarum, et Catholicæ antiquitatis doctrinam, de Fide et Moribus Christianis, multoties monitus, contumaciter rejicit, palam condemnat, ejusque Professores crudeliter persequitur, et trucidat, ille est notorius Hæreticus et Homicida: At Papa ROMANVS sacrarum Scripturarum, etc. Ergo.

P A P. Video quorsum tendas: id nempe satagis, ut me pertrahas ad examen doctrinæ per Scripturas, & Antiquitatem, laterem lavas: non hac in fœdera veni. Audi; Quam doctrinam Papa dicit esse Catholicam, aut mihi meus Sacerdos jurat esse Catholicam, ea mihi est Catholica: & quam ille asserit, aut hic jurat esse Hæreticam, ea mihi est Hæretica. hinc terminus hæret.

C A T H. Si affirmanti, aut jurato credas, absque ulteriore examine; quilibet doctrinæ ventus te circumferet. Affirmabunt, et interposita animarum suarum pro nostris animabus sponsione, cum horrendis execrationibus, jurabunt ARIANI, EUTYCHIANI, aliique Hæretici suam fidem esse Catholicam, nostram verò, in qua contra eos consentimus, esse Hæreticam. Eisdem modis superstitiones suas Religioni Christianæ anteponent PAGANI, IUDÆI, MAHVETANI, etc.

P A P. Isti omnes mentiuntur; at Papa, ejusque Sacerdotes, non mentiuntur. Hoc tutum est, hoc tenebo; ne me interpella.

C A T H. Quam sit hoc parum tutum monstrabimus P R O P. XVI. Tutius est DEO credere, quam homini. Ex personis probamus Fidem, an ex Fide personas? inquit TERTULLIANVS, Lib. de præscriptionibus adversus Hæreticos, cap. 3. Idem quoque alibi Non recipio, inquit, quod extra Scripturam de tuo inferis, LIBRO de carne CHRISTI, Cap. 7. Et alibi; Aufer Hæreticis quæ cum Ethnicis sapiunt, ut de Scripturis solis quæstiones suas fiant, & stare non poterunt. Lib. de Resurrectione carnis, Cap.

nis, Cap. 3. Audi beatum Apostolum PAVLUM; *Sed etiam si nos, aut Angelus è Cælo evangelizet vobis, præter id quod evangelizavimus vobis, anathema sit. Ut ante diximus, etiam nunc iterum dico; Si quis vobis evangelizaverit præter id quod accepistis, anathema sit.* GALAT. I. 8, 9. Sed quoniam eo impietatis atque infidelitatis devenistis, ut jam pluris apud vos sit posteriorum doctorum autoritas, quàm ipsorum Apostolorum, & utrisque præferatis Papam ROMANVM: si non credis Apostolo, crede tamen S. AVGVSTINO, cujus hæc sunt verba, Lib. 3, contra literas Petiliani, Cap. 6. *Proinde sive de CHRISTO, sive de ejus Ecclesia, sive de quacunque alia re que pertinet ad fidem vitamque nostram, non dicam nos, nequaquam comparandi ei qui dixit, Licet si nos, sed omnino quod sequutus adjecit; Si Angelus de Cælo vobis annuntiaverit, præterquam quod in Scripturis legalibus, & Evangelicis accepistis, anathema sit. Item, Lib. 2. de doctrina Christiana, Cap. IX. In iis que APERTE in Scriptura posita sunt, inventiuntur illa OMNIA que continent fidem morésque vivendi. Hæc AVGVSTINVS. Quod si neque AVGVSTINO credis; audi ZEPHERINVM, Papam ROMANVM; Sicut Stellæ Cæli non exstinguit nox, sic mentes fidelium & inherentes firmamento sanctæ Scripturæ non obscurat mundana iniquitas. 30. Distinct. Sicut Stellæ. Audi LEONEM, hujus nominis primum, Papam ROMANVM: Quid autem iniquius, quàm impia sapere, & sapientioribus doctioribusque non credere? Sed in hanc insipientiam cadunt, qui cum ad cognoscendam veritatem aliquo impediuntur obscuro, non ad Propheticas voces, non ad Apostolicas, nec ad Evangelicas auctoritates; sed ad semetipsos recurrunt. Et ideo magistri erroris existunt,*

quia

quia veritatis Discipuli non fuere. Hæc LEO, in Epistola ENCYCLICA, ad FLAVIANVM: quæ etiam invenies à GRATIANO citata, Caus. 24, Quæst. 3, *Quid autem.* Audi GREGORIUM,

PAP. *Abeo, Vale.*

CATHOL. Vale: DEVS tui misereatur.

Hunc brevem Dialogum inseruimus propter imperitios quosdam Papistas.

Nunc, ut promissimus, aliquid dicendum de ea ordinatione quam peragit Episcopus Hæreticus, aut Excommunicatus, aut Degradatus. De Hæreticis, distinguit Glossa 1, Quæst. 7, *Si qui Presbyteri*: inter rigorem Paternæ Disciplinae, et pietatem Matris Ecclesiæ. Aptior erit trimembris distinctio; inter justam severitatem paternæ Disciplinae, & misericordiam licitam piæ Matris Ecclesiæ, & injunctum rigorem morosorum. Secundum severitatem paternæ Disciplinae, ad terrendum alios, quandoq. ab Hæresi redeuntes Clerici, quamvis à Catholicis ante Apostasiam ordinati, non recipiebantur in suis ordinibus, sed ad Laicam tantummodo communionem admittebantur: sicut patet ex Epistola CORNELII, Episcopi ROMANI, ad FABIVM, Episcopum ANTIOCHENVM, apud EVSEBIUM, hist. Eccles. lib. 6. cap. 35. *147.* et ex CYPRIANO, lib. 2, epist. 1. et caus. 1, quæst. 7, can. *Si qui Presbyteri*: Quod tamen non desperatione indulgentiæ, sed rigore factum est disciplinae, ut loquitur AVGVSTINVS, apud GRATIANVM, 50, Dist. *Vt constitueretur.* Propterea nonnunquã, etiã ab Hæreticis ordinati recipiebantur in suis ordinibus, per misericordiã piæ matris Ecclesiæ, ut hac benignitate allicerentur errâtes, ad deserendũ errorẽ, et amplectendam veritatem, sicut statutum est in Concilio NICÆNO, Can. 8, de Novatianis: et factum legimus à LEONE, Episcopo ROMANO, Caus. 1, Quæst. 7, Can. *Donatum*: et Can. *Salaberrimum*: et rectè fieri docet AVGVSTINVS, Libro 2, contra Epist. PARMENIAN, CAP. XIII.

LVCIFER, Episcopus CARALITANVS, introducere conatus est rigidam quandam morositatem, asserens ne eos eisdem qui in Ecclesia Catholica ordinati erant, & postea in Hæresin lapsi sunt, posse justè in suis ordinibus recipi, redeuntes ab Hæresi. Quem Errorem refellit HIERONYMVS, in Dialogo adversus LVCIFERIANOS. Et meritò, quia repugnat, licitæ ac laudabili pietati matris Ecclesiæ, et Concilio NICÆNO. Quorundam autem Hæreticorum Clericis in Hæresi ordinatis, et ab Hæresi redeuntibus, hic favor conceditur, ut detur eis officium Clericale, inter Catholicos, etiamsi de novo ordinentur, et ita ordo, quem in Hæresi acceperunt, nullo loco habeatur. Et hunc solū favorē fortasse imperitus aliquis suspicabitur NICÆNOS Patres indulgisse Catharis sive Novatianis: Can. 8. quo exceperunt PAVLIANISTAS ad munus clericale idoneos: Can. 19. explicabo igitur mentem Concilij NICÆNI. Verba Canonis 8. de Novatianis hæc sunt. *De his qui se Catharos aliquando nominabant, si aliquando venerint ad Catholicam & Apostolicam Ecclesiam, placuit sancto & magno Concilio, ut manuum impositionem accipientes, sic in clero permaneant.* ὡς εἰ χειροθετημένοις αὐτοῖς μένειν ἕως ἐν τῷ κλήρῳ.

De PAVLIANISTIS verò sive SAMOSATENIANIS, (qui IN NOMINE PATRIS, ET FILII; ET SPIRITVS SANCTI, minimè baptizabant, sicut de eis scribit INNOCENTIUS PRIMUS, Episcopus ROMANVS, Epist. 22. ad Episcopos MACEDONIÆ) sic statuit NICÆNI Patres, Can. 19. *De PAVLIANISTIS ad Ecclesiam Catholicam confugientibus definitio prolata est, ut baptizentur omnino. Si qui autem de his praterito tempore fuerint in clero, siquidem immaculati & irreprehensibiles apparuerint, baptizati ordinentur ab Episcopo Ecclesiæ*

clēſia Catholica [ἐκκλησίαν καθολικὴν ἐκκλησίας ἡπιοκόπη.] *Quod si diſ-
cuſſio incongruos eos invenerit, abjici tales convenit.*

Ex collatione horum Canonum manifeſtum eſt, ordi-
nationem à PAVLIANISTIS factam pro non facta
habitam eſſe. Et venientes ad Catholicam Eccleſiam non
potuiſſe permanere in ordine quem nullum habebant; ſed
in ipſa Eccleſia Catholica quosdam eorum ordinatos eſſe,
ordinem accipientes quem antea non habebant; ſicut &
baptiſmum. At ordinationem Catharorum, in ipſa eorum
Hæreſi factam, Patres NICÆNOS ratam habuiſſe,
nec juſſiſſe eam iterari, aut Catharorum Clericos, ad Ec-
cleſiam Catholicam venientes, in Catholica Eccleſia ordi-
nari χροπονείδω, ſicut PAVLIANISTAS, ſed tan-
tū χροθετῆιδω, id eſt per impoſitionem manuum re-
conciliari & benedici, & ſic conceſſiſſe eis vt in ordine
MANERENT: quem ſcilicet prius habebant. Ea
igitur manuum impoſitio non fuit ordinatoria, ſed fuit
reconciliatoria, fuit oratio ſuper hominem. Cauſa. Quæſt.

1. *Manus.*

Idem, docet AVGVSTINVS, Lib. 2. contra Epi-
ſtolam PARMENIANI, Cap. 13. Vbi his duobus
vritur Argumentis 1. quorum baptiſma verum eſt, eorum
& ordinatio vera eſt; Nulla, inquit, oſtenditur cauſa,
cur ille qui ipſum baptiſmum amittere non poteſt, ius
dandi amittere poſſit. Vtrumq; enim Sacramentum eſt,
& quadam conſecratione vtrumq; homini datur: illud
cum baptizatur, iſtud cum ordinatur: ideoq; in Catho-
lica vtrumq; non licet iterari. Nam ſi quando ex ipſa
parte [Donati] venientes etiam prepoſiti, pro bono pa-
cis, correcto Schiſmatis errore, ſuſcepti ſunt: & ſi viſum
eſt opus eſſe, vt eadem officia gererent, quæ gerebant,
non ſunt rursus ordinati; ſed ſicut baptiſmus in eis, ita

ordinatio mansit integra: quia in praefinitione fuerat vitium, quod unitatis pace correctum est; non in Sacramentis, quae ubicunque sunt ipsa vera sunt. — Aliud est prorsus non habere aliud perniciosè habere, aliud salubriter habere. Quicquid non habetur, dandum est cum opus est dari: quod verò perniciosè habetur, per correctionem depulsa perniciè agendum est ut salubriter habeatur.

2. Hoc etiam argumento utitur *AVGVSTINVS*, sicut ordinati in Ecclesia Catholica, si ab ea recedant, non amittunt suos ordines, ideoque si eos Apostasie suae pœniteat, redeantque ad Ecclesiam Catholicam, recipi possunt in suis ordinibus, & si recipiantur, non sunt de novo ordinandi: ita etiam qui ab Hæreticis in ipsa Hæresi ordinem habentibus ordinati sunt habent verum ordinem, neque, si ad Ecclesiam Catholicam veniant, sunt rursus ordinandi. Quapropter, inquit, sicut redeunti non redditur quod foris habebat, sic venienti non repetendum est, quod etiam foris accepit. Vnde consequenter intelligitur perversitatem hominum esse corrigendam, sanctitatem autem Sacramentorum in nullo perverso esse violandam. Constat enim eam in perversis & sceleratis hominibus, sive in eis qui intus sunt, sive in eis qui foris sunt, impollutam atque inviolabilem permanere: & quia dicuntur ea mali polluere, quantum in ipsis est dicuntur, cum illa impolluta permaneant: sed in bonis permanent ad præmium, in malis permanent ad iudicium. Hæc *AVGVSTINVS*.

AVGVSTINVM imitati *PROTESTANTES TEVTONES*, in Apologia Confessionis *AVGVSTANÆ*, Cap. de numero & usu Sacramentorum. Et *IOANNES CALVINVS*, Lib. 4, Instit. Cap. 19, § 28, ordinem de Ministerio verbi & vero Presbyterij munere intellectum vocant Sacramentum. S C O

TVS quidem, in quantum *Sent. Distinct. 24, Quæst. vni-*
ca, dicit, Quod loquendo propriè de sacramento, ordo
non est Sacramentum: quia omne Sacramentum, &c.

Reliqua invenies supra à nobis citata, post Propositionem
 duodecimam. Si cuiquam propositum est litigare de vo-
 cabulo, non certabo. Certum est ordinem sacrum esse spi-
 ritualem potestatem, in homine, à Deo institutam, cum
 promissione gratiæ, *EPHES. 4. 8, 11. ROM. 12.*
6. & 2 TIM. 1. 6.

De excommunicatis distingui solet inter excommu-
 nicatos à jure, & excommunicatos à iudice. Et hi rursus
 vel in cumulo, vel nominatim excommunicantur. De or-
 dinatione per excommunicatos, vide *Caus. 9, Quæst. 1.*
 ubi Glossa discordat à Magistro, Ibidem dicitur, Hære-
 ticos & Schismaticos ipso jure esse excommunicatos, *Can.*
Nes consecrationem, in Glossa.

De Excom-
 municatis.

Excommunicatio privat communione, depositio or-
 dine: sicut in Hæretico potest esse verus ordo, sic in ex-
 communicato. Non enim excommunicatio per se, sed
 quatenus conjunctam habens depositionem, pellit ab or-
 dine. Neque habet omnis excommunicatio conjunctam
 depositionem. Nam *excommunicatio incurritur, quan-*
doque à jure, quandoque à iudice, inquit *SCOTVS*, in
 quantum *Sent. Distinct. 25, Quæst. 1, Num. 11.* At *de-*
positio nunquam à jure, sed præcisè infligenda est à judi-
ce, ait idem *SCOTVS*, *ibid. Num. 4.* Sed annon ag-
 noscebamus, cum *BELLARMINO*, Hæreticos mani-
 festos esse ipso jure depositos? Certè id agnoscimus de om-
 nib⁹ Clericis Hæreticis, quoad jus liciti exercitij, & quoad
 alios ut ab eorum communione abstineant: & eis non
 obediant: sed non est accipiendum de omnibus Hæreticis,
 quoad valorem exercitij, in Sacramentorum administra-
 tione: licet injustæ eorum censuræ, etiam ipso jure nullæ
 sint. Sive autem Episcopi Hæretici, vi sui ordinis, ha-
 beant

beane potestati censuræ, siue nō habeant, (de eo enim nihil impræsentiarū affirmamus) haud dubiè tamen per Hæresin exciderunt jure exercendi eam potestati erga Catholicos; & per iniquitatem sententiæ, ipsa etiam sententia ipso jure nulla est.

Est & quædam excommunicatio partialis, seu potius suspensio alicujus Episcopi à communione Fratrum Comprovincialium, relicta ei interim administratione & communione suæ Ecclesiæ: de qua 18 Distinct. & Caus. 11, Quæst. 3. *Episcopi si.*

De Degradati-
tis.

Degradatio vel est depositio alicujus ab uno gradu, reservato ei alio inferiori gradu; vel est amotio ab omni gradu clericali, & tunc idem est degradatio & depositio; quæ est totalis amotio à statu clericali. Ut scribit SCOTVS in quartum Sent. Dist. 25. Quæst. 1. Num. 4. ibidem tamen se explicans SCOTVS ait, per depositionem non auferri characterem ordinis, & per consequens, nec ipsos ordines susceptos: sed tolli licentiam exercendi actum cujusvis ordinis; & etiam privilegium quod competit ordinatis: & inde talem tradi curiæ seculari. Hæc SCOTVS.

In Glossa, Caus. 9. Qu. 1. in principio hæc ponitur regula; *Hæc ergo sit fides tua quod Hæretici & excommunicati & depositi vera Sacramenta conferunt; & verum Corpus CHRISTI consciunt: ut not. 1. Quæst. 1. Dominus declaravit. Io. Sed è vestigio contradicitur huic Glossæ ibidem; Quod dicit Io. de deposito non credo esse verum: ut 50. Dist. Can. accedens. B. Ego posteriori Glossatori assentior: de deposito plena & perfecta depositione.*

Depositio
prorsus invali-
da.

Est enim triplex depositio: Vna est prorsus invalida & ipso jure nulla: Nam quemadmodum de excommunicatione, ita etiam de depositione verum est quod ait GELASIVS Papa: *Apud DEVM, & ejus Ecclesiam,*
nemin

neminem potest gravare injusta sententia : ita ergo ea se non absolvi desideret, quia se nullatenus perspicit obligatum. Caus. II. Quæst. 3. *Cui est.* Timendam, ait VRBANVS, sententiam Episcopi, licet injustè liget: eodem, *Quibus Episcopi.* Sed non est servanda: Can. *Si Episcopus.* Eodem. *Quando subditi excommunicantur ideo quia ad malum cogi non possunt ; tunc sententia non est obediendum.* Eadem Caus. II. Quæst. 3. *Si is qui præst.* Idem de depositione dicendum est. Talis fuit depositio Episcoporum Catholicorum, per ARIANOS & DIOSCORIANOS aliosque Hæreticos. Nam etiamsi eos à sedibus suis vi abegerint, depositio tamen ipso jure nulla fuit. Alia est depositio semiplena; quando scilicet unius Ecclesiæ Episcopi excommunicant alterius Ecclesiæ Episcopos; vel diversarum Ecclesiarum Episcopi se invicem deponunt, neque tamen quisquam eorum à suis Comprovincialibus deponitur, aut in sua Ecclesia pro deposito habetur. Hæc potius denunciatio est belli Ecclesiastici, & dissolutio Fraternalis commercii, & publica declaratio qua judicium suum hi de illis, & de his illi profitentur; nempe, quod sint depositione digni. Si justum sit judicium, est semiplena depositio. Sic se invicem deposuerunt CYRILLVS ALEXANDRINVS, & IOANNES ANTIOCHENVS; ubi melior fuit causa CYRILLI. Postea autem reconciliati thronos sibi invicem restituerunt. Sic LEO, Episcopus ROMANVS, excommunicavit & deposuit DIOSCORVM, Episcopum ALEXANDRI-
NVM; & DIOSCORVS, LEONEM: ubi melior fuit causa LEONIS. Sic etiam se invicem deposuerunt NICOLAVS primus, Papa ROMANVS, et PHOTIVS, Patriarcha CONSTANTINOPOLITANVS. Plurima hujus imperfectæ depositionis exempla occurrunt in Historia veteris Ecclesiæ. Nec injusta illa, neque semiplena ista depositio evacuat ordinationes à deposito factas. Sed est tertium quoddam genus depositionis; quando nimirum, reus in suo foro, le-

Depositi-
semiplena.

Depositi-
ple-
na & perfecta.

Tollit ordi-
nem & valo-
rem exercitii.

gitimè convictus alicujus criminis, depositionem merentis, per competentis judicis sententiam, ad stipulante etiam illa Ecclesia, cum qua adhuc communionem proficitur, & in qua servit, deponitur ob officio & ordine Clericali.

Talem depositum puto non validè posse ordinare: quia jam caret ipso ordine. Hæc est plena & perfecta depositio. Cujus descriptionem per verba Canonum investigabimus: Sic enim de hac censura loquuntur Canones, ut pro eo quod diceret; *Hic delinquens deponatur*, Canones non solū in hoc dicant, sed etiam, *ab officio deponatur*, 50. Dist. accedens. *Degradetur*, 46. Dist. Clericus maledicus. *Degradetur ab officio*: eadem Dist. Clericus qui. *Gradu careat*, 50. Dist. Clericum qui. *Proprio excidat gradu*, τὸ ἐκείν τὸ ἐκπικρίτω βαθμὴς, Concil. CHALCED. Can. 2. *Ab officij honore deponatur*, 50. Dist. Si Episcopus. *Ab officio retrahatur*, 46. Dist. Clericum. *Repellatur omnino à Sacerdotali honore, omnino deponatur, & ab omni Sacerdotio alienus sit*, Caus. 1, Quæst. 7, Si quis omnem. *A Sacerdotij ordine deiciatur, sacro ordine privetur*, 50. Dist. Accedens. *Ecclesiastica dignitate careat*: 24. Distinct. Quando Episcopus. *A Sacerdotio cadat*, Caus. 1, Quæst. 7, Si quis omnem. *In clericatu non permaneat*; 50. Dist. Ut constitueretur. *In ordinatione Ecclesiastica non habeatur*, 50. Dist. Si quis Presbyter. *Laicam tantummodo communionem accipiat*, 50. Dist. Si Episcopus. *Deiciatur, & Laicam tantummodo communionem in fine vite accipiat*. (Hoc de eo dicitur qui Homicidij, aut facti, aut præcepti, aut Cōsilio, aut defensione post Baptismū conscius fuerit) 50. Dist. Si quis viduam. *Ab omni Sacerdotij officio maneat penitus alienus, concessa ei licentia Ecclesiam ingrediendi & communicandi sicut Laico*, Caus. 11. Quæst. 3, *TEVGALDVM*. *Ab honore sive gradu separetur, & honore seu gradu nudetur*,

tur, NOVEL. 123, Cap. 21. *Sacro ordine careat*, 50. Dist. Per-
venit. *Ordinatione privetur*, Caus. 15, quæst. 8, Qui admisit.

Clerici igitur depositio plena & perfecta, est ejus degra-
datio & dejectio ab officio, honore, dignitate, ordine, &
communione Clericali; adeo ut jam sacro ordine careat,
nec in Clericatu permaneat, nec in ordinatione Ecclesiasti-
ca habendus sit, quippe ordinatione privatus, ordine & gra-
du nudatus, privatus, ab eoque separatus, ut illi in Eccle-
siasticis plus non sit relictum quam Laïco, puta ut Eccle-
siam ingrediatur, & Laïcam cum Laïcis, non autem Cleri-
calem cum Clericis, communionem accipiat.

Quid sit depo-
sicio Clerici,
plena & per-
fecta.

Laïca illa cōmunio non fuit cōmunio sub una tantum
specie, sicut pueriliter nugatur BELLARM. lib. 4, de Eucharis-
tia, cap. 24, §. *Sed neq. hæc*. Sed fuit sub utraq. specie cōmu-
nio extra cancellos sanctuarii, seu loci illius qui erat Episco-
po, et Presbyteris, et Diaconis tributus. Eratq. Laïcis, cele-
brationis tempore, inaccessus; et dicebatur etiam Presbyte-
rium, et Diaconicum, *διακονικὸν*, et Sacrarium, et Secreta-
rium. THEODORETUS vocat τὰ ἐνδὸν τῶν κληρικῶν, loca
intra Cancellos. THEOD. lib. 5, hist. Eccl. c. 17: Concil.
LAOD. can. 21: et dist. 23, can. *Non oportet Subdiaconos*: et
Conc. BRACARENS. 1, can. 31: et ex Concil. AGATHENS.,
apud GRATIAN. 23, dist. *Non oportet in saecratos*: et, de con-
secratione, dist. 2, can. *Sacerdotum*. Hoc de Laïca commu-
nionē obiter sufficiat. Redeo ad Depositos.

Laïca com-
munio.

Distinguendum est inter licentiam exercitii, sive jus li-
citi exercitii, & exercitii sive liciti, sive illiciti valorem. Vel
potius distinguantur hæc tria; Potestas ordinis, Licentia
exercitii, Valor exercitii. Non à licentia exercitii, sed ab
ordinis potestate pender exercitii valor, in ordinatione, &
quorumcunque Sacramentorum administratione. (Nam
de censuris alia est ratio, ut supra monuimus.) Ideo suspen-
si, excommunicati, hæretici, quamvis non licitè exercent
ea quæ sunt ordinis clericalis, validè tamen in prædictis ea
exercent quamdiu ipsi servant ordinē, & potestatem ordinis,

quam ista non tollunt. At depositus depositione plena & perfecta non validè exercet ea quæ sunt ordinis, quia ipse caret ordine & potestate ordinis. Et jam non nisi Laicus est, et tanto deteriore conditione quàm alii Laici, quod longè difficilior sit ejus restitutio, quàm aliorum Laicorum promotio. De hoc vide apud *GRATIANUM*, Distinct. 50, et Caus. 1, Quæst. 7. *SCOTVS* non negat posse restitui depositos, *Quamvis*, inquit, *legitimè depositus non legatur postea restitutus*. In quantum sent. Distinct. 25, quæst. 1. Num. 5.

De Characte-
re.

Quid igitur dicemus de indelebili Characterè? nam ij qui negant vlla depositione tolli ordinem; verba Canonum, quibus depositi dicuntur ordine carere, &c. Aiunt esse intellegenda quoad executionem, non autem quoad Characterem. Et cum semper maneat Character, qui ordinatione impressus est, inde colligunt semper manere ipsum ordinem. Sicut semper manent Baptismus, & Confirmatio; neque possunt vel amitti vel iterari. In his enim tribus Sacramentis imprimi Characterem.

Respondeo: 1. Certum est, Baptismum non esse iterandum; qui autem Baptismum iterari non posse probat, per hoc quod in baptismo imprimatur Character indelebilis; *Ille probat propositum manifestius per immanifestius*, inquit *SCOTVS*, in quantum Sent. distinct. 6, Quæst. 7, Num. 2. Item: *necessitas talis formæ impressæ non apparet, etiam secundum ea quæ sunt credita de baptismo: quia nec Scriptura sacra istud exprimit esse necessarium in Baptismo, nec sancti, explicitè; nec sequitur evidenter ex veritate Baptismi credita*. eadem Distinct. Quæst. 9, Num. 4. Item; *ROMANA* autem Ecclesia videtur sentire Characterem imprimi in Baptismo, sicut dicit *INNOCENTIUS* tertius, extra, de Baptismo. — Propter ergo solam auctoritatem Ecclesiæ quantum occurrat ad præsens, est ponendum Characterem imprimi. Eadem

dem Quæst. Num. 14. Hæc *SCOTVS*. Cur autem tantum tribuat *SCOTVS* Ecclesiæ *ROMANÆ*, vt quod neque ratione, neque experientia, neque per sacras *SCRIPTURAS*, neque Patrum testimonijs probari potest, id admittat propter solam auctoritatem Ecclesiæ *ROMANÆ*; indicat *SCOTVS*, loco proximè citato: nempe, *Quia, sicut habetur extra, de Hæreticis, ad abolendam; sentiendum est de Sacramentis Ecclesiæ, sicut sentit Ecclesia ROMANA*. At nos nuperum illud decretum *LVCII* Papæ tertij (qui sedit Anno *DOMINI* millesimo centesimo octogesimo tertio) non tanti facimus, vt ex personis probemus fidem: sed potius ex fide probamus personas. Non enim novis revelationibus nunc regitur Ecclesia, vt rectè scripsit *BELLARM.* Lib. 4. de verbo *DEI*, Cap. 9. Hæc prima responsio est.

2. Quid sit Character, & in quo subjecto, nondum consenserunt Theologi. vide *BONAVENT.* in quartum Sent. Distinct. 6, Art 1, Quæst. 1. vbi variæ adferuntur pugnantes sententiæ. *THOM.* in quartum Sent. Distinct. 4. Quæst. 1: *SCOT.* in quartum Sent. Dist. 6, Quæst. 10, & 11: vbi *THOMÆ* sententiam *SCOTVS* refellit.

3. Posito manere aliquem Characterem indelebilem, post depositionem, non tamen sequitur manere ipsum ordinem vel potestatem ordinis; aut depositum validè ordinare. Nam etiam in Inferno, in damnatis, & in anima etiam separata, manet ille indelebilis Character, vt docet *BONAVENTURA*, in quartum Sent. Distinct. 6, Quæst. 5, & *SCOTVS* ibidem, Quæst. 9, Num. 19. Nemo autem sanus dicet manere ordinem in Inferno, & posse eum, qui aliquando fuit Episcopus, jam validè baptizare & ordinare in Inferno. Neque obijci potest homines non esse idoneos in Inferno, qui baptizentur aut ordinentur; nam nulla ratio reddi potest cur Clerici retineant potestatem acti-

vam conferendi, magis quam Laici potestatem passivam suscipendi: vtraque enim frustra & inutiliter manet.

4. *BONAVENTURA* ait eos, qui sunt in minoribus ordinibus constituti, posse licitè redire ad laicatum: & tamen manere in eis Characterem: in quartum Sent. Distinct. 24, Art. 1, Quæst. 1. Ergo ex eo quod maneat Character, non sequitur ipsum quoque ordinem manere.

5. Si quæras ex *BONAVENTURA* ad quid igitur maneat Character: respondet ipse ibidem; *Character omnium ordinum manet in anima, sive revertentis ad Laicatum, sive morientis, ut signaculum distinctivum: & hoc vel ad gloriam, si bene usus est; vel ad ignominiam, si malè: nec oportet quod maneat semper quantum ad usum Ministerij: quia iste usus quodam modo convertitur in premium, vel supplicium.* Hæc *BONAVENTURA*.

6. Manet quidem aliquid in deposito distinctivum, quo ab aliis Laicis distinguitur: ad distinctionem autem non est necessaria aliqua impressa forma, sed sufficit actus transiens in præteritum, nempe, quod sit aliquando ordinatus: ut docet *SCOTVS*, in quartum Sent. Dist. 6, Quæst. 9, Num. 10, & 18. Manet in deposito non Character præsentis alicujus officij aut potestatis, sed vestigium quoddam præteriti honoris & aliquando habitæ potestatis: per quod vestigium ab alijs Laicis, nunquam ordinatis, distinguitur: & peracta sufficienti pœnitentia, si idoneus inveniatur, & utilitas Ecclesiæ postulet, restitui poterit absque nova ordinatione. Veluti si Princeps aliquis satrapis suis imprimi vellet officiorum, quæ gererent, stigmata seu Characteres: Et candenti ferro inureretur brachio camerarij figura clavis, & brachio hipparchi, sive præfecti equitum, imago equi, & brachio pincernæ imago scyphi. Et postea accideret ut offensus Princeps illos merito ab officijs deponeret, aliisque officia illa donaret

naret: & hos etiam officiorum Characteribus signandos curaret. Stigmata illa quæ in nō depositis erāt Characteres præsentis potestatis, essent in depositis vestigia duntaxat præteritæ potestatis: neque jam magis validum esset quicquid isti depositi agerent eorum quæ ad officia illa pertinerent, quam si quisquam alius privatus illud ageret, qui tale officium nunquam gessisset. Quamvis in hoc sit discrimen, quod, si placeret Principi depositos istos restituere, non opus esset nova signatione: sed illud vestigium pristinæ potestatis evaderet rursus Character præsentis potestatis. Nolim quidem de hoc funem contentionis ducere: dixi tamen quid sentiam de depositis.

Hortor autem Papistas, ut Missa posthac contra nostrorum Pastorum vocationem vitiligatione, irritos suos conatus jam sæpius experti, convertant se ad suos Sacerdotes, ubi facilior erit victoria. Interrogent eos de ordine sui Sacerdotij; utrum sint Sacerdotes secundum ordinem AARON, an secundum ordinem MELCHISEDEC. Neutrum enim rectè dici potest. Videntur quidem TRIDENTINI Sacerdotium suum, quod appellant Sacerdotium NOVI TESTAMENTI, referre ad ordinem MELCHISEDEC, Concil. Trid. Sess. 22. Sed imperitè & sacrilegè.

Nam 1. Sacerdotium NOVI TESTAMENTI, secundum ordinem MELCHISEDEC, non convenit pluribus, sed uni CHRISTO, & per hoc differt à Sacerdotio Aaronico, HEBR. 7. 23, 24.

2. Vnus ille nullos habet successores, nam in æternum habet Sacerdotium intransitivum ἀπαράλλατον, HEBR. 7. 24.

3. Nulli peccatori, aut habenti infirmitatem, convenire potest hoc Sacerdotium, HEBR. 7. 26, 27, 28.

4. in Sacerdotio secundum ordinem MELCHISEDEC, est unum tantummodo Sacrificium, non plura, HEBR. 10. 12.

De Sacerdoti-
bus, & sacrificiis
cio Missæ.

1.

2.

3.

4.

5. 5. Sacrificium est ipse Sacerdos, qui per Spiritum æternum seipsum obtulit inculpatum DEO, HEBR. 7. 27. & 9. 14, 26. EPHES. 5. 2.
6. 6. Hoc Sacrificium non *QUOTIDIE* neque *SÆPE* [*ἡμερᾶν, ἑδὲ πολλάκις*] offert, sed illud semel [*ἅπαρ ἑφάπαρ*] obtulit, nunquā postea offerendū. HEB. 7. 27. & cap. 9. vers. 12, 25, 26, 28. & cap. 10. vers. 10, 11, 12.
7. 7. Post illam unicam oblationem semel peractam, nullus relictus est locus ulli novæ sive hujus ipsius sive alterius cujuscūq. sacrificij oblationi pro peccatis; HEB. 10. 12, 14, 18. est μία θυσία, unica victima sive hostia, vers. 12. μία προσφορά, ἑφάπαρ, unica oblatio semel facta, vers. 10, 14. ἐκ ἐκείνης προσφοράς περὶ ἁμαρτίας, non est amplius oblatio pro peccato, vers. 18. Id est, neque alia res est, quæ in propitiationem offeratur, neque est alius actus oblationis propitiatoriae. TRIDENTINI aiunt CHRISTVM in Cœna novissima corpus & sanguinem suum, sub speciebus panis & vini DEO Patri obtulisse, & Apostolos ibidem constituisse Novi Testamenti Sacerdotes, eisque & eorum successoribus, ut offerrent, præcepisse, per hæc verba, *HOC FACITE IN MEAM COMMEMORATIONEM*. Concil. TRID. Sess. 22, Cap. 1. At credendum potius sacre Scripturæ, quæ dicit, eum non sæpe [*πολλάκις*], sed semel [*ἑφάπαρ*] se obtulisse. Et illa unica oblatione, semel facta, æternam redemptionem nactum esse, abolevisse peccatū, nos sanctificasse, & in æternum consummasse [sive cōsecrasse *περιωκέναι*] eos qui sanctificātur. Et huic unicæ oblationi semel peractæ subjungit sacra Scriptura, *τὸ λοιπὸν, de cætero*, seu *id quod superest*, & *ἐκ δευτέρου, secundo loco*, expectationem complementi illius promissionis de subjectione inimicorum ejus, ut fiant scabellum pedum ejus; & ultimum ejus adventum in gloria, in die judicii, HEBR. 10, 13, & Cap. 9, vers. 28.
8. 8. Quotiescūq. CHRISTVS offertur in remissionem pecca-

peccatorū, toties moritur; non enim impetrat remissionem, nisi qua Mediator NOVI TESTAMENTI, ubi autem Testamentum est, mors intercedat necesse est Testatoris, & quotiescunque seipsum offert ad tollenda peccata, necesse est ipsum pati, HEBR. 9, 15, 16, 25. Inanissimum igitur est commentum Sacrificii propitiatorii incruenti.

9. In tota Cœnæ institutione & celebratione, nulla prorsus vel levissima sit mētio Sacrificii, aut Oblationis, aut Sacerdotii, nisi in illis verbis, QVOD PRO VOBIS FRANGITVR, &, QVI PRO MVLTIS EFFVNDITVR IN REMISSIONEM PECCATORVM. Quæ verba ipsam CHRISTI in Cruce passionem & mortem significant: in Missæ autem Sacrificio negāt Pāpistæ CHRISTVM in se quicquam verè pati, aut mori, aut Corpusejus verè frangi, aut Sanguinem ejus verè effundi. Vide, de cōsecratione, dist. 2, Can. Ego BERENGARIVS, in Glossa: & Concil. TRID. Sess. 13, Cap. 3.

10. In ipsa Cœnæ celebratione DOMINVS Oblationem PRO NOBIS, & IN REMISSIONEM PECCATORVM, nullam aliam commemorat, nisi eam qua Corpus ejus fractum est, & Sanguis ejus effusus, & ipse mortuus est. Et hanc Oblationem, hanc mortem nobis cōmendat in Eucharistia cōmemorandam, non iterandam. Impiè igitur faciunt, qui absque DEI Verbo remissionem peccatorum, et salutem, ex alia quacunque Oblatione, tanquam verè Propitiatoria, exspectant. Vt mur Sacramento tanquam instrumento gratiæ, et symbolica cōmemoratione mortis CHRISTI, veriūque illius & proprii Sacrificii Propitiatorii pro nobis semel oblatis: sicut DOMINVS præcepit. At non tanquā vero & proprio Sacrificio propitiatorio, sicut ipsū vocant TRID. sess. 22. can. 1, et can. 3, affirmantes, de Sacramento propriè, quod propriū est rei, et non nisi symbolicè et sacramentaliter cōpetit Sacramēto.

11. Cum illa verba Sacrificatoria, saltem mactationem significantia, FRANGITVR, EFFVNDITVR, intelligant

Papistæ non propriè, sed metonymicè, ut fractionem et effusionem in Sacramento Eucharistiæ ad solas referant species; illaſo CHRISTI corpore et sanguine; de consecratione, *Distinct. 2. Ego Berengarius*, in *Glossa*; et *Concil. Trident. Sess. 13. Cap. 3.* Cur tantopere urgent sensum proprium, vocabuli, *CORPVVS*? cùm etiam *TESTAMENTVM* necesse est tropicè interpretentur. Si nulum admittunt in DOMINI verbis tropum, omnia propriè interpretentur: sia alicubi tropum esse contendant, cur tantopere aversantur tropicam expositionem vocabulorum, *CORPVVS*, *SANGVIS*, in subjectis earum propositionum, quarum attributa, *FRANGITVR*, *EFFVNDITVR*, ipsi tropicè exponunt?

12.

12. Cum solarum specierum fractio & effusio non possit esse pro nobis propitiatoria, seu meritoria remissionis peccatorum, & salutis æternæ; fractio autem & effusio illa, de qua in Cœnæ institutione loquitur DOMINVS, sic *PRO NOBIS* propitiatoria, et meritoria *REMISSIONIS PECCATORVM*, et salutis æternæ; certû est intelligi illam ipsam *FRACTIONEM* et *EFFVSIONEM*, quæ facta est in illa unica oblatione, qua se CHRISTVS tradidit pro nobis in oblatione et victimam DEO, in odore bonæ fragrantiae, *EPHES. 5. 2.* Animâ suâ ponens pro ovibus, *IOAN. 10. 15.* Quemadmodum igitur fractio, quæ fit in celebratione Eucharistiæ, est ea ipsa fractio qua fractum est corpus CHRISTI morientis in Cruce; ad eundem etiam modum illud, quod in Eucharistia corpus CHRISTI appellatur, est illud ipsum verû CHRISTI corpus, quod ex Virgine sumptum, & in Cruce pro nobis verè fractum est. Ipse quidè CHRISTVS in ea celebratione immolatur, non tamen *in seipso*, sed *in Sacramento*. (Hæc duo inter se opponit *AVGVST. epist. 23.*) Ita etiam quod nobis sub specie panis datur in Cœna, est ipsissimum CHRISTI corpus, non *in seipso*, sed *in Sacramento*: hoc est, est ipsissimi illius corporis Sacramentum.

13.

13. Quod dicunt TRIDENTINI, *Sess. 22. Oblationis illius*

lius craente fructus per hanc incruentam, aberrimè percipi; tantum abesse, ut illi per hanc quovis modo derogetur: salutarem enim illius craente oblationis virtutem, in remissionem eorum, quæ à nobis quotidie committuntur, peccatorum, per hanc incruentam oblationem applicari. Hoc, inquam, nullarum est virium ad suffulciendum eorum placita de vero, & proprio, & propitiatorio Sacrificio. Nam talis Sacrificii est mereri; applicatio autem fieri potest sine novo merito, sine nova oblatione propitiatoria. CHRISTVS illa sua unica oblatione meritus est, et impetravit peccatorum remissionem, ejusque applicationem omnibus illis quos ea oblatione sanctificavit, & consummavit in æternum: neque est ampliùs ulli oblationi pro peccato locus relictus, HEBR. 10. 10, 14, 18. Applicatur quidem illius oblationis salvifica virtus per Sacramenta, ut per media applicativa, sed non ut per sacrificia meritorie impetrativa. Fide applicatur nobis fructus passionis CHRISTI, sed fides nostra non est sacrificium propitiatorium. Sic de Baptismo. Cerrè aliud est applicare gratiam impetratam; ejusve applicationem, prece supplice, ex DEI reconciliati misericordia impetrare: aliud verò meritorie & expiatorie impetrare gratiam applicandam, aut ipsam applicationem. Hoc perfecte factum est per unicam illam unici illius verè propitiatorii sacrificii oblationem cruentâ, à CHRISTO peractam: illa verò sunt per Verbum & Sacramenta, & per Fidem, & per supplicationes, sine ulla nova oblatione propitiatoria, nam prima illa sufficit. Neque quicquam relictum est, quod per aliam aut alterius modi oblationem meritorie impetretur. DEVS enim quoad λύτρον & meritum, perfecte propitiatus est nobis, per primam illam oblationem. Neque opus est alia Oblatione propitiatoria, neque ei locus esse potest: nisi (quod cogitatu blasphemum est,) dicatur CHRISTVM illa sui unica oblatione non obtinuisse æternam redemptionem

E f. 3. creden

eredentibus, non abolevisse eorum peccata, non sanctificasse eos, non consummasse in perpetuum: nos non habere perfectam redemptionem & peccatorum remissionem per Sanguinem ipsius, id est, per cruentam illam oblationem. Eucharistia igitur Sacramentum quidem est applicativum salutaris virtutis veri illius & proprii Sacrificij propitiatorii, semel à CHRISTO, cruenta immolatione, oblati; sed ipsa non est verè & propriè Sacrificium propitiatorium.

14.

14. *BELLARMINVS*, Lib. 1, de Missa, Cap. 2, §. ult. affirmat ad verum Sacrificium requiri, ut id, quod offertur DEO in Sacrificium, planè destruat, id est, mutetur, & desinat esse id, quod antè erat: & in hoc maxime differre sacrificium à simplici oblatione, qua interdum ritu mystico elevabatur coram DEO; sed non destruebatur, nisi quando verè sacrificabatur. Et ideo requiri in Sacrificio, ut non solum usus rei DEO offeratur, sed ipsa etiam substantia: & ideo non solum usus, sed substantia consumatur. Hæc *BELLARMIN.* Hinc infero CHRISTVM in Cœna non verè sacrificari, quia non ita destruitur, ut quoad substantiam desinat esse id quod antè erat, sicut factum est in Cruce per separationem animæ à corpore. Audi lepidam responsionem ipsius *BELLARMI.* eodem Lib. Cap. 27, §. Tertiò per. Quamvis corpus CHRISTI nullam in se lationem patiat, neque esse suum naturale amittat, cum manducatur Eucharistia; tamen, amittit esse sacramentale, & proinde desinit realiter esse in altari, desinit esse cibus sensibilis. Hæc ille. Perinde ac si diceret; satis ad rationem veri Sacrificij fuisset, si CHRISTVS vestem suam ex lana aut lino aut etiam ex folis accidentibus confectam, tradidisset cruci affigendam, modo ille tamdiu lateret sub illa veste aut illis accidentibus, tacitus spectator ridiculi dramatis, donec crucifixio illa peragere.

geretur; ipso interim illaeso, nullaque tristitia affecto, aut doloris sensum experiente. Certè hoc est impia Gnostico-
rum & Aphtharditarum deliramenta ex orco arcessere:
sicut ostendemus argumento 16. Viden' quam sacrilegum
ludibrium sit Missa Papistica. Observa obiter, Papista-
rum futilitatem quando legunt apud *GRATIANNUM*
illa *AMBROSII* verba, de consecratione Eucharis-
tiæ, *Operatorius est sermo DOMINI, ut sint quod*
erant, & in aliud commutentur. 2. Dist. de consecra-
tione, Can. *Panis est*, statim exclamant, perire substan-
tiam panis, & in aliam converti substantiam. Et tamen in
defensione Sacrificij Missæ illa verba, *Desinit esse id, quod*
antè erat, exponunt de accidentali duntaxat mutatione.
AMBROSIVS ait, elementa Eucharistica esse quod
erant: *BELLARMIVS* ait, victimam in vero Sacri-
ficio desinere esse id quod erat, & quidem per consump-
tionem substantiæ. Hoc obiter.

15. Scriptura dicit, castigationem pacis nostræ
CHRISTO esse impositam; & nos vibice ejus
sanatos esse, *ESAI.* 53, 5. Et *DEVM* proposuisse
CHRISTVM propitiationem, [*ἱλασμεν*] per fi-
dem, in ipsius sanguine, *ROM.* 3, 25. Et sanguinem
IESV CHRISTI purgare nos ab omni pecca-
to, 1, *IOAN.* 1, 7. Et absque sanguinis effusione non
fieri remissionem, *HEBR.* 9, 22. *PETRVS* Aposto-
lus ait *CHRISTVM* pertulisse peccata nostra in cor-
pore suo super lignum, ut peccatis mortui, iustitiæ vive-
remus, ejusque vibice nos sanatos esse, 1. *PETR.* 2, 24.
Neque enim parvo constitit peccatorum remissio, *ESAI.*
53. *MATH.* 20, 28. *LVC.* 22, 44: *ROM.* 5, & 1.
PETR. 1, 19. Certè, sicut argumentatur Apostolus de
lege; *Si per legem est iustitia, igitur CHRISTUS*
sine causa mortuus est, *GALAT.* 1, 21. Sic etiam de

15.

commentitia ista incruenta propitiacione dicere possumus; Si per oblationem incruentam propitiatorie obtineri potest *misericordia & gratia, & donum pœnitentia, & criminum, ac peccatorum etiam ingentium dimissio*: ut asserunt *TRIDENTINI*, Sess. 22, Cap. 2. Frustra *CHRISTVS* tanta ac talia passus & mortuus est. Neque dici potest necessariam fuisse oblationem illam cruentam, ut virtutem daret propitiatoriam huic incruentæ. Nulla enim oblatio dici potest verè ac propriè propitiatoria, nisi quæ non aliunde indiga, per se & ex se, virtute propria, non alterius cuiusquam oblationis virtute, reconciliat: quæ est per se verum ἀντίλυτρον, 1. *TIM.* 2, 6. Præterea peccata, quorum remissionem promeritus est *CHRISTVS* sua illa unica oblatione cruenta, ita plenè remittit *DEVS* propter unicam illam oblationem, & ita penitus obliviscitur, ut nullus locus reliq̃ sit ulli novæ oblationi pro peccatis, *HEBR.* 10, 10, 14, 15, 16, 17, 18.

16.

16. Omne Sacrificium est aliquid complexum, & coagmentatum ex materiali & formali; materia sacrificij est res ea quæ offertur; forma est ipse oblationis actus. Hæc forma non existit sine determinata materia: Et quemadmodum de Sacramento dicitur; *Accedit verbum ad elementum, & fit Sacramentum*: ita etiam de Sacrificio, accedit oblatio ad materiam sive rem offerendam, & fit Sacrificium. Materia quidem Sacrificij potest esse sine forma; sed non est Sacrificium donec accedat forma. Idcirco *BELLARMINVS* Sacrificij propriè dicti genus ponit oblationem. Et sic explicat; *Dicimus esse oblationem, ut genus Sacrificij indicaremus: hoc enim loco Sacrificium accipimus PRO ACTIONE SACRIFICANDI*; non pro ipsa victima, quæ Sacrificatur: tametsi ipsa etiam Sacrificium dici solet. Sacrificium igitur pro actione acceptum, species est oblationis: id enim

est Sacrificium quod propriè & per se ad actionem Sacerdotis pertinet. Hæc BELLARM. Lib. 1, de Missa, Cap. 2, §. Primo igitur. Et hoc sensu contendit Missam esse Sacrificium propitiatorium; eodem Lib. Cap. 5, & Seqq. & Lib. 2, de Missa, Cap. 1, & sequentibus. Actus autem oblationis tunc facit verum DEO que acceptum Sacrificium, quando fit secundum Legem DEI, & ut placeamus DEO. Vnde SAMUEL collatione instituta inter materiam victimarum umbratiliam, & obedientiam, ait; *obedire melius est quàm Sacrificium; & ascultare, quàm adæps arictum.* 1. SAM. 15. 22. CHRISTVS homo erat, antequam sacrificaretur; tunc autem evasit sacrificium, quando obedienter, juxta mandatum DEI, seipsum obtulit victimam DEO in odorem bonæ fragrantiae. Ipse fuit sacrificij materia, obedientia ejus in actu offerendi, fuit forma sacrificij; & hæc duo faciunt unum sacrificium propitiatorium. Quamvis enim huic materiae nihil desit ad infinitum valorem, in ratione materiae; ad rationem tamen perfecti sacrificij necessarius est actus oblationis & obedientiae. Vnde virtus propitiatoria illius sacrificij in sacris literis tribuitur interdum obedientiae, non exclusa materia, sed cum ejus connotatione. ROM. 5. PHILIP. 2. interdum verò materiae, non excluso actu obedientiae in offerendo, ut quando dicimur redemptionem habere in sanguine CHRISTI, & redempti esse pretioso ejus sanguine. COLOSS. 1. 14. & 1. PETR. 1, 19. Propitiatio igitur, & reconciliatio fit, valore quidem rei, sed obedienter oblatae; & fit, merito quidem obedientiae, sed præstitae in oblatione illius rei. Et si ve dicas rem esse Sacrificium, cum connotatione actus obedientiae; si ve dicas actum obedientiae esse Sacrificium, cum connotatione rei obedienter oblatae; si ve dicas rem oblatam, vel oblationem rei esse Sacrificium Propitiatorium; verum dicis, & congruenter sacris Scripturis. Hæc certa sunt, & indubitata. Hæc quæ DEVS

conjunxit, homo ne separet. Hinc sic argumentor; qui verè offert DEO sacrificium pro hominibus verè ac propriè propitiatorium; illius in offerendo obedientia est verè & propriè propitiatoria, adeoque merito sui actus sive obedientiæ propitiat DEVM hominibus: at solius CHRISTI obedientia in offerendo est verè & propriè propitiatoria, solus CHRISTVS merito sui actus seu obedientiæ propitiat DEVM hominibus; & hoc nulli alteri. Præter CHRISTVM, vel post CHRISTVM, vel cum CHRISTO, vel sub CHRISTO, vel ante CHRISTVM, vel quolibet alio modo convenit. Ergo solus CHRISTVS vere offert DEO sacrificium pro hominibus, verè ac propriè propitiatorium. Major est manifesta, ex fundamento posito de natura sacrificij. Minorem tradit Apostolus, in Epist: ad ROM. Cap. 5, vers. 16, 17, 18, 19: ubi docet, per unius CHRISTI obedientiam redundantem accipere gratiam, & donum justitiæ, & justificari in vitam, justosque constitui omnes eos qui peccatorum remissionem consequuntur.

17.

17. Qui asserunt Sacrificium Missæ esse verum et proprium Sacrificium propitiatorium; illi præbent patrocinium abomandis illis Hæreticis, Saturninianis, Marcionitis, & Manichæis, qui impiè dicebant CHRISTVM non verè, sed putativè, et in phantasmate passum esse: sicut de eis scripserunt TERTULLIANVS, Lib. de præscript. Cap. 46, et Cap. 51: et AUGUST. hæres. 46: quidenim opus fuit eum verè pati, cum offerre potuerit *Sacrificium incuruentum, divinum, verè ac propriè propitiatorium, & per illam incuruentam oblationem DEVM placare, & obtinere hominibus misericordiam, & gratiam in auxilio opportuno; & donum penitentia, & criminum ac peccatorum, etiam ingentium dimissionem?* sicut quotidie fieri per eam oblationem, quæ Sacerdotum ministerio peragit

peragitur, affirmant **TRIDENTINI**, Sess. 22. Cap. 2. Quanto magis id efficeretur per eam oblationem incruentam, quæ ab ipso **CHRISTO**, nullius alterius mediante sacerdotali opera, perageretur.

18. *Nemo sibi ipse sumit honorem Sacerdotii, sed qui vocatur à DEO, sicut & AARON. Ita CHRISTUS non sibi hunc honorem tribuit, ut fieret Pontifex; sed is, qui dixerat ei, Filius meus es tu; Ego hodie genui te. Sicut alibi dicit, Tu es Sacerdos in æternum, secundum ordinem Melchisedec, Hebr. s. 4, 5, 6. Propterea diligit me Pater, quia ego pono animam meam, ut rursus sumam eam. — Hoc mandatum accepi à Patri meo, inquit DOMINVS, apud IOANNEM, Cap. 10, vers. 17, 18. Legimus autem in sacris Literis, CHRISTVM constituisse in Ecclesia sua Pastores & Doctores, Æconomos, Episcopos, Presbyteros, Diaconos; at de institutione Sacerdotum, qui CHRISTVM immolent, nihil prorsus invenitur in sacris literis. Quid ad hoc **TRIDENTINI**? furiosi bruta jactant fulmina; & sonitus imitantur olympi, instar **SALMONI** illius,*

*Qui, demens, nimbos, & non imitabile fulmen
Ære, & cornipedum cursu est imitatus equorum.*

ÆNEID. 6

*Si quis, inquit, dixerit, illis verbis, HOC FACITE IN MEAM COMMEMORATIONEM, CHRISTVM non instituisse Apostolos Sacerdotes; aut non ordinasse, ut ipsi aliq. Sacerdotes offerrent corpus & sanguinem suum: Anathema sit. Concil. **TRIDENT.** Sess. 22, Can. 2. Quid igitur? Num eo sensu accipiunt hoc loco verbum, FACITE, quo à **VIRGILIO** dictum est, Cum faciam vitula? at verba illa dicuntur Apostolis, etiam ut convivis [**1. CO. RINTH. 11. 25, 26.**] Et illo præcepto tenentur fideles*

accipere & comedere in commemorationem DOMINI, sicut tunc fecerunt Apostoli; quemadmodum Pastores tenentur panem accipere, & gratias agere; panemque frangere, & distribuere, &c. Sicut tunc fecit DOMINVS. Vt taceā *HOC* in latina versione, esse accusativi casus. Ineptum quoque esse interpretari verbū *FACERE*, sensu sacrificatorio, ubi nulla in tota reliqua narratione, sit sacrificij aut oblat. mentio. Sed *Catholici non tam ineptè argumentantur*, inquit *BELLARMINVS*, loquens de Papistis, Lib. 1, de Missa, Cap. 12, §. *Sed errant*. Quomodo igitur argumentantur? Responder eodem capite *BELLARMINVS*, *DOMINVM* iussisse Apostolos hoc facere, quod ipse *DOMINVS* fecit in Cœna. Ipsum autem *DOMINVM* in Cœna obtulisse corpus suum in sacrificium. Idque probat ex verbis *DOMINI, DATVR, FRANGITVR, EFFVNDITVR*, quæ verba sunt præsentis temporis, & præsentem significant dationem ac fractionem corporis *CHRISTI*, & effusionem sanguinis ejus, idque, pro vobis, pro multis; id est, *DEO* in sacrificium pro multis. Postea tamen eodem Cap. *BELLARMINVS* ait, sanguinem *CHRISTI* in cœna non egredi re ipsa de corpore. Respondeo: Quis sit verus sensus illorum verborum *DOMINI*, quod pro vobis *DATVR, FRANGITVR, qui pro vobis EFFVNDITVR*, docuimus supra, Arg. 12. Deinde cum illa verba proferret *DOMINVS*, jam dederat, vel saltem dabat, discipulis panem fractum & calicem cū vino effuso: neque ipse tunc frangebatur, aut effundebatur.

Quæro etiā, utrū *CHRISTVS* obtulerit in Cœna Corpus suum *DEO* in sacrificium sub speciebus panis & vini, ante prolationem illorum verborum, *HOC EST CORPVS MEVM*: an post: an ipsa prolatione, quam consecrationem vocant. Non ante; quia nondum erat ejus corpus sub illis speciebus, ut ipsi docent: non ipsa prolatione eorum verborum, nam verba illa non sunt sacrificatoria, neque oblationem significant: *CORPVS* quidem significat materiam sacrificij

sacrificij; sed verbum *EST*, non significat oblationem seu immolationem, ac si sensus esset, *HOC EST*, id est, *HOC IMMOLATUR*. Qua exponendi licentia introducta; non solum relinquetur significatio propria, quam tantis clamoribus urgent; sed etiam infinitas in Sacris *SCRIPTURIS* inveniemus factas immolationes. Neque post prolationem illorum verborum: quia, ut dixi, jam dederat Panem *DISCIPULIS*, aut saltem dabat, & illi accipiebant; & inter dandum pronunciabat hæc verba, *ACCIPITE, EDITE, HOC EST CORPUS MEUM*, &c. Neque postea recepisse ab eis legitur, ut offerret *DEO* in sacrificium; neque post prolata illa verba, *HOC EST CORPUS MEUM*; *Hic est Sanguis meus*, iteratò fregisse panem, aut effudisse vinum: sed tantum verbis illis exposuisse quid præcedenti illa *FRACTIONE* ante *DATIONEM* facta, & vino, jam in poculo, extra uvas, potabili, significare voluerit. Nempe ipsissimam illam cruentam sui oblationem, pro multis, tunc quidem futuram, nunc autem præteritam, *in seipsa*; in omni tamen sacre Cœnæ celebratione præsentem *in Sacramento*. Rectè *AVGUSTINVS*, *in Sacramento, non quid sint, sed quid ostendant, semper attenditur: quoniam signa sunt rerum, aliud existentia, aliud significantia*. *AVGUSTIN.* Lib. 3, adversus *MAXIMINVM*, Cap. 22. Cum igitur sacrificatores isti non possint vocationis suæ tabulas ostendere; cogitent æqui rerum æstimatores, quo recidat illud *TRIDENTINORVM*, temeraria impietate & impia temeritate eructatum, anathema. *Sicut passeris est vagari, & ut hircinis est volare, sic maledictio sine causa prolata non venit*, ait *SALOMON*, *PROV. XXVI, 2*. Interea timeant Sacrificatores isti Apostolicam illam anathematis denunciationem, in eos, qui nobis evangelizant, præterquam quod in *SCRIPTURIS* legalibus,

& Evangelicis accepimus, *G A L A T.* 1. 8, 9: *AVGVSTIN.* Lib. 3, contra literas *PETILANI*, Cap. 6.

OBIEC-
TIO.

Num igitur damnamus illam Patrum loquutionem, qua pastores appellabant, Sacerdotes, & Eucharistiæ celebrationem sacrificium?

RESP. I.

Respondeo. 1. Non damnamus. Attamen *ab initio non fuit sic*. Audiamus ipsum *BELLARMINUM*; Dico, inquit, *Primos Christianos, propter recentem memoriam Sacerdotij AARONICI, abstinnisse non solum à vocabulo templi, sed etiam Sacerdotij, ne viderentur adhuc durare Iudaica caeremonia. Itaque Apostoli, in suis Epistolis pro Sacerdotibus, Episcopos, & Presbyteros, pro Templis Ecclesias dicunt: Et similiter loquuntur IVSTINVS, IGNATIVS, & ceteri antiquissimi Patres. Hæc BELLARM.* Lib. de cultu Sanct. Cap. 4. §. *Ad testimonia Patrum.*

Profectò non dissimularunt Apostoli doctrinæ veritatem, sed abdicantes obtegumenta dedecoris, non ambulantes in astutia, neque dolose tractantes verbum DEI, seiplos manifestatione veritatis commendarunt apud omnem conscientiam hominum coram DEO, 2. COR. 4, 2. Neque abstinnerunt à voce Sacerdotij, aut sacrificij, ubi verum, sive externum, sive spirituale Sacerdotium, aut sacrificium agnoverunt, *HEBR.* 2. 17. & 4. 14. & alibi passim in illa Epistola. *EPHES.* 5. 2. *ROM.* 12. 1. *PHILIPPENS.* 2. 17. & 4. 18. *HEBR.* 13. 25, 26. 1. *PETR.* 2. 5.

2. RESP.

2. Ex solo vocabuli sono postea ab hominibus introducto non potest sumi validum argumentum, pro confirmatione alicujus dogmatis, cujus veritas, quoad sensum, non potest ex ipsis scripturis demonstrari. Quemadmodum demonstrarunt Patres veritatem significatam vocabulis ἱερωσύνη, ἱερόσωρον, ἱεροῦ, &c.

3. Sancti illi Patres, qui vocabulis sacrificii, sacerdotii, altaris, oblationis, missæ, usi sunt, procul erant ab errore istorum missificorum, qui, blasphemantes, jactant se propriè & verè offerre DEO ipsum CHRIS TVM, speciebus panis & vini inclusum, in sacrificium verè propitiatorium. Nihil hujusmodi invenitur apud Patres.

3. RESP.

Vt omittam oblationem elementorum à populo factam, & quod res à populo oblatas acceperint ex offerentium manibus Pastores, easque in mensa DOMINICA collocarint, & prece supplice eas DEO obtulerint sanctificandas & consecrandas in sacramentum salutare populo. (Vide Distinct. 2, de Consecratione, Can. *Non oportet aliud*, & tribus sequentibus Canonibus.) Vt etiam omit-

Quo sensu
veteres Eu-
charistiam ap-
pellarint sa-
crificium.

tam Eucharisticum sacrificium laudis, quod pii, in illa commemoratione mortis DOMINI, DOMINO offerrebant. Geminò adhuc sensu veteres celebrationem Coenæ DOMINICÆ, appellabant SACRIFICIUM: 1. Impropiè & metonymicè, ex intuitu veri illius & proprii Sacrificii, quod CHRIS TVS in passione pro nobis obtulit: ejus memoria et grata commemoratio celebratur in Eucharistia; quæ propriè et verè est Sacramentum commemorativum illius Sacrificii: impropiè autem, et per metonymiam signati pro signo, dicitur Sacrificium. Et hoc sensu dici potest etiam propitiatorium. Quia symbolice et commemorativè est illud ipsum Sacrificium verè propitiatorium, quod CHRIS TVS in passione pro nobis obtulit: seu potius sacramentalis commemoratio illius Sacrificii. Προσφέρομεν μὲν, ἀλλ' ἀνάμνησιν ποιούμενοι, τὴ θανάτῳ αὐτοῦ. Id est, Offerimus quidem, sed cōmemorationē facientes mortis ejus. — Τὸ ἐκείνης τύπος ἐστὶ, καὶ αὐτὴ ἐκείνης. Id est; Hoc [Sacrificium] exemplum seu typus est illius [Sacrificii CHRIS TI in passione] & idem cum illo. Ἐκείνην προσφέρομεν, Ἐ νῦν, πῶς τότε προσερχεῖσθαι, πῶς ἀνάλωτον.

Τῷτο εἰς ἀνάμνησιν γίνεται, τῷ τότε γινόμενῳ. τῷτο γὰρ ποιῶντί, φησιν, εἰς τὴν ἐμὴν ἀνάμνησιν. ἢ ἄλλου θυσίας, καθάπερ ὁ ἀρχιερεὺς τότε, ἀλλὰ τὴν αὐτὴν αἰὶ ποιῶντα. μᾶλλον δὲ ἀνάμνησιν ἐργαζόμεθα θυσίας. Id est, Illud [Sacrificium] & nunc offerimus, quod tunc oblatum est. Quod non consumitur. Hoc in cōmemorationē fit illius quod tunc factum est. Hoc enim facite, inquit, in meam recordationem. Non aliud sacrificium, sicut Pontifex olim, sed eandē semper facimus: VEL POTIVS COMMEMORATIONEM SACRIFICII operamur. inquit IOANNES CHRYSOSTOMVS, Serm. 17, in Ep. ad HEB. in c. 10. In eandē sententiam AVGVSTINVS; Huius, inquit, sacrificii caro & sanguis ante adventum CHRISTI per victimas similitudinum PROMITTEBATUR: in passione CHRISTI per ipsam veritatem REDDEBATUR: post ascensum CHRISTI per SACRAMENTVM MEMORIÆ CELEBRATUR. Lib. 20. contra Faustum Manichæum, Cap. 21. Idem alibi; Nempe saepe ita loquimur, ut pascha propinquantē dicamus, crastinam vel perendinā esse DOMINI passionem, cum ille ante tam multos annos passus sit: nec omnino nisi semel illa passio facta sit. Nempe ipso die Dominico dicimus; Hodie DOMINVS resurrexit, cum ex quo resurrexit, tot anni transierant. Cur nemo tam ineptus est, ut nos ita loquentes arguat esse mentitos, nisi quia istos dies secundū illorum, quibus hæc gesta sunt, SIMILITVDINEM nuncupamus: ut dicatur ipse dies, qui non est ipse, sed revolutione temporis similis ejus: & dicatur illo die fieri, propter SACRAMENTI CELEBRATIONEM, quod NON ILLO DIE, sed jam olim factum est. Nonne semel immolatus est CHRISTVS IN SEIPSO, & tamen IN SACRAMENTO non solum

per omnes Pasche sollemnitates, sed omni die populis immolatur: nec utique mentitur qui interrogatus eum responderit immolari? Si enim Sacramenta quandam SIMILITUDINEM earum rerum, quarum Sacramenta sunt, non haberent, omnino Sacramenta non essent. Ex hac autem similitudine plerunque etiam IP-SARVM RERVM NOMINA ACCIPIVNT. Sicut ergo secundum QVENDAM MODVM Sacramentum corporis CHRISTI, corpus CHRISTI est: Sacramentum sanguinis CHRISTI, sanguis CHRISTI est: ita Sacramentum fidei, [Baptismus] fides est. AVGVSTIN. epist. 23. Item alibi, loquens de Baptismi Sacramento, & celebratione corporis & sanguinis DOMINI, Vt, inquit, literam sequi, & signa pro rebus, quæ eis significantur, accipere, servilis infirmitatis est; ita inutiliter signa interpretari, male vagantis erroris est. Lib. 3, de doctrina Christiana, Cap. 1X.

2. Alio etiam sensu Patres Eucharistiæ celebrationem appellabant Sacrificium; (non tamen Propitiatorium) Nempe, sensu spirituali; idque trifariam: 1. Ex consideratione ipsius actionis, quatenus est pars cultus illius soli DEO debiti: quo sensu dixit AVGVSTINVS, Lib. 20, contra FAVSTVM, Cap. 21. Sacrificare DEO in memoriis Martyrum, quod frequentissimè facimus, illo dantaxat ritu quo sibi Sacrificari Novi Testamenti manifestatione precepit: quod pertinet ad illum cultum, quæ latria dicitur, & uni DEO debetur. Sed quid agam, & tanta cecitati istorum hæreticorum quando demonstrabo; quam vim habeat, quod in Psalmo canitur, Sacrificium laudis glorificabit me, & illio via est, ubi ostendam illi salutare meum? Hujus Sacrificii Caro & Sanguis, &c. Reliqua superius jam citavimus, in explicatione sensus

Definitio Sa-
crificii Spiri-
tualis.

Metonymici. Ad hunc primum modum Sacrificii spiritualis pertinet illa Sacrificii definitio, quam tradit **AVGVSTINVS**, Lib. 10, de civitate **DEI**, Cap. 6. *Verum Sacrificium est omne opus quod agitur, ut sancta societate inhaeramus DEO: relatum scilicet ad illum finem boni, quo veraciter beati esse possimus. Vnde & ipsa misericordia, qua homini subvenitur, si propter DEUM non fit, non est Sacrificium.* Hæc ibi. Hæc definitio etiam comprehendit sequentes speciales modos spiritualis oblationis.

Secundus autem modus invenitur in Sacrificio invocationis **DOMINI** ex contrito corde, & sincera fide. Cujus Sacrificij & oblationis duæ sunt partes: 1. Humilis & sincera peccatorum confessio, cum pia cordis contritione. *Sacrificia DOMINI spiritus confractus, cor confractum & contritum, DEVS, non despicies.* **Psal. 51. 19.** Altera hujus spiritualis oblationis pars, est supplex, seria, & fidelis imploratio misericordiae **DEI**. De hac parte ait **DOMINVS**, *Invoca me in die angustia, eruum te, & honorificabis me.* **Psal. 50. 15.** & **DAVID**, *Dirigatur oratio mea, sicut incensum in conspectu tuo, elevatio manuum mearum sacrificium vespertinum.* **Psal. 141. 2.** Oratio purè directæ de corde fidei, tanquam de ara sancta surgit incensum, inquit **AVGVSTINVS**, in expositione illius **Psalmi**. Prior pars est exomologetica; altera, euctica. Vtramque partem complexus est **IOANNES CHRYSOSTOMVS** his verbis; ὁπὲρ τὸ προσφῆρας, ἢ ἀναφέρωμεν, προσφάρομεν καὶ τὰ ἀμαρτήματα, λέγοντες, εἴτε ἐκόντες, εἴτε ἀκόντες ἡμαρτομεν, συγχώρησον· ταῖς, μεμνήμεθα αὐτῶν πᾶσιν, καὶ τότε τῶν συγχώρησιν αὐτοῦ. id est: in oblatione, quam offerimus, offerimus etiam peccata, dicentes, sive volentes sive nolentes
peccaver

CAP. XI. De Sacerdot. &

peccaverimus, condona. Hoc est, tionem facimus] eorum prius, & tunc veniam petimus. Hæc CHRYSOST. Serm. 17. in Epist. ad HEBR. in Cap. 9, in fine capitis. Priorem partem vocat Oblationem peccatorum: alteram verò partem, Petitionem veniam.

Et hanc Oblationem opportunè facimus, in celebratione Corporis & Sanguinis DOMINI, qua commemoramus ejus mortem, & eam commemorationem non nobis ipsis solùm facimus: *Suaviter atque utiliter recordando in memoria, quod pro nobis caro ejus crucifixa & vulnerata sit:* ut loquitur AUGUSTINVS, Lib. 3, de doctrina Christiana, Cap. 16. Sed etiam aliis nos intuitibus, realem quandam fidei nostræ, de CHRISTI pro nobis passione, professionem palam edimus: eosque nostro exemplo, ad ejusdem officii fidelem præstationem, cohortamur. Eandem etiam commemorationem DEO facimus; gratias ei agentes, quod nos suo sanguine redemerit, ei que peccata nostra confitentes, & eorum veniam suppliciter petentes in Nomine Mediatoris pro nobis crucifixi. Orantes cum fiducia, ut apud DEVM consequamur misericordiam, et gratiam inveniamus, ad opportunum auxilium, HEBR. 4, 16.

Atque ita proponentes DEO passionem Filii, quam pro nobis sustinuit, dici possumus quodammodo offerre DEO CHRISTVM pro nobis in passione immolatum; seu ipsam ejus obedientiam cruentamque immolationem. Quam offerimus DEO, non sacrificando CHRISTVM, aut de novo immolando, sed unicam illam pro nobis in passione semel factam CHRISTI immolationem commemorando; DEVM suppliciter orantes, ut, eam intuens, nobis peccatoribus sit propitius: non propter hanc nostram commemorationem, sed propter cruentam illam verè & propriè Sacrificatoriam, & propitiatoriam Oblationem; quam commemoramus, DEO que offerimus, Oblatione

Quo sanose-
su dicamur of-
ferre DEO
CHRISTVM,
in celebratio-
ne sacra Cœ-
na.

non Sacrificatoria, sed cōmemorativa: non Propitiatoria, aut meritoria, sed supplicatoria, et Eucharistica. Oramus quidem ut nos DEVS misericordiam & gratiam faciat invenire PER hanc Oblationem commemorativam, tanquam medium à DEO institutum, per cuius congruum usum bona nobis promissa à DEO consequamur, qualia media sunt etiam baptismus, auditio Verbi, precatio, &c. At non petimus ut propter meritum, aut dignitatem, aut vim aliquam propitiatricem in hac nostra Oblatione; sed tantum ut propter dignitatem, & meritum, ac vim illam propitiatricem, quæ æterna est, illius unicæ oblationis sacrificatoriæ & propitiatoriæ in DOMINI passione peractæ, DEVS nobis misericordiam & gratiam largiatur.

Cujus unicæ Oblationis sempiterno vigore magnus ille noster Sacerdos, apparet nunc in conspectu DEI pro nobis, HEBR. IX. 24. Una illa pro peccatis semel oblata victima, in perpetuum sedet ad dextram DEI, interpellans pro nobis, HEBR. X. 12. ROMAN. VIII. 34. Perpetuum & intransitivum habens Sacerdotium, eo quod maneat in æternum: unde & servare perfectè, & in perpetuum potest eos qui per ipsum accedunt ad DEVM, semper vivens ad interpellandum pro eis, HEBR. VII. 24, 25. Non enim in eo consistit perpetuitas Sacerdotii CHRISTI, ut semper fiat ejus vera immolatio, per Sacerdotes, ac si necesse esset Sacerdotium ejus per mortem extinguere, nisi fierent istæ iteratæ sacrificaciones in Missis: ut impie, & contra Scripturas, tradiderunt TRIDENTINI, Sess. 22. Sed consistit in perpetuo vigore illius unicæ immolationis in passione semel factæ, & perpetua intercessione pro nobis, ad dextram PATRIS, sicut docent sacræ literæ, locis à me hic citatis, & superius in argumentis, contra Sacrificium Missæ. Vnde CHRYSOSTOMVS, Serm. XVII, in Epist. ad HEBR. in CAP. X, cum Apostole loquens de Sacrificiis AARON-

NICIS, & Sacrificio CHRISTI, τὸ αἶμα, ἔλεγχος ἀδοξίας. ὅτι τὰ χεῖρ, τὰν ἀνθρώπων ἀπαξ προσήνεχθη, ἐκείναις τοῖς αἵματι ἡρεσεν. Id est, *Semper offerri, argumentum est imbecillitatis*: (sic imbecillia erant Sacrificia AARONICA) in CHRISTO autem, è contrario est; *semel oblatus est, & in sempiternum sufficit.*

Tertia consideratio Sacrificii, & Oblationis spiritualis in EVCHARISTIA, occurrit in ea Oblatione, qua fideles, non solum symbola consecranda, sed etiam seipsos DEO offerunt: accedendo ad Mensam DOMINICAM, sequē DOMINI sanguine redemptos, & redemptionis iure servos DOMINI profitendo, & fidele servitium vovendo. Apostolus hortatur, ut exhibeamus corpora nostra hostiam vivam, sanctam, acceptam DEO: & ut transformemur per renovationem mentis nostræ, ROM. 12, 1, 2. Hoc, inquit AUGUSTINVS, est Sacrificium Christianorum, multi unum corpus sumus in CHRISTO: quod etiam Sacramento Altaris fidelibus noto frequentat Ecclesia; ubi ei demonstratur, quod in ea oblatione, quam offert, ipsa offeratur. AVG. Lib. 10, de civitate DEI, Cap. 6. Omnes hi tres modi Sacrificij spiritualis reduci possunt ad illud Sacrificium laudis, quod exigit DOMINVS, PSAL. 50. ubi vide AUGUSTINVM. Non exclusa illa distinctionis ratione, quam indicavimus.

Apud ISRAELITAS (quorum Ecclesia, et ipsa SACER-
etiam Respublica, typus erat Ecclesiæ Christianæ) sacro-
rum mystæ et antistites publici dicebantur et verè ac pro-
priè erant sacerdotes: inde propter quandam publicæ præ-
fecturæ et curæ Ecclesiasticæ similitudinem, patres, in Ec-
clesia Christiana, nomen sacerdotum pastoribus Ecclesia-
sticis indiderunt, per Metaphoram. Eodem sensu Meta-
phorico Diaconi appellati sunt Levitæ: et Episcopi, summi
sacerdotes. Præterea, etiamsi quantum ad oblationes spi-

DOTES.

rituales, quicumque fideles sumus, sumus sacerdotium sanctum, ad offerendum spirituales hostias, acceptas DEO per IESVM CHRISTVM; [1. PETR. 2. 5.] & hunc habeant communem honorem

Matres atque Viri, pueri, innuptæq; puella:

quia tamen Pastores sunt dispensatores mysteriorum DEI & publicas pro cæteris preces concipiunt, aliosque publici cultus partes ex officio obeunt, idcirco Pastoribus sive præsidentibus, τοῖς πρεσβυτέραις, dispensatoribus mysteriorum DEI, convenire potest per quamdam excellentiam, in sensu hoc spirituali, appellatio SACERDOTVM. Propriè autem & verè, à vera & propria CHRISTI immolatione, Sacerdos nemo dici potest, nisi ipse DOMINVS IESVS CHRISTVS, Sacerdos in perpetuum secundum ordinem MELCHISEDEC. Habens intransitivum [ἀνὰ πρὸς ἑαυτὸν] Sacerdotium.

Introducitis appellationibus Sacrificii, Oblationis, Sacerdotii, Sacerdotum; etiam Mensa DOMINI cœpit dici Altare. Sensu metaphorico, propterea quod symbola Sacramentalia collocarentur & consecrarentur super Mensam: & super eandem ponerent, Pastores dona quæ populus offerebat. Ad Mensam etiam stantes Pastores preces offerebant; easque oblationes faciebant, quas supra commemoravimus. Licet propriè mensa sit, (sicut appellatur, in sacris literis, & antiquiorum Patrum scriptis) non autem Altare. Altare nostrum CHRISTVS est sanctificans nostras Oblationes.

MISSA.

Missæ vocabulum, olim innocens, nunc effecerunt Sacrificatores isti nocentissimum. Neque succensimus vocabulo, ejusve inventoribus; sed peptiferum sensum, quem impostores supposuerunt, meritò exhorrescimus. TERTULLIANVS, libro quarto, adversus MARCIONEM, Cap. 18: Diximus, inquit, de remissa peccatorum; id est, de remissione peccatorum. Eodem sensu

sensu CYPRIANVS, Lib. 3, Epist. 8: *Peccantibus, inquit, cum postea crediderint, remissa peccatorum datur*, Per eandem loquendi formam, pro missione, Missa dicta est. Nam ut, rectè observavit PETRVS MOLINÆVS, in Apologia pro Eucharistia, Cap. 1: & BELLARM. Lib. 1, de Missa, Cap. 1. Vocabulum hoc non est in usu apud GRÆCOS aut SYROS Christianos, sed tantummodo a LATINIS usurparum est: ac propterea non in alijs linguis quaerenda est ejus origo; cum sit vox LATINA, significans idem quod missio, sive dimissio. Quo sensu hac voce usi sunt Patres, in Concilio CARTHAGINENSI, 4. Canone 84: ubi decretum est, *ut Episcopus nullum prohibeat ingredi Ecclesiam, & audire verbum DEI, sive GENTILEM, sive HÆRETICVM, sive IUDÆVM, usque ad missam Catechumenorum*: id est, usque ad dimissionem Catechumenorum. Eodem sensu AVGVSTINVS, Sermone 237, de tempore: *Ecce, inquit, post Sermonem Fit missa Catechumenis, manebunt fideles, venietur ad locum orationis*. Inde adhibitum est hoc vocabulum ad significandum eas lectiones & præcationes, quæ, auctoritate publica approbatæ, legebantur in Ecclesiis: sive ante dimissos Catechumenos; sive etiam coram solis fidelibus, post dimissionem Catechumenorum. Hoc sensu accipitur in Concilio MILEVITANO 2, Can. 12: *Placuit etiam & illud, ut præces vel orationes seu missæ, quæ probata fuerint in Concilio, sive præfationes, sive Commendationes, seu manus Impositiones, ab omnibus celebrentur, nec alie omnino dicantur in Ecclesia, nisi quæ a prudentioribus tractatæ, vel comprobata in Synodo fuerint, ne fortè aliquid contra fidem, vel per ignorantiam, vel per minus studium sit compositum*. Hæc ibi. Eodem sensu invenitur apud AVGVSTINVM,

Sermone 91, de tempore : ubi intelligi fortasse potest etiam connotatio totius celebrationis : *In lectione*, inquit, *quæ nobis ad Missas legenda est*. Hæc AUGUSTINVS. Eodem sensu AMBROSIVS, Lib. 2, Epist. 13, ad MARCELLINAM sororem ; *Sequenti*, inquit, *die* (erat autem DOMINICA) *post lectiones atque tractatum dimissis Catechumenis*, *Symbolum aliquibus competentibus in Baptisterii tradebam Basilica*. Illic nunciatum est mihi. ——— Ego tamen mansi in munere, Missam facere cæpi. Vbi Missæ vocabulo intelligi videtur tota illa celebratio usque ad finem : donec etiam dimitterentur fideles, & iis etiam peracta jam tota Liturgiæ celebratione, fieret Missa, seu dimissio, quemadmodum prius Catechumenis : & hoc significat DIACONUS adhuc in Ecclesia ROMANA, post peractum celebrationē, clamans ; *Ita, missa est* : id est, ut exponit ALCVINVS, *Iam dimissio est Congregationis : abire, omnibus licet* : apud BELLAR. Lib. 1, de MISSA, Cap. 1.

Apud Veteres duplex fuit hujus vocabuli usus : Vnus proprius, ut significaret dimissionem Catechumenorum, vel cujuscunque Congregationis sacræ. Alius erat usus improprius, quo adhibitum est ad scandalum partem aliquam sacri Officii, siue Lectiones, siue Preces, siue ipsam Eucharistiæ celebrationem.

Ceterioribus autem & deterioribus seculis eo tandem detortum est hoc vocabulum, ut, ex sacrificulorum istorum sensu jam sub hoc vocabulo nobis obtrudatur intelligendum sacrificium vere ac propriè propitiatorium.

Significet Missa Missionem seu dimissionem, quæ propria est vocis significatio, & non erit lis de vocabulo. Nec de improprio aliquo ejus abusa certabimus, quamdiu res ipsa, ad quam significandam adhibetur vocabulum Missæ, nihil habet in se absurdi. Libenter enim fugimus inanes Logomachias. At verò, sacrilegium illud, quod Sacrificij

& Missæ vocabulis, nobis commendant Papistici Sacerdotes, nullo modo admittendum, aut ferendum est: sicut demonstravimus.

Hic monendi mihi sunt simpliciores Papistæ, ut sibi caveant à sacrificulorum suorum impudentissimis imposturis. Ne sub antiquis & tolerabilibus sonis, novos & intolerabiles sensus admittant.

PROPOSITIO XIV.

De Moderatoribus Classium Presbyterialium
& Chorepiscopis.

Potest Episcopus Presbyteros sua Diœceseos, per certas & distinctas regiones dispositos, in certas pro singulis regionibus Classes distinguere: quarum Classium unaquæque habere poterit præsidem suum regionarium; qui appelletur Decanus, aut Chorepiscopus, aut Visitator, *ἐπιθεωρητής*, Concil. Laodiceñ. Can. 57. γς: aut more nostro, Presbyterii sive Classis Presbyterialis moderator.

Tales esse poterunt plures in una Diœcesi, sub Episcopo; & ab Episcopo, ex Compresbyterorum consensu, constituti Præsides, sive rectores; qui cum Fratribus conregionalis [*καὶ τῶν ἑταίρων ἐπισκοπῶν*, Concil. N E O C Æ S. Can. 13.] conventus habeant minores, in singulis classibus hebdomadarios, aut alternis hebdomadibus, aut menstruos, pro exercitiis propheticis, & ad exercenda judicia Ecclesiastica in causis convenientibus: qui Ecclesias suarum regionum visitent; & Episcopum congrua parte solitudinis levent, relicta ei plenitudine potestatis. Et hoc quidem, etiamsi humanum sit institutum, est tamen valde antiquum; neque pugnat cum jure divino: neque

nullo modo reprehendi potest; sed potius laudandum est, si seruentur debitæ conditiones: secundum consuetudinem primitivæ Ecclesiæ. Vt, nimirum, Chorepiscopi noscant suum modum: & Episcopi non sumant inde occasionem otij ac delitiæ; aliis per ignaviam ea committentes, quæ per seipso personaliter facere debent. Propter quos duos hujus officij abusus, censuit olim ac decrevit *DAMASVS* abolendum esse hoc genus præfecturæ. Epist. 5, ad *PROSPERVM* Numidiæ primæ sedis Episcopum & alios orthodoxos Episcopos. Ecclesiæ tamen convenientius esse judicarunt, ut sublatis abusus maneret hujus officij legitimus usus.

Fit Chorepiscoporum mentio in Concilio *ANCYRANO* (quod celebratum est Anno *D O M.* 314.) Can. 13, qui sic se habet: *χωρεπισκόπους μὴ ἐξέιναι, πρεσβυτέρους ἢ διακόνους χειροτονεῖν, &c.* id est, *Chorepiscopis non licere Presbyteris aut Diaconos ordinare: sed nec Presbyteris civitatis nisi concedatur ab Episcopo cum literis, in aliena Parochia.* Hic dubium esse videtur, utrum concedatur Chorepiscopis ordinatio, ex permissione Episcopi; an vero simpliciter iis denegetur licentia ordinandi.

Anno sequente celebrata est Synodus *NEOCÆSARIENSIS*; ubi de Chorepiscopis, Can. 14. οἱ δὲ χωρεπίσκοποι, εἰς ἑκάστης τῶν ἐβδομήκων, ὡς ἡ συντακτική, ἅα τῇ σπαθὴν εἰς τὰς πλάχας, προσφέρουσι ἡμῶμενοι, id est, *Chorepiscopi autem sunt quidem ad exemplum septuaginta: ut comministri autem, propter studium in pauperes, offerunt, honorati.* Nam Canone præcedente interdictum est Presbyteris conregionalibus sive vicariis, qui *ἑπὶ τὰς πλάχας προσεύχονται* appellantur, ne in Ecclesia civitatis offerant, præsentem Episcopum vel Presbyteris ipsius civitatis: concessum verò, ijs absentibus, si invitentur ad dandam orationem, sive communem

nionem, ut dent. At is honor habetur Chorepiscopis, ut etiam ijs præsentibus offerant.

PAVLO post Synodum NEOCÆSARIENSEM celebratum est Concilium LAODICENVM, ubi hæc habentur verba, Can. 57. In Græco, 15. ὅπ' εἰ δὲ ἐν τῇ κώμῃ, καὶ ἐν τῇ χώρῃ καὶ δίκαται ἡπισκόπος, ἢ περιουσιῶν: τὰς μὲν τοὶ ἤδη προκατασβεβηέντες μηδὲν πρᾶττειν ἀνευ γνώμης τῆς ἡπισκόπου τῆς ἐν τῇ πόλει. ὡσαύτως ἢ καὶ τὰς πρεσβυτέρους μηδὲν πρᾶττειν ἀνευ τῆς γνώμης τῆς ἡπισκόπου, id est, *Quod non oporteat in vicis & pagis constitui Episcopos, aut visitatores: eos autem, qui jam ante constituti sunt, nihil agere præter conscientiam Episcopi qui est in civitate. Similiter autem & Presbyteros nihil agere præter Consilium Episcopi.*

Hujus Canonis tres Latini interpretes, DIONYSIVS EXIGVVS, & ISIDORVS MERCATOR, & GENTIANVS HERVETVS, verba illa ἢ περιουσιῶν, vertunt, *SED visitatores*; addit ISIDORVS MERCATOR, id est, *qui circummeant constituti*, qua versione utitur GRATIANVS, 80, Dist. Can. *Non debere*. Secundum interpretum istorum versiones, isti *Episcopi in villis*, ante Concilium LAODICENVM constituti, distinguuntur à *visitatoribus*, sive Chorepiscopis, & habebuntur pro veris Episcopis. Quamvis postea non sit concessum tales constitui in villis & pagis. At secundum editionem Græcam, pro eodem accipienda videntur hæc nomina, ἡπισκοπι ἐν τῇ χώρῃ & περιουσιῶν: adeo ut ἐπίσκοπος ἐν τῇ χώρῃ, nihil aliud sit quam χωρεπίσκοπος, sive *villanus Episcopus*, ut loquitur DAMASVS, Epist. 5. Et secundum hanc expositionem necesse erit dicere Concilium LAODICENVM decrevisse quam expositionē confirmare videntur prima illa verba, Can. 10, ANTIOCH. Τὰς ἐν ταῖς κώμῃς, ἢ

ἢ χόρεγος, ἢ τὰς καλεούμενης καρεπισκόπου. Vbi pro eodem ponuntur hæc duæ descriptiones; nempe, 1. *Qui sunt in vicis, vel pagis*: 2. Et quasi exegericæ, *vel qui Chorepiscopi nominantur*, ut omnis Episcopus in villis sit Chorepiscopus: ut deinceps non constituerentur Chorepiscopi; etiã si non exauctorarint eos qui jam antea constituti fuerant; sed tantummodo injunxerint iis, ut modũ suũ tenerent: id est, ut nihil facerent præter cõscientiã Episcopi.

Hujus decreti terrore moti Chorepiscopi modestius se gessisse videntur: adeo ut, amoto scandalo, permanerit postea in Ecclesiis hoc officium: approbante etiam magno NICÆNO Concilio primo Oecumenico, Can. 8. Cujus Concilii decretis subscripserunt etiam quidã Chorepiscopi. Nec tamen inde sequitur fuisse duo Chorepiscoporum genera; quorum alii fuerint veri Episcopi, alii tantũ Presbyteri; nam 1. Reperiuntur etiam subscripsisse Conciliorũ decretis simplices Presbyteri, non solum pro Episcopis, sicut VITVS et VINCENTIVS Presbyteri pro SYLVESTRO Episcopo ROMANO, in primo illo cõcil. NICÆNO: et ALYPIVS Presbyter pro PHILOMVSO Episc. et SIMPLICIVS pro LONGIANO, in secundo œcumenico concilio; sed etiã pro seipsis, ut FLAVIANVS et ELPIDIVS, presbyteri ANTIOCH. decretis Cõcilii CONSTANTINOP. œcumenici secundi, subscripserunt pro seipsis: non pro suo Episc. nam MELETIVS Episcop. ANTIOCH. pro seipso subscripsi: neque dicuntur presbyteri illi pro suo aut alio quocunq. Episc. subscribere, sed æquẽ absolutẽ subscribũt ac ipsi Episc. Hoc modo ejusdẽ Concilii CONSTANTINOP. decretis subscripserunt TYRANVS presb. AMORII, ANXANON presb. APAMEÆ, HELLADIVS presb. COMMANENSIS. Et synodo Romanæ, sub ADRIANO 2º papa, cõtra PHOTIVM habitæ subscripserũt cum ADRIANO Episc. 29, & Presb. 9, & Diaconi 3. 2. Si fuissent duo Chorepiscoporum genera, id per ipsas subscriptiones patetceret; et alii se scriberent Episcopos Chorepiscopos, alii Presbyteros Chorepiscopos: sicut hodie, distinctio-

Antiochenis ergo faciunt Cardinales, quorū alii sunt Episcopi Cardinales, alii Presbyteri Cardin. alii Diaconi Cardin. et quia in subscriptionibus illis Chorepiscoporum, nulla talis distinctio invenitur, vel inde evincitur unum tantum fuisse Chorepisc. genus, nempe εἰς τύπον τῶν ἐδωμένων, ad exemplū septuaginta, sicut declararunt Patres NEOCÆSAR.

Interpretationem eam verborum illorum Canonis ANTIOCHENI; ut non ordinent Presbyteros aut Diaconos Chorepiscopi, ὁλίχα τὴ ἐν τῇ πόλει ἐπισκόπων, quam in exegesi superioris propositionis defendebamus, confirmant etiam verba illa Canonis LAODICENI, ἀνευ γνῶ-
μες τὴ ἐπισκόπων.

Illorum autem verborum Canonis ANTIOCHENI, de Chorepiscopis, ἐκ χειροθεσίαν εἶεν ἐπισκόπων ἐληφότες, quænam nobis certissima expositio videretur, supra indicavimus. Quæ si alicui fortasse non usq. adeo placeat, & contendat quispiam intelligi illic eam manuum impositionem, quæ super ipsos Chorepisc. fiebat per plures Episcopos; ei dici poterit non omnem χειροθεσίαν esse ordinativam, sed posse esse χειροθεσίαν, ubi nō est χειροτονία, sicut ostendimus supra ex Can. 8, et Can. 19, Concilii NICÆNI primi; in dissertatione de Hæreticis, post dialogum de ordinatione BRITANNICA, in exegesi superioris propositionis. Canon ille ANTIOCHENVS, permittit Chorepiscopis ordinare χειροτονεῖν Presbyteros et Diaconos, at non dicit ipsos chorepiscopos à plurib⁹ Episcopis ordinari χειροτονεῖσθαι. Nam jam antea ordinati Presbyteri, accipiebant impositionem manuum ab Episcopis, quæ erat oratio super eos, implorativa benedictionis divinæ, per quam idonei efficerentur ad executionem delegati illius officii Chorepiscopalis.

Porro etiam si χειροθεσίαν interpreteris cum DAMASO ordinationem ipsorum Chorepiscoporum, non tamen inde sequitur eos fuisse veros Episcopos: nam per eam ordinationem non acceperunt ordinem EPISCOPALEM, sed tantummodo PRESBYTERALEM, cum officio

Considera-
tio verbo-
rum illorum.

χειροθε-
σία ἵπστ-
κόντων,
in Concil.
Antioch.
Cau. 10.

Chorepiscopali, quod erat ipsis commissum, siue collatione ulterioris ordinis, siue gradus sacri; sicut docet *DAMASVS*, Epist. 5. Etiamli ad Canonicam Episcopi ordinationem requirantur tres Episcopi, non tamen inde sequitur ordinem simplicis Presbyteratus non posse conferri a pluribus simul Episcopis. Sufficit quidem unus Episcopus, sed nihil obstat quin possint plures Episcopi hunc ordinem conferre: imò quin interdum expediat hoc a pluribus fieri; quando nimirum ita confertur ordo Presbyteralis, ut cum eo simul concedatur per quamdam delegationem potestas exercendi quædam Episcopalia.

PRESBY-
TERIVM.

Moderatores classium Presbyterialium diximus, in Propositione, constitui posse; qui appellantur Decani vel Chorepiscopi. Sciendum verò hoc vocabulum *PRESBYTERIVM*, variè usurpari etiam de cæteru Ecclesiastico dictum. Nam primo significat Diœcesanum Presbyterorum cætum, quomodo accipitur ab Apostolo, 1. *THIMOTH.* 4. 14: & ab *IGNATIO*, in Epistola ad *TRALLIANOS*, & apud *CYPRIANVM*, Lib. 3, Epist. 2. *Omni*, inquit, *actû ad me perlato placuit contrahi Presbyterium: affuerunt etiam Episcopi quinque, &c.* Non quod ad tale Presbyterium constituendum semper necesse sit omnes et singulos Diœceseos Presbyteros cum Episcopo convenire, sed sufficit ut secundum ordinem publicum communi consensu receptum adsint cum Episcopo idonei assessores, qui illi congruam præbeant assistentiâ in negotiis Ecclesiasticis. Vnde *CYPRIAN.* Lib. 1, Epist. 9: *Graviter*, inquit, *commoti sumus ego, & Collegia mei, qui præsentibus aderant, & Compresbyteri nostri, qui nobis assisteabant, &c.* Vbi etiamli per collegas fortasse intelligat quosdam Episcopos, qui pro tempore præsentibus illi aderant, patet tamen Compresbyteros intelligi non omnes totius Diœceseos, sed quosdam, idoneo numero, *Conventus, quem habet Episcopus cum Clericis*

Clericis suis, dicitur Concilium, 38 dist. can. Quando:
 In Concilio VERNENSI, sub PIPINO, Rege FRANCO-
 RUM, Anno DOMINI 756, Cap. 8, decretum est, ut
 omnes Presbyteri ad Concilium Episcopi sui conveniant.
 Hæc est antiquissima, & primaria, ac maximè propria
 PRESBYTERII significatio; nec alio sensu de cœtu Eccle-
 siastico usurpatum invenio hoc vocabulum, per totos
 mille, & quingentos annos, in Ecclesia Christiana. Estque
 hoc Presbyterium divini juris, ut patet ex præcedenti-
 bus propositionibus. Nos hoc sensu usi sumus, Presbyte-
 rii vocabulo; in nostra dissertatione de ordinatione, ad
 propositionem decimam tertiam.

Post annum verò millesimum, & quingentesimum
 æræ Christianæ, cœpit hoc vocabulum alios inferiores
 conventus, recenti quarundem Ecclesiarum consuetudi-
 ne, significare. Nempe, Senatum Ecclesiasticum unius
 Parochialis Ecclesiæ, aut unius oppidi, qui maximam
 partem ex Laicis constat: quem GERMANI et BEL-
 GÆ vocant Presbyterium; GALLI, Consistorium; SCO-
 TI, Sessionem, sive Concessum. Item alium quendam
 conventum Ecclesiasticum, qui medium quendam gradum
 obtinet inter Presbyterium Diœcesanum, & Presbyterium
 Parochiale, vel oppidanum; complectens eam partem
 Presbyterorum Diœceseos, quæ invenitur in una aliqua
 Diœceseos regione, adeo ut conventus Presbyterorum
 conregionariorum, cum suo Præsidente regionario appelletur
 Presbyterium apud SCOTOS: GALLI Colloquium vo-
 cant; BELGÆ, Classen. Nec scio an usquam alibi extra
 SCOTIAM hujusmodi conventui indatur appellatio
 PRESBYTERII. Apud SCOTOS autem quot sunt in una
 Diœcesi, sub uno Episcopo, conventus hujusmodi regio-
 narii, tot numerantur Presbyteria. Et distinctionis ergo,
 usus obtinuit ut conventum Diœcesanum appellemus Sy-
 nodum, sive Concilium, cum Patribus TOLETANIS, &
 VERNENSIBUS, locis citatis, ex GRATIANO, et Concilio

VERNENSI. Presbyterii vocabulo conventibus regionalis relicto.

Moderatorem Presbyterii sive Concilii Diocesani, habemus Episcopum. Moderatores autem Classium Presbyteralium, sive Presbyteriorum regionalium, sunt tantum simplices Presbyteri: & præesse possunt singuli suis classibus, ex commissione, per delegatam ab Episcopo potestatem, ex fratrum consensu.

Non possunt Clerici totius Dioceseos tam frequentes habere conventus Synodicos, ut de omnibus, quæ per singulas accidunt regiones, statim Synodale capiant consilium: propterea laudabile est, ut ad continendam concordiam inter Christianos, & ad scandala vel prævenienda, vel in ipso ortu extinguenda, quæ passim & quotidie possunt occurrere, habeat Episcopus, quosdam delegatos regionum & classium inspectores & Præsides, qui, ex commissione, minores dirimant controversias, & ad Episcopum referant de Majoribus.

Vt caveatur abusus, hoc est, ut Moderatores Presbyteriorum, sive Chorepiscopi, debitum modum non excedant, & ut Episcopi non sint *Meretricibus similes*, quæ statim ut pariunt infantes suos, aliis nutricibus tradunt educandos, ut suam citius libidinem explere valeant, ne Episcopi desidioli plusquam oportet committant Chorepiscopis; negligentes DEI domum ipsis commissam, ut suas libidines expleant: id est, ut suo pro libitu secularibus curis inhiant, & quod unicuique visum fuerit liberius agant: Sicut queritur DAMASVS, in illa sua Epistola: Providendum est ut prudenter & pie constituentur certi termini, quos neutri transgrediantur. Atque ita nec Episcopus immoderate committet negotia Chorepiscopis, neque Chorepiscopi ultra suum modum præsumant.

COMMISSIO,
sio,

Commissio alia est generalis, alia specialis, alia particularis sive singularis: Commissio specialis (ut eam prius ex-

us ex-

prius explicemus) est in qua certæ causarum species exprimuntur: e. g. dum committitur Chorepiscopis, ut suæ quisque regionis Ecclesias visitet, conventus agat regionarios, absentes corripiat, & castiget, de scandalis iudicet, lapsis poenitentiam præscribat, poenitentes nondum excommunicatos reconciliet, pueris fidei confessionem professis manus imponat, sacristas, et ludimagistros, et cantores constituat, &c.

Commissio generalis est, quando speciali commissioni adjicitur hujusmodi aliqua clausula, *& hujus generis alias causas minores iis dijudicandas committimus.*

Commissio particularis, sive singularis, est, quando ad aliquod negotium obeundum, quod neque ad specialem, neque ad generalem commissionem reduci potest, conceditur, pro illo particulari & singulari negotio particularis & singularis commissio, neque ad speciem, neque ad genus extendenda. Qualis commissio necessaria erat Chorepiscopis, secundum Canonem *ANTIOCHENVM*, pro ordinatione alicujus Diaconi, aut Presbyteri.

Si hæc Commissionum distinctio prudenter & pie constituatur, facilis erit abusuum evitatio. Et poterunt utiliter constitui sub Episcopo, Moderatores regionarii. Ut tales Moderatores sint perpetui, nec nisi ob culpam, aut infirmitatem, aut aliquid simile, à præfectura sua removeantur, suadet generalis ratio de amputanda quotidiana, aut annua occasione ambitionis inter Fratres. Itē praxis veteris Ecclesiæ in constitutione Chorepiscoporum, eorumque perpetua cura. At è contrario, ut non sint perpetui, sed ut quorannis vel sæpius rariùsve murentur, suadere videtur illa ratio, propter quam penitus abolendum esse Chorepiscoporum officium, judicavit *DAMASVS*, et ante *DAMASVM* idem voluisse videntur Patres *LAODICEENSIS*: nempe, ne ex perpetua regionis præfectura, superbiendi ansam arripiant, et mensuræ suæ obliti incon-

sa præsumant. His utrinque perpenſis rationibus, cum ſit hæc humana inſtitutio, et in authorum arbitrio poſitum ſit qualem eſſe velint et quibus circumſcriptam legibus ſuam conſtitutionem, aut commiſſionem, modò nihil ſtatuant quod Legi DEI repugnet, *ECCLESIAE* in hoc, ſicut in aliis hujus generis, piè et prudenter utantur libertate ſua.

PROPOSITIO XV.

De Metropolitaniſ & Patriarchis.

Metropolitanorum ſive Archiepiſcoporum, & Primatum ſive Patriarcharum, præ aliis Episcopis *ἐπίσκοποι*, ſeu eminentia eſt humani juris: Eccleſiaſtica conſuetudine baud illaudabiliter introducta. Manere autem debet unicuique particulari, id eſt, Nationali Eccleſia illibata ea libertas, quam ei de omnibus humanis conſtitutionibus à CHRISTO relictam oſtendimus, ſupra, Capitibus 3, 4, 5, 6, 7, 8: & diligenter cavendus eſt omnis abuſus: quod fiet ſi ſerventur quedam neceſſarie cautiones.

De jure divino, ſicut erant olim Apoſtoli inter ſe, ita ſunt omnes Episcopos inter ſe, prædiri pari conſortio, & honoris, & poteſtatis, ipſarum etiam clavium, ut docent CYPRIANVS, Lib. de unitate Eccleſiæ, & HIERONYMVS, in Epistoſa ad EVAGRIVM, & VICTOR, Episcopos CARTHAGINENSIS, in Epistoſa ad THEODORVM, Episcopum ROMANVM, quæ exſtat in actis Concilii MARTINI, Papæ ROMANI, hujus nominis primi, Secretario ſecundo. In ſacris Literis legimus de Angelis Eccleſiarum ordinariis: in quibus fuit POLYCARPVS, SMYR-
NENS

NENSIS Ecclesiæ Angelus. At de ordinariis Ecclesiarum Archangelis, sive Archi-episcopis, nullum in Novo TESTAMENTO invenitur vestigium. Quamvis juri divino non repugnet hæc politia; assumpta jure Ecclesiastico, ad utilitatem Ecclesiæ, ut omnia commodius in Ecclesia geri possent. Quemadmodum & de aliis multis rebus, nec imperatis in Scriptura, nec vetitis, potestatem habet Ecclesia statuendi, pro ordine. & decore, & pace, & ædificatione. In talibus autem debet sarta cæcta conservari Ecclesiæ libertas, sicut monui in propositione.

IGNATIVS & DIONYSIVS, locis supra citatis, post propositionem duodecimam, Episcopos omnes in supremo Hierarchiæ, & ἐνταῦθας Ecclesiasticæ fastigio collocatos esse docent. Neque dignitatem ullam in Pastoribus Ecclesiæ agnoscunt altiore dignitate illa Episcopali, quæ omnibus Episcopis pari consortio competit. In Concilio SARDICENSI, Can. 10, collatis inter se honoris Ecclesiastici gradibus, Episcopatus appellatur ἡ ἀψίς, culmen; item, μεγίστη τιμή, maximus honor. HIERONYMVS ait, Episcopos in Ecclesia Catholica primos esse, sicut olim primi erant Apostoli: & reprehendit hoc nomine MONTANI Hæretici Sectatores, quod haberent aliquos Superiores Episcopis: ejus verba sunt, Apud nos [Catholicos] Apostolorum locum Episcopi tenent: apud eos [Montanistas] Episcopus tertius est. Habent enim primos, de ΠΕΡΥΣΑ ΠΗΡΥΓΙÆ Patriarchas; secundos, quos appellant Cænones: atque ita in tertium, id est, pene ultimum locum Episcopi devolvuntur: quasi exinde ambitiosior religio fiat, si quod apud nos primum est, apud illos novissimum sit. Hæc HIERONYMVS, Tomo secundo, in Epistola ad MARCELLAM, adversus MONTANVM, quæ incipit, Testimonia. Idem disputans contra Diaconorum ROMANORVM, se Presbyteris

anteponentium superbiam, in Epistola ad EVAGRIVM, quæ incipit, *Legimus in Esaia. Nec altera, inquit, Romana urbis Ecclesia, altera totius orbis existimanda est. Et Gallia, & Britannia, & Africa, & Persis, & Oriens, & India, & omnes barbara nationes unum CHRISTUM adorant: unam observant regulam veritatis. Si autoritas queritur, orbis major est urbe. Vbi-
cunque fuerit Episcopus sive Romæ, sive Eugubii: sive Constantinopoli, sive Rhegii: sive Alexandria, sive Tanis: ejusdem meriti, ejusdem est Sacerdotii. Potentia divitiarum, & paupertatis humilitas, vel sublimiorem, vel inferiorem, Episcopum non facit. Ceterum omnes Apostolorum successores sunt. Sed dicis, quomodo Romæ ad testimonium Diaconi Presbyter ordinatur? Quid mihi profers unius urbis consuetudinē? Quid paucitatem, de qua ortum est supercilium in leges Ecclesiæ, vindicas? — Et ut sciamus traditiones Apostolicas sumptas de Veteri Testamento; quod et AARON, & Filii ejus, atque Levitæ, in Templo fuerunt, hoc sibi Episcopi, & Presbyteri, & Diaconi vendicent in Ecclesia. Hæc HIERONYMVS. Qui etiam secundum hanc ad AARONEM similitudinem, Episcopum vocat summum Sacerdotem, in Dialogo adversus EVCFERIANOS. DAMASVS etiam, Episcopus ROMANVS, in Epistola quinta, ad PROSPERVM, gradum Episcoporum in Ecclesia, vocat dignitatis fastigium summorum pontificum. Neque ullum agnoscit gradum altiore. Et INNOCENTIUS, hujus nominis primus, Episcopus ROMANVS, Epist. 12, Episcopos vocat summus Sacerdotes. Et in jure Canonico eodem modo describuntur, Caus. 2, Quæst. 5, Can. Sacramentum: & Quæst. 7, Accusatio: & 61 Distinct.*

Misfer

Miserum: quibus in locis Episcopi dicuntur *summi Sacerdotes*. Alibi etiam in jure Canonico Episcopatus appellatur *summus Pontificatus*, 77. *Distinct. Can. In singulis*: & Episcopi, *summi Pontifices*, 18. *distinct. Si Episcopus*: & 59. *distinct. Si officia*: & de Consecratione, *Distinct. 3, De his vero*.

Defensionem illam, qua utuntur Papistæ, pro Episcopi ROMANI, supra alios Episcopos dignitate, sumptam a distinctione ordinis & jurisdictionis, refutavimus supra in exegeſi propositionis 13, in dissertatione, de prohibitis ordinantibus: ubi aliquot argumenta a nobis proposita Lector inveniet: quibus hæc adjicimus.

1. Omnes Episcopi inter se sunt pares honore & potestate: ergo, sunt pares ordine & jurisdictione. Ratio sequelæ est, quia potestas jurisdictionis est potestas. Episcopi autem sunt potestate pares, absolute, sine ullius potestatis exceptione, sicut docet CYPRIANVS, Lib. de unitate Ecclesiæ, & simplicitate Prælatorum. Neque ulla in sacris literis ostendi potest exceptio.

2. Omnes Episcopi inter se sunt pares potestate clavium, sive potestate absolvendi, excommunicandi, &c. ergo, sunt pares potestate jurisdictionis. Ratio sequelæ est, quia potestas jurisdictionis, (in eorum distinctione) consistit in potestate clavium, ut docet THOMAS, in 2^a 2^a Quæst. 39, Art. 3. Antecedens est apud CYPRIANVM, loco citato.

3. Apostoli omnes inter se, & per consequens Episcopi omnes inter se, sunt pares quoad omnem eam potestatem, quam PETRO dedit DOMINVS, illis verbis, *Ego dico tibi, quia tu es PETRVS, & super istam PETRAM ædificabo Ecclesiam meam, & porta inferorum non vincent eam. Tibi dabo claves Regni Cælorum: & quæ ligaveris super terram, erunt ligata & in Cælis: & quæcunque solveris super terram,*

erunt soluta & in Cælis, Math. 16. 18, 19, 20. Et verbis illis; *Pasce oves meas*, Ioann. 21. 16. Nam omnibus Apostolis parem potestatem tribuit: illis verbis, *Sicut misit me Pater, & ego mitto vos; accipite Spiritum sanctum: si cui remiseritis peccata, remittentur illi: si cui tenueritis, tenebuntur*: Ioann. 20, 21, 22, 23: sicut expressè monet CYPRIANVS, loco citato.

Si quæras, cur igitur primo hanc potestatem uni PETRO dederit, antequam omnibus eandem daret. Respondet CYPRIANVS, hoc esse factum, ut Ecclesia una monstraretur. Idque ipsum Sacramento vestis CHRISTI textilis declaratum esse monet, item per Sacramenti Paschatis comestionem in domo una. Huic duo colligit de Episcopatu & Episcopis: 1. Sicut est una Ecclesia per totum orbem diffusa, que in multitudinem latius, incremento fecunditatis extenditur; sic unus est Episcopatus cuius a singulis in solidum pars tenetur. IN SOLIDVM, inquam, id est, pari consortio honoris & potestatis, sicut de Apostolis loquutus est. 2. Non posse esse in uno loco plures greges aut plures Pastores, id est, Episcopos, sed servandam esse unitatē, ut in uno loco non sit nisi unus Episcopus. Ideoque postquam unus Episcopus Catholicus alicui civitati ordinatus aut datus est, quicumque se patitur Episcopum illius gregis, aut partis illius gregis ordinari, aut quicumque de grege istū posteriorem, neglecto priore, & relicto etiam reliquo grege sequitur, is est schismaticus, & extra Ecclesiam Catholicam. Hic scopus est totius illius tractatus beati CYPRIANI, quem scripsit adversus NOVATIANVM schismaticum qui, postquam CORNELIVS ordinatus esset Episcopus urbis ROMÆ, se etiam a quibusdam schismaticis ejusdem urbis Episcopum ordinari passus

passus est, & partem gregis post se traxit. Vnde & genuinam accepit inscriptionem, sive titulum. Nam suscribitur liber *de unitate Ecclesia: &, de simplicitate Prælatorum.*

Propter *PAMELIUM* diligenter consideranda sunt illa *CYPRIANI* verba in eo libro: *quamvis Apostolis omnibus parem potestatem tribuat ——— tamen ut unitatem manifestaret, unitatis ejusdem originem ab uno incipientem sua authoritate disposuit. Hoc erant utique & ceteri Apostoli quod fuit PETRVS, Pari consortio præditi, & honoris, & potestatis, sed exordium ab unitate proficiscitur, ut Ecclesia una monstratur. Quam unam Ecclesiam etiam in Cantico Canticorum Spiritus sanctus, ex persona DOMINI, designat, & dicit, Una est columba mea, perfecta mea; una est matri sue, electa genitrici sue. Hæc CYPRIANVS, in Editione LVGDVNENSI, Anno DOM. 1550. PAMELIUS autem sic legit, Exordium ab unitate proficiscitur, Primatus PETRO datur, ut una CHRISTI Ecclesia, & Cathedra una monstratur. Quæ verba, de Primatu PETRI, & Cathedra à PAMELIO, contra omnium Antiquorum Codicum Fidem ineptè intrusa esse, scribit MARCVS ANTONIVS DE DOMINIS, Archi-episcopus SPALATENSIS, Lib. I. de Republ. Ecclesiastica, Cap. 7, Num. 18. Et sanè à CYPRIANI proposito aliena sunt ista verba, secundum eum sensum, quo à Papiſtis intelliguntur, nec possunt consistere cum præcedentibus CYPRIANI verbis: nam Primatum interpretantur Suprematum, & Superiorem quandam potestatem PETRO datam. Profecto aut Apostoli ceteri non erant hoc utique quod fuit PETRVS, pari consortio præditi, & honoris, & potestatis: quod, inquam, fuit PETRVS, per illa verba, Tu es PETRVS, &c: & illa,*

Cant. 6.

Pasce Oves Meas: sicut disertè affirmat CYPRIANVS: aut PETRVS nullam habuit superiorem potestatem, quam alii non pariter haberent. Verba igitur ista, de Primatu, oportet esse spuria et irrepticia, nisi intelligantur de Primatu temporis, sive originis, & exordii, non autem de Primatu potestatis. Nam CYPRIANVS concedit hanc potestatem primo concessam esse PETRO, quæ postea & reliquis tributa est, non minore aliquo gradu, sed pari consortio paris potestatis. Illud de *Cathedra una*, nisi intelligatur de simplicitate Prælatorum, & Cathedralium, in singulis Dioecesebus, alienum est à CYPRIANI proposito, neque cum verbis, vel præcedentibus, vel subsequenter, de una Ecclesia, & uno Episcopatu concordat. *Episcopatus*, inquit, *unus est, cujus à singulis in solidum pars tenetur*. Vbi Episcopo ROMANO non nisi *PARTEM* hujus unius Episcopatus, sicut singulis reliquis Episcopis concedit.

4. Qui ordine Hierarchico, honore maximo, dignitatis Pontificalis fastigio, autoritate, potestate pares sunt, ii sunt jurisdictione Episcopali, seu Episcopali potestate jurisdictionis pares: (etiamsi non æquè amplam Dioecesein habeat Episcopus EGYPTI, ac Episcopus ROMÆ) At omnes Episcopi ordine Hierarchico, &c. pares sunt: ergo. Major probatione non æget. Minor patet ex testimoniis supra allatis.

5. Qui sibi vindicare poterunt in Ecclesia quod AARON fuit in Templo, ii habent supremam jurisdictionem Ecclesiasticam, & sunt summi Sacerdotes, ac summi Pontifices: supra quos nulla est potestas Ecclesiastica personalis sublimior de jure divino: at omnes Episcopi sibi vindicare poterunt, &c. ut scribit HIERONYMVS, ad EVAGRIVM: Ergo.

Suprema igitur personalis potestas et dignitas Ecclesiastica, etiam jurisdictionalis, est ea potestas Episcopalis qua præditi sunt omnes et singuli Episcopi, pari consortio,

tio, qua nulla est superior de jure divino, nisi Synodica.

Nihilominus ea de Archi-episcopis, & Primatibus, seu Patriarchis dispositio, seu ordo Oeconomicus, non erit inutilis, sed Ecclesiæ commodus, & laudabilis, si hæc serventur necessariæ cautiones, secundum quas & primitus existit in veteri Ecclesiæ hæc Oeconomia.

Prima Cautio est; Ut secundum distinctos limites imperiorum & ditionum secularium, ita etiam terminetur Archi-episcoporum, et Patriarcharum autoritas. Neque degens in unius supremi principis ditione potestatem accipiat in Clericos degentes in imperio alterius supremi principis. (Nisi forte ex consensu ubi est ditio aliqua valde exigua, egens vicinorum quotidiano consilio & auxilio.) Sic olim Patriarcharum potestas ROMANI imperii finibus circumscripta erat: & secundum formam etiam civilium judiciorum instituta, ut monet ex ANACLETO GRATIANVS, 99 Distinct. Provinciarum.

GVIELMVS BIBLIOTHECARIVS, in vita HADRIANI, Papæ ROMANI, hujus nominis secundi, commemorat convenisse cum imperatore (tertio die post absolutam illam Synodum CONSTANTINOPOLITANAM, contra PHOTIVM, quam ROMANENSES octavam œcumenicam vocant) convenisse, inquam, in domo cum Imperatore BASILIO, ab eodem Imperatore convocatos, Vicarios Patriarcharum Orientalium, Alexandrini, & Antiocheni, & Hierosolymitani, ipsumque Patriarcham Constantinopolitanum Ignatium, (jam Synodica sententia sedi suæ restitutum) & Legatos Ecclesiæ Romanæ, & Legatos Bulgarorum: ibique disceptatum de Bulgaris, ex Paganismo ad Christianismum recens conversis, utrum ad Romanam, an ad Constantinopolitanam Diocesim pertinere deberent; et Vicarios Patriarcharum Orientalium, (frustra reclamantibus Ecclesiæ Romanæ Legatis) adjudicasse Bulgaros Ecclesiæ Constantinopolitanæ; dixisseque

Legatis Romanis; *Satis indecens est*, (verba sunt Vicariorū patriarch. oriental. ad Legat. Roman.) *ut vos, qui Græcorum Imperium detrectantes, Francorum fœderibus inheretis, in Regno nostri Principis ordinando jura servetis.* Hæc illi. Gesta sunt hæc Constantinopoli, Anno D O M. 870, ob civilis imperii, et secularis eminentiæ rationem, cum Roma vetus sola adhuc esset sedes imperii et Senatus, et civile Caput orbis, primus honor inter Episcopos per totum Romanum Imperium, à Patribus concessus est Episcopo urbis Romæ: sicut testantur illi sexcenti et triginta Episcopi, in Concilio œcumenico Chalcedonensi, Actione 15, Can. 28: et eadem consideratione moti Patres illi centum et quinquaginta, in Concilio Constantinopolitano, œcumenico secundo, Can. 3, Anno D O M. 382: decreverunt Episcopo Constantinopolitano, *τὸ πρῶτον τῆς τιμῆς*, primatum honoris, post Romanum Episcopum, eo quod Constantinopolis esset nova Roma. Et sexcenti ac triginta Patres, in Concilio Chalcedonensi, œcumenico quarto, Can. 28, Anno D O M. 451. Novæ Romæ, id est, Constantinopolis Throno Episcopali æqualia privilegia, [*τὸ ἴσον πρῶτον*] cum antiqua Roma tribuerunt. Idemque decretum renovarunt Episcopi plerumque ducenti, cum quatuor Patriarchis Constantinopolitano, Alexandrino, Antiocheno, & Hierosolymitano, in Synodo quinifexta, Can. 36, Anno D O M. 692. Ac tandem Roma veteri AVGVSTORVM Constantinopolitanorum Imperia detrectante, Ecclesiæ Orientales declararunt Episcopum veteris Romæ excidisse omni jure disponendi res Ecclesiasticas in partibus Imperii principi Constantinopolitano adhuc subjectis; sicut jam ostensum est. Nota rationem qua usi sunt Vicarii Patriarcharum Orientalium; quæ jam etiam ad nos BRITANNOS pertinet, qui Romanorum non subjacemus Imperio, nec Romani nostro. Idcirco non minus indecens est, ut

est, ut inter nos jura arroget Episcopus urbis Romæ, quàm indecens esse judicarent Romani si jura inter illos sibi vendicaret primas SCOTIÆ vel ANGLIÆ. Neque magis jam subjectionem debent SCOTI Episcopo Romano, quàm Romani Episcopo SANCCT-ANDREANO.

Secunda cautio est, Vt de hac dispositione, sicut de aliis humanis constitutionibus, maneat sarta tecta Ecclesiæ ea libertas, de qua in propositione diximus.

Tertia cautio; Vt meminerint Archi-episcopi & Patriarchæ, se esse Episcopos & Presbyteros, ideoque eisdem Legibus & Ministeriis necessitate teneri, quibus obligatos esse ostendimus omnes Episcopos Propositione 10.

Quarta cautio; Vt sciat Archi-episcopus & primas aut patriarcha se nō esse totius Provinciæ, omniumque in ea sedium Episcopum, sed suæ tantum Metropolitanæ, aut Patriarchalis, seu primæ sedis Episcopum: ac ne Patriarcham quidem, aut Archi-episcopum, nisi suæ sedis esse: non autem totius Provinciæ, sed in Provinciâ, in qua ipse quidem primus est Episcopus, seu primæ sedis Episcopus, hoc est, Patriarcha: in reliquis autem ejusdem Provinciæ Dioeceses non solus, sed ut unus ex multis, et in iis primus, obtinet, cum iis, auctoritatem, quam et cum eo habet Coëpiscoporum collegium pari consortio honoris et potestatis. Quamvis igitur humano quodam ordine non improbando, et libera quadam œconomia, seu dispositione Ecclesiastica, sit Episcopis prior, non tamen aliqua divini juris potestate, aut dignitate Pastoralis illis superior est. Nam suprema potestas & dignitas Pastoralis est Episcopalis, quam habet quilibet Episcopus, et omnes Episcopi æqualiter.

Hinc est quinta cautio; Vt prima sedis Episcopus non appelletur Princeps Sacerdotum, aut summus Sacerdos, aut aliquid hujusmodi: sed tantum, primæ sedis Episcopus: sicut constitutum est in Concilio Carthaginensi tertio, Can. 25: et inseruit Decreto Gratianus, 99 Distinct.

Can. Primæ sedis (ubi primā sedem autor Glossæ interpretatur Patriarchalem: Et primarum sedium nomine, quas qui tenent, Primates vel Patriarchæ vocantur, intelligendas esse etiam Romanam, et Antiochenam, et Alexandrinam, monet author glossæ, in eadem dist. ad can. Nulli. Adeo ut non sit canō restringendus ad solas primas sedes Africæ.) Item, Vt nemo appelletur universalis Patriarcha vel Episcopus, 99. dist. Can. Nullus, & Can. Ecce: & lib. 4. Epist. Gregorii, ex Registro, Capitibus 76. 77. 80. & alibi.

Sexta cautio est; Vt non præsumat Metropolitanus, aut Primas seu Patriarcha, de rebus alterius Diocæses in sua Provincia disponere, ejusve Clericos ad iudiciū vocare, eōsve deponere aut ordinare, inconsulto Episcopo loci: aut quicquam agere (nisi quod ad suam solummodo propriam pertineat Diocelin) sine consilio & voluntate omnium Comprovincialium Episcoporum. Alioquin irritum erit quod egerit. *Caus. 9. Quæst. 3. Can. Per singulas*, et *Can. Nullus primas*, & *Can. Si autem*.

Septima cautio est; Vt Coepiscoporum Comprovincialium censuræ sit subiectus omnis etiam Patriarcha. Secundum leges illas cōmemoratas Prop. 7. Stultam illam exceptionem de Romanæ Ecclesiæ privilegio, *Caus. 9. Quæst. 3. Can. Salvo*. meritō repudiamus, nam pares causæ paria jura postulant.

Observe autem nos Primatem & Patriarcham, pro eodem hic sumere cum Anacleto & Gratiano, 99. dist. quamvis sæpe distingui videantur. Revera enim omnis Primas est Patriarcha, & vicissim. Vtrique enim vocabulo hæc subest notio, *Episcopus primæ sedis*. Et omnes olim dicebantur Archiepiscopi, ut constat ex actis veterum Conciliorum. Habitus postea is honor est quinque sedium Episcopis, viz. Romano, Constantinopolitano, Alexandrino, Antiocheno, Hierosolymitano, ut per quandā per excellētiā diceretur quinque Patriarchæ. Eorumque sedes Patriarchales. Qui honos non eos eximit à communibus regulis quæ positæ sunt

sunt omnibus Episcopis, & Archi-episcopis, & Patriarchis, sive Primatibus.

Petrus Aureolus, Archi-episcopus Aquensis, in quartum Sent. Distinct. 24. Art. 2. §. *Et nota*, scribit, non adhiberi novam consecrationē, quando Episcopus (antea consecratus) sit Archi-episcopus aut Patriarcha. Antiqui autem Canones prohibent translationem Episcopi, ab una sede ad aliam, sicut docui in tractatu de cura & residentia Pastoralis: ubi etiam ostendimus quibus casib⁹ licita sit translatio.

PROPOSITIO XVI.

DE PAPA ROMANO.

QUicumque, post Apostolorum & Evangelistarum tempora, se vocat Oecumenicum sive universalem totius orbis Episcopum, CHRISTI Vicarium generalem, & infallibilem sacrarum Scripturarum interpretem, omniumq^{ue} in Religione controversiarum judicem supremum, ordinarium, supra Concilia generalia, supra universam Ecclesiam, Caput, Principem summum, Monarcham; qui, etiamsi ditionem temporalem nullam haberet, neminem tamen haberet, neque habeat in terris superiorem, à quo ullo modo judicari possit, qui à nemine in terris judicari possit; qui nullo modo judicari possit in terris ab ullo Principe, sive seculari, sive Ecclesiastico, neque ab omnibus simul, neque à Concilio oecumenico, neque ab universa Ecclesia: & cujus doctrinā tanquam certam & indubitatam suscipere oporteat reverenter, sine examine, & absque ulla disquisitione ulteriore; & sine cujus approbatione & interpretatione non possit ex Scripturis canonicis ullus fidei Articulus certò cognosci, aut credi: à quo non liceat appellare, ne ad D E U M quidem, aut

Spiritu sanctum, neque ad generale Concilium, in quo etiam ipse ille Episcopus qui se universalem vocat interfuit; qui non subjiciatur legibus; qui jus potestatemque habeat Reges & Imperatores Christianos Regnis suis & Imperiis exuendi; & subditis imperandi ne illum Regem aut Imperatorem ultra sequantur; eosque à vinculo obedientiae Principibus suis legitime jurata absolvendi & liberandi; cæque Regna & Imperia ab aliis ad alios transferendi; prout ipse judicaverit causam Ecclesie postulare: qui hanc auctoritatem, hanc exemptionem, hoc jus, hanc potestatem, atque infallibilitatem obtineat ex CHRISTI institutione, per Cathedra prerogativam: quamvis fortè universalis iste Episcopus, & iudex sit à sanctitate alienus, & ineruditus, & in Theologicis questionibus ac difficultatibus haudquaquam exercitatus: Imò qualiscunque ille sit, sive doctus, sive indoctus, sive probus, sive improbus: quicunque, inquam, talem sibi arrogat prerogativam, is hoc ipso se prodit esse illum Antichristum, exlegem, hominem peccati, filium perditionis, adversarium, & se effertentem adversus omne quod dicitur DEVS, aut quod colitur; & in Templo DEI, tanquam DEVM, sedentem, præ se ferentem se esse DEVM: sicut ab Apostolo Paulo describitur, 2. Thess. 2.

Omnia autem ista prædicta, & plura horrenda Bellarminus & Gretserus disertè attribuunt Papæ Romano. Bellarm. Lib. 3, de Verbo DEI, Cap. 3: et Cap. 4, et Cap. 5: et Cap. 9, et Cap. 10. Et Lib. 2, de Pontifice Romano, Cap. 12, et Cap. 26, et Cap. 27, et Cap. 29, cum recognitione. Et Lib. 4, de Pontifice Romano, Cap. 1, et Cap. 3. Et Lib. 5, de pontif. et Lib. 2, de Conciliis, Cap. 15, et Cap. 17, et Cap. 19. Et Lib. 1, de translatione Imperii Romani, Cap. 12. Et in responsione ad Apologiam,

giam, pro juramento fidelitatis, in defensione primi brevis pontificii, §. *Omitto*. Et Lib. contra Barclaium, Cap. 26, et Cap. 31, et Cap. 36, &c. Grefser. Lib. 3, de Verbo DEI, Cap. 3, Columna 1218, C. Et Cap. 4. Colum. 1255, A. Et Cap. 5, Col. 1275, A, B. Et Cap. 9, Colum. 1400, B. (Cui loco alibi contradicit, Lib. 4, Cap. 11, Col. 1820, B, et 1821, A) et Col. 1402, D: et Cap. 10, Col. 1447, A, B. Vide etiam Col. 1451, A: et Col. 1427, B: quoniam Libri ab ipso Romano pontifice suscipiuntur, & approbantur. (Vide etiam Caus. 15, Quæst. 6, Can. *Alius*, et Can. *Nos*, et can. *Iuratos*: et extra, de consuetudine, Cap. *Quanto*, in Glossa.) Unde patet ipsum Romanum pontificem, sibi illi omnia arrogare.

Ego, *P A P A R O M A N V S E S T I L L E A N T I C H R I S T V S*.

Major hujus Syllogismi ulteriore probatione non eget, cum clarissimum contineat commentarium, in illa verba Apostoli, 2 Thess. 2. De ea tamen plura diximus in exercitationibus nostris, de sacra Scriptura perspicuitate & interpretatione, et judice controversiarum: et dicemus (DOMINO donante) in *Isagoge Historico-Theologica*, quam damus Studiosis nostris.

Monendi sunt juniores multa, quæ Romano Episcopo ejusque sedi appropriare conati sunt Romanenses, communia esse aliis sedibus & Episcopis. Quædam exempla subijciam.

Vocant Romanam Ecclesiam, *Apostolicam*. Audi Tertullianum; *Apostoli Ecclesias apud unamquamque civitatem condiderunt; à quibus traducem fidei, & semina doctrinae, cetera exinde Ecclesie mutuatae sunt, & quotidie mutantur, ut Ecclesie fiant. Ac per hoc & ipsæ Apostolicæ deputantur, ut soboles Apostolicarum Ecclesiarum. Omne genus ad suam originem censeatur, necesse est. Itaque tot ac tanta Ecclesie; una est illa ab Apo-*

Ecclesia Apo-
stolica.

stolis prima, ex qua omnes. Sic omnes prima, & omnes Apostolica, dum unam omnes probant unitatem. Communicatio pacis, & appellatio fraternitatis, & concessio hospitalitatis: quæ jura non alia ratio regit, quam ejusdem Sacramenti una traditio. Lib. de præscriptionibus adversus Hæreticos, Cap. 20. Item; Ceterum si quæ audent interficere se atati Apostolicæ, ut ideo videantur ab Apostolis tradita, quia sub Apostolis fuerunt: Possumus dicere: edant ergo origines Ecclesiarum suarum, evolvent ordinem Episcoporum suorum. ——— Confringant tale aliquid Hæretici. Quid enim illis post blasphemiam illicitum est? Sed & si confrinxerint, nihil promovebunt: IPSA ENIM DOCTRINA EORUM cum Apostolica comparata, ex diversitate & contrarietate sua pronuntiabit, neque Apostoli alicujus auctoris esse, neque Apostolici: Quia sicut Apostoli non diversa inter se docuissent, ita & Apostolici non contraria Apostolis edidissent, nisi illi qui ab Apostolis desciverunt, & aliter prædicaverunt. Ad hanc itaque formam provocabuntur ab illis Ecclesiis, quæ licet nullum ex Apostolis, vel Apostolicis auctorem suum proferant, ut multo posteriores, quæ denique quotidie instituuntur, tamen in eadem fide conspirantes, non minus Apostolicæ deputantur pro consanguinitate doctrinæ. Ita omnes Hæreses ad utramque formam à nostris Ecclesiis provocatæ, probent se; quæquæ possunt Apostolicas. Sed adeo nec sunt: nec possunt probare quod non sunt: nec recipiuntur in pacem, & communicationem ab Ecclesiis quoquo modo Apostolicis: scilicet, OB DIVERSITATEM SACRAMENTI; NULLO MODO APOSTOLICÆ. Ibidem, Cap. 32. Item; Adhibeo super hæc ipsarum doctrinæ

doctrinarum recognitionem. ——— PAVLVS, in prima ad Corinth. Epistola, notat, &c. Cap. 33. Item: Age jam qui voles curiositatem melius exercere in negotio salutis tuæ, percurre Ecclesias Apostolicas, apud quas ipsæ adhuc Cathedra Apostolorum suis locis præsidentur, apud quas ipsæ authentica litera eorum recitantur, sonantes vocem, & representantes faciem uniuscujusque. Proximè est tibi Achaia, habes CORINTHYM: Si non longè es à Macedonia, habes PHILIPPOS, habes THES-SALONICENSES; si potes in Asiam tendere, habes EPHE-SVM: Si autem Italia adjaces, habes ROMAM, unde nobis quoque auctoritas præsto est. Statu felix Ecclesia, cui totam doctrinam Apostoli cum sanguine suo profuderunt, ubi Petrus passioni Dominica adequatur, ubi Paulus Ioannus exitu coronatur, ubi Apostolus Ioannes postea quam in oleum igneum demersus, nihil passus est, in insulam relegatur. Videamus quid dixerit, quid docuerit, quid cum Africanis quoque Ecclesiis contesserarit. Vnum DEVM novit creatorem universitatis; & CHRISTVM IESVM ex Virgine MARIA Filium DEI creatoris, & carnis resurrectionem: LEGEM & PROPHETAS, CVM EVANGELICIS & APOSTOLICIS LITERIS MISCET, & INDE POTAT FIDEM EAM: Aqua signat, Spiritu sancto vestit, Eucharistia pascit, Martyrio exhortatur, & ita adversus hanc institutionem neminem recipit. Cap. 36. Item: VNDE AVTEM EXTRANEI & INIMICI APOSTOLIS HÆRETICI, NISI EX DIVERSITATE DOCTRINÆ, quam uniusquisque de suo arbitrio, adversus Apostolos, aut protulit, aut recepit? Cap. 37. Item: Igitur & Scripturarum & expositionum adulteratio deputanda est, VBI DIVERSITAS INVENITVR DOCTRINÆ.

Quibus fuit propositum aliter docendi, eos necessitas cœgit aliter disponendi instrumenta doctrinæ, alias enim non potuissent aliter docere, nisi aliter haberent per quæ docerent Hæresin. sicut illis non potuisset succedere CORRUPTELA DOCTRINÆ, sine corruptela instrumentorum ejus, ita & nobis INTEGRITAS DOCTRINÆ non competisset sine integritate eorum per quæ doctrina tractatur. Etenim quid contrarium nobis in nostris? QUID DE PROPRIO INTVLIMVS, VT ALIQVID CONTRARIUM EI; ET IN SCRIPTVRIS DEPRÆHENSVM, detractiōne, vel adjectiōne, vel transmutatione remediaremus? QVOD SVMVS, HOC SVNT, ab initio suo ex illis sumus, antequam nihil aliud fuit quam sumus. Cap. 38. Hæc Tertullianus.

Apostolicæ igitur Ecclesiæ bifariam dicuntur: 1. Quæ per Apostolos, aut viros Apostolicos conditæ sunt: & in fide ab iis accepta perseverant. 2. Quæ licet nullum ex Apostolis, vel Apostolicis auctorem suum proferant, ut multo posteriores, quæ denique quotidie instituuntur; tamen in eadem fide conspirantes, NON MINVS APOSTOLICÆ deputantur, pro consanguinitate doctrinæ. At illa Ecclesia, cujus doctrina, cum doctrina Apostolica comparata, invenitur diversa ab ea eiq̃ue contraria, non est Ecclesia Apostolica, sed ex diversitate doctrinæ est *extranea, inimica, hæretica*. Et tales Ecclesiæ duûm sunt generum. Nam vel initio pro recta fide conditæ sunt in hæresi, sicut quædam Gothorum olim Ecclesiæ Arianæ: vel conditæ sunt in fide Apostolica, & postea ab ea desciverunt, ut Ecclesiæ illæ quæ aliquando erant Orthodoxæ, postea vero evaserunt hæreticæ. Sic Ecclesia Alexandrina initio Apostolica, postea in hæresin incidit Monophysitarum; & aliæ in alias hæreses. Hoc discrimen est inter ista duo genera; quod prioris generis Ecclesiæ, sint quidem

dem hæreticæ & extraneæ, non tamen Apostolicæ, non enim discesserunt à recta fide, quam nunquam habuerunt; posterioris autem generis Ecclesiæ sint & hæreticæ & Apostolicæ. Qualis est hodie Ecclesia Romana. Antiqua illa Romana Ecclesia, de qua loquitur Tertullianus, fuit verè Apostolica, retinens eam fidem quam ab Apostolis accepit, quippe eam constanter potans ex *Lege & Prophetis, & Evangelicis Apostolicisq; literis*: adeo ut de proprio nihil inferret, neque doctrinæ ejus aliquid contrarium in Scripturis depræhenderetur. At degener posteritas effodit sibi cisternas inventionum humanarum; ipretis puris fontibus divinarum Scripturarum: & de proprio intulit dogmata, sacris Scripturis contraria. Vnde Ecclesia Romana non jam est Apostolica, sed Apostatica. Et illa quondam civitas fidelis, facta est meretrix: & quæ erat plena judicii, in qua habitabat justitia, in ea nunc sunt homicidæ: argentum ejus versum est in scorias, vinum ejus mistum est aqua: sicut de Hierusalem questus est DOMINVS per Prophetam, ESAI. 1. 21. 22. Plantavit illic DEVS vineam plantis vitis optimæ, sicut olim in Israele, & serviverunt DOMINO, primis illis seculis, sicut *servivit Israel DOMINO cunctis diebus Iosue, cunctisq; diebus seniorum, qui diu vixerunt post Iosuem, & qui noverant omne opus DOMINI quod fecit Israeli. Sed omnis illa generatio aggregata est ad patres suos: surrexitq; generatio alia post eos, qui non noverunt DOMINVM, & opus quod fecit Israeli: & fecerunt posterii isti malum in oculis DOMINI: & expectante DOMINO, ut vinea FACERET VVAS, FECIT LABRVSCAS.* Iosu. 24. 31. Iudic. 2. 7. 10. 11. Esai. 5. 2. Nostra autem Ecclesia SCOTICA est verè Apostolica, quia *Legem & Prophetas, cum Evangelicis & Apostolicis literis miscet, & inde potat fidem eam, quam olim Ecclesiis Apostolicis Apostoli tradiderunt.* Neque de proprio quicquam infert, aut quicquam

doctrinæ ejus contrarium in Scripturis deprehenditur.

Prosper, in Epist. ad Augustinum: *Sanc̃tam*, inquit, & *Apostolicam doctrinam tuæ auctoritatem*: nempe, quia doctrina illa Augustini contra Pelagianos, ex Lege & Prophetis, & Evangelicis Apostolicisq. literis hausta erat.

Sæpè mihi & serio monendi sunt Papistæ ne inani vocabulorum sono, & audaci Romani Pontificis jactantia superbâq. elatione se ita miserè decipi patiantur. Sed sensû inquirent, an cum sono concordet:

Eusebius sedē Hierosolymitanā, vocat sedem Apostolicā, Ἀποστολικὸν θρόνον. In actione 18. sexti Cōcilii œcumenici Imperator Cōstantinus, definitionis Synodicæ exēpla, cum Imperatoris subsignatione, mittens quinq. Patriarchalibus sedibus [Ἦς πέντε πατριρχικαῖς θρόνοις.]

Ecclesiam Constantinopolitanam vocat *Magnam Catholicam & Apostolicam Ecclesiam*: & sedem Alexandrinam, *Apostolicam sedem sancti Evangelistæ Marci*. idque approbantibus Patribus Synodicis.

Patres Concilii œcumenici secundi, in ea Epistola quā ad Occidentales scripserunt. Ecclesiā Antiochenam, appellant *Antiquissimam, & verè Apostolicam* ὧς ἀποστολικήν. Et Ecclesiam Hierosolymitanam vocant, *Matrem omnium Ecclesiarum*, πλὴν μετέρα ἀπασῶν τῶν ἐκκλησιῶν. Apud Theodoretum, Hist. Eccles. Lib. 5. Cap. 9.

Iacent etiam Romanenses Ecclesiam Romanam, esse Ecclesiam Catholicam; ut hujus etiam vocabuli sono incautos alliciant. Sed neque huic soli Ecclesiæ tribuebatur hoc Epercheton à Patribus, neque ei nunc verè tribui potest. Catholica Ecclesia, vel significat *Universam quacunq. se diffundit Ecclesiam*: sicut eam describit Augustinus, Epist. 118. Hæc est illa Ecclesia una, quæ in multitudinem latius incremento fecunditatis extenditur. De qua scribit Cyprianus, Lib. de unitate Ecclesiæ. Hæc est illa *Catholica & Apostolica Ecclesia*, ἡ καθολικὴ & ἀποστολικὴ ἐκκλησία: à qua alienos Arianos Hæreticos, & Catharos Schismatico-Hæreticos, declaravit mag-

Ecclesia Hierosolymitana mater omnium Ecclesiarum.

ECCLESIA CATHOLICA.
I.

na Nicæna Synodus, in Symbolo, & Can. 8. Quæ in secundo Concilio œcumenico, Can. 7. appellatur, *Sancta DEI Catholica & Apostolica Ecclesia*. Et in ejusdem Concilii Symbolo, *una sancta Catholica & Apostolica Ecclesia*, *μία αἰγία καθολικὴ, καὶ ἀποστολικὴ ἐκκλησία*. Hæc est illa sublimis Hierusalem, Mater omnium nostrum. Galat. 4. 26. Hæc est illa CHRISTI Ecclesia, quam qui relinquit, non pertinet ad CHRISTI præmia: sed alienus est, profanus est, hostis est. Habere jam non potest DEVM Patrem, qui Ecclesiam non habet Matrem: ut scribit Cyprianus, Lib. de unitate Ecclesiæ. Hanc Catholicam Ecclesiam Augustinus opposuit parti Donati, in Psalmo suo contra partem Donati, & Lib. de unitate Ecclesiæ, Cap. 2. (ubi erymon vocabuli [Catholica] declarat: quia per totum est. Secundum totum enim καθ' ὅλον Græcè dicitur, inquit August.) & alibi passim, in suis disputationibus, adversus Donatistas. Hoc sensu Gregorius, adversus Ioannis Constantinopol. elationē scribens, ait, *Universa ergo Ecclesia, quod absit, à statu suo corrumpit, quādo is qui appellatur universalis cadit*, lib. 4. epist. ex registro, cap. 76. sive epist. 32. *Universa Ecclesia*, id est, Catholica Ecclesia, quam etiam eodē cap. Gregorius vocat *Universalem Ecclesiam*. Vel Ecclesia Catholica significat aliquā Ecclesiæ universalis partē, quæ orthodoxā fidē universalis Ecclesiæ tenet: et hoc posteriori sensu Cathol. Eccl. significat quamlibet particularē orthodoxam et Apostolicā Ecclesiam; eodemq. sensu orthodoxi dicuntur Catholici: sic accipitur Cathol. Eccl. apud Cypr. lib. 3. epist. 11. ubi dicitur, *Vnum Episcopū in Catholica Ecclesia esse debere*: id est, ut explicat Cypr. lib. de simplicit. Prælat. *Esse non posse uno in loco multos Pastores*, (sive Episcopos, nō enim negat plures uni gregi præesse posse Presbyteros) aut plures greges. Patres in Cōcil. Nicæno 1. can. 19. quemlibet orthod. Episc. vocant *Catholicæ Eccl. Episcopū*: nō utiq. Romanæ, sed suæ propriæ Eccl. orthodoxæ. Aut Catholica Eccl. illic significare poterit universā Eccles. cujus omnes sunt Episc. quicunq. illius unius Episcopatus partem aliquam tenent, de quo scribit

Cyprianus. Libro de simplicitate Prelatorum. Qua significatione, in collatione Carthaginensi, cum Donatistis, (Tom. 1. Concil. Part. 1.) sæpe scribitur, *Alipius Episcopus Catholica Ecclesie dixit: Possidius Episcopus Ecclesie Catholica dixit: Augustinus Episcopus Ecclesie Catholica dixit.*

P A P A.

Quod ad nomen P A P A; id etiam aliis Episcopis olim tribuebatur. Presbyteri & Diaconi Romanæ Ecclesiæ scribunt Cypriano Papa: apud Cyprianum, lib. 2. Epist. 7. Alipius, in Concilio Carthaginensi sexto, Sic alloquitur Aurelium Episcopum Carthaginensem, *Sancte Papa Aureli.* Ad eundem Aurelium scribens Augustinus eum vocat *Charissimum fratrem & Consacerdotem & verè sanctum Papam Aurelium.* August. Epist. 76, & 77, in Apologia secunda Athanasij Episcopi Alexandrini inseritur Epistola Constantini Augusti ad Papam Athanasium τῷ πᾶπᾳ ἀθανασίῳ. Hieronymus Epiphanium Salaminæ Cypri Episcopum vocat Papam Epiphanium: in libro ad Pammachium de optimo genere interpretandi; & in Epistola ad eundem PAMMACHIUM adversus errores Ioannis Hierosolymitani; quæ incipit, *si juxta PAVLUM.* Idem Hieronymus suas ad Augustinum Epistolas sic inscribit, *Domino verè sancto & beatissimo Papæ Augustino.* Apud Augustinum Epist. 11. & 13. & 14. &c. Idem quoque Hieronymus, in Apologia adversus Ruffinum, quæ incipit, *Lectis lteris;* mentionem facit *sancti papæ Chromatii.* Ruffinus expositionem suam in symbolum scribit ad papam Laurentium, qui non erat Episcopus Romanus.

Pater beatissimus.

Nomen PATER, et Epitheta illa, *Sanctissimus, beatissimus, religiosissimus, ὁσιώτατος, ἀγιώτατος, μακαριώτατος, ευλαβέστατος, θεοφιλέστατος,* & abstracta, *sanctitas, beatitudo, θεοσεβεια;* tribuebantur omnibus Episcopis: ut patet ex Epistolis illis Episcoporum, quæ habentur in prima parte Consilij Ephesini, œcumenici tertii, & alibi passim, in

in actis veterum Conciliorum. Paulinus, Alipio Episcopo, scribit; *Beatissimo patri Alipio*. Apud August. Epist. 35. Et Augustinus ad Præsidium; *Domino BEATISSIMO & merito venerando fratri & Consacerdoti PRÆSIDIO*. Epist. 16. Idem Augustinus scribens Hesychio, ait, *Domino beatissimo Hesychio, Augustinus*. Eamque Epistolam sic inchoat, *AD SANCTITATEM TVAM* Filio tuo Compresbytero nostro remeante. Epist. 78. Hilarius ad Augustinum scribens, *Sanctitatis, inquit, tue gratia*. Apud Augustinum, Epist. 88. Augustinus Evodium Episcopum compellans, ait, *Sanctitas tua*. Epistola 102. Idem ad Valerium Episcopum suum scribens, adhuc Presbyter, cum vocat, *Patrem, & Dominum beatissimum*; et sic compellat, *Sanctitas tua*. Epist. 148. Prosper, in Epistola ad Augustinum, sic scribit; *Domino beatissimo Pape, — Augustino Prosper*. Et in corpore Epistolæ; *Beatitudini tue scribere. — Consu-
lenda erat sanctitas tua. — Beatitudinis tue li-
bro. — Papa beatissime, pater optime — Dili-
gentiam pietatis tue. — Sciat beatitudo tua. —
Domine Papa beatissime*. Exstat hæc Hilarij Epistola, apud Augustinum, Tom. 7. operum Augustini, ante librum de prædestinatione Sanctorum. Et interitur ibidem Epistola Hilarij, Arelatensis Episcopi, ad Augustinum; ubi Hilarij hæc sunt verba; *Domino beatissimo, — Patri Au-
gustino Hilarius. — Consilium sanctitatis tue. —
Dixit sanctitas tua. — Memorem mei paternita-
tem tuam Dominus Iesus Ecclesia sua annis pluribus do-
nare dignetur domine pater*. Hæc Hilarius. Vide Gregor. Lib. 4. Epist. ex registro, Cap. 80. August. ad Cælestium Diaconum scribens, *Ad me, inquit, directa Hipponem san-
ctitatis tue scripta venerunt*. Et paulo post, *Sanctitatis tue sa-
lutationem debitam reddo*. Epist. 62. Vbi in Epistolæ titulo Diaconum illum vocat, *Dominum venerabilem*.

Cyprianus suas ad Episcopos Romanos Epistolas sic

inscribit, *Cyprianus Cornelio fratri salutem. Lib. i. Epist. 1. et sequentibus. Item, Cyprianus & ceteri Stephano fratri salutem. Lib. 2. Epist. 1. et sic passim. Aurelius, Episcopus Carthaginensis, in Concilio Carthaginensi sexto, Cap. 1. §. 5. Sancto, inquit, Fratri & Consecratori nostro, [Episcopo Romano] singula, &c. In codice Canonum Ecclesiæ Africanæ, Can. 68. Ad sedem Apostolicam, in qua præsidet memoratus venerabilis Frater, & Collega noster, Anastasius. [Episcop. Rom.] Et in Epistola ad Cœlestinum, Episcopum Romanum, sic cum compellant Patres Africani: Domine Frater. Inscriptio Epistolæ Concilii Africani, ad Bonifacium, urbis Romæ Episcopum, sic se habet: Domino beatissimo, & honorabili Fratri, Bonifacio, Aurelius, &c. Ejusdem Concilii Epistola ad Cœlestinum, Episcopum Romanum, sic inscribitur, Dilectissimo Domino, & honorabili Fratri, Cœlestino, Aurelius, &c. Ad eundem Innocentium scripta existat Epistola Aurelii, Alipii, Augustini, Evodii, & Possidii, apud Augustinum, Epist. 95. quæ sic inscribitur: Domino beatissimo, meritoq; honorandissimo Fratri, Innocentio Papa, Aurelius, Alipius, Augustinus, &c. In Synodo Lateranensi, quæ præside Martino. Episcopo Romano, habita est, Anno DOMINI 642. Lecta est Epistola Victoris, Episcopi Carthaginensis, scripta ad Theodorum, Papam Romanum, Martini immediatum prædecessorem; quæ sic inscribitur: Domino beatissimo, & honorabili, sancto Fratri, Theodoro Papa, Victor. Et in corpore Epistolæ habentur hæc verba: Ad quam [Orthodoxam CHRISTI Ecclesiam] omnes beatissimi Apostoli, pari honoris & potestatis consortio præditi, populorum agmina convertentes, &c. Et paulo post: Ad salutationem ergo vestra sanctæ & honorandæ fraternitatis, &c. Sub finem Actorum & Canonum Synodi Nicænæ secundæ, pseudo septimæ œcumenicæ, adjiciuntur quædam Epistola, inter quas est Epistola Tarasii, Patriarchæ Constantinopolitani, ad Adrianum, Papam Romanum: cujus hæc est inscriptio; Per cuncta sanctissimo & beatissimo Fratri, & Coadministro*

[ἀδελφῶν καὶ ἀδελφῶν] Domino Adriano Papæ, senioris Romæ, Tarasius misericordia DEI, Episcopus Constantinopoleos novæ Romæ, in DOMINO salutem.

Hæc ideo indicanda videbantur, ut scirent etiam simpliciores, non esse Romanæ Ecclesiæ aliquā prærogativam affingendam ex verborum foliis, quando deest radix rationis. Ac ne in verborum quidem antiquo usu inveniri quippiam quo se magnopere jactent Romanenses.

De Papæ Romanæ primatu aliquid attigimus in exegeſi superioris propositionis, cautione prima. Adjiciam hic Canonem vniſverſalis Concilii Africani, Episcoporum 217. in quibus fuit beatus Auguſtinus: quod celebratum eſt circa annum D O M. 423.

Concilij Africani, Canon 92. qui etiam invenitur in Concilio Milevitano 2. Can. 22. & in codice canonum Ecclesiæ Africanæ, Cap. 125.

Item placuit, ut Presbyteri, Diaconi, vel ceteri inferiores Clerici, in causis, quas habuerint, ſide judicii Episcoporum ſuorum queſti fuerint: vicini Episcopi eos audiant, & inter eos, quicquid eſt, ſniant, adhibitis ab eis ex conſenſu Episcoporum ſuorum. Quod ſi & ab eis provocandum putaverint, non provocent niſi ad Africanæ Concilia, vel ad Primates Provinciarum ſuarum. Ad Transmarina autem [τοῦς δὲ τῶν πέραν τῆς θαλάσσης] qui putaverit appellandum, à nullo intra Africam in communionem ſuſcipiatur.

Hujus decreti ſui rationes juſtas declarant Patres illius Africani Concilij, in ſua Episto-
la ad Cœleſtinum, Episcopum Romanum,

(quæ exstat in fine prioris partis tomi primi Conciliorum. Edit. Bin.) his verbis:

Nulla Patrum definitione hoc Ecclesiæ derogatum est Africana, & decreta Nicæna, sive inferioris gradus Clericos, sive ipsos Episcopos, suis Metropolitanis apertissime commiserunt. Prudentissime enim justissimeq; providerunt, quacunque negotia in suis locis, ubi orta sunt, finienda: nec unicuique Provincia gratiam sancti Spiritus defuturam, qua æquitas à CHRISTI Sacerdotibus & prudenter videatur, & constanter teneatur: maxime quia unicuique concessum est, si iudicio offensus fuerit cognitorum, ad Concilia sue Provincia, vel etiam universale provocare. Nisi forte quisquam est, qui credat unicuique [ἐν ὁποιοῦντι] posse DEVM nostrum examinis inspirare iustitiam, & innumerabilibus Congregatis in Conciliū Sacerdotibus denegare. Aut quomodo ipsum transmarinū iudicium ratum erit, ad quod testimonium necessaria persona, vel propter sexus vel propter senectutis infirmitatem, multis aliis intercurrentibus impedimentis, adduci non poterunt? Nam ut aliqui, tanquam à tuæ Sanctitatis latere, mittantur, nulla invenimus Patrum Synodo constitutum: quia illud quod pridem per eundem Coepiscopum nostrum Faustinum, tanquam ex parte Nicæni Concilij, exinde transmisistis: in Conciliis verioribus, quæ accipiuntur Nicæna, (ἐν τῷ αὐτῷ ἑσέ-
γει ἀποστολῇ τῆς ἐν Νικαίᾳ) à sancto Cyrillo Coepiscopo nostro Alexandrinæ Ecclesiæ, & à venerabili Attico (παρὰ τῷ μετὰ τὴν Ἀττικὴν) Constantinopolitano Antistite, ex authentico missis, quæ etiam ante hoc per Innocentium Presbyterum & Marcellum Subdiaconum, per quos ad nos ab eis directæ sunt, venerabilis memoria

(*ut res communis privatus*) Bonifacio Episcopo predecessori vestro, a nobis transmissa sunt, (*in quibus*) tale aliquid non potuimus reperire. Executores etiam Clericos vestros quibusque potentibus nolite mittere, ne fumosum typhum seculi in Ecclesiam CHRISTI, quæ lucem simplicitatis & humilitatis diem, DEVM videre cupientibus præfert, videamur inducere. Hæc illi.

Nota est Historia: Rem in pauca conferam, ex illius Africani Concilii Actis. Apiarius, Presbyter Siccensis Ecclesiæ in Africa, ob flagitia sua, ab Episcopo suo excommunicatus est, eamque censuram ratam habuit totius Africæ Ecclesia. Confugit Apiarius ad Zosimum, Episcopum Romanum, eum appellans. Zosimus missis ad Aphros Legatis, una cum scripto commonitorio, egit cum eis de appellationibus Episcoporum ad Romanæ Ecclesiæ Sacerdotem: allegans, Nicæni Concilii, pro ea re, constitutionem. Episcopi Afri reverentia Concilii Nicæni, decreverunt obtemperandum esse Concilii decreto: sed *salva diligentiori inquisitione Concilii Nicæni*: sicut dixit sanctus Augustinus, Episcopus Hipponensis, in Concilio illo Carthaginensi sexto, 217. Episcoporum; ubi hæc quæstio primum agitari cœpit. Quia igitur suspecta habebant quæ à Romanis Episcopis, in ea causa allegabantur, decreverunt Afri mittere ad Episcopos Orientales, Alexandrinum, & Constantinopolitanum, &c. Vt ab eis haberent vera exemplaria decretorum Nicæni Concilii, ex ipsis authenticis ejus monumentis fideliter descripta. Qua de re etiam scripserunt Afri ad Zosimi successorem Bonifacium Episcopum Romanum, protestantes se decreta illa a se à Romano Episcopo, tanquam Nicæna, missa, *paulisper sine ulla injuria servaturos, usque ad inquisitionem statutorum Concilii Nicæni: ad adventum verissimorum exemplariorum Nicæni Concilii. Usque ad probationem.* (ut ipsi

N. 2. loquun-

loquuntur in ea Epistola ad Bonifacium) hortantes etiam Episcopum Romanum, ut ipse eadem servaret quæ in ejusdem Concilii decretis continerentur. Quibus Africanorum literis acceptis Cœlestinus Episcopus Romanus, Bonifacii successor, Apiarium communioni reddidit: missoque cum eo in Africam Legato Faustino Episcopo, hortatus est Afros ut ipsi eum quoque in communionem reciperent. Cum Afri, congregato Concilio, ea quæ Apiario objecta erant crimina discuterent, certi non recipere, nisi confitentem & poenitentem, Apiarius, DE O ejus conscientiam coarctante, in confessionem eunctorum objectorum flagitiorum erupit. Patres autem Africani, acceptis jam ex Oriente veris exemplaribus Nicæni Concilii, monuerunt per literas Cœlestinum, non debuisse hoc ab eo fieri, ut hominem ab eis excommunicatum ipse communioni redderet: hoc enim minime licere. Dehortantur etiam à talium appellationum admissione, & hortantur ut ab eis excommunicatos, ille in communionem nolit ultra excipere: hoc enim etiam Nicæno Concilio esse definitum.

Observe autem Africanos illos Patres Canones Nicænos, Episcopis & Metropolitanis prescriptos, opponere Episcopo Romano, tanquam eisdem legibus obligato, quibus reliqui Episcopi. Non intellexerunt boni illi patres exceptionem illam de privilegio sedis Romanæ, quam postea sibi arrogarunt Pontifices Romani.

Nullum Romani illi Episcopi protulerunt altius repetitum argumentum, quam ab autoritate Ecclesiastica Concilii Nicæni. Patres Africani plus tribuerunt Concilio, quam Episcopo Romano: et depræhenderunt allegationis falsitatem, inspectis veris exemplaribus.

In Canonibus qui Apostolorum dicuntur, Can. 73. Episcopus judicandus dicitur ab Episcopis, et ad extremum à Synodo. Neque eximitur Romanus Episcopus: neque illi ultimum deferatur judicium.

Regnante Mauricio Augusto, Ioannes Episcopus Constantinopolitanus, se nominavit universalem [ὁικουμενικόν]

xv] Patriarcham, circa Annum DOM. 589. Propterea Pelagius, Episcopus Romanus, hujus nominis secundus, prohibuit diaconum responsalem suum, Constantinopoli commorantem, missarum solennia cum Ioanne celebrare. Idemque responsali suo injunxit Gregorius, hujus nominis primus, Pelagii successor immediatus, ut scribit Gregorius, Lib. 4. Epist. ex registro, Cap. 80. Et cum Gregorius literis Imperatoris Mauricii monitus esset, ut cum Ioanne pacem coleret, mentem suam de illo vocabulo [*universalis*] per aliquot Epistolas declaravit. Quædam ejus verba exhibeo: in Epist. ad Mauricium Imperatorem; *Santissimus*, inquit, *Confacerdos meus Ioannes vocari universalis Episcopus conatur. Exclamare compellor ac dicere, O tempora, O mores! Nunquid ego hac in re piissime Domine, propriam causam defendo? Numquid specialem injuriam vindico? Et non magis causam Omnipotentis DEI, & causam universalis Ecclesie? Universa ergo Ecclesia, quod absit, à statu suo corrumpitur quando is, qui appellatur universalis, cadit. Sed absit à cordibus Christianorum NOMEN ISTUD BLASPHEMIÆ, in quo omnium Sacerdotum honor adimitur, dum ab uno sibi dementer arrogatur. Lib. 4. Epist. ex registro, Cap. 76. Item, in Epist. ad Constantiam Augustam; In hac ejus (Ioannis) superbia, quid aliud, nisi propinqua jam Antichristi esse tempora, designatur? Quia illum videlicet imitatur, qui spretis in sociali gaudio Angelorum legionibus, ad CVLMEN conatus est SINGULARITATIS erumpere. Lib. 4. Cap. 78. Item, in Epist. ad Eulogium, Episcopum Alexandrinum, & Anastasium Episcopum Antiochenum; Nullus unquam decessorum meorum hoc tam PROFANO vocabulo uti consensit, quia videlicet si unus Patriarcha universalis dicitur, Patriarcharum nomen ceteris derogatur,*

Sed absit hoc, absit à Christiana mente id sibi velle quempiam arripere, unde fratrum suorum honorem imminuere ex quantulacunque parte videatur. — — — Iactantiam sumpsit; (Ioannes Constantinop.) Ita ut universa sibi tentet adscribere, & omnia QUÆ SOLI VNI CAPITI COHÆRENT, VIDELICET CHRISTO, per elationem POMPATICI sermonis ejusdem CHRISTI studeat membra subjugare. Lib. 4. Cap. 80. Item, in Epist. ad ipsum Ioannem Constantinopolitanum, sic eum alloquitur; Ad hoc perductus es, ut despectis fratribus, Episcopus appetas solus vocari. — — — Tu quid CHRISTO VNIVERSALIS SCILICET ECCLESIAE CAPITI, in extremi judicij es dicturus examine, qui cuncta ejus membra tibi met conaris VNIVERSALIS appellatione supponere? Quis, rogo, in hoc tam PERVERSO vocabulo, nisi ille ad imitandum proponitur, qui despectis Angelorum legionibus, secum socialiter constitutis, ad culmen conatus est singularitatis erumpere: ut & NULLI SVBESSE, ET SOLVS OMNIBVS PRÆESSE VIDERETUR? Qui etiam, dixit; In Cælum conscendam: super Astra Cæli exaltabo solium meum. — — — Quid enim fratres tui omnes VNIVERSALIS ECCLESIAE EPISCOPI, nisi Astra Cæli sunt? Quorum vita simul & lingua inter peccata erroressq; hominum quasi inter noctis tenebras lucent. Quibus dum cupis temetipsum VOCÆVLO ELATIONIS praponere, eorumq; nomen tui comparatione calcare: quid aliud dicis, nisi IN COELVM CONSCENDAM: SVPER ASTRA COELI EXALTABO SOLIVM MEVM? — — — REX SVPERBIAE prope est: & quod dici nefas est, Sacerdotum est preparatus exercitus: quia cervici militans elationis, qui
ad hoc

ad hoc positi fuerant, ut ducatum præberent humilitatis.

———— *Scriptum est; honore invicem prave-*
nientes (Rom. 12.) & tu conaris eum omnibus tollere,
quem tibi illicitè desideras singulariter usurpare. Lib. 4.
Epist. ex Reg. Cap. 82. Item, in Epistola ad Anianum,
Diaconum Constantinopolitanum: Miror autem quod
dilectionem tuam fallere potuit (Ioannes) ut permitteres
Domino Imperatori persuaderi: quatenus ad me sua
scripta de hac causa transmitteret, in quibus admonerer, ut
cum eo pacem habere debuisssem. Qui si iustitiam tenere
vult, illum debuit admonere: ut se à superbo vocabulo
compesceret, & protinus inter nos pax fieret, ———

IN ISTO ENIM SCELESTO VOCABULO CONSEN-
TIRE, NIHIL EST ALIUD QVAM FIDEM PER-
DERE. lib. 4. cap. 83. vide etiam in eodem opere, lib. 6.
cap. 188, et cap. 192.

Quid igitur? Num Bonifacium tertium, Papam Romanum vocabimus Antichristum, eo quod obtinuerit apud Phocam Imperatorem (Anno D O M. 606.) ut Ecclesia Romana caput esset omnium Ecclesiarum, cum Ecclesia Constantinopolitana primam se omnium Ecclesiarum antea scripserit: (sicut monet Anastasius Bibl. in vita Bonifacij 3.) et ut Romanus Pontifex œcumenicus appellaretur? Id quod fecit Phocas in odium Cyriaci, Episcopi Constantinopolitani, qui non passus est è Templo abstrahi fœminas quasdam, quæ eo confugerant, et quas inde abducere volebat Phocas: ut monet Binius, in notis in vitam Bonifacij 3. ex Theophane, et Paulo Diacono.

Non hoc dicimus: sed tantummodo cum Gregorio dicamus, Bonifacium illum fuisse Imitatorem Diaboli, et Præcursorem Antichristi, et prope tunc fuisse regem illum superbix; id est, Antichristum. Affectum qualem tunc

erat, et longe promotum Iniquitatis mysterium, sed nondum erat perfectum. Erat illud nomen gradus quidam ad Antichristianismum: at ipse Antichristianismus per profanam illam nominis interpretationem, quam in propositione indicavimus, postea irrupit. vis graphicam habere regis superbiæ (*Bestiæ illius plene nominibus blasphemia*, Apocal. 17. 3.) descriptionē. Eam tibi in propositione exhibuimus.

Sed mirum videtur, quod dicat Gregorius Chalcedonensem Synodum Romano Pontifici hoc universalis nomen obtulisse: et tamen subiciat nullum unquam decessorum suorum hoc tam profano vocabulo uti consensisse. Quod etiam vocat *nefandum*, *superbum*, *stultum*, & *superstitiosum*, & *blasphemie vocabulum*.

Respondeo: 1. Quæcunque privilegia Romano Pontifici concessa sunt, eis paria concessit Concilium Chalcedonense, sicut monui in exegesi superioris propositionis. Si igitur ex decreto illius Concilij posset Romanus Episcopus dici universalis, pari jure illud nomen usurpare posset Episcopus Constantinopolitanus. 2. Quo sensu a Gregorio vocabulum hoc appellatur profanum, eo sensu non est existimandum illud probatum esse Synodo Chalcedonensi: est autem, profanum et nefandum, si hoc sensu accipiatur, ut universalis ille sprete Coëpiscoporum societate culmen singularitatis conscendere conetur, & universa CHRISTI membra sibi studeat subjugare, & reliquis Coëpiscopis seipsum vocabulo elationis præponat, ita ut eorum nomen sui comparatione conculcet: & ut nulli subesse, & solus omnibus præesse affectet. 3. Episcopus quidem Constantinopolitanus hodieque appellatur œcumenicus, sed non profano isto & scelesto sensu, quo se œcumenicum appellat Episcopus Romanus. 4. Neque hoc nefando sensu vocabulum hoc sibi sumpsit Ioannes Constantinopolitanus, ut patet ex Lib. 6. Epist. Gregorij, ex registro Cap. 188. ubi legimus Anastasium Episcopum Antiochenum, hortatum esse per literas Gregorium, ut de illa

illa Constantinopolitani appellatione non contenderet, sed pacem cum Cyriaco Ioannis successore haberet, *Neque scandalo locum pro nulla causa daret.* Cui rescribens Gregorius, ait se recepisſe Cyriaci Synodicam Epistolam, ne pro causa profani vocabuli *unitatem sancta Ecclesia perturbaret*: sed tamen admonuisse quod pacem cum illo habere non posset, nisi elationem praedicti verbi corrigeret. *Quia, inquit, si hanc aquanimitè portamus, universa Ecclesia fidem corrumpimus.* Non est verisimile Anastasium nihili existimaturum tantam elationem, nisi iudicaret, certamen moveri potius de vocabulo, & ordine prioritatis, quam de re ipsa. Gregorius autem etiam de re ipsa indicavit, periculum futuri abusus. Qui & evenit postea in ipsa sede Romana, per adventum Regis superbiae, quem in propositione descripsimus.

Idem Gregorius suam subjectionem Imperatori proficitur in Epistola ad Mauricium Imperatorem, ubi sic eum alloquitur Gregorius; **PIISSIMVS ATQVE A DEO CONSTITVTVS DOMINVS NOSTER,** inter ceteras, &c. ——— Prudentissimè piissimus Dominus noster ad compescendos bellicos motus pacem quarit Ecclesia, atque ad huius compagem, Sacerdotum dignatur corda reducere. Quod quidem ego opto, atque quantum ad me attinet, **SERENISSIMIS IVSSIONIBVS OBEDIENTIAM PRÆBEO.** ——— Cogitet ergo dominorum pietas de me proprio suo quem specialiter praeceteris semper fovit, atque continuit, qui & **VOBIS OBEDIENTIAM PRÆBERE DESIDERO,** & tamen de mea negligentia reperiri reus in superno tremendoque iudicio pertimesco. ——— Ego autem **DOMINORVM IVSSIONIBVS OBEDIENTIAM PRÆBENS,** praedicto Consacer-

Papæ Romani
subiectio Im-
peratori.

doti meo & dulciter scripsi, & humiliter, ut ab hac inanis gloria appetitione sese emendet, admonui. Lib. 4. Cap. 76. Item, in Epistola ad Constantiam Augustam: PISSIMI DOMINI, scripta suscepi, ut cum fratre & consacerdote meo Ioanne debeam esse pacificus. Et quidem sic religiosum DOMINVM decuit, ut ista Sacerdotibus PRÆCIPERET. Lib. 4. Cap. 78. Hæc Gregorius.

Iuber Apostolus omnem animam subijci potestatibus superiorib⁹, id est, principib⁹ civilibus. Rom. 13. DOMINVS noster iubet offendente fratrem deferri ad Ecclesiam, & ab ea judicari. Math. 18. Apostolus ait, Spiritus Prophetarum, subijci Prophetis; DEVM enim non esse confusionis DEVM, sed pacis. 1. Cor. 14. 32. 33. Ergo papa Rom. si non habeat ipse supremam aliquam jurisdictionem temporalem, necesse habet vel subiectionem & obsequium deferre principi illi in cujus ditione degit, vel fateri se non esse animam, id est, non esse hominem. Si non vult subijci Ecclesiæ, non est frater. Si non vult subijci Prophetis, non est Propheta.

Papa Romanus subiectio Ecclesiæ.

Papa scandalizatus debet offendente corripere, eumque, si obstinate in peccato perstiterit, ad Ecclesiam deferre, (teste Gregorio papa, lib. 4. epist. ex registro, epistola 38. in fine.) Ergo etiam papa offendens, & privatis correptionibus non emendatus, deferri poterit ad Ecclesiam, atque ab illa judicari, nam eadem de omnibus fratribus regula est Math. 18.

In ipso jure canonico, dicitur papam Romanum, si deprehendatur à fide devius: imo de quocunque notorio crimine, unde scandalizatur Ecclesia, si incorrigibilis sit, (de hæresi autem etiam occulta) accusari & judicari posse ab Ecclesia. 40. dist. Si Papa. In glossa. Vbi proponitur questio, Numquid papa possit statuere, quod non posset accusari de hæresi; & respondetur, Quod non. Item alibi, Bene posset papa deponi, eo invito, propter hæresin, inquit autor glossæ, in Sexto, de renuncione, cap. 1. in descript. casus, §. Nota in super.

Gregor. 6. papa Rom. depositus est à concil. Sutirino, anno DOM

no DOM. 1046. & in ejus locū substitutus est Clemens 2. ut scribunt Platina et Onuphr. & judicium illud depositionis Gregorii ratum mansit, sine ulla retractatione: & Clemens ex illo die habitus est pro vero Pontifice.

Gregorius 12 depositus est auctoritate Concilij Pisani, Anno 1409. & in ejus locum suffectus est Alexander Papa 5, quo postea mortuo, creatus est Papa Ioannes 23, (vel secundum Platinam 24.) Hic etiam Ioannes a Pontificatu dejectus est auctoritate Concilij Constantiensis, (Anno 1415) ut legimus in actis illius Concilij Sess. 10, & Sess. 12. Declaravit eadem Synodus, Sess. 4, se potestatem à Christo immediatè habere, cui etiam Papa obedire teneatur. Hæc constitutio & declaratio repetitur, Sess. 5. & extenditur ad omnia alia Concilia generalia legitime congregata. Decernitur etiam, Sess. 6, ut postuletur quidem à Papa Ioanne consensus, si autem non consentiat, tunc nihilominus procedatur contra eum, ejusque fautores, etiamsi non comparuerint ad terminum citationis, ipsorum absentia seu contumacia non obstante.

Basileensis synodi decreto depositus est Eugenius Papa 4. Sess. 34, anno DOM. 1439. in eo etiam concilio declaratum est Papam esse intra Concilium, Sess. 2. congregatum est autem illud Concilium jussu Martini Papæ 5, cujus nomine præfuit Concilio legatus ipsius Iulianus Cardinalis, quem etiam in illo munere confirmavit ipse Eugenius: Anno DOMINI 1431: ut patet ex Eugenij literis ad Iulianum, insertis Sessioni primæ Concilij Basileensis. Vnde non minus parere Synodi illius decreto tenebatur Eugenius, quam decreto Synodi Pisane Gregorius 12, aut Constantiensis decreto Ioannes, aut Concilij Sutriini decreto Gregorius 6, & propterea exinde, ipso jure, Antipapa fuit Eugenius.

MARCELLINVS Papa ROMANVS tempore DIOCLETIANI Imperatoris, fervente persecutione, DEOS alienos adoravit. Ut scribit PLATINA in

Contrainfalli-
bilitatem Pa-
pæ Romani.

ejus vita. Quamvis postea poenitentia ductus Martyrium subjerit. Quid si populus Christianus Papam Idolis sacrificantem, & ita pro tempore evadentem, sequeretur? Num eos excusaret apud D E V M opinio INFALLIBILITATIS PAPÆ ROMANI.

Anastasius, hujus nominis secundus, Papa Romanus, Petri Moggi & Acacii Monophysitarum errore seductus, offensam contraxit indelebilem; et Acacium (jam mortuum) revocare, seu restituere, id est, nomen ejus in sacris Diptychis scribere conatus est; et communicavit cum Phorino Thessalonicensi Diacono, Acacii hæretici sequace: ideoque Clerici Romani à communione Papæ Anastasii abstinerunt: feruntque hominem divino nutu percussum subito interiisse, Anno D O M I N I 498. Hæc de Anastasio scribuntur, ab Anastasio Bibliothecario, & Platina, & Onuphrio, in ejus vita; & à Sabellico, Enead. 8. Lib. 2. et apud Gratianum, 19. Dist. Can. *Anastasius*. Vbi in Glossa, hæc tria annotantur: 1. Anastasium incidisse in hæresin jam damnatam, ideoque Clericos ab ejus communione meritò recessisse, neque necesse fuisse in tali casu novam sententiæ pronuntiationem expectare. 2. Vbi de Fide agitur, Synodum majorem esse Papæ. 3. Anastasium nutu divino percussum dum assellaret emisisse intestina.

HONORIVM, hujus nominis primum, Episcopum Romanum, ut Monothelitam, cum aliis Monothelitis hæreticis, condemnavit, et anathematizavit, sexta Oecumenica Synodus, actione 18. (Anno DOMINI 681.) in definitione Synodica, et in acclamatione ad Imperatorem Constantinum, et in oratione ad eundem Imperatorem prosphenetica, sive acclamatoria: et in literis Synodicis, ad Agathonem, Papam Romanum. Eundemque HONORIVM, cum aliis Monothelitis, à Synodo anathematizatum agnoscit, et pro se anathematizat Constantinus Imperator, in suo edicto, quod incipit, *In Nomine D O M I N I*.

MINI. Idemque facit **LEO 2.** Papa Romanus, Agathonis successor, in sua ad eundem Imperatorem Epistola: in qua ait, se gestorum Synodaliū seriem recensuisse, curiosaque diligentia quæ gesta sunt flagitasse, et reperisse acta Synodalia Romam transmissa per Apostolicæ sedis legatos, scriptis consonantibus convenire cum iis quæ Apostolicæ sedis legati narraverunt: et anathematizat Honorium, quem ait Apostolicam Ecclesiam non Apostolicæ traditionis doctrina lustravisse, sed *profana proditione immaculatam fidem subvertere conatum esse*. Hæc omnia extant, in 18 actione sextæ Synodi. Eundem Honorium in sexta Synodo condemnatum esse, eo quod monothelita esset, scribunt **ANASTASIVS** Bibliothecarius vita Leonis Papæ 2, et Abbas Vespergenſis in suo Chronico. Eandem condemnationem Honorij, tanquam depravatoris veritatis, repetiverunt et susceperunt Episcopi illi ducenti viginti septem, in quinisexta Synodo congregati, Anno **DOMINI 692**. Can. 1. Synodus etiam Nicæna secunda, quæ à Papistis, ut orthodoxa et œcumenica suscipitur, affirmat Honorium Romanum fuisse monothelitam una cum Sergio Constantinopolitano, et Cyro Alexandrino, et propterea illos ut Hæreticos justè anathematizatos esse à Catholica Ecclesia. Prout legere est in actis illius Nicænæ Synodi, actione sexta. Tomo 2. §. *Has sanctas & universales Synodos*. & actione 3, in Epistola Tarasij ad Patriarchas: & in confessione Theodori Patriarchæ Hierosolymitani. & actione 7, in definitione Synodica.

Adrianus 2 Papa Romanus, in Concilio Romæ habito, allocutione 3, fatetur Honorio post mortem anathema dictum esse ab Orientalibus, propter Hæresin, & eam de Honorio sententiam latam esse ait ex consensu Pontificis Romani, & addit hæresin esse causam idoneam libere respuendi placita etiam Papæ Romani. Hæc habentur in actis illius Synodi ab Adriano celebratæ; quæ existant in-

serta septimæ actioni Concilii illius Constantinopolitani, quod Romanenses octavum œcumenicum vocant.

Hoc etiam Concilium, quod octavum vocant, anathematizavit HONORIUM. Actione 10. In termino illius Concilii. In ipso illo Latino codice, de quo Anastasius Bibliothecarius, qui eidem Concilio interfuit, *Quicquid, inquit, in latino actionum octavæ Synodi codice reperitur, ab omni est fugo falsitatis extraneum.* Hæc Anastasius, in præfatione ad acta illius octavæ synodi, quæ celebrata est Constantinopoli, circa Annum DOMINI 873. sedebat tunc Romæ Adrianus secundus.

Iam sive meritò, sive immerentem dicas esse à Patribus illis condemnatum Honorium, necesse est tamen utique fatearis eum pro hæretico habitum esse ab illis qui eum condemnarunt, aut condemnationem ejus approbarunt.

Ex his manifestum est incognitam fuisse Patribus sexti Concilii œcumenici, et quinisexti, itē Nicæni illius secundi, item Constantinopolitani illius quod octavum vocant, novam hanc Papistarum hæresin, de infallibilitate Papæ Romani. Adeo ut non mirum sit recentem hanc et prodigiosum ac verè Antichristianam doctrinam non in mentē venisse Patribus illis qui quintum Concilium œcumenicum, absq. consensu Romani Pōtificis celebrarunt: et sententiam pronunciarunt definitivam, Romano Pontifici Vigilio, frustra reclamanti, displicentem. Cui etiam et ipse Vigilius postea consensit, deposito errore.

Hanc etiam commentitiam infallibilitatem ignoravit SYNODUS BASILEENSIS. In cujus SYNODI, Sess. 34. exstat decretum Synodicum, et sententia definitiva contra Eugenium Papam 4. Vbi Synodus pronunciat, decernit, et declarat eum fuisse et esse notorium et manifestum contumacem, unitatis et pacis Ecclesiæ Dei perturbatorem notorium, universalis Ecclesiæ scandalizatorem notorium, simoniacum, perjurum, incorrigibilem, schismaticum, à fide devium, pertinacem hæreticum, &c. Ac propterea eum à Papatu deponit.

Lubet hic subijcere memorabilem historiam: Circa annum DOM. 990. Hugo Francorum Rex, et Episcopi Legatos miserunt cum literis ad Ioan. papam Rom. contra Arnulphum, Archi-episc. Rhenensem, maiestatis reum, hortantes, et admonentes papam, ut turbata Ecclesiæ, suo cōsilio subveniret: sed papa rem neglexit, nullo suppeditato cōsilio aut auxilio. Reversi legati, quid egissent, narraverūt coram Synodo Episcoporum Gallix, quæ Durocortori Rhenorum celebrabatur, Anno DOM. 991. hoc Papæ Romani fastu et incuria vehemēter offensa est illa Rhemēsis synodus; et inspectis Ecclesiasticis Canonibus, Arnulphum exautoravit: suffecto in ejus locū Gereberto, qui etiam post paucos annos factus est Papa Romanus, et Sylvester secundus appellatus est. Hic Gerebertus historiam illius Synodi conscripsit: quæ ex vetustissimo codice Micianensis quondam Monasterii accepta, & typis evulgata est, Francofurti, Anno DOM. 1600. in illius historiæ, cap. 28. Arnulphus Episc. Aurelianensis, approbante Synodo, hæc loquitur: *Is qui quolibet modo contra leges est* (loquitur de Rom. Pontifice) *legibus præjudicare nō potest. Sed O lugenda Roma, quæ nostris majoribus clara patrum lumina protulisti: nostris temporibus monstrosas tenebras, futuro seculo famosas, effudisti. Olim accepimus claros Leones, magnos Gregorios. — — — Quid hunc, (Ioan. papā intelligit) reverendi Patres, in sublimi solio residentē, veste purpurea & aurea radiantē, quid hunc, inquam, esse censetis? nimirum, si charitate destituitur, solus scientia inflatur & extollitur, ANTICHRISTVS EST, in Templo DEI sedens, & se ostendens tanquam sit DEVS. Si autem nec charitate funditur, nec scientia erigitur, in Templo DEI tanquam STATVA, tanquam IDOLVM EST: à quo responsa petere, marmora consulere est. quo ergo consultum ibimus? —*

Arnulphi Aurelianensis Episcopi dilemma, de Ioanne Papa Romano, quod infert cum vel Antichristum esse, vel tanquam idolum: ac propterea non ab illo sed aliunde petenda responsa.

Venalia Ro-
mana iudicia.

tum ibimus. ——— Divini verbi pabula, ubinam reperiri valeant, investigemus. Certè in Belgica & Germania, quæ vicinæ nobis sunt, summos Sacerdotes DEI, in Religione admodum præstantes, inveniri, in hoc sacro conventu testes quidam sunt. Proinde, si regum dissidentium animositas non prohiberet, inde magis Episcoporum Iudicium petendum fore videretur, quam ab ea urbe, quæ nunc emptoribus venalis exposita, ad nummorum quantitatem iudicia trutinat. ———

——— Cur autem loco prior, scientia inferior, non æquo animo ferat iudicium loco inferioris, scientia prioris? ——— Si injustam iudicij promulgaverit formam [Papa Romanus] VOCEM APOSTOLI AUDIEMVS DICENTIS; QVICVNQVE VOBIS ANNUNCIAVE RIT Præter quod accepistis, Anathema sit, licet Angelum de Cælo esse se fingat. Porro, si tacebit, ut nunc, consulta leges, voce conditorum loquentur. ———

Quoniamque Romana Ecclesia à nobis consulta, nullam iudicij formam promulgavit, ex sacris legibus capitula proferantur. Hæc Arnulphus Aureliamensis, approbante Synodo. Edita est simul Apologia Gereberti ad Wilderodum Argentinæ civitatis Episcopum, pro eadem Rheimensi Synodo. In qua hæc sunt Gereberti verba; Multum interest, utrum DEVS loquatur an homo: & si homo, utrum Apostolus an simpliciter Episcopus. ———

Quomodo mansuras in æternum leges trecenti decem & octo Patres (Nicæni) constituerunt, si horum constituta ad unius (Papæ Romani) libitū permutantur aut perimuntur? Hæc ille. Vnde reverendi Parentis nostri cōmentarium in Apocal. Cap. 13. & Cap. 17. Vbi in fine Cap. 17. Invenies invictam demonstrationem, per quam evincit Romanum Pontificem esse Antichristum.

APPENDIX,

DE DOCTORIBVS.

DOMINVS noster, apud Matthæum, Cap. xxij. reprehendit Phariseos, quod amarent vocari ab hominibus, Rabbi, Rabbi: & Discipulis suis ait, *Vos autem ne vocemini Rabbi: Vnus enim est Doctor vester, nempe, CHRISTUS: omnes autem vos Fratres estis: & Patrem vestrum neminem vocetis in terra, vnus est enim Pater vester, qui est in Cælis: nec vocemini Doctores: vnus enim vester est Doctor, nempe, CHRISTUS:* vers. 8.9.10. Hæc unius Magistri nostri verba quidam imperiti pueriliter interpretantes, eis abutuntur contra gradum docturæ scholasticæ.

Quibus respondemus, DOMINVM nostrum non illic prohibere usum vocabuli, (Doctor:) Nam & ipse dedit Ecclesiæ Doctores, EPHES. 4. 11, & 1. COR. 12. 28. Et Apostolus Paulus seipsum vocat Doctorem Gentium. 1. TIM. 2. 7. Quemadmodum alibi se Patrem vocat Corinthiorum. 1. COR. 4. 14. 15. Deinde an nesciunt hæc duo vocabula, Doctorem & Magistrum, idem significare? Hieronymus legit, *Vnus est enim Magister vester, — nec vocemini Magistri.* Math. 23. Item, *Alios autem Pastores & Magistros.* EPHES. Cap. 4. vers. 11. Isti se patiuntur dici magistros Philosophiæ, quamvis Philosophiam actu non profiteantur: & tamen indignantur quod magistros Theologiæ appellemus eos qui hunc honorem sanctis suis studiis commeriti sunt. Imo vix ipsos sacræ Theologiæ Professores publicos sustinēt salutare Do-

P p

ctores

ctores, quos tamen hoc vocabulo designant sacræ literæ, & Catholica antiquitas. Quamvis enim omnem Pastorem oporteat etiam esse Doctorem, sicut rectè monuerunt Hieronymus, in Comment. in locum citatum, ad Ephesios; & Augustinus Epist. 59. ad Paulinum, in Resp. ad Quæst. 4. & Gregorius primus, Homil. 21. in Ezechielem. Non tamen de nihilo est quod duobus usus, sit vocabulis Apostolus, *Pastores & Doctores*. Nempe, ut ostenderet discretionem donorum; & eorum distinctum quandoque usum. Unde ad Romanos ait, Ἐπεὶ ὁ διδάσκων, ἐν τῇ διδασκαλίᾳ, ἔπε ὁ ὀργανισμὸς, ἐν τῇ ὀργανίσει. Id est, *Sive is qui docet, in doctrina: sive is qui exhortatur, in exhortatione*. ROMAN. 12. 7. 8. & ad TIMOTH. scribens, ait scripturam esse utilem πρὸς διδασκαλίαν, ad doctrinam, &c. Vbi reliquas utilitates ab hac distinguit. Porro doctrinæ duæ sunt partes: una affirmativa, quæ dicitur, *Sana doctrina*: altera refutativa errorum, sive elenctica. 2. TIM. 3. 16. TIT. 1. 9. pro utriusque partis facultate consequenda, instituit DEVS educationem scholasticam, distinctam ab instructione populi: cum in veteri Testamento, ut videre est in Collegiis Prophetarum, quibus præerant Samuel, Elias, Elizeus, &c. tum etiam in Novo Testamento, cujus exemplum habemus in CHRISTI familia, in qua selectos quosdam habebat Discipulos, quos ad publicum ministerium accuratiore quadam institutione præparabat. Idem cernere est in exemplis Apostolorum, qui suos quoque habebant Discipulos sacræ Theologiæ studiosos, quos diligenter erudiebant, eisque scripturarum arcana ita pandebant, ut perfecti esse possent homines DEI, ad omne opus bonum perfectè instructi. 2. TIM. 3. 17. Et suis discipulis in mandatis dederunt Apostoli, ut hanc Scholasticam studiorum educationem intercideri non paterentur: *Qua*, inquit, *audisti à me per multos testes, hac committe*
fidelib

fidelibus hominibus, qui erunt idonei ad alios quoque docendos. 2. TIM. 2. 2. Nempe, multum est facere fidelem, siue Christianum, (nempe, Ministerialiter) ac multo majus est facere Christianorum Pastorem & Doctorem.

Hanc divinam institutionem, sequens MARCVS Evangelista, constituit Alexandriæ Scholam Ecclesiasticam, siue Theologicam, in qua Doctores Ecclesiastici, siue Theologici, per diatribas Catecheticas divinorum dogmatum thesauros discipulis aperirent. *In Alexandria*, inquit Hieronymus, *a Marco Evangelista semper Ecclesiastici fuere Doctores.* Hæc ille in Catalogo scriptorum Ecclesiast. Cap. 46. Idem eodem Lib. Cap. 48. De CLEMENTE loquens PANTENI auditore: *Post ejus [Pantani] mortem*, inquit, *Alexandria Ecclesiasticam Scholam tenuit*, & κατηχήσεων Magister fuit. de Schola illa loquens Eusebius eam appellat τὸ διδασκαλεῖον τῆς ἱερᾶς πίστεως: id est, *Scholam sacra fidei.* Lib. 7. Hist. Ecclesiast. Cap. ultimo. Item, τὸ τῆς κατηχήσεως διδασκαλεῖον, Theologicæ institutionis Scholam. Lib. 6. Cap. 3. Item, διδασκαλεῖον τῶν ἱερῶν λόγων, Doctorem, siue Doctrinalem, Scholam sacrorum Sermionum. lib. 5. cap. 9. 10. & πλὴν τῶν πιστῶν διατριβήν, Fidelium institutionem, seu exercitationem Scholasticam. Ibidem. & πλὴν κατ' ἀλεξάνδρειαν κατήχησιν, lib. 6. cap. 5. 5. & πλὴν διατριβὴν τῆς κατηχήσεως, Scholam institutionis, Lib. 6. Cap. κθ. 25. quæ vocabula, διατριβή, κατηχήσις, etiam ipsum opus, seu muneris doctoralis Scholasticam executionem designant. Vnde Eusebins de Origine, Clementis discipulo, & successore in præfectura Scholæ Alexandrinæ, concedente Demetrio, Episcopo Alexandrino, ait, Ἐπεὶ δὲ ἐώρα φοιτητα ἤδη πλείους προσιόντας, αὐτῷ μόνῃ τῆς τῆς κατηχῆς διατριβῆς ὑπὸ Δημητρίῳ τῆς ἐκκλησίας προσεσώ-

τὸ ἐμπεριπατεῖν: id est, Verum ubi vidit Discipulos jam plures adventantes, cum ei soli illud docendi munus à Demetrio, qui Ecclesia illi tum præsuit, concreditum esset: lib. 6. Hist. Cap. 3. Et ibidem ejusdem muneris exsequutionem vocat, τὸ πρὸς τὴν θεῖαν παιδείαν ἀσκησις: id est, Studium quo exercetur aliquis in docendis divinis literis. Alibi hoc opus appellat, τῆς κατὰ χρίστος τέρψου: id est, Sacra in Schola institutionis opus. Lib. 6. Cap. 4. 7.

Res ipsa etiam clamat necessariam esse hanc futurorum Pastorum educationem accuratiorē. Parum est, inquit HILARIUS) in rebus ad salutem maximè necessariis, sola ea ad satisfactionem fidei asserre, quæ propria sunt. Quia plerunque blandientes sensum fallant dictorum nostrorum inexplorata assertiones, nisi etiam propositionum adversarum demonstrata inanitates fidem nostram, in eo ipso quod ipsæ ridiculæ esse arguantur, affirmant. Hæc HILARIUS, Pictavorum Episcopus, Lib. 1. de Trinitate. in argumento libri 8. Facile est, inquit AUGUSTINUS, ut dicatur quid credendum, quid sperandum, quid amandum sit. Sed quemadmodum adversus eorum, qui diversa sentiunt, calumniis defendatur, operosioris, uberiorisque doctrina est. Quæ ut habeatur, non brevi Enchiridio manus debet impleri, sed grandi studio pectus accendi. Hæc AUGUSTINUS, Enchirid. Cap. 6. ISIDORUS HISPALENSIS, Lib. 3. de Summo Bono, Cap. 36. Tam doctrina, inquit, quam vita clarere debet Ecclesiasticus Doctor, nam doctrina sine vita, arrogantem reddit; vita sine doctrina inutilem facit. Hæc ille.

Ne igitur inutilibus Pastoribus committantur Ecclesiæ, utilissima & necessaria est Scholastica Studiosorum educatio

catio in studio Theologico. Scholis illis qui præfunt, exercent præcipuè donum Doctore, & nihil aliud sunt ex officio nisi sacrae illius doctrinae (quam Theologiam vocamus) Doctores sive Magistri, secundum divinam institutionem, & primitivæ Ecclesiæ consuetudinem. Ita tamen, ut quemadmodum Pastor gregis meminisse debet ad suum etiam officium pertinere doctrinam, unde ipsi Pastores etiam Doctores appellantur, quamvis usitatus Pastores, ita & Doctor Scholasticus non prorsus negligat exhortationem Pastoralem. Parcius tamen & breviter, et doctrinae magis perspicuitate morumque exemplo, quam longis Parænesibus hanc partem exequetur. Est quoque, dicique poterit ipse Pastor, pascit enim discipulos suos scientia & intelligentia, (IEREM. 3. 15.) eosque regit: quamvis usitatus & convenientius, propter doni Doctoralis, prout a Pastoralis distinguitur, ordinarium, magisque ipsi ex officio incumbens exercitium, Doctor sive Magister dicatur.

Sed concedent fortasse publicis S. Theologiae Professoribus appellationem Doctorum jure officij; quærent autem quo jure hunc titulum concedamus hominibus in nulla professione publica actu constitutis.

Respondeo: 1. Quærendum ex illis, quo jure hoc culpent. Non enim hanc consuetudinem infirmare possunt ex illis DOMINI verbis, quibus monet Discipulos suos, ut nolint vocari Rabbi sive Magistri: alioqui enim neque Apostoli neque ulli Pastores appellari possent Doctores: hoc autem falsum est, sicut ostendimus. Quid verò illic interdixerit CHRISTVS, conabimur inferius investigare.

2. Cum licitus sit vocabuli usus, quid vetat ipsum extendere ultra consuetam in SCRIPTURIS acceptionem? Quamdiu nihil SCRIPTURÆ contrarium affirmatur, aut negatur. Eodem jure, quo commune

Christianorum nomen appropriatur doctoribus scholasticis, dum PROFESSORES dicuntur: quod vocabulum hoc sensu in sacris Literis non invenitur. De nominum appropriatione, vel extensione, plura diximus supra propositione undecima.

3. Ut virtuti laudem tribuamus, & justum veritati, honorificumque eximiae industriæ & excellenter doctæ pietati testimonium perhibeamus, non solum scripta, sed etiam nata lex est. Quocirca nemo, nisi virtutis inimicus, æquitatis adversarius, & bonorum studiorum jyratus hostis, reprehendere potest laudabilem hanc consuetudinem, qua viros ad docendū, hoc est, ad doctorale in Scholis munus gerendum, (sic enim intelligimus) idoneos, doctorum vocabulo ornamus: aliisque virtutis insignibus decoramus. Præsertim cum ex recepta loquendi consuetudine significatio jam cuilibet sit obvia. Cogitent interim æqui rerum æstimatores, qua reprehensione digni sint Cynici isti, qui latratu suo Ecclesiam CHRISTI in eam redigi cuperent servitutem, & sancta virtutum studia à prophana barbarie ita calcari, ut non permitteretur Academiis Christianis, insigni tam aliquam adhibere debiti honoris notam, per quam virtus ab ignavia, industria ab inertia secernatur. Et studiosorum animi ad honesta studia alacriter capessenda, & occurrentia tadia fortiter devoranda, vehementius inflammentur. Non ut propter externa ulla & fluxa præmia virtutem quærant, sed ut virtutem propter se apperendam esse discant, tanquam rem in se præstantissimam, quam vident apud viros sapientissimos in tanto esse pretio, ut eximiis eam honoribus prosequantur. Nam quæcunque honoris Scholastici externa insignia adhibentur, in hunc finem sunt comparata, ut ad intrinsicam ipsius virtutis excellentiam & honorificentiam cogitandam homines per ista externa aliquo modo admoneantur: veluti si navem auro onustam sermo floreo decorares: aut pyxidem gemmis plenam pretiosissimis filo argenteo redim

redimeres. Sicut etiam alias monuimus in publico programme.

4. Concedent fortasse, ut viris dignis honor Scholasticus solenniter tribuatur: sed mallent nomen Doctoris non dari nisi publicis Professoribus & Pastoribus.

Respondeo: Cum rei & honoris ipsius æquitas manifesta sit, cui bono funem contentionis ducunt de nomine? Deinde quid si eos renunciaremus *IDONEOS ad docendū alios?* Vtentes verbis Apostoli, 2. Timoth. 2. 2. Ad docendum, inquam, in Scholis, ut supra monui; id est, ad excercendum munus doctorale Scholasticum: & compendii gratia, uno vocabulo eos salutareremus *IDONEOS*, ut *IDONEVS IN S. THEOLOGIA* idem significaret quod nunc *DOCTOR S. THEOLOGIAE*, in promotionibus Scholasticis. Certè honor non minor esset *IDONEORVM* *ἰδυνών*, quam nunc est *DOCTORVM* illorum, in quibus nomen *DOCTORIS* nihil aliud significat, nisi quod sint *IDONEI*. Estque jam hic sensus vocabuli palam notus, & omnibus obuius. Nec minus eo vocabulo exacerbaretur, et cruento ore fremeret invida detractio,

*Quam prava rectis plus iurant,
Plus falsa veris recreant:*

PSAL. 52.

Porro, pro hoc vocabuli usu, ut idoneus ad docendum dicatur *DOCTOR*, habent Ecclesiæ et Academiæ exemplum Apostoli; quod omnibus tenebrionum ineptis merito anteponunt: *Qui, inquit, deberetis pro temporis ratione Doctores esse.* HEBR. 5. 12. Certè non intelliguntur ibi Doctores officio, sed aptitudine seu facultate docendi: nihil enim illic directè taxat in eis nisi defectum facultatis, siue aptitudinis, ex neglectu temporis. Non autem eos reprehendit directè & immediatè de eo, quod vel officio careant, vel ab opere docendi cessent, sed quod ad neutrum adhuc sint idonei. At quæres, de quibus illic loquatur Apostolus; An de Doctoribus in Schola promo-

eis? Quæro ego vicissim, an illic loquatur Apostolus
 etiam Studiosis S. Theologiæ Scholasticis? Si neges, se-
 quetur Studiosos ista admonitione Apostolica non obligari
 ad industriam illic commendatam. Hoc autem absurdissimum est.
 Non enim propter solos Plebeios, imò neq; propter solos
 HEBRÆOS, sed in usum omnium Christianorum scripta est illa
 correptio, Apostolica, ut omnes pro suo quisq; statu & vitæ
 cōditione, ad ulteriorem indies profectum enitantur. Ut pos-
 sint aliquando esse Doctores, id est, idonei qui alios doce-
 ant. Sive sint Scholastici; sive Rustici; sive Mercatores,
 sive Nautæ &c. Ut nimirum ij qui non adspirant ad mu-
 nus Doctorale, Doctores tamen sint tum aptitudine, tum
 exercitio per fraternas instructiones & commonefactio-
 nes: qui verò in ea incumbunt studia per quæ idonei tan-
 dem aliquando evadant, qui publicum Doctorale munus
 in Ecclesia vel Schola gerant; ad hanc consequendam
 facultatem sive aptitudinem, nihil debitæ industriæ inter-
 mittant, neque tempus per ignaviam sibi perire sinant.
 Cum igitur etiam ad Scholasticos. S. Theologiæ Studio-
 sos admonitio illa Apostolica evidenter pertineat; si quos-
 dam Studiosos de temporis dispendio, verbis Apostolicis
 admoncam, & dicam eos *pro temporis ratione debuisse*
jam esse Doctores. Quis erit hujus vocabuli sensus?
 Non certè ut officio sint Doctores; alioqui enim etiam in
 quosdam maxime sedulos, & ad officium Doctorale ex-
 cellenter idoneos, nondum tamen in publico munere con-
 stitutos, recideret ea reprehensio: quod est contra men-
 tem Apostoli. Neque nomen Doctoris hic significabit
 actum fraternæ illius instructionis, nam hunc & illiterati
 sibi invicem debent, & de neglectu istius actus corripi
 possunt quidam satis idonei. Volo autem repræhendere eos
 tantum qui non sunt illud assequuti quod peculiariter re-
 quiritur in studiosis S. Theologiæ: nempe, ut pro tem-
 poris ratione idonei sint ad suscipiendum publicum offi-
 cium Doctorale. Quos autem sic idoneos inveniunt Aca-
 demia,

Academiae, eos, in honorem virtutis, & ad excitandum juniorum animos, renunciant DOCTORES, vocabulo Apostolico,

MATTHAEVS utitur vocabulo καθήγητης quod ductorem propriè significat; illo autem loco Magistrum, qui ducit Discipulos in via sapientiae. Eusebins verbo utitur ad significandum Rectoris Scholae praefecturam: *Post Pantanum*, inquit, *Clemens Scholae Alexandrinae*, ad illud tempus praefuit, τῆς κατηχέως καθήγητο. Lib. 6. histor. Ecclesiast. Cap. 5. 5.

Doctores igitur Scholastici, sive Ecclesiastici, prout à Parochiarum Pastoribus distinguuntur, duorum sunt generum. Alii sunt Doctores officio, nempe, publici Professores; alii sunt Doctores facultate. Facultas autem Theologiae geminam habet significationem; vel enim denotat ipsius hominis vires & habilitatem ad exercendum munus Doctorale; vel potestatem ipsi publica autoritate concessam se palam gerendi pro dictore habili, & suam habilitatem jam proclamatione publica palam testatam ubivis profitendi. Et hic est ille honor Scholasticus, quem gradum Doctoralem vocamus, qui nihil est aliud quam publicum Academicum de hominis habilitate testimonium, cum perpetuo debiti honoris insigni, palam ac solenniter perhibitum. Et quia dandi publicum huiusmodi testimonium potestas conceditur Collegio Professorum Academicorum, inde ipsi Collegio nomen inditur facultatis: quia habet facultatem sive potestatem non solum publice docendi, sed etiam Doctores creandi sive renunciandi. Hinc pro disciplinarum diversis generibus, distinctae etiam in Academicis sunt facultates: nempe, Theologica, Iuridica, Medica, Philosophica, cum qua cohaeret Philologica. Et in singulis facultatibus Studiosi, prout merentur, consequuntur gradum Doctorum, per quem renunciantur Doctores sine Magistri illius disciplinae, non quidem officio, at facultate.

Quia autem longum est æquor conficiendum Studiofo, ut ad Doctorale fastigium tandem perveniat, ne interea iti-

Alij sunt
Doctores officio,
alii facultate.
Facultas
Theologica.

neris longitudine territi, & laborum pondere gravati studiosi animū desponderent, aut faciscerent, prudenter provisum est, ut aliquod in via proponeretur iis refrigerium, nempe, honor Baccalaureatus, ut veluti resectis viribus, & hujus honoris adeptione, & propinqui Doctoratus expectatione erectis animis, reliquum spatium alacrius decurrerent.

Dices multis indignis conferti hunc honorem. Respondeo: Hoc quidem iniquè sit; sed nihil facit adversus æquitatem promotionis eorum qui digni sunt: nam & multi indigni ordinantur Presbyteri, nec tamen propterea culpari potest ordinatio eorum qui ad munus Presbyterale inveniuntur idonei.

Quid opus est, inquires, eos renunciare Doctores, qui jam actu sunt publici Professores, exercentes officium Doctorale, adeoque sunt Doctores officio? Respondeo: 1. Hæc solennis renunciatio, est nova & honorifica agnitio aptitudinis eorum, & testificatio Academica, quod digni sint eo officio quod gerunt. 2. Æquissimum est, ut qui tam bene de Academiis merentur, eos vicissim Academicæ honoribus Academicis cumulatissimè prosequantur. Neque eis fraudi esse debent ipsorum merita. 3. Hac promotione redduntur idonei promotores aliorum. 4. Conferitur eis hic honor, ut sive in publicæ Professionis exercitio maneant, sive aliò evocentur, circumferant hoc honoris Academici insigne, quo discernantur ab aliis hunc honorem non consequitis.

Cum D O M I N I nostri verbis ad Discipulos apud MATH. CAP. XXII. non prohibeatur usus vocabuli Doctoris; sed quidam abusus in re; meritò quæri potest, quidnam sit illud quod eo loci D O M I N U S prohibet. Respondeo: 1. Hypocritica ambitio: 2. Superba arrogantia, cum avaritia conjuncta: ut patet ex ipso textu. *Omnia*, inquit, *opera sua faciunt ad hoc, ut spectentur ab hominibus. Dilatant enim phylacte-*
ria

Quid prohibeat D O M I N U S, Matth. 23. verbis citatis.

*ria sua, & producunt fimbrias palliorum suorum, amant q̃
 primos accubitus in Cœnis, & primos confessus in Synagogis,
 & salutationes in foro, & vocari ab hominibus, Rabbi, Rab-
 bi: vos autem nolite vocari Rabbi.* —————

*Qui maior est vestrum, erit minister vester. Qui autem
 seipsum exalta verit, humiliabitur: & qui se humilia-
 verit, exaltabitur.* His verbis habemus repræhensionem
 Hypocriticæ ambitionis, & ambitiosæ Hypocriticos. Quia
 in tota sua professione, & officii sui honore, non qua-
 rebant quæ D E I sunt, sed quæ hominum: non qua-
 rentes Gloriam D E I, sed A V R A M multitudinis:
 quos magis præesse quam prodesse delectabat, qui ma-
 gis honorem officio debitum, quam ipsius officij fidelem
 exequutionem amabant. Non prohibet D O M I N U S
 primum accubitus in Cœna, aut primum in Ecclesia
 confessum, neque vetat Pastores & Doctores saluari vo-
 cabulo functioni ipsorum congruente: sed prohibet hy-
 pocriticam in istis delectationem, & ambitiosam hypocri-
 sin. Alterum vitium quod illic repræhenditur est superci-
 liosa *ἔτεροδιδασκαλία*: Per quam Pharisei, spreto cœlesti
 magisterio, sua placita & inventiones humanas conscien-
 tijs hominum ita magistraliter obtrudebant, ut propter
 suas traditiones mandata Dei irrita facerent, Math. 15. 3.
 6. 9. Sic claudentes regnum cœlorum coram hominibus:
 & nec ipsi introeuntes, nec alios introire sinentes, Math.
 23. 13. Non aliam reddentes dictaminum suorum ratio-
 nem, nisi superciliosum illud, *Ipsæ dixit, id est, ita senio-
 res tradunt, tu nos doces?* (perinde ac illi qui hodie nullam
 aliam reddunt dictaminum suorum rationem, nisi,
*hoc tibi assero, hoc de me habeto, ego in conscientia mea
 hoc mihi persuadeo*) additis in errorum confirmationem
 longis precationibus Matth. 23. 14. ut hac justitiæ specio-
 sitate (sic vocat Hilarius) incautos deciperent, & sibi ob-

ligatos tenerent. Hoc vitium diligenter cavendum esse monet Paulus Apostolus, 1. Cor. 1. & sequentibus aliquot capitibus. & ob hoc vitium denunciatur DOMINVS, VÆ Scribis & Phariseis Hypocritis. Sub hac autem hypocriseos & magisterij larva devorabant domos viduarum, & inde gravius iudicium eis denunciatur. Math. 23. 14. *Hinc ille (inquit Hilarius) sunt veritatis inficia, hinc adeunda cateris salutis inhibitiō, & regni cœlestis obseratio, ut in obeundis viduarum domibus retineatur ambitio, ut longæ orationis dignatione spoliētur [viduæ] ut ab his [Phariseis] cœlestis cognitio tanquam a thesauro repositæ opulentiæ expetatur: ut legis [seu potius traditiōnum Pharisæicarum quas proponebant velut genuinas legis expositiones, cum tamen meræ essent corruptelæ] dignitas, gratiæ [quam CHRISTVS prædicabat congruenter Legi & Prophetis] silentio perseveret. & ideo accipient amplius iudicium, quia & pœnam proprii peccati, & reatum alienæ ignorantie debebunt.* Hæc Hilarius Pictaviensis Comment. in Math. Canone 24. in caput. 23. Vnum habemus magistrum, CHRISTVM; qui est Ecclesiæ suæ Pastor, cuius solius vocem oves audire debent. Quicumq; autem aliud nobis evangelizaverit præterquam quod accepimus, anathema sit, etiam si Angelus de Cœlo sit. MATH. 23. IOANN. 10. GALAT. 1. Nostri autem officij est nihil populis tanquam de fide proponere, nisi quod ab illo uno Magistro accepimus. Id quod nos suo exemplo docet Paulus Apostolus, 1. COR. 11, 1, 23. Hinc monet Iacobus Apostolus, Ne sitis multi Magistri, Fratres mei, scientes quod gravius iudicium accipiemus. IACOB. 3. 1.

Quicquid ille [CHRISTVS] de suis factis & dictis nos legere voluit, hoc scribendum illis [Discipulis suis] tanquam suis manibus imperavit; inquit Augustinus, Lib. 1. de consensu Evangelistarum, Cap. 35. Idem alibi; Sau-

Et a Scriptura nostra doctrinæ regulam figit, ne audeamus sapere plus quam oportet: Lib. de bono viduitatis, Cap. 1. Item; Si autem non ea de Scripturis sanctis legunt, sed suis contentio- nibus persuadere conantur, credo illa quæ in Scripturis sanctis le- guntur, non credo ista quæ ab Hæreticis vanis dicuntur: Lib. de unitate Ecclesiæ, Cap. 12. In quo libro multa repe- riuntur præclara testimonia de audienda unius Pastoris voce in sacris Scripturis sonante.

Quicumque Doctores sua, aut aliorum hominum pla- cita, quæ ex sacris Scripturis demonstrare nequeunt, pro divinis venditant oraculis, illi unius CHRISTI Ma- gisterium contemnentes, seipsos exaltant, & magistri ha- beri volunt, contra illud CHRISTI mandatum, quo monuit ut Magistri non dicamur, sed unicum agnoscamus Magistrum; & nos omnes meminerimus esse Fratres, sive Condiscipulos, ut ab unius Magistri ore omnes nos (tum qui discipuli, tum qui Magistri dicimur) pendeamus. Ni- hil de nostro addentes, neque verbis unius Magistri quic- quam dementes. *Verba sapientum sunt tanquam stimuli, & tanquam clavi infixi anthorum collectionum: quæ data sunt à PASTORE vno, inquit Salomon, Eccles. 12. 11. Prop- terea arrogantes isti, qui se pro Magistris gerunt, & CHRISTI oviculas ab unius Pastoris voce abducunt, gravius iudicium accipient.*

Quæri potest de Doctoribus officio, quos publicos S. Theologiæ Professores appellamus, utrum debeant esse, Presbyteri, necne? Respondeo: Mallem esse Presbyteros quia ex officio sunt ordinarij Ministri sermonis, ὑπὲρ τὰς λόγας: non tamen semper est necessarium; hoc suadet non solum Ecclesiarum hujus temporis consuetudo, sed etiam exemplū quorundam veterū Episcopis magni no- minis probatum. Etsi Pantænus & Clemens, Scholæ Alex- andrinæ Magistri, Presbyteri fuerunt; Origeni tamen ad- huc Laico concessum est docendi munus in ea Schola, re-

ſte Euseb. Lib. 6. Hist. Eccles. Cap. 3. Postea autem in Palæstinam se contulit Origenes, & Cæsareæ ludum aperuit, ubi licet nondum Presbyterij gradu potitus esset, ab Episcopis, qui ibi erant, ad disputandum, & ad sacras etiam Scripturas in communi Ecclesiæ conventu aperiendas admissus est. Posterior hæc libertas concionandi coram populo displicuit Demetrio, Episcopo Alexandrino, sed factum suum in concedenda illa libertate Alexander Hierosolymorum Episcopus, & Theodotus Cæsareæ Episcopus defenderunt exemplis aliorum quorundam Episcoporum, qui Laicos quosdam, habiles & idoneos ad præbendum fratribus adjumentum, hortati fuerant ut populum in verbo instituerent, τῷ λαῷ πεποικιλῆν: ut scribit Euseb. Lib. 6. Hist. Cap. 13. κ. Quamvis hac quidem in parte fortasse non malè senserit **D E M E-
T R I V S.**

C A P.



C A P V T XII.

De potestate Excommunicandi.

IOANNES CALVINVS, GASPARI LISERO,
in Lib. Epist. Col. 180.

NUNQUAM utile putavi, *jus*
excommunicandi permitti singulis Pasto-
ribus. Nam & res odiosa est, nec exem-
plum probabile, & facilis inde in ty-
rannidem lapsus, & alium usum Apo-
stoli tradiderunt. I.

HIERONYMVZ ZANCHIVS, in quartum præceptum,
in tractatu de Disciplina Ecclesiastica, Col. 756.

Si Ecclesia exigua sit, & non multis eruditis homi-
nibus constans, non debet excommunicatio fieri, nisi
vicinioribus consultis Ecclesiis. II.



CAPVT XIII.

De certa Precum, & Catechismi, & Rituum
Ecclesiasticorum forma publica habenda
& præscribenda.

IOANNES CALVINVS, in Epistola ad Pro-
tectoorem ANGLIÆ: Lib. Epist.
Col. 91.

I.

Vide supra,
Prop. 13. vbi
de Missa, &
infra, cap. 17.
Num. 2.



QUOD ad formulam Precum & Ri-
uum Ecclesiasticorum, valdè probe, vt
certa illa existet, à qua Pastoribus dis-
cedere in functione sua non liceat,
tam vt consulatur quorundam simplici-
tati & imperitiæ, quàm vt certius ita constet omnium
inter se Ecclesiarum consensu. Postremo etiam vt
obuiam eatur desultoria quorundam leuitati qui Nova-
tiones quasdam affectant: uti eo pertinere Catechis-
mum ipsum ante ostendi. Sic igitur statum esse Ca-
techismum oportet, statam Sacramentorum administra-
tionem, publicam item precum formulam.

CAP.



CAPVT XIV.

De Concione sive exhortatione funebri.

IOANNES CALVINVS, in Epist. ad MONS-
BELOARDENSES, Lib. Epist.
Col. 56.



IN Sepultura mortuorum hanc modera-
tionem vellem adhiberi, ne in Templum
funus deferretur, sed recta in camete-
rium. Illic quoque exhortationem ha-
beri vellem, ut in re presenti funeris
comites agnoscerent quod diceretur. Hæc ratio non ad-
modum improbanda foret. De Campana pulsu nolim vos
pertinacius reclamare, si obtineri nequeat ut princeps
remittat: Non quia probem, sed quia rem contentio-
ne non dignam arbitror.

I.

Tria hic observa ex verbis CALVINI: 1. Opta-
ret distincta esse cæmeteria, nec in Templis sepeliri mor-
tuos; quod & nos optamus. 2. Ut, ubi deponitur funus,
ibi fiat exhortatio funebris; & vicissim ubi fit exhortatio,
ibi præsens sit funus. 3. Si quæ sint non magni momen-
ti, quæ minus probemus, non tamen de eis pertinaciter
contendendum.

R. 1

IN

IN CONSTITUTIONIBVS ECCLESIE
SCOTICANÆ, quæ PSALTERIOMetrico præmittuntur, Cap. de
Sepultura.

- II. *Funus reverenter efferendum est, & ad Sepulchrum comitante Congregatione deducendum, absque ulterioribus cæremoniis. Et sepulto cadavere, Minister si præsens sit, & rogetur, proficiscatur ad Ecclesiam, si non procul distet, & habeat aliquam consolotariam exhortationem ad populum, de morte & resurrectione.*



CAPVT XV.

De Baptismo in privatis locis. Item, de Infantibus Apostatarum & Excommunicatorum.

IOANNES CALVINVS, in Epistola quæ incipit,
Rogatus sententiam. Lib. Epistolarum, Col. 441.

I.



AS non est administrare Baptismum, nisi in cœtu fidelium. Non quidem, ut Templum requiratur, sed ut ubivis numerus aliquis fidelium conveniat, qui Ecclesie corpus efficiat, & qui baptizat pro Pastore agnoscat.

IN

IN HARMONIA SYNODORVM BEL-
GICARVM, Cap. 12. Can. 3.

Initio nascentis Ecclesie infirmorum habenda est ratio, eoque ad evitandum scandalum pueros valetudine adfectos domi baptizare licebit, presentibus, ut minimum, quatuor aut quinque fidelibus.

II,

Hoc ipsum in Ecclesia etiam constituta faciendum esse dictat ratio, quæ anima est hujus Canonis, de vitando scandalo, & habenda ratione afflictorum.

IOANNES CALVINUS, in Epistola ad IOANNEM KNOXVM, quæ incipit, *Si expectatione tua.* Lib. Epist. Col. 442.

Merito quæris, an Idololatrarum & Excommunicatorum liberos ad baptismum admittere liceat, donec recipientiam parentes sint testati. ——— Promissio non sobolem tantum cujusque fidelium in primo gradu comprehendit, sed in mille generationes extenditur ——— origo spectanda est & ipsa baptismi ratio, & natura ex promissione aestimanda. Nobis ergo minimè dubium est, quin soboles ex sanctis & piis atavis progenita, quamvis Apostata fuerint avi & parentes, ad Ecclesia tamen corpus pertineant. Sicut enim prava & vesana superstitio fuit in Papatu, Iudæis, & Turcis furari vel eripere liberos, & mox ad Baptismum ingerere: ita ubicunque non prorsus intercidit, vel extincta fuit Christianismi professio, fraudantur jure suo Infantes, si à communi symbolo arcentur: quia iniquum est, cum DEVS ante annos trecentos, vel plures, adoptione sua eos dignatus fuerit, ut quæ

III.


deinde sequuta est parentum impietas, Caelestis Gratia
 cursum abruptat. ——— Vnius parentis odio
 ab Ecclesia ingressu prohiberi Infantes, nulla ratio pati-
 tur. Interea fateamur necessariam esse sponsonem. —
 ——— Verum quisquis ex Infantibus offertur, legitima
 pactione interposita, cur rejici debeat non videmus.

HIERONYMVS ZANCHIVS, in quartum
 Praeceptum, in Tract. de Disciplina Eccle-
 siastica, Col. 743.

IV.

Peccant & illi, qui filios excommunicatorum, aut
 ex scortatione natos, nolunt baptizare: quia parentes
 impenitentes sunt; quasi verò filius debeat portare ini-
 quitatem Patris. Quid hic peccavit filiulus ille, natus in
 Ecclesia, cur non debeat baptizari? Annon ait Prophe-
 ta, Filius non portabit iniquitatem Patris, sed anima
 quae peccavit, ipsa morietur. Item ad GALAT. 6.
 Vnusquisque onus suum portabit. At Parentes impij
 sunt, & impenitentes, nec possunt promittere pro Infan-
 te. Magistratus in hoc casu, loco Parentum est. Is
 igitur curet, per aliquem pium promitti, quod deberent
 Parentes: qua de re piè etiam scripsit D. BEZA, in
 suis Epistolis: Epist. 10. Haec Zanchius.

C A P.



CAPVT XVI.
DE COENA DOMINI.

PARS PRIMA.
DE REGVLA INSTITVTIONIS.

IN CONFESSIONE SCOTICANA, Art. 22.



QUOD CHRISTVS IESVS
fecerit & faciendum perceperit, ex Evan-
gelistis & D. Paulo est manifestum; quid
Sacerdos Pontificius ad Altare suum faciat,
non est necesse repetere. Finis & causa
institutionis CHRISTI, & cur illud
quod instituit à nobis fieri debet, illis verbis exprimitur,
Hoc facite in mei recordationem, quotiescunque ex isto
Panc ederitis, & ex isto Poculo biberitis, annunciate,
id est, extollite, predicate, magnificate, & laudate mor-
tem DOMINI, donec venerit.

IOANNES CALVINVS, Lib. Epist.

Col. 484.

Statuendum est simulac suo arbitrio DEVM colere
appetunt homines, fetidam esse prophanationem, quicquid
de suo asserunt: sed ne latissimam syluam ingrediar, ad
speciem descendo. Dixi, legitimum baptismi, & sacrae Ca-
na usum non aliunde petendum esse quam ab institutione
& mandato CHRISTI.

In Confessione Fidei Gallicana, apud eundem in
Lib. Epist. Col. 569.

III. *Constat extra DOMINI traditionem nihil uspiam
solidi neque certi exflare.*

Daniel Chamierus, Lib. 3. de Baptismo,
Cap. 16. §. 23.

IV. *Certissimum fundamentum, Sacramenta nihil sunt, ni-
si ab institutione: hanc autem divinam esse necesse est.
Quare ad Sacramentum non pertinent quæ humanitus in-
venta fuere.*

CAP. XVI. PARS SECUNDA.
DE MENSA.

In Confessione Belgica, Cap. 35.

I. **P**ORRO hac Cœna Mensa est spiritualis, in qua
PCHRISTUS seipsum nobis cum omnibus bonis
suis participandum offert, &c.

CAP. XVI. PARS TERTIA.
DE DISPENSATIONE.
& Dispensatore S. Cœnæ.

Ioannes Calvinus, in Epist. ad Farellum, Lib.
Epist. Col. 574.

I. **E**XORDIOR à distinctione Ministrorum ac
plebis, dico Ministro Cœnæ dispensationem esse com-
missam.

Item,

CAP. XVI. De Cœna DOMINI. 919

Item, in Opusculis, in formula Sacramentorum administrandorum, in usum Ecclesiæ Genevensis conscripta.

Ubi finem dicendi concionatur fecit, tum Panem verbi Ministri, Calicem verò Seniores Ecclesiæ, qui morum censura præsent, populo distribuunt, prius commonitione facta ut honestè & decenter eò quisque accedat.

II.

IUSTINVS MARTYR, in Apologia secunda, prope finem.

Καὶ ἡ διάδοσις, καὶ ἡ μετέληψις ἀπὸ τοῦ ἑωχάριστη δέντων ἐν ἑαυτῷ γίνεται: id est, Et distributio & communicatio eorum in quibus gratiæ sunt acta fit uni-
cuique.

III.

TERTULLIANVS, Lib. de Corona Militis, Cap. 3.

Eucharistia Sacramentum, & in tempore victus, & omnibus mandatum à DOMINO, etiam antelucanis ceribus, NEC DE ALIORVM MANV QVAM PRÆSIDENTIVM sumimus.

IV.

WOLFGANGVS MUSCVLVS, in Locis Communibus, Loc. de Cœna DOMINI, Art. quid instituerit DOMINVS, §. Fregit.

Fregit ipse sua manu Panem, ac fractum à se dedit Discipulis. Non dedit illis integrum, & ab ipsis frangendum, sed à se fractum Panem: non dedit ut ipsi distribuerent, sed ut à se distributum acciperent, & ederent. Erant Apostoli in ea Cœna DOMINI, non ut dispen-

V.

satores mysteriorum DEI, sed ut Convivæ, ut Fideles, ut Discipuli, ut Communicantes. CHRISTVS verò ut Convivator, ut DOMINVS, eadem opera instituens, ac suis ipsius manibus dispensans gratia sua Sacramentum, simulque sanctificans futuram, ac Ministerialem illius dispensationem.

Idem, Ibidem §. Ab hoc CHRISTI.

VI.

Quod de poculo dixit, bibite ex hoc omnes; cum de Pane non dixerit, edite de hoc omnes; verisimile est ob eam esse rationem factum, quod de Pane quidem à se fracto SINGVLIS DEDIT SVAM VNICVIQVE PARTEM; de Poculo verò non ita.

DANIEL CHAMIERVS, Lib. 5. de Eucharistia,
Cap. 2. §. 3.

VII.

Nunquam celebrata est Eucharistia, VT SIBI QVISQVE SVMAT, sed omnes accipiant DE MANU CONSECRANTIS, secundum institutionem.

CAP. XVI. PARS QVARTA.

De reverentia & gestu accipientis Sacramentum S. Cœnæ.

Primus numerus exhibet dissertationem quam promissimus de gestu Eucharistico & mensali.

NUM. I.

DIONYSIVS, Episcopus ALEXANDRINVS, apud EUSEBIUM, Lib. 7. Histor. Ecclesiast. Cap. 8. 9. docet suo seculo adstitisse mensæ communicantes. Loquens enim, de quodam fratre, qui sæpè communicaverat, eum sic

sic describit, *Τραπέζῃ παραστάντα*. Et ibidem docet tunc eundem fuisse gestum precantium: *Ὁ δὲ ἔτι πενθῶν πάντων, πένθετο ἐν τῇ τραπέζῃ προσέειπεν· καὶ μόλις παρακαλέμενοι, σωτηρίαν τῇ προσευχαίᾳ ἀνέχεται*. Id est, Ille autem à lamentis non destitit, & ad mensam accedere extimuit, & vix rogatus, consilium, sive cum reliquis stare, in precibus sustinuit. Vbi vides eodem gestu precatos esse, & communicasse. Olim enim Christiani, omnibus diebus Dominicis, & à Paschate ad Pentecosten, non nisi stantes orabant. Die Dominico jejunium nefas dicimus, vel de geniculis adorare. Eadem immunitate à die Pascha, in Pentecosten usque gaudemus; inquit Tertullianus, Lib. de Corona Militis, Cap. 3. Item Iustinus Martyr; *ἐπειτα ἀνιστάμεθα κοινῇ πάντες, καὶ εὐχαριστοῦμεν*: id est, Postea [finita Concione] consurgimus communiter omnes, & preces fundimus. Hæc Iustinus, in Apologia secunda, prope finem. Vbi subjungit descriptionem celebrationis Eucharistiæ; quod nimirum præpositus sive Pastor acceptis elementis à populo oblatis, Preces & Gratiarum actiones pro virili fundebat, & populus faustè acclamabat, dicens, AMEN, & distributio communicatioque fiebat, præsentibus. Hæc omnia omnia uno eodemque gestu fiebant.

In Concilio Nicæno, œcumenico primo, conditus est hac de re Canon, cujus hæc sunt verba; *Ἐπειδὴ τινες εἰσιν ἐν τῇ κυριακῇ γόνυ κλίνοντες, ἔν τῃ τῆς πεντηκοστῆς ἡμέραις, ὑπὲρ τῶν πάντων ἐν πάσῃ παροιμία φυλάττεσθαι, ἐσώτας ἰδοὺς τῇ ἁγίᾳ συνόδῳ τὰς εὐχὰς ἀποδοιδόναι τῷ Θεῷ*. Id est, Quoniam sunt quidam in die Dominico genua flectentes, & in diebus Pentecostes: ut omnia in omnibus paracis consonatè observentur, placuit san-

Veteres Catholicis diebus DOMINICIS & à Paschate ad Pentecosten stabant orantes, stabant communicantes.

Et Concilio, stantes DOMINO vota persolvere.
 Concil. Nicæn. Can. 20.

Idem suo seculo servatum esse, ut die Dominico & per omnem Pentecosten, nec de geniculis adorarent, & jejunium solverent, scribit Hieronymus, in Dialogo adversus Luciferianos. Hoc in signum resurrectionis factum esse, docet Augustinus, Epist. 119. Cap. 15.

De eodem, in Synodo quinisexta, Can. 90. constituitur, ut in honorem resurrectionis CHRISTI, sicut Patres tradiderant, non flectant Christiani genua diebus Dominicis. Hoc sic explicat illa Synodus, eodem Can. Quod post vespertinum Sacerdotum ad Altare Sabbato ingressum, ex consuetudine quæ servatur, nemo genu flectat, usque ad sequentem vesperam in die Dominico, in qua post ingressum in completorio, [*ὅτι τὸ ἀρχαῖον*] genua rursus flectentes, DOMINO Preces sic offerimus. Hæc ibi.

Vide in Decretalibus Gregorij 9. Lib. 2. Tit. 9. De feriis. Cap. 2. Quoniam.

Gestus mensalis.

Non tamen erat ille ordinarius gestus mensalis, in aliis conviviiis: ac ne in ipsis quidem agapis, id est, conviviiis illis quæ alendæ charitati, & fovendæ fratrum concordiæ, ita serviebant, ut etiam pro tempore corporalem famem ac sitim, sufficientis cibi & potus sumptione, depellerent. In iis enim, sicut in aliis cœnis, discumbebatur, quocunque anni tempore agitantur. Sic enim, absque ullius temporis exceptione, describuntur à Tertulliano: Non prius DISCUMBITUR quam Oratio ad DEVM prægustetur; editur quantum esurientes capiunt: bibitur quantum pudicis est utile: ita saturantur, ut qui meminere etiam per noctem adorandam DEVM sibi esse: ita fabulantur, ut qui sciunt DOMINVM audire. Post aquam manualet & lumina, ut quisque de Scripturis sanctis, vel de proprio ingenio potest, proferatur in medium DEO canere: hinc probatur quomodo biberit.

Agapartium descriptio.

biberit. *Æquè Oratio convivium dirimet, &c.* Hæc Tertul.
 lianus, in Apologético, Cap. 39.

Propter hunc secularem in agapis gestum, decreverunt
 Patres in Concilio Laodicæno, ut non celebrarentur aga-
 pæ in Ecclesiis: verba Canonis sunt, ἐπὶ δὲ θεῶν ἐν τοῖς κυ-
 ριακαῖς, ἢ ἐν τῇ ἐκκλησίᾳ, τὰς λεγόμενας ἀγάπας ποι-
 εῖν. Ἐν τῷ οἴκῳ τῆς Θεοῦ ἐσθίειν, καὶ ἀκυστὰ σπωννύειν.
 Id est, Quod non oportet in domesticis locis, aut in Ecclesiis,
 ea convivia, quæ dicuntur Agapæ, facere, & in domo DEI
 comedere, & accubitus sternere.

Idem constitutum est in Synodo quinisexta, Can. 74.

Theodoretus commemorans Historiam de Theodosio
 & Ambrosio, Lib. 5. Histor. Ecclesiast. Cap. 17. ait Am-
 brosium, cum per Diaconum monere vellet Imperatorem,
 ut extra Cancellos egrederetur, cum reliquis Laicis com-
 munionem accepturus, dixisse ei, exi, & cum reliquis laicis
 communica in statione, seu, sta cum aliis laicis. τοῖς ἀλλοῖς
 κοινωνῶναι τῇ σάουσιν.

Ipsis diebus Dominicis, & diebus Pentecostes, vete-
 res illi Christiani terrena sua convivia celebrantes, accum-
 bebant: Concionem audientes, sedebant; ut colligere est
 ex Iustini verbis, superius citatis, quibus ait eos finita con-
 cione confurrexisse ad precandum: precantes & commu-
 nicantes stabant. Primus ille gestus erat mensalis, ad men-
 sas communes, in epulis refectiōni corporum destinatis:
 hunc Patres ex Ecclesia, & ab actionibus publicis in sacris
 conventibus prorsus exploserunt, tanquam indecorum &
 incongruum. Sessio permixta est concionem audientibus.
 At neque gestus convivendi in Cœnis secularibus, neque
 gestus auscultandi, sive Conciones audiendi in ipsis sacris
 conventibus, permixtus est communicantibus: sed eis
 præscriptus est gestus ille precandi, qui pro tempore in
 publicis precibus usurpāri jubebatur. Quem gestum ab

Nota de gestu
 mensali, &
 Eucharistico,
 apud veteres.

Locus ora-
tionis.

initio precationum participationem Eucharistiæ preceden-
tium, (post dimissos Catechumenos) usque ad totius
celebrationis finem constanter servabant. Constanter ado-
rantes DEVM, utentes precationibus, orationibus, in-
terpellationibus, & gratiarum actione, participantes de sa-
cra Cæna, & seipsos DEO offerentes & voventes: ut
monet Augustinus, Epist. 59. ad Quæst. 5. Vnde locus
celebrationis Eucharistiæ, dictus est locus orationis. Post
Sermonem fit missa Catechumenis: manebunt fideles, venietur
ad LOCVM ORATIONIS; inquit Augustinus, Serm. 237.
de tempore.

Eucharistiæ
celebratio
pars est latriæ
quæ DEO
exhibemus;
ideoque ei
convenientis-
simum esse ge-
stum adorati-
vum iudicavit
ecatholica anti-
quitas.

Celebrationem Eucharistiæ veteres rectè iudicabant
esse partem illius publici cultus qui soli DEO debetur,
sicut supra monui ex Augustin. Lib. 2. contra Faustum,
Cap. 21. ejus verba citavimus, Cap. 11. hujus libri, Pag.
241. ubi de Sacerdotibus & Sacrificio. Propterea huic
actioni convenientissimum esse iudicabant gestum adora-
tivum: quo adorabant, non Sacramentum, sed ipsum
CHRISTVM, in cujus memoriam Sacramentum il-
lud celebrabant. Quo pertinet illud Ambrosij: *Quam*
[carnem CHRISTI] *hodie quoque in myste-*
riis adoramus, & quam Apostoli in DOMINO
IESV adorarunt. Neque enim divisus CHRISTVS,
sed unus. Neque cum adoraretur, tanquam DEI fi-
lius, natus ex virgine negabatur. Hæc Ambros. Lib. 3.
de Spiritu Sancto. Cap. 12.

Isai. 66.

Augustinus ait; *Quero quid sit scabellum pedum*
ejus, & dicit mihi Scriptura, terra scabellum pedum
meorum. Fluctuans converto me ad CHRISTVM,
quia ipsum quero hic, & invenio quomodo sine impie-
tate adoretur terra, sine impietate adoretur scabellum pe-
dum ejus. Suscepit enim de terra terram, quia caro de
terra est, & de carne Mariæ carnem accepit. Et quia
in ipsa

in ipsa carne hic ambulavit, & ipsam carnem nobis manducandam ad salutem dedit. NEMO AUTEM ILLAM CARNEM MANDUCAT, NISI PRIUS ADORAVERIT. Inventum est quemadmodum adoretur tale scabellum pedum DOMINI, & non solum non peccemus adorando, sed PECCEMUS NON ADORANDO. Hæc August. Comment. in Psalm. 98.

Nempe contra Hæreticos publicam edebant Patres fidei suæ confessionem & professionem, hoc ipso gestu & cultu; quo palam profitebantur se eum agnoscere DOMINUM & DEVM suum, in cujus honorem & recordationem mysteria celebrabant. Propterea in ipsa celebratione non desinebant eum adorare: scientes neminem posse percipere rem Sacramenti, id est, CHRISTI carnem, sive CHRISTVM incarnatum, nisi eum adoret, id est, nisi DEVM æternæ patri coæternum, consubstantialem, & conglorificandam agnoscat, & honoret Filium, sicut honorat Patrem. (Ioan. 5. 23.) ἀπερίστω θεοσκυώ-
σας impartibili adoratione. Ut monet Gregorius Theologus in oratione quam habuit in Concilio Constantinopolitano primo coram 150. Episcopis. Etiam si absque ista vera fide & adoratione posset quispiam manducare Sacramentum carnis CHRISTI, in suam condemnationem. Sicut alibi docet Augustinus tract. 26. in Evangelium Ioannis.

Credendo manducatur CHRISTI caro, ut ipse docet, Ioan. 6. Quicumque autem rectè credit de Filio, eum honorat sicut patrem. Nec minus honorat incarnatum, quam ante assumptam carnem. Nam etiam in carne manifestatus noster est. DEVS.

Sciè & eleganter cecinit Gregorius

Theologus, in Gnomicis;

Νήπιον, ὅστις ἀνακτα Θεῷ Λόγον αἰὲν ἔοντα
 'Οὐ σέβει' ἰσοθέως Πατὴρ ἐπερανίς.

Νήπιον, ὅστις ἀνακτα Λόγον ἑρότου ἐντα φανέντα,
 'Οὐ σέβει' ἰσοθέως ἐρανίσις Λόγος.

Τέμνει δ' ἡ μεγάλης Πατὴρ Λόγον, ἢ Λόγοιο
 Μορφὴν ἀνδρουμένην, καὶ πάχος ἡμέτερον.

Id est,

*Insanit Regi divinum quisquis honorem
 Non tribuit Verbo cum Genitore parem.*

*Insanit Verbo incarnato quisquis eundem
 Denegat, ætherio qui tribuendus honos.*

*A Patre vel magno Verbum di. jungit; ab ipso
 Humanum Verbo dissociatve lutum.*

Hoc sensu Theodoretus Dialogo 2, ait symbola Eucharistica adorari, id est, cum adoratione accipi: adoratione, inquam, non ipsorum symbolorum, sed CHRI-
 STI incarnati, & pro nobis passi; cujus symbola hæc sunt, & figura. Sic enim accipienda esse Theodoretum verba, neque Theodoretum, aliosve patres adorationem Sacramenti, sed tantummodo adorationem DEI intellexisse, inferius ostendemus, contra Papistas adoratores Sacramenti. Quam DEI adorationem etiam gestu adorativo palam profitebantur.

Ex his omnibus liquidò patet, veteres illos patres, jam inde ab ultima antiquitatis memoria, ex deliberato consilio, ac dedita opera, in sacra Cœna abstinuisse ab usitato gestu mensali, qui in aliis ipsorum conviviis ordinariè usurpabatur: quin & ab eo etiam quo utebantur concionem audientes: & alium adhibuisse gestum, nempe adorativum, in publico cultu pro tempore usitatum, quem illi in Cœna DOMINICA magis mensalem, id est, mensæ DOM-

sæ DOMINICÆ convenientiorem judicarunt.

Eosque in hoc imitata est ceterorum temporum Ecclesia, quæ postquam cœpit diebus DOMINICIS, & per omnem Pentecosten de geniculis adorare, eodem etiam gestu, in Cœnæ DOMINICÆ participatione usa est, non solum aliis diebus (in quibus antiquos patres geniculantes communicasse promptum est colligere ex Analogia) sed etiam diebus DOMINICIS.

Neque in eo delinquant jam Papistæ quod in Sacramento adorent, gestuque utantur adorativo, hoc enim laudabiliter etiam purioribus seculis semper est factitatum: sed in eo peccant, quod cultum soli DEO debitum, & purioribus illis seculis, soli DEO in Ecclesia Catholica tributum, aliorum detorqueant: adorantes ipsum Sacramentum, siue consecrata Symbola, ex falsa Hypothesi Transubstantiationis: quemadmodum & ad alias quoque creaturas religiosam adorationem sacrilegè transtulerunt.

Papistarum
Pccatum.

Non tamen prohibenda est adoratio, sed corrigenda directio. Adorare enim necesse est, & religiosè colere, sed non sunt ex quacunque humani erroris Hypothesi religiosè adorandæ aut colendæ meræ creaturæ; aut quicquam præter unicum illum verum DEVM, qui juravit se honorem suum non concessurum alteri. (Esaï. 42. 8.) Non sunt prohibendi Christiani adorare in celebratione Mysteriorum, est enim hæc actio intrinsecè adorativa, sicut ostendimus, Lib. 1. Cap. 7. §. 2. Neque dignè peragi potest absque adoratione. Sed jubendi sunt solum DEVM adorare: non autem Sacramentum aut ullam aliam creaturam. Iuxta illud, *ὅρα μὴ*, id est, *Vide ne*, ut monet Ioannem Angelus, Apocal. 19. 10. & 22. 9. Vbi adorationem non simpliciter prohibet, sed directionem corrigit, dicens, *DEVM adora* [τῷ Θεῷ προσκύνῃς.] Verat adorare Angelum, & juber adorare DEVM.

Remedium
contra abusum
Papisticum.

Si ex eo quod Papistæ adorent Sacramentum, inferas

non esse adorandum *DEVM* in celebratione Sacramenti: quid si aliud remedium tibi quispiam suggerat, & iubeat tollere Sacramentum, (sicut *Ezechias* sustulit æneum serpentem) & tunc nullum erit periculum artolatricæ? dices necessarium esse Sacramentum: dicet ille necessariam esse adorationem, & sine ea non solum inutilem sed etiam indignum, & perniciosum esse usum Sacramenti: nam nisi, dum participas, actu credas, non manducas *CHRISTI* carnem, licet premas dentibus Sacramentum ad tuam damnationem, (dum autem fidem profitearis, etiam oras, ut monui. Lib. I. Cap. 7. §. 2.) & nisi actu recorderis mortis *CHRISTI*, cum actuali gratiarum actione, non rectè celebras hanc Cœnam: & nisi ei gratias agas ut *DEO*, adeoque gratias agendo colas illum latrâ illa quæ soli *DEO* debita est, jam hæreticus es & contemptor, non cultor *CHRISTI*: & nisi ea sit tua gratiarum actio per quam teipsum *CHRISTO* offeras in hostiam beneplacentem *DEO*, & hæc sit tua rationalis latrâ, hypocriticè agis cum *CHRISTO*, & indignè manducas Sacramentum: & nisi in hac publica & maximè solenni supremi cultus actione, per quam *CHRISTVM DEVM* tuum solenniter profiteris, & ad *DEVM* proximè appropinquas, cum maximè solenni professione, ac protestatione, & exercitio publico fidei tuæ, & obedientiæ, & gratiarum actionis, et orationis, cum nuncupatione voti; nisi, inquam, in hac tali actione, ipso externo gestu, internam animi tui devotionem palam testatam facias, non ritè reddis *DEO* vota in medio congregationis ejus, ubi accipiens poculum salutis, debebas palam reverentiâ numinis profiteri: et reverentiâ illius externa spectantiq; cœtui haud obscura expromere indicia; tum in honorem *DEI*, tum ad excitandum alios.

Hæc ita certa sunt, omniumq; Christianorum animis penitus incisa, ut omnes, etiam sedentes, aliqua adorationis signa expriment: qualia sunt oculorum in Cœlum erectio,

erectio, manuum elatio, aut supplex complicatio, et in viris etiam, quod apertis capitibus sedeant, etc. Hæc qui dixerit, non esse convenientia, ille haud dubiè undecoram et profanam commendabit Barbariem, stuporem, ingratitudinem, oblivionem, et impietatem.

Et quia actioni huic, palam adorativæ, convenientior est is corporis situs, qui adoratorem magis deceat, propterea Patres neque accubitus, neque Sessionem communicantibus concesserunt, sed vel stationem diebus DOMINICIS, et diebus Pentecostes; vel etiam (ut ex collatione colligere est) geniculationem, aliis diebus: constat enim semper usos esse gestu palam adorativo.

Nos etiam, si purioris Antiquitatis γυμνασίου Imitatores esse volumus, & simul Idololatriam Papisticam devitare; neque ipsum adorabimus Sacramentum, (quod participandum, non autem adorandum nobis datur) neque à terrenis conviviiis, sed potius à precatione publica gestum Eucharisticum mutuabimur, neque ideo nos DEVM adorare cessabimus, aut debitum ipsi honorem denegabimus, quia transubstantiarii isti consecratam hostiam adorant, & honorem DEI deferunt creaturæ.

Hæc non eo tendunt ut Sessio in Eucharistia damnetur tanquam gestus in se illicitus, quem in se indifferentem & licitum esse (etiamsi novum, & cæteris paribus, non ita congruum) agnoscimus. Sed ut pateat Ecclesiam Catholicam veterem, jam inde ab ultima Ecclesiasticæ recordationis memoria alium prætulisse gestum, qui majorem reverentiam præ se ferret. Nempe, adorativum, in publicis precibus pro tempore usitatum: puta vel stationem, vel geniculationem.

Et his duobus gestibus utuntur (aliæ quidem hoc, aliæ illo) omnes reformatæ Ecclesiæ per BRITANNIAS, GALLIAS, HELVETIAM, GERMANIAM,

Sessio.

Gestus adorativi, usitati in Eucharistia,

POLONIAM, RUSSIAM, LITHUANIAM, SAMOGITIAM, etc. veterem Ecclesiam in hoc imitantes. Neque usquam gentium ullo unquam seculo invenitur in usu fuisse aut esse Sessio in Eucharistiæ celebratione, nisi nuper in SCOTIA, & adhuc in confœderatis Provinciis BELGII, ubi GERMANO-BELGÆ (jam in toto orbe inter Catholicos soli) sedent, utentes tamen hoc gestu non ut necessario, sed ut cæremonia quadam libera, ut patet ex parte quinta, hujus Cap. Num. x. Et in ipso confœderato BELGIO Ecclesiæ GALLO-BELGICÆ utuntur statione.

Quando aliquis Sacramentum sumpturus assurgit, cui assurgit? Non utique Sacramento, sed IESU CHRISTO, DEO nostro, in cujus recordationem et honorem, Sacramentum sumit, manducat, bibit.

Occurritur
columnæ.

Sed in hac actione adorare vel gestu uti adorativo, quamvis immediate adorationem eam ad DEVM dirigas, nihil est aliud (inquit quidam seditiosus) quam subtilior illa Idololatria, et cultus relativus, quem Durandus et alii exhibendum censent coram Imaginibus, et circa Imagines, etiamsi profiteantur se non adorare ipsas Imagines. Respondeo. Hæc verò est, non subtilis, sed crassa inscitia et vesana blasphemandi libido. Quasi verò nollet DEVS adorari in usu Sacramenti à se instituto, (et qui, ex ipsius institutione, pars est publici illius cultus, quem soli DEO debemus) quamvis usum Imaginum in suo cultu, humana superstitione introductum, repudiet. DEVS noluit suffitum sibi fieri igne peregrino, Levit. 10. 1. 2. Num inde sequitur non adolendum fuisse illi incensum igne sacro quem ipsæ super Altare dedit? Levit. 9. 24. Peccavit Achaz adorans coram Altari Damasceno, et super illud offerens, numquid propterea, dicendum est peccasse Salomonem, aliosque Israelitas, qui obtulerunt super Altare DOMINI, et coram eo adorarunt DOMINVM

MINVM geniculantes, vel stantes? Deuteron. 26. 4. 5. 10. et 1. Reg. 8. 54. et super illud obtulerunt. Scriptura improbat oblationes ipsi DOMINO factas in excelsis, post conditum à Salomone Templum, 2. Paralip. 33. 17. Num inde sequitur ingrata fuisse DEO sacrificia ipsi oblata in Templo? Sacramentum Eucharistiæ ipse DOMINVS instituit, & eo nos uti iussit in ipsius recordationem, id est, cum devota & grata ipsius recordatione, et ad accendendam in cordib⁹ nostris hanc cōmemorativam devotionem, et devotam gratitudinem erga ipsum, etiam in ipso celebrationis actu. Nihil huiusmodi ostendi potest de Imaginibus. Papistæ, et schismatici isti partiti inter se esse videntur blasphemix munera, ut illi Scripturis divinis conferant Alcoranum, BELLARM. Lib. 4. de Verbo DEI, Cap. 4. Isti Cœnam DOMINI CAM, non alio loco habeant, quam superstitiosas Imagines. Vide Lib. 1. Cap. 1. et Cap. 7.

Ex eis autem quæ dicta sunt, jam clarissimè patet, paradoxum istud, (in quo sibi tantopere placent quidam imperti) de gestus Eucharistici, cum ordinario secularium conviviorum gestu necessaria conformitate, totius Catholicæ antiquitatis, omniumque, (nulla excepta) per EVROPAM Reformatarum Ecclesiarum, unanimi constantique iudicio ex diametro repugnare. Viderint igitur huius monstri Parentes, quos sint Compares inventuri. Fortasse ARIANOS illos, de quibus infra, Num. VI. et VII. Eant quoque et pari jure alias etiam stipulas congerant ut posthac, in Cœna DOMINI, non solum sedent, sed etiam capita argant, confabulentur, rideant, hæc enim omnia ad usitatum in secularibus conviviis gestum mensalem ita pertinent, ut non solum irreprehensibiliter, sed ut plurimum etiam laudabiliter, usurpentur.

Gestus mensalis.

Duo nobis in hac dissertatione supersunt dissolvenda dubia: unum est, de fonte artolatriæ, ut in fumis quibusdam fratribus scrupulum existimamus: alterum est, de

objecto adorationis à Patribus usurpatæ in celebratione Cœnæ DOMINICÆ, ut Papistis Sacramenti adoratoribus os obturemus.

De Papistica elevatione, & adoratione Sacramenti.

Depriore, nempe, de adoratione Sacramenti, exstat decretum HONORII tertii, Papæ Romani, extra, de celebratione Missarum, Cap. 10. SANE CUM: Sacerdos verò, (inquit) frequenter doceat plebem suam, ut cum in celebratione Missarum ELEVATUR hostia salutaris, se reverenter inclinet, idem faciens cum eam deferret Presbyter ad infirmum. Hæc Honorius, Anno DOMINI 1220. Postquam Innocentius tertius, Papa Romanus, Anno DOMINI 1215. In Concilio pronunciasset: IESU CHRISTI Corpus & Sanguinem, in Sacramento Altaris, sub speciebus Panis & Vini veraciter contineri: TRANS-SUBSTANTIATIS. Pane in Corpus, & Vino in Sanguinem, potestate divina. Concil. Lateran. sub Innoc. 3. c. 1. & Extra, de sūma Trinitate, et fide Catholica, Cap. Firmiter, §. Vna verò. Nempe, Sacramenti elevatio & adoratio non ex DEI in Sacramento adoratione, sed ex transubstantiationis errore promanarunt. Id quod etiam ex Tridentinorum argumentatione colligere est. Postquam enim dixissent; Per consecrationem Panis & Vini, conversionem fieri totius substantiæ Panis, in substantiam Corporis CHRISTI, DOMINI nostri; & totius substantiæ Vini, in substantiam Sanguinis ejus: Eamque conversionem convenienter & propriè TRANS-SUBSTANTIATIONEM esse appellaram. Sess. 13. Cap. 4. statim subjungunt, sequente Cap. De cultu & veneratione huic sanctissimo Sacramento exhibenda; hæc verba: Nullus itaque dubitandi locus relinquitur, quin omnes CHRISTI Fideles, pro more in Catholicæ Ecclesiæ semper recepto, patriæ cultum, qui verò DEO debetur.

betur, huic sanctissimo Sacramento in veneratione adhibeant. Neque enim ideo minus est adorandum, quod fuerit à CHRISTO DOMINO, ut sumatur, institutum. Nam illam eundem DEUM presentem adesse credimus, quem Pater aternus introducens in orbem terrarum, dicit, & adorent eum omnes Angeli DEI, quem Magi procidentes adoraverunt, &c. Hinc manifestum est adorationem Sacramenti fundatam esse in opinione Transubstantiationis. Quæ opinio orta est non ex DEI in mysteriis adoratione antiquitus usitata et retenta, sed ex prava interpretatione verborum illorum DOMINI, Hoc est CORPUS MEUM, quæ tamen verba nobis retinenda sunt.

Non instituit HONORIUS, ut in celebratione Sacramenti, adorarent Communicantes; hoc enim jam olim pie factitatum est: sed ut cum in celebratione ELEVATUR Hostia, plebs, etiam non communicans, se inclinet. Idemque faciat quando Hostiam deferret Presbyter ad infirmum. Inclinet, inquam, se ipsi hostiæ, eique cultum lætrix exhibeat, ut monet Tridentini. Hæc adoratio Idololatrica est, & Catholicæ antiquitati incognita, & à nobis merito repudiata.

Quemadmodum merito rejicimus ex eodem fonte ornam superstitutionem illam festivæ celebrationis, quam appellant Festum Corporis CHRISTI. Quod Festum ab VRBANO, Papa quarto, institutum, (Anno DOM. 1264.) confirmavit CLEMENS, Papa quintus, (Anno DOM. 1311.) Cujus decretum habetur in Clementinis, de reliquijs, & veneratione Sanctorum. Cap. Si Dominum. Quod etiam Festum recipiunt & approbant Tridentini, Sess. 13. Cap. 5.

At abusi sunt, inquit, adoratione in mysteriis, eam convertendo ad ipsum Sacramentum. Respondeo, abuti conabatur Ioannes adoratione, eam convertendo ad Angelum nec tamen propterea prohibuit cum Angelus adorare.

Festum corporis CHRISTI.

Objectio, abusu. Resp.

adorare *DEVM*, quamvis cum non passus sit adorationem illam *DEO* debitam transferre in Angelum. Abusi sunt Papistæ oratione *DOMINICA*, aliisque sanctis precibus, eas Idololatricè dirigendo ad meras creaturas; nec tamen propterea excidit *DEVS* jure suo, quin illi preces illæ debeantur, & adhuc exhibendæ sint; neque illorum superstîtio nos liberat à necessario officio tribuendi *DEO* quod suum est. Queritur *DEVS* apud Ezechielem, (Cap. 16. versu 19. 20.) Quod Israëlita panem ejus, & Similam, & Oleum, & Mel, posuissent coram Idolis: & filios filiasque ejus immolassent eis.

Monui supra Sacramentum Eucharistiæ non propterea esse abolendum, quod ab Idololatriis, adoratum sit: neque ideo adorationem *DEO* denegandam in Sacramenti hujus celebratione, quod debitam *DEO* adorationem arto-latræ transfulerint in creaturam: ex falsa Hypothesi Transsubstantiationis. Quemadmodum consimili Idololatria olim Manichæi adorationem dirigebant ad Solem & Lunam, & ad eorum gyrum orationem suam circumvoluebant, ex falsa Hypothesi, qua fingeant virtutem *DEI* in sole habitare, sapientiam verò in Luna. Ut legimus apud Augustinum, Lib. 2. contra Faustum, Cap. 2. & aliquot sequentibus capitibus.

Hunc Transsubstantiariorum cultum rectè quidem improbat, frustra autem conatur ab Idololatriæ crimine liberare, Spalatensis, Lib. 7. de Rep. Eccles. Cap. 11 Num. 7. *per rectam*, scilicet, (ut ipse loquitur) *intentionis directionem*: qui docent, inquit, panem non esse amplius panem, sed corpus *CHRISTI*, illi profectò panem non adorant, sed solum, ex suppositione, licet falsa, *CHRISTI* corpus verè adorabile adorant. Hæc ille. At non sufficit suppositio falsa, ad depellendum Idololatriæ crimen. Sic enim si quis Antichristum, pro *CHRISTO* sequatur & adoret, excusabitur à crimine

Inexcusabilis
idololatria
Papistarum.

mine Idololatriæ: per intentionem, scilicet, qua intendit solum *CHRISTVM* adorare. Quod absurdum est. Præsertim cum *DOMINVS* præmonuerit cavendos esse Pseudochristos, qui decepturi essent homines non electos. Sic qui suppositione quadam falsa imaginatus fuerit *DEVM* auro aut argento aut lapidi, sculpturæ artis & cogitationis hominis esse similem, *DEO*que imaginem effinxerit, & existimaverit numen ipsum esse in illa imagine, sive per inhabitationem, sive, quod absurdius est, per Transubstantiationem, si imaginem illam, auream, argenteam, vel lapideam, &c. Divino honore prosequatur; numquid illum intentio, & falsa suppositio ab Idololatriæ crimine liberabunt? num Manichæos ad Solis gyrum orationem suam circumvoluentes, & nescio quam navem per foramen cœli micantem atque lucentem adorantes, dicemus non fuisse Idololatrias: quia, scilicet, colentes illam navem, putabant se colere *CHRISTVM*, *DEI* virtutem; habitare eam credentes in Sole? ut legimus apud August. Lib. 20. contra Faustum, Cap. 2. §. 6. Nusquam igitur erunt Idololatriæ. Notum enim est omnem Idololatriam falsa aliqua suppositione niti. Et quid, obsecro, dicemus de adoratione vituli in eremo? de vitulis Ieroboami? quid de hodierno Iudæorum cultu, qui *IEHOVAM DEVM* Abrahami, Isaaci, & Iacobi, eumque solum adorare se profitentur? quid de illis, quos *CHRISTVS* ait cœco quodam *DEI* zelo occisuros Apostolos? Ioan. 86. 2.

Ne autem Papistæ verbis illis Ambrosij, & Augustini, & Theodoreti, quæ à nobis superius citata sunt, abutantur, eaque detorqueant ad defensionem adorationis Sacramenti, operæpretium erit Patrum illorum Orthodoxiam in hoc argumento breviter demonstrare, et dicta eorum à corruptelis Papistarum vindicare.

AMBROSIVS ait, Catholicos sui temporis, *Carnem CHRISTI in mysteriis adorare*; quam Apostoli in

Vindiciæ Patrum, contra Artrolanum.

AMBROS.

DOMINO IESV adorarunt. Lib. 3. de Spiritu sancto, Cap. 12. Non tamen inde sequitur aut *CHRISTI* Carnem esse corporaliter et localiter sub specie Panis in Sacramento, aut adorandum esse Sacramentum. Nos *CHRISTI* Carnem, in Cœlo sedentem, adoramus, in celebratione Sacramenti; quam adorarunt Apostoli in *DOMINO IESV*, corporaliter, localiter, et visibiliter, cum ipsis præsente super terram: sed non adoramus Sacramentum. Aliter Carnem *CHRISTI* adorarunt Apostoli, et nos eandem hodie adoramus in *DOMINO IESV*: aliter adoramus ejus Carnem in Sacramento, sive in celebratione Sacramenti: nam ita adoramus Carnem *CHRISTI* in *DOMINO IESV*, ut ipsum *DOMINVM IESVM* adoremus. At non adoramus ipsum Sacramentum, sed in Sacramento seu Sacramenti celebratione, id est, dum Sacramentum celebramus, adoramus illum in cujus memoriam fit hæc celebratio. Adorarunt Apostoli corporaliter præsentem super terram, nos adoramus *CHRISTVM* corporaliter sedentem in Cœlis, spiritualiter autem præsentem in mysteriis.

Vbi tangimus & manducamus ipsam *CHRISTI* Carnem, ibi eam existentem adoramus: tangimus autem & manducamus, sedentem in Cœlo, non utique corporali tactu & manducatione, sed fide; ut monet *AMBROSIVS*, in Comm. in 24. Lucæ: *Non enim, inquit, corporali tactu CHRISTVM, sed fide tangimus.* Item, serm. 36, *Quisquis, inquit, vult contingere DOMINVM Salvatorem, prius illum debet fide sua ad dextram divinitatis imponere, & credulitate cordis collocare in cœlestibus.* — — — — — *Beatus Paulus nos docuit quemadmodum Salvatorem in cœlestibus quæreremus, dicens, quæ sursum sicut quarite, ubi CHRISTVS est in dextra DEI sedens. Et ut nos ab hac humili vel terrena inquisitione Maria (Magdalenæ, Ioann. 20.)*
penitus

penitus submoneret, addidit dicens, quæ sursum sunt sapite, non quæ super terram. Ergo jam non super terram, nec in terra, nec secundum carnem debemus quærere Salvatorem, si volumus eum invenire atque contingere, sed secundum divinæ Majestatis gloriam, ut dicamus cum Apostolo Paulo; Nunc autem secundum carnem non novimus CHRISTVM. Igitur & Stephanus beatus FIDE SVA non super terram quasivit CHRISTVM; sed STANTEM ILLVM AD DEI DEXTERAM RECOGNOVIT: VBI ILLVM REPERIT, IBI MENTIS DEVOTIONE QUÆSIVIT. Non solam autem Stephanus in Cælo videt CHRISTVM; sed EVM ET MARTYRIO SVO TANGIT. Tangit enim DOMINUM cum pro inimicis suis orans, velut FIDE SVA TENENS ILLVM dicit: DOMINE, ne statuas illis hoc peccatum. Intelligite ergo QUANTA DEVOTIONIS EST GLORIA. Maria juxta DOMINVM constituta eum tangere non meretur, Stephanus IN TERRIS POSITVS CHRISTVM TANGIT IN COELO. Illa inter Angelos præsentem non videt Salvatorem, Stephanus inter Iudeos DOMINVM CERNIT ABSENTEM. Hæc ibi Ambrosius.

Sed obijcies illa Ambrosii verba, Lib. 3. de Spiritu sancto, Cap. 12. Cum igitur incarnationis adorandum sit Sacramentum, &c. Respondeo: Adorationis DOMINICÆ Sacramentum ipse interpretatur Ambrosius eodem loco, IESVM Filium Virginis, qui secundum carnem natus ex Spiritu est. Et hoc est magnum Sacramentum, seu mysterium, DEVS MANIFESTATVS IN CARNE. Qui nobis est adorandus: neque divisus est

CHRISTVS, sed unus. Et adoratur à nobis ille Filius hominis, quia est Filius DEI, DEVS Patri consubstantialis. Eumque adoramus adoratione suprema, soli DEO debita. Ambrosius etiam peculiarem librum, de incarnatione fecit, quem inscripsit, *De incarnationis DOMINICÆ mysterio*, & Caput quintum ejusdem Libri, sic prænotatur, *Incarnationis Sacramenta non obflare quominus DEI Filius sit æternus*. Et tamen in toto illo libro, nihil dicit de Sacramentis strictè dictis. Et alibi ait, *Quia voluit DOMINVS, qui hoc elegit Sacramentum, de SPIRITV SANCTO & Virgine natus est CHRISTVS*. Lib. 4. de Sacramentis, Cap. 4. Si tamen opus illud verè sit Ambrosii. Gelasius in principio operis contra Eutychen et Nestorium; *Multos*, inquit, *de incarnationis DOMINICÆ Sacramento recens altercatio*, &c. Id est, de DEO manifestato in carne. Hoc Sacramentum, id est, Emmanuelem suppliciter adoramus in mysteriis, licet illum oculis corporis non cernamus, sicut olim Apostoli: Spiritualiter autem præsentem credimus.

Ad hanc enim adorationem, quæ CHRISTO in mysteriis exhibenda est, non est necessaria corporalis & localis ejus in terra præsentia; sicut neque ad tactum aut manducationem. Sicut ostensum est, Ibant Christiani Hierosolimam, ut CHRISTUM in illis adorarent locis, de quibus primum Evangelium de patibulo coruscaverat. Ut est apud Hieronymum, in Epistola ad Marcellain, quæ incipit, *Mensuram*. Nec tamen in illis locis CHRISTVS corporaliter tunc præsens erat. Observanda sunt illa Ambrosii verba, Lib. 3. de Spiritu sancto, Cap. 12. *Neque adorandum quidquam præter DEVM legimus, quia scriptum est, DOMINVM DEVM TVVM ADORABIS, ET ILLE SOLI SERVIES.* ————— *Legimus alibi, Cælum mihi Thronus, terra autem Scabellum*
pedum

pedum meorum. Sed NEC TERRAM ADORANDAM PRO-
BIS, QUIA CREATURA EST DEI. Videamus tamen,
ne terram illam dicat adorandam. Propheta, quoniam DO-
MINVS IESVS in carnis assumptione suscepit. —
MARIA ERAT TEMPLVM DEI, NON DEVS
TEMPLI: ET IDEO ILLE SOLVS ADORANDVS,
QVI OPERABATUR IN TEMPLO. Hæc AMBRO-
SIVS.

Hinc collige nihil esse religiosè adorandum neque tan-
 quam DEVM, neque propter DEVM, nisi DEVM
 ipsum.

Nunc vindicandus est Augustinus, quod facile fiet in-
 spectis ipsius verbis, in Psalm. 98. *Quomodo, inquit,*
adorabimus terram, cum dicat aperte Scriptura, DOMI-
NVM DEVM tuum adorabis? — Timeo
adorare terram, ne damnet me qui fecit Cælum & ter-
ram. Rursum timeo non adorare Scabellum pedum DO-
MINI mei, quia Psalmus mihi dicit, adorare scabellū pedū
eius. Quero quid sit Scabellum pedum eius, & dicit mihi
Scriptura, terra scabellum pedum meorum. Fluctuans con-
verto me ad CHRISTVM. — Spiritus
vivificat, caro autem nihil prodest. —

Durum illis visum est quod ait, nisi quis manducaverit car-
nem meam, non habebit vitam aternam; acceperunt illud
stultè, carnaliter illud cogitaverunt; & putaverunt,
quod præcisurus esset DOMINVS particulis quasdam de
corpore suo, & daturus illis. — Ait illis,
Spiritus est qui vivificat, caro autem nihil prodest. Verba
que loquutus sum vobis, Spiritus est, & vita. Spiritualiter
intelligite quod loquutus sum. Nō hoc corpus quod videtis
manducaturi estis, & bibituri illam sanguinem quem fu-
suri sunt, qui me crucifixerunt. Sacramentum aliquod vobis

AVGV-
STIN.

*commendavi, spiritualiter intellectum unificabit vos, etsi
necessè est illud visibiliter celebrari, oportet tamen invi-
sibiliter intelligi.* Hæc ibi. Idem quoque in Serm. 38.
de verbis DOMINI: *Si natura DEVS non est FILIUS,
sed creatura, NEC COLENDVS EST OMNINO, nec
ut DEVS adorandus.* — — — *Ego Dominicam
carnem, imò perfectam in CHRISTO humanitatem,
propterea adoro, quod à divinitate suscepta, atque Deitati
unita est: ut non alium atque alium, sed unum. eundemq;
DEVM & hominem DEI Filium confitear. Denique SI
HOMINEM SEPARAVERIS A DEO, ut Photinus,
vel Paulus Samosatenus, ILLI EGO NVNQVAM
CREDO, NEC SERVIO.* Hæc ibi.

Idem alibi, *Religet nos religio uni omnipotenti DEO.*
Lib. de vera Religione, Cap. 55.

Cum igitur Sacramentum non sit Hypostaticè unitum
Deitati, cum ejus suppositum, non sit natura DEVS;
sed sit à Deitate suppositaliter (ut ita loquar) separatum,
non est adorandum.

Obicies fortasse, visum Augustino, adorandum esse
Sacramentum, & per consequens, eum existimasse panem
Transsubstantiari in ipsam illam verè adorandam CHRI-
STI carnem: & hoc probare conaberis, ex Lib. 20. con-
tra Faustum; ubi Faustus ait Manichæis circa universa (in
quibus DEVM se colere dicebant) & Catholicis similiter
erga panem & calicem esse parem religionē, cap. 2. Neque
videtur negare August. Catholicos ritu uti adorativo circa
panem & calicem. Respondeo: Augustinus tria dicit. 1. De
Catholicis loquens, ait; *Panis & calicis sacramentum nostro
ritu amplectimur, cap. 13.* Secundo; *Noster autem panis,*
inquit, & calix, non quilibet quasi propter Christum inspicis
& in sarmentis ligatum, sicut illi (Manichæi) desipiunt,
sed certa cōsecratione mysticus fit nobis, nō nascitur. Eodem
capite

capite. Tertio, ait; *DEVS verus colendus est: quia solus ille colendus est, quo solo fruens, beatus fit cultor ejus: & quo solo non fruens, omnis mens misera est, qualibet re alia perfruat*. Eodem libro 20. contra Faustum, cap. 5.

At verò secundum Augustinum, solo Sacramento frui aliquis potest, & tamen esse miser: en ejus verba: *Nos hodie accepimus visibilem cibum, sed ALIUD EST SACRAMENTUM, ALIUD EST VIRTUS SACRAMENTI. Quàm multi de Altari accipiunt, & moriuntur, & accipiendo moriuntur? Unde dicit Apostolus, iudicium sibi manducat & bibit. ——— Videte ergo Fratres, Panem cœlestem spiritualiter manducate. ———*

Hic est Panis, qui de Cœlo descendit, ut si quis manducaverit ex ipso, non moriatur. Sed quod pertinet ad VIRTUTEM SACRAMENTI, non quod pertinet ad VISIBILE SACRAMENTUM. Qui manducat intus, non foris, qui MANDUCAT IN CORDE, non qui premit dente. ——— Hujus rei SACRA-

MENTUM, id est, unitatis Corporis & Sanguinis CHRISTI, alicubi quotidie, alicubi certis intervallis dierum in DOMINICA MENSA preparatur, & de Mensa DOMINICA sumitur, quibusdam ad vitam, QUIBUSDAM AD EXITIUM. RES VERO IPSA cujus & Sacramentum est, OMNI HOMINI AD VITAM, nulli ad exitium, quicumque ejus particeps fuerit. ———

Qui non manet in CHRISTO, & in quo non manet CHRISTVS, proculdubio nec manducat spiritualiter Carnem ejus, nec bibit ejus Sanguinem. Licet carnaliter & visibiliter premit dentibus Sacramentum Corporis & Sanguinis CHRISTI. Sed magis tanta rei Sacramentum AD IUDICIUM

sibi manducat & bibit, quia immundus presumpsit ad CHRISTI accedere Sacramenta. Hæc omnia Augustinus, Tract. 26. in Evang. Ioannis.

Idem etiam Tract. 27. in idem Evang. *Hoc, inquit, totum ad hoc nobis valeat, dilectissimi, ut carnem CHRISTI & sanguinem CHRISTI non edamus TANTUM IN SACRAMENTO, QVOD ET MULTI MALI; sed VSQVE AD SPIRITVS PARTICIPATIONEM MANDUCEMVS, & bibamus, ut in DOMINI corpore tanquam membra maneamus, ut ejus spiritu vegetemur: & non scandalizemur, etiamsi multi modo nobiscum MANDVCANT ET BIBUNT TEMPORALITER SACRAMENTA, QUI HABEBUNT IN FINE ÆTERNA TORMENTA. Hæc Augustinus.*

Vnde nascitur hoc argumentum: Ille solus est adorandus, quo solo fruens beatus fit cultor ejus. Vel, quicquid adorandum est, eo solo fruens beatus fit cultor ejus: at solo Sacramento fruens, non fit beatus cultor ejus: Ergo, Sacramentum non est adorandum. Et hæc est doctrina Augustini.

THEODO-
RET.

Accedo ad vindicias Theodoret, qui ait mystica symbola adorari *προσκύπτειν*, dialogo secundo. Vbi intelligunt Papistæ adorationem supremam, quæ *λατρεία* dicitur. Nec repugno. Nullam enim aliam agnoscimus adorationem religiosam. Et hoc sensu adorationem acceperunt etiam Ambrosius & Augustinus, locis supra citatis, ubi de religiosa adoratione loquuntur absolute absque ulla distinctione. Monui autem in superioribus, verba ista Theodoret, τὰ μυστικὰ σύμβολα προσκύνειν, sic esse exponenda, *Mystica symbola ab adorantibus (sive cum adoratione) accipiuntur*. Adorantibus, inquam, non symbola, sed rem ipsam, sive CHRISTVM, cujus ea sunt symbola, sive sacra signa. Hanc expositionem sic probō: Adoratione illa, de qua loquitur Theodoretus, Christian

Atiani Catholici non adorabant symbola: Ergo adorabant solum *DEVM*. Non enim invenitur tertium in hoc argumento. Probo antecedens: Non adorabant eas res quas credebant esse secundum naturam adhuc meras creaturas, sicut erant ante consecrationem: at symbola Eucharistica, nempe, Panem & Vinum, etiam post consecrationem, credebant esse secundum naturam suam adhuc meras creaturas, sicut erant ante consecrationem; quamvis *facta sint* per consecrationem jam *mystica*; id est, acceperint *significantem virtutem spirituales*, ut loquatur Augustinus, Lib. 20. contra Faustum, Cap. 13. & Tract. 26. in Evang. Ioannis. Major pater; quia cultum divinum non nisi *DEO* tribuebant. Minorem probo, ex ipso Theodoro, qui Catholicæ Ecclesiæ sui temporis doctrinam hac de re proponit, & contra Eutychianos Hæreticos defendit.

Ille in dialogo. I. Qui inscribitur, ἀρρετῶν, *immutabilis*, exponens verba illa Iacobi Patriarchæ, *Lavabit in vino stolam suam*, &c. Genes. 49. 11. & conficiens ea cum verbis *DOMINI*, *Ego sum vitis vera*. Ioann. 15. 1. Et cum verbis illis *DOMINI*, in institutione Eucharistiæ, quibus Calicem appellavit Sanguinem suum; & Panem, Corpus suum: sic de re tota loquitur; *Sanguinem ergo uvæ, Servatoris sanguinem appellavit*. Si enim Dominus vitis est nominatus, fructus autem vitis, vinum appellatur, sanguinis autem & aquæ ex Domini latere manantis rivi per reliquum corpus infernè descenderunt: Iare ergo & apposuè prædixit Patriarcha, *lavabit in vino stolam suam, & in sanguine uvæ indumentum suum*. SICUT enim nos mysticum vitis fructum, post sanctificationem, [μετὰ τὸ ἀγιασµὸν] *DOMINI sanguinem nominamus*, ITA vera vitis sanguinem, *uva sanguinem nominavit*, ————— In mysterio-

rum traditione, DOMINVS Panem appellavit Corpus, & sanguinem, id quod in Calice infusum & commixtum est. [Σῶμα τὸν ἄρτον ἐκάλεισε, καὶ αἷμα τὸ κρᾶμα.] Respondet Eranistes, sive Eurychianus: Ita nominavit. Pergit Orthodoxus; Atqui, & quod est secundum naturam corpus, Corpus jure vocabitur, & item sanguis. ERANIST. In confesso est. Pergit ORTHOD. Servator quidem certe noster nomina commutavit, & corpori quidem, id quod erat symboli & signi nomen imposuit. [Ioann. 6. Vbi Panis dicitur, & Cap. 12. 24. Vbi granum tritici appellatur: ad hæc enim loca nos mittit Theodoretus.] Symbolo autem, quod erat corporis. Ita cum se vitem nominavisset, sanguinem id quod erat symbolum, appellavit. Græcus textus sic habet: Ο ἄρχιερέω ὁ ἡμεῖς ἐνέλλαξε τὰ ὀνόματα. καὶ τῷ ὕδατι σῶμα, τὸ τῷ σμύρῳ τέθεικεν ὄνομα. τῷ δὲ σμύρῳ τὸ τῷ σάματι ἕτως ἀμπελον ἑαυτὸν ὀνομάσας, αἷμα τὸ σμύβολον περὶ στήθευσε.

ERANISTES.

HOC quidem verè dixisti: vellem autem scire causam mutationis nominum.

ORTHODOXVS. Manifestum est institutum ijs qui sunt divinis mysterijs initiati [πῶς τὰ θεῖα μυστήρια.] Volebat enim eos, qui sunt divinarum Mysteriorum participes, non attendere naturam eorum quæ videntur, sed propter nominum permutationem, mutationi, quæ fit ex gratia, credere. Qui enim, quod natura corpus est, triticum & panem appellavit, & rursus seipsum vitem nominavit, ille Symbola quæ videntur, appellatione corporis & sanguinis honoravit: NON NATURAM

TVRAM MUTANS, sed gratiam nature adjiciens. [Τὰ δραμενα σύμβολα τῇ τῷ σώματι καὶ αἵματι] & προσήγορία πλείουν, ἢ τὴν φύσιν μεταβαλὼν ἀλλὰ πλεῖν χάριτι τῇ φύσει προσθετικῶς.]

ERANIST. Et mysticè mystica dicta sunt, & aperte declarata sunt, quæ non sunt nota omnibus.

ORTHOD. Quoniam ergo in confesso est, & Patriarcham corpus DOMINI vestem & indumentum nominasse; ad dicendum autem de divinis mysteriis ingressi sumus, dic per veritatem, cujus symbolum & figuram esse existimas alimentum sanctissimum. [Τὸ ἡγῆ σύμβολόν τε καὶ τύπον πλεῖν παναγίον τροφὴν.] Divinitatis ne DOMINI CHRISTI, an Corporis & Sanguinis?

ERAN. Clarum quod illorum, quorum etiam appellationem susceperunt.

ORTHOD. Corporis & Sanguinis dicis?

ERAN. Ita dico.

ORTHOD. Ut decet amicum veritatis dixisti.

Hæc Theodoretus, Dialog. 1. in editione Græca, Romæ impressa, folio octavo; & in editione Latina Coloniensi, Tom. 2. Pag. 218.

Idem quoque in secundo Dialogo, qui inscribitur, εὐσυχῶς, in confusus, in Græca editione, fol. 37. & 38. & in editione Latina, Pag. 236. de eodem argumento sic colloquentes introducit Eranisten, sive Eurychianum, & Orthodoxum.

ORTHODOXVS.

DIC ergo, mystica symbola, quæ DEO à DEI Sacerdotibus offeruntur, quorum sunt symbola?

ERANISTES. Corpus & Sanguinis DOMINI.

ORTHOD. Corporis quod verè est, vel verè non est?

ERANIST. Quod verè est.

ORTHOD. Optimè: oportet enim imaginis esse exemplar Archetypum [χρὴ δ' εἶναι τὸ τ' εἰκόνα & δὲ χέτυπον] etenim pictores imitantur naturam, & eorum qua videntur depingunt imagines.

ERAN. Verum.

ORTHOD. Si ergo divina mysteria corpus quod verè est representant: ergo corpus etiam nunc DOMINI quoque corpus est, non in naturam divinitatis mutatum, sed impletum divina gloria.

ERAN. Opportunè accidit, ut verba faceres de divinis mysterijs. Nam vel ex eo ipso tibi ostendam, corpus DOMINI in aliam mutari naturam. Responde ergo ad mea interrogata.

ORTHOD. Respondebo.

ERAN. Quid appellas DOMINI quod offertur (seu offertur, τ' προσφερόμενον δῶρον) ante invocationem Sacerdotis?

ORTHOD. Non oportet apertè dicere; est enim verisimile adesse aliquos mysterijs nō initiatos. [τίνας ἀεινήτας.]

ERAN. Respondeatur enigmaticè.

ORTHOD. Id quod fit ex huiusmodi seminibus nutrimentum.

ERAN. Aliud autem signum (τὸ ἵ ἐπὶ τὸν σὺμβολον) quomodo nominamus?

ORTHOD. Commune etiam hoc nomen, quod potius speciem significat.

ERAN. Post sanctificationē autē quomodo ea appellas?

ORTHOD. Corpus CHRISTI, & sanguinē CHRISTI.

ERAN. Et credis te fieri participem CHRISTI Corporis & Sanguinis?

ORTHOD. Ita credo.

ERAN.

ERAN. Sicut ergo Symbola DOMINI Corporis & Sanguinis, alia quidem sunt ante invocationem Sacerdotis, sed post invocationem mutantur, & alia fiunt, ita etiam Corpus DOMINI post assumptionem mutatur in divinam substantiam. [Ὅτι περ τοίνυν τὰ σύμβολα τῆς δεσποικῆς σαρκὸς π, καὶ αἱματός, ἀλλὰ μετὰ εἰσι πρὸς τὴν εὐχαριστίαν ὁπικλήσεως. μετὰ δὲ γὰρ τὴν ὁπικλήσιν μεταβάλλεται καὶ ἕτερον γίνεται. ἔτω τὸ δεσποικὲν σῶμα μετὰ τὴν ἀνάληψιν, εἰς τὸ εἶναι μετεβλήθη τὴν θείαν]

ORTHOD. Quae ipse tenuisti retibus captus es. Neque enim signa mystica post sanctificationem recedunt A SUA NATURA. Manent enim IN PRIORI SUBSTANTIA, & figura, & forma, & videri & tangi possunt, sicut & prius, intelligantur autē ea esse, quae facta sunt, & creduntur & ADORANTUR, ut quae illa sint quae creduntur. Confer ergo IMAGINEM cum exemplari, & videbis similitudinem. Oportet enim FIGURAM esse veritati similem, illud corpus habet priorem quidem formam, & figuram, & circumscriptionem, & ut semel dicam, corporis substantiam. Immortale autem post resurrectionem factum est, & potentius quam ut ulla in ipsum cadat corruptio, & interitus, Sessionēque à dextra dignatum est, & ab omni creatura adoratur, ut quod appelletur Corpus naturae DOMINI.

Et adorantur.

[Οὐδὲ γὰρ μετὰ τὸ ἁγιασμὸν τὰ μυστικά σύμβολα τῆς ἐκείνης ἐξίσταται φύσεως. Μένει γὰρ ἐπὶ τῆς ποσότητος εἰσίας, καὶ τὸ σχῆμα, καὶ τὸ εἶδος, & ἕτερον ἐστὶ, καὶ ἅπλοον, οἷα καὶ πρότερον ἦν, νοεῖται δὲ ἄπερ ἐγένετο, καὶ πιστεύεται, καὶ προσκυνεῖται & προσκυνεῖται, ὡς ἐκεῖνα ὄντα ἄπερ πιστεύεται. Παράκυνεῖται.

Παράδωκε τοίνυν τῷ ἀρχιεπίτῳ τὸ ἐκείνου, ἃ ὁφείτω
ὁμοίωται. καὶ γὰρ εἰκέναι τῇ ἀληθείᾳ τὸ τυπὸν, &c.]
HÆC THEODORETVS.

GELASIVS.

Similia scripsit GELASIVS, in suo opere contra Eutychem & Nestorium: Certa, inquit, Sacramenta quæ sumimus Corporis & Sanguinis CHRISTI, divina res est, propter quod & per eadem divina efficiamur consortes naturæ; & tamen esse non desinit substantia vel natura Panis & Vini. Et certè IMAGO & SIMILITUDO Corporis & Sanguinis CHRISTI, in actione mysteriorum celebrantur. Satis ergo nobis evidenter ostenditur, hoc nobis in ipso CHRISTO DOMINO sentiendam, quod in ejus IMAGINE profitemur, celebramus, & sumus: ut sicut in hanc, scilicet, in divinam transeant, [transcunt] sancto Spiritu perficiente, substantiam, permanente, [permanentia] tamen in sue proprietate naturæ: sic illud ipsum mysterium principale, cujus nobis efficientiam virtutemque VERACITER representant; ex quibus constat propriè permanentibus, unum CHRISTVM, quia integrum verumq; permanere demonstrant. HÆC GELASIVS.

Observe ex Theodoretis & Gelasij verbis, Eutychnos Hæreticos docuisse fieri symbolorum in Eucharistia mutationem in aliam substantiam: quos imitantur transubstantiarii.

Catholicos autem veteres docuisse, mutari quidem elementa per sanctificationem in Sacramenta, sive symbola mystica, typos, &c. Retinere tamen eandem panis vini que naturam & substantiam quam habebant ante consecrationem. Non obstante relativa & symbolica eorum identitate cum re Sacramenti per sanctificationem: (sicut credebant esse in Emmanuele veram humanitatis naturam & substantiam; non obstante unione hypostatica.) Et
symbol

symbolis imposita esse nomina rerum quarum sunt symbola, sine conversione substantiæ aut naturæ. Hanc veteris Ecclesiæ Catholicæ Doctrinam Orthodoxam tenent hodie reformatæ Ecclesiæ.

At vocabula ista *ὄσις*, *ᾠρία*, substantia (inquiunt Sophistæ) significant sæpe essentiam & naturam accidentium. Ideo necesse non est istis locis apud Theodoretum & Gelasium intelligere substantiam, quæ distinguitur contra accidentia, & quam in prima categoria posuit Aristoteles; sed tantummodo naturam accidentium sensibilem quæ sunt in Eucharistia, quæ fuit etiam ante consecrationem. Sic elabi conatus est Bellarminus, Lib. 2. de Eucharistia, Cap. 27. At irrito conatu: nam utcumque ista vocabula quandoque accidentibus etiam tribuantur. Semper tamen apud omnes idoneos Authores *natura* & *substantia* alicujus substantiæ categoricæ, (ut Panis, Vini, Corporis, &c.) significat substantiam categoricam vel partem substantiæ substantialem, prout substantia & substantiæ pars distinguuntur contra accidentia, in categoriis. Si dixissent Patres illi manere naturam coloris, & odoris, &c. Aliquem haberet colorem ista miserrimæ Papistarum defensio: at cum apertè dicant Patres manere naturam & substantiam *PANIS & VINI*, eandem quæ erat ante consecrationem, non secus ac manet vera humana natura substantialis in Mediatore: nullum prorsus sophistis istis superest effugium, nisi in Eutychianæ Hæreseos latibulum se recipiant: quod ipsum etiam Patres eis intercluserunt. Adjectis etiam similitudinibus Vini, & Vitæ, & Panis, & Tritici, locis supra citatis.

Redeo nunc ad expositionem verborum illorum quæ habentur in ea Orthodoxi loquutione, quam postremo loco citavimus ex Theodoro. *Τὰ μυστικά σύμβολα*
 ——— Προσκυνοῦται, ὡς ἐκεῖνα ὄντα ἅπας πιστεύει. Id est, *Signa mystica* ——— adorantur,

ut quæ illa sint quæ creduntur. Adorationem diximus propriè accipiendam, & quidem pro suprema illa adoratione, quæ soli DEO debetur, & quam merè tribuere creaturæ Idololatria est; hoc luadent verba illa quibus adorationis hujus ratio continetur, *ut quæ sint* (nempe symbolicè & figuratè ut ostensum est) *illa quæ creduntur*: id est, corpus & sanguis DOMINI: quæ in divina hypostasi existentia sunt objectum verè adorabile, in persona non minus adorabili nunc in carne, quàm olim ante Incarnationem. Propterea intelligenda videtur ea suprema adoratio, quæ rei Sacramenti, id est, EMMA-NUELII pro nobis passo exhibetur. Accedit etiam quod illorum temporum scriptores catholici hanc solent intelligere adorationem, quando utuntur vocabulis *adorare*, *adoratio*, ad significandum externum aliquem actum religiosum in publico DEI cultu: qualis est celebratio Eucharistiæ, Ideo AMBRCSIUS & AUGUSTINUS locis superiùs citatis, absque ulla adorationis distinctione, omnem religiosam adorationem meris creaturis simpliciter abjudicant. Neq; vel pro DEO vel propter DEVM ullam meram creaturam, ne ipsam quidem beatam VIRGINEM, adorari patiuntur. Quidam viri docti adorationem hanc, de qua loquitur Theodoretus, interpretantur venerationem. Non contradico; sed aio nullam esse positivam Sacramenti venerationem, *ut quod sit res ipsa cujus nomen sortitur*, nisi adorationem ipsius rei cujus est Sacramentum, in Sacramenti usu. Nam alia est veneratio signorum negativa ut ita loquar, per quam cavemus ne eis indecorè aut profanè abutamur, sic veneramur etiam Tempia DEO dicata, quando abstinemus ab eorum violatione aut profanatione, neque in eis nos indecore gerimus. At verò rerum sacrarum sensu carentium nulla potest esse positiva veneratio licita quæ adorationis vocabulum mereatur, nisi adoratio DEI in usu rei, quemadmodum veneramur lectionem sacræ Scripturæ, eam nudo capite audientes; id est,

DEVM

DEVM nos alloquentem honorantes gestu adorativo : neque ullo modo terminatur ea nostra veneratio siue adoratio in vocibus scriptis vel sonantibus. Sed ille gestus noster adorativus, est partim gratiarum actio qua gratias **DEO** agimus de revelatis mysteriis, & benigno alloquio, partim est quædam precario, ut illam auditionem faciat **DEVS** nobis saluiferam. Alioqui si religiosam aliquam adorationem concedamus meræ creaturæ, quamvis eam venerationis vocabulo palliare nitamur, non liberamur ab idololatria. Sic in Eucharistiæ sumptione veneratio seu adoratio illa positiva qua reverenter & adorabundi sumimus porrecta Symbola, est cultus & adoratio **DEI** : nam reverenter uti divinis mysteriis, est cum **DEI** reverentia iis uti : neque usquam tendere aut uspiam figi debet mentis nostræ quantulacunque devotio adorativa nisi in **DEVM** & in **DEO**. Adorare igitur seu venerari Symbola mystica est eis cum **DEI** adoratione, & veneratione uti.

Objicies si adoratio apud Theodoretum propriè accipiat, & vox, *συνεβηλα*, etiam propriè sumatur, pro ipsis signis sacris; neque usquam compareat figuræ alicujus vestigium in hac enunciatione, *Symbola adorantur*; ubi & subjectum & attributum propriè accipiuntur; & cum interpretatio omnis eo sit certior, quo simplicior; quid verat verba, ut jacent, interpretari, de ipsorum Symbolorum adoratione? Respondeo: simplicitas alia est laudabilis, quæ alio nomine sinceritas dicitur: alia est miserabilis, quæ imprudentia est. **DOMINVS** noster simplicitatem nobis commendavit cum prudentia conjunctam, **MATTH.** 10. 16. Monet Apostolus ut non simus pueri intelligentia, sed malicia pueri, intelligentia verè adulti simus, **1. COR.** 14. 20. Puerilis & pueriliter simplex est ea interpretatio per quam ita adhæretur verborum sono ut loquentis mens non capiatur, aut eidem contradicatur: qualis erat simplicitas interpretationis illius, qua **CAPERNAITÆ** interpretati sunt verba

Objeccio.

Responsio.

DOMINI, de manducatione Carnis DOMINICÆ, IOANN. 6. Rectè Augustinus; *Si, inquit, præceptiva loquutio flagitium aut facinus videtur habere, figurata est.* Lib. 3. de doctrina Christiana, Cap. 16. Vbi loquitur de interpretatione sacrae Scripturæ, allato exemplo manducationis Carnis CHRISTI.

Iam verò si intelligamus adorata esse à veteribus ipsa symbola, quæ tamen credebant (sicut ostensum est) retinere propriam naturam etiam post consecrationem, facimus eos Idololatrias, & praxin eorum suæ ipsorum doctrinæ contrariam: quod sine insigni contumelia & injuria in sanctos Patres dici non potest.

Huc ergo recurrendum est, ut impropria eorum dicta cum propriis conciliemus: quædam enim loquutiones nucibus similes sunt, in quibus solus nucleus esui aptus est: ad quem inveniendum frangendus est cortex, alioqui frustra circa duram superficiem laborabis. Quales sunt illæ loquutiones figuratæ, ex quibus, si propriè accipiantur, nihil elicueris præter crassas absurditates. Vt si quis dicat de Pane consecrato, hic *Panis* jam in Cælo sedet: nam cum sit natura Panis, non est jam in Cælo propriè: sed perumpenda sermonis hujus superficies est, ut sensum aliquem verum inveniamus. PANIS quidem, hujus enunciationis subjectum, intelligitur propriè Panis, & verbo SEDET, intelligitur sessio vel saltem localis existentia in Cælo: & tamen ut vera sit enunciatio, invenienda est aliqua figura. Est igitur figura in ipsa attributione, quamvis neque in subjecto, neque in re attributa, seorsum spectata. Vis autem copulæ attributivæ includitur in verbo secundi adjacentis cum re attributa, à qua tamen distinguenda est in sensu, quamvis uno concludantur vocabulo. Id quod in hac propositione facile patebit, si verbum attributivum liquefaciamus, & particulam attributivam à re attributa, etiam vocabulo secernamus, in hunc modum: *Pa-*
nis hic

nis hic est corpus illud, quod jam in Cælo sedet. Et in hac loquutione querenda adhuc figuræ explicatio, nam verbum illud tertij adjacentis, est, non est absolute & propriè accipiendū: sic igitur clarior erit Enunciatio, Hic panis SECUNDUM QUENDAM MODUM est corpus, &c. Ut loquitur Augustinus, Epist. 23. modus autem hic Sacramentalis est, adeo ut propria expositio, illius propositionis. Hic panis jam in Cælo sedet, hæc sit, hic panis est Sacramentum Corporis illius quod jam in Cælo sedet; sive eodem sensu, Hic panis secundum quendam modum Sacramentalem, sive Sacramentaliter, est corpus illud quod jam in Cælo sedet.

Idem dicendum est de Enunciatione illa Theodoretī, *Symbola mystica adorantur*, id est, *sunt objectum illud quod adoramus*, nempe vera caro & sanguis CHRISTI; *sunt*, inquam, *secundum quendam modum Sacramentalem*. Attribuit autem Theodoretus, figuratè, satis impropria loquutione, adorationem Symbolis in Eucharistia, ut significet eam adorationem quæ exhibetur rei Sacramenti, in ipsa perceptione Sacramenti: ac si diceret; dum Symbolis utimur, adoramus DOMINUM IESUM, cujus Corporis & Sanguinis hæc Symbola, ipsius mandato & in ejus recordationem, sumimus.

Hac dissertatione ostendere volumus Catholicam Ecclesiam in Perceptione Eucharistiæ semper usam esse gestu adorativo, nempe vel statione, in diebus quibus stantes adorabant, vel genuflexione in diebus quibus adorabant de geniculis: hoc enim colligitur ex priore, nempe ex statione in diebus illis, in quibus convivantes quidem accumbebant, concionem vero audientes sedebant; orantes autem & communicantes stabant. Gestum verò in aliis Cœnis mensalem, non esse judicatum huic sanctæ Cœnæ mensalem, sive mensæ DOMINICÆ convenientem. Porro sessionem nusquam ullo seculo nisi nuper paucissi-

Scopus &
summa, hujus
dissertationis.

mis in locis usurpatam esse in celebratione Cœnæ DOMINICÆ. Neque ab ulla unquam aut usquam Ecclesia Catholica iudicatam esse necessariam necessitate juris divini. Denique veteres in Sacramenti celebratione adorantes, non adorasse Sacramentum, sed solum DEVM.

In Confessione SCOTICANA, Artic. 21.

NVM. II.

Nec signa loco rei signata adoramus, nec adoranda putamus, nec despiciamus, aut tanquam inutilia & vana interpretamur, verum cum omni reverentia illis utimur.

IOANNES CALVINVS, Lib. 4. Institut. Cap. 17.
§. 37. Contra Papistas Disputans.

III.

CHRISTO, inquit, hanc venerationem deferimus. Primum, si in Cœna hoc fieri, dicerem adorationem eam demum esse legitimam quæ non in signo residet, sed ad CHRISTUM in Cælo sedentem dirigitur.

PETRVS MARTYR, locorum communium
classe secunda, Cap. 4. §. 39.

IV.

Nihil interest, si Cœnæ DOMINICÆ Sacramentum, stantes aut sedentes, aut genibus flexis percipiamus, modo institutum DOMINI conservetur, & occasio superstitionibus præcidatur.

WOLF. MYSCVL. in Locis Communibus,
de Cœna DOMINI: Art. quomo-
do Cœna DOMINICA cele-
brari debeat. §. Principio.

*Circumstantiæ erant, quod Sacramentũ hoc à CHRI-
STO, nocturno tempore, sub Cœnam, accumbentibus
ad mensam Discipulis, institutum est ac traditum. Ha
circumstantiæ non sic requiruntur necessario, ut non liceat
nobis Sacramentum hoc extra Cœnas, interdiu, & stan-
tibus fidelibus administrare. Non enim pertinent ad
substantiam Sacramenti. Audimus hodie nonnullis Ec-
clesiis placere, ut ad mensam promiscuè accumbentes
communicent, quod existiment hunc accubitus pertinere
ad exemplum DOMINI. Verum mensa illa, ad quam
cum Discipulis suis in ultima Cœna accubuisse legitur
DOMINVS, parata fuerat ad edendum vetus Pas-
cha, nec habebat novum ritum, qui novi esset Testamen-
ti Mysterijs celebrandis destinatus, ac posteris exempli vi-
ce propositus, sed veterem, eique genti solennem ac
vstitatum, unde nemo Discipulorum offendeatur. Qua-
re NON SIC PVERILITER DESIPIMVS,
ut quod DOMINVS mensa accubitu per occasionem
veteris Paschatis in hac est Sacramenti istius institutione
usus, ad hoc esse factum existimemus, ut normam nobis
& exemplum ad novi Paschatis cõmunicationem accum-
bendi præscriberet: quemadmodum nec in eo nobis posi-
ta lex est, quam sequamur, quod non manè sed vesperti
Sacramentum hoc instituit. Deinde non tam est cõmo-
dum, ut ingens cõmunicantium multitudo ad mensas ac-
cumbat in Ecclesia, quam erat DOMINO, ut cum paucis,
duodecim viz. Discipulis, ad vnã mensam accumberet.*

In Consensu Poloniæ, in generali Synodo
Petricoviensi, Att. 4.

VI. *Ceremonias libertati Christiana donamus, ac permittimus, ut stantes, vel GENVA FLECTENTES, p[er] Sacramentum Corporis & Sanguinis CHRISTI sumant. SESSIONIS* verò ad Mensam DOMINI, quia præter ritus in omnibus per Europam Evangelicis Ecclesiis vulgò consuetos, illi inter nos primi Authores exstiterunt, qui omnia temerè in Ecclesia immutantes, & sine scientia CHRISTVM QVASI imitantes, à nobis ad Arianismum perfidi transfuga facti sunt: quare hanc PROPRIAM IPSIS (ut CHRISTVM ita & sacra ejus irreverenter tractantibus) TANQVAM MINVS HONESTAM AC RELIGIOSAM, SIMPLICIORIBVSQVE ADMODVM SCAN- DALOSAM ceremoniam rejicimus.

Item, in eodem Consensu, in generali Synodo
Vlodislaviensi, Can. 6.

VII. *Quod attinet ad ceremonias Cena DOMINI: Sententia jam olim in Sandomiriensi Synodo agitata, & conclusio in generali Cracoviensi atque Petricoviensi Synodo facta ac repetita, in hoc etiam Vlodislaviensis Synodi Consessu approbata est: nempe, NE IN VSV SIT SESSIO AD MENSAM DOMINI, in ullis hujus nostri Consensus Ecclesiis Poloniæ & Lituaniæ, &c. Nam hac ceremonia (LICET CVM CÆTERIS LIBERA) Ecclesiis Christianis & cæteribus Evangelicis non est usitata, tantumque INFIDELIBVS ARIANIS, CVM DOMINO PARI SOLIO SESE COLLOCANTIBVS, PROPRIA. Cùm itaque SESSIO POTISSIMUM OCCASIONE*

SIONE ET MALO AVSPICIO ILLO-
RUM, qui miserrimè ex nobis exciderunt, & DOMI-
NUM qui nos redemit abnegarunt, in consuetudinem ir-
repsit aliquot nostris Ecclesiis, rogamus & hortamur omnes
istos catus & Fratres nostros in DOMINO, ut Sessio-
nem commutent in ceremonias nobis in Ecclesiis Evangelicis
per Europam consuetas, scilicet, VT ADMINISTR-
TUR COENA DOMINI STANTIBVS,
VEL GENVA FLECTENTIBVS (cum prote-
statione contra Artolatriam Papistis consuetam.) Quem
utrumque ritum, prout in quibus Ecclesiis hæcenus visita-
tus est, nobis liberum, sine scandalo & vituperatione inui-
cem, relinquimus & approbamus.

Daniel Chamier, lib. 7. de Eucharist. cap. I. §. 9. 10. 11.

ADORARI CHRISTVM IN EV. VIII.
CHARISTIA duplicem habet intellectum: vel
quemadmodum adorari dicitur idē CHRISTVS in Ora-
tione: vel quomodo eidem dicitur esurienti CHRIS-
TO dari cibus, qui datur indigenti, MATTH. 25. Nam
discrimen est longum. Quia in priori, Oratio illa nullo mo-
do est objectum adorationis: unde nemo dixit unquam, ado-
rari Orationem ipsam, sive Preces: sed tantum sive circum-
stantiam esse, sive etiam modum adorandi. Ast in postero-
re indigens ipse objectum est Eleemosyna, quæ inde redundat
in DEUM.

§. 10. Priori sanè modo NEMO
NOSTRVM RECUSET TESTARI IN
EVCHARISTIA SIVE IN SACRAMEN-
TO ADORARE SE CHRISTVM: non tan-
tùm quia, dum celebratio fit, in CHRISTVM toto fe-
ratur animo vir sanctus; quæ ratio esset tantum circumstan-
tiæ; quia utrumque eodem fiat tempore: quæ posset esse

mere per accidens; ac proinde nimis infra Sacramenti dignitatem. Sed etiam QVIA IPSA ILLA CELEBRATIO SIT ACTVS RELIGIOSVS: AC PROINDE SEPARARI NEQVEAT AB ADORATIONE CHRISTI: sicut oratio, hymnus, & similia. Vnde etiam Eucharistias nomen. Nam QVICVNQVE PIVS AGIT GRATIAS DEO, IDEM ADORAT DEVM.

§. II. Sed

Papista non sic: imò secundo modo: unde ratio illa loquendi, ADORARE SACRAMENTVM, ADORARE EVCHARISTIAM: quod profectò alias nunquam dicerent, quomodo non dicant se adorare suas Letanias. Sed quomodo adorant DEVM in imaginibus: quia has primò; deinde per relationem, DEVM; & sic Gregorius de Valentia dixit, qui censeant nullo modo ad species ipsas eam venerationem pertinere, in eo Hereticè pugnare contra perpetuum vsum & sensum Ecclesie.

Idem eodem Lib. cap. 2. §. 9.

IX.

Adorabimus in loco ubi steterunt pedes ejus. Bene; adorare in loco: at non adorare locum. Sic nos facile, ADORAMVS IN EVCHARISTIA, sed NON ADORAMVS EVCHARISTIAM.

Cap.

CAP. XVI. PARS QUINTA.

De pane azymo aut fermentato, multisque
aliis indifferentibus in celebratione
hujus Sacrae Coenae.

IOAN. CALVIN. Lib. 4. Instit. Cap. 17. §. 43.

Quod ad externum actionis ritum spectat, in manum accipiant fideles, necne: inter se dividant, aut singuli quod sibi datum fuerit, edant: calicem in Diaconi manu reponant, an proximo tradant: panis sit fermentatus, an azymus: vinum rubrum, an album: nihil refert. Hec indifferentia sunt, & in ECCLESIAE LIBERTATE posita.

I.

WOLF. MVSCEVS, in Locis Communibus in
tract. De Coena DOMINI: Art. quid
instituerit DOMINVS.

NUM. III.

Quare, meo iudicio, nec Latinis erat ratio tantopere Graecorum morem pane fermentato in Coena DOMINI utentium, quasi illicitum damnare: nec Graeci sic ab azymo abhorreere debebant, ut hoc nomine ab Ecclesiis Latinis sejungi se sinerent, cum non referat in azymo ne vel fermentato pane, &c.

II.

Idem ibidem. §. Ab hoc CHRISTI.

Sive plura pocula fuerint in mensa, sive vnum tantum, non nisi ex vno & eodem voluit omnes bibere, sic cum primo dedisset poculum, dixit, Bibite ex hoc omnes.

III.

Vide ex Museo
plura supra
parte 4.
Num. 5.

Hinc tamen non est, ut damnemus eorum consuetudinem, qui propter communicantium multitudinem pluribus poculis utantur in CENA DOMINI.

Daniel Chamierus, Lib. 6. de Eucharistia,
Cap. 3. §. 10. & 11.

IV. **DOMINUS** (inquunt Papista) vinum aqua mixtum consecravit. Igitur & nos ita facere debemus.

§. 11. Respondeo, primum negari consequentiam. Nam in CENA lavit pedes CHRISTVS: & nemo tamen concludit id faciendum sub pena peccati mortalis. Imò consecravit vespere, & post Cenam: quod tamen etiam prohibet Ecclesia Romana. Rursus consecravit accumbens Mense: quod jam pridem nemo facit. Antecedens ergo contrahendum, ut intelligantur ea facienda in huius Sacramenti celebratione, quæ in ea facta sunt à CHRISTO non per accidens; sed propter ipsius Sacramenti plenitudinem: ad quam neque lotio pertinet, neque vespere, neque accubitus.

Idem, Lib. 6. de Eucharistia, cap. 4. §. 18.

V. Quid igitur ad argumentum Papisticum regerimus? Hoc facillimum: fuisse usurpatum azymum per accidens, sicut agnum: nempe, ex temporis circumstantia. Quare quomodo non est necesse agnum adhiberi, sic neque azymum. Sic in Baptismo, locus est in flumine, non quia necesse esset, sed quia IOANNES lavaret in flumine. Obvio igitur pane usus, non autem peculiari propriaque diligentia apparato in usum Sacramentalem, docuit & nos obvio uti. Bene Suarez, constat jure divino neutrum horum esse

*esse praeceptum: quia solum CHRISTI factum non
satis est ad inducendum praeceptum. Nam licet consecra-
verit in Vino albo, verbi gratia, aut hora nobis non ideo
praecepit nos ita consecrare.*

Idem, Lib. 7. de Eucharistia, Cap. 15. §. 13. ubi con-
tra Missam privatam adfertur & defenditur
argumentum ab institutione.

Peccat etiam aliter, [Bellarminus] quasi nostrum ar- VI.
gumentum esset simpliciter ab iis quae CHRISTVS
fecit: cum sit tamen ab iis, quae CHRISTVS iussit
fieri. Nam QVÆ CHRISTVS FECIT, FA-
TEMVR NON OMNIA ESSE EIVSMO-
DI VT NECESSARIO SINT OBSERVAN-
DA: Sed ea dicimus tantum narrari, ut circumstantias
actionis: Exempli gratia; Celebravit sub vesperam, &
post Cœnam, & accumbens, & ipsa die Paschæ. Horum
igitur esto sanè libera observatio. Sed alia sunt quae si-
mul & gessit actû, & PRÆCEPTO sancivit, accipi-
te, edite, bibite: quorum propterea alia ratio est.

Idem, Lib. 8. de Eucharistia Cap. 2. §. 22.

Lotionem pedum, Cœnam præeuntem, ACCUBI-
TVM, numerum duodenarium, quis probabit in iis VII.
esse quae in Eucharistia institutione mandata sunt?
Quin videlicet tam nihil faciunt ad partes hujus institu-
tionis, ut PAVLVS institutionem repetens ne me-
minerit quidem: Imò neque indicavit. Cur ergo re-
tenta essent in celebratione EUCHARISTIÆ?
Circumstantiae fuerint. Esto sanè, Sed nemo un-

unquam SIC INSANIIT, ut omnes circumstantias actionum CHRISTI dixerit observandas. Cyprianus inculcabat ea quæ CHRISTVS fecisset & docuisset: Nec nos inde abimus: si sumpisset Panem, nec addidisset ACCIPITE, EDITE: tam certè importunum esset urgere perpetuum esum; quam ACCUBITVM: & si non tantum accubisset, sed etiam dixisset, accumbite. Tàm seridè accumbendum esset, quam edendum. Sed neutrum est: accubuit, NON IVSSIT ACCUMBERE: dedit Panem, & iussit edere.

Idem, Lib. 8. de Eucharistia, Cap. 3. §. 23.

VIII. Non potest negari potuisse in eo actu [quo Dominus Coenam instituit] quædam esse peculiararia, quæ trahi in legem perpetuam FORET ABSVRDVM: ut illa, de præmissis cibo cõsumi, agnoscere paschali; de duodenario numero, de cenaculo, de ACCUBITV, & si qua similia.

Muscul. Art. quomodo Cœna celebrari debeat.

IX. Vocamus autem integram administrationem, eam quæ non circumstantias illius, sed substantiam concernit.

In Synopsi purioris THEOLOGIÆ conscripta per IOANNEM POLYANDRVM, & ANDREAM RIVETVM, & ANTONIVM WALÆVM, & ANTONIVM THYSIVM, S. S. THEOLOGIÆ Doctores, & Professores, in Academia LEIDENSI. Disputatione 45. Thesi, 15.

X. Neque tamen hæc circumstantia temporis vespertini, seu nocturni, vel diei sextæ hebdomadis, aut anniversarij, tertiæ, scilicet diei ante resurrectionem, ut neque loci, nempe, privati;

vati; neque quod cœnatis, pedibus ablatis, ACCUMBENTIBUS, & quidem duodecim numero, Cœna prabita fuit, (quorum quædam aliquamdiu in prisca Ecclesia obtinuerant) præscriptionis observationisq; necessitatem ullam habent.

CAP. XVI. PARS SEXTA.

Frequenter Communicandum.

Ioannes Calvinus, Lib. 4. Institut. Cap. 17. §. 44.

Sic agendum omnino erat, ut nullus Ecclesiæ conventus fieret sine verbo, orationibus, participatione Cœnæ & eleemosynis. Hunc & apud Corinthios fuisse institutum ordinem, satis ex Paulo conicere licet & multis postea seculis in usu fuisse constat. I.

Idem, ibid. §. 46.

Longè aliter factum oportuit: singulis ad minimam hebdomadibus proponenda erat Christianorum cœtui mensa DOMINI, declaranda promissiones quæ nos in ea spiritualiter pascere. II.

Idem, in Lib. Epistolarum, Col. 453.

Tam verò singulis mensibus cœnam celebrari maximè nobis placeret: modo ne usus frequentior negligentiam pariat. Nam dum major pars à cœmunionē abstinet, quodammodo dissipatur Ecclesiæ. Malimus tamen singulis mensibus invitari Ecclesiæ, quàm quater duntaxat in singulos annos: ut apud nos fieri solet. III.

Vide supra, Cap. 7. Num. 5.

CAP. XVI. PARS SEPTIMA.

De communione clinicorum aut morti adjudicatorum.

In Concilio Nicæno I. œcum. Can. 13. statutum est de lapsis pœnitentibus qui nondum annos pœnitentie præscriptos implevissent.

- I. *Ut si quis è corpore egrederetur, & peteret sibi concedi Eucharistiæ participationem, non privaretur ultimo & necessario viatico, [Ἐπεὶ οὐαὶς καὶ ἀ ἀγκιστρὰς ἐφοδὶς μὴ ἀποστρέφειν]* sin autem postea convalesceret, ut esset inter eos qui orationis tantum communionem consequuntur.

Ioannes Calvin. in Epist. ad Monsbelgardenses, quæ incipit, *Tametsi Neocorum.* Lib. Epist. Col. 55.

- II. *De Cene administratione ita sentio, libenter admittendum esse hunc morem, ut apud egrotos celebretur cōmunio, cum ita res & opportunitas feret. Nec magnopere etiam repugnandum esse, quin maleficis detur qui plerūque sunt, siquidem postulent & ad receptionem satis comparatos esse appareat: hac tamen lege, ut sit vera cōmunio: hoc est, ut Panis in cœtu aliquo fidelium frangatur.*

Idem, in Epistola ad N. quæ incipit, *Quia de questionibus.* Col. 453.

Cur Cœnam ægrotis negandam esse non arbitrer, multe & graves causæ me impellunt. Video interea quàm proclivis in multos abusus sit lapsus, quibus prudenter seduloq; occurrendum esset. Nisi enim sit communicatio, perperam deflectitur a sacra institutione CHRISTI. Conveniat ergo aliquis cœtus oportet ex cognatis, familiaribus, & vicinis, ut fiat distributio ex mandato CHRISTI: deinde conjuncta sit actio cum mysterij explicatione: nec quidquam à communi Ecclesiæ ratione diversum. Promiscuè etiam huc & illuc deferre, valde periculosum est. Atque hîc difficillimum est cavere, ne alios superstitio, alios ambitio & vana ostentatio ad petendum sollicitet. Itaque judicio opus esset ac delectus, ne quibus daretur, nisi in magno vitæ discrimine. Panem tanquam sacrum è Templo afferri præposterum est: gestari verò in pompa nullo modo tolerabile.

Scribit Iustinus in Apologia 2. propè finem, morem Ecclesiæ illo seculo fuisse, ut Eucharistia in cœtu publico consecrata, distribuere præsentibus, & ad absentes per Diaconos mitteretur. Hoc non damnat Calvinus, sed damnat superstitionem pompæ, & rectè existimat posse Panem consecrari in loco ubi datur ægrotis alijsq; cum eo communicantibus: nempe, sæpe postulant ægroti, quando non sit publica hujus Sacramenti in Templo celebratio. Alioqui faceret Calvinus numero sequenti Cœnam quæ ægrotis datur, partem esse vel appendicem publicæ actionis: proinde si clinicus particeps fieri expectat dum publicè in Templo celebratur Eucharistia, poterit haud absurdè mitti è Templo ad clinicum Sacramentum in Templo consecratum.

Idem, ad OLEVIANVM, in Lib. Epist.

Col. 454. & 455.

IV.


Meam de Cœna agrotis administranda sententiam rogasti, ——— ex natura quidem, fine, & usu mysterij probè mihi colligere videor, non esse tanto bono privandos, qui vel diuturno morbo laborant, vel de vita periclitantur. Ad fidei confirmationem valet, tesseram accipere quasi ex CHRISTI manu, qua certiores facimus nos in ejus corpore censerì, Carne ejus & Sanguine pasci in spem æterna vitæ. Itaque Cœna perceptio nos ad obeundas spirituales pugnas instruit. Iam si pius quispiam è mundo migrandum sibi videat, quia fieri non potest, quin oppugnetur ac vexetur multis tentationibus, meritò se armari cupiet ad sustinendos conflictus. An eripendum est singulare adjumentum, quo fretus ad luctam alacrius descendat, & victoriam obtineat? Iam prohiberi quo minus liceat profiteri & testatum facere pietatis consensum cum Ecclesia, durum est ac MALI EXEMPLI, sive quis in lecto diu jaceat, sive morti sit vicinus. Atqui Cœna sancta inter filios DEI unitatis est symbolum. Quamvis breviter rem attigerim, agnoscis tamen quibus rationibus adductus, agrotos non esse arbitri à cõmunicatione arcendos. Neque tamen ea de causa velim turbas movere. Scis in hac Ecclesia alium esse morem. Acquiesco, quia utile non esset contendere. Qui hanc administrationem non putant CHRISTI mandato esse consentaneam, obijciunt sacrum hoc epulum fuisse institutum, ut cõmuniter illic vescerentur fideles, quod illis verum esse concedo. Sed quamvis nulla sit legitima Cœna, nisi cõmunis; qua tamen agrotis dabitur, quia privata

Nota contra
turbatores.

vata non erit, adulterina non censbitur. Nam certè partem vel appendicem esse constat publicæ actionis, &c.

In Consensu Poloniæ, in generali Synodo
Petricoviensi, Art. 5.

An agrotis mortemq; subituri sacra Cæna sit exhibenda? V.
Ita conclusum. Debere omnes Pastores docere & assuefacere auditores suos, ut quotiescunque mensa DOMINI pro omnibus fidelibus in communi cætu apparatus, ad eam singuli accedere non negligant: adeoque nullas dilationes facientes, nec ultimum vitæ punctum expectantes, sed corpore & animo sani, sint semper, secundum mandatum DOMINI IESV, parati, ac usu ministerij ejus in spe vitæ æternæ confirmati. Tamen & ea in re, ut CONSCIENTIIS HOMINVM NON DOMINEMVR, justis de causis id petenti agroto, qui mentis & rationis compos sit non est denegandum: verum diligenter & prudentissimè explorata ac erudita ipsius conscientia: & quatenus id pro circumstantia loci atque temporis fieri potest, aliquot fidelium collectis, & una cum agroto participantibus.



CAPVT XVII.

De impositione manuum Catechumenis.

IOANNES CALVINVS, Comment. in Epist.
ad HEBRAEOS, Cap. 6. Vers. 2.

I.



BAPTISMOS nominat [Arostolus] solennes ritus, vel statos baptizandi dies. Manuum impositionem, cum Baptismo conjungit : quia ut duo erant Catechumenorum ordines ita duplex erat caeremonia. Nam qui erant extranei, non ante perveniebant ad baptismum quam edita fidei professione. In illis ergo Catechesis baptismum precedere solebat. At liberi fidelium, quoniam ab utero adoptati erant, & jure promissionis pertinebant ad corpus Ecclesiae, Infantes baptizabantur : transacta verò infantia, postquam instituti erant in fide, se quoque ad Catechesin offerebant, quae in illis baptismo erat posterior. Sed aliud symbolum adhibebatur, nempe manuum impositio. HIC VNVS LOCVS ABVNDE TESTATVR, HVIVS CÆREMONIÆ ORIGINEM FLUXISSE AB APOSTOLIS : sed postea in superstitionem versa fuit, ut mundus semper fere ab optimis institutis ad corruptelas degenerat. Finxerunt enim esse Sacramentum, quo Spiritus regenerationis conferatur : quo figmento baptismum lacerarunt : nam quod erat ejus proprium, ad impositionem manuum transfulerunt. Sciamus ergo à primis auctoribus institutam fuisse, ut esset SOLENNIS TRECANDI RITVS,
quemadmodum

quemadmodum etiam Augustinus nuncupat. Fidei quidem professionem, quam adolescentes pueritiam egressi edebant, voluerant approbare hoc symbolo. Sed nihil minus cogitarunt, quam vim baptismi discernere. Quamobrem hodie **RETINENDA PVRA INSTITVTIO EST; SVPERSTITIO AVTEM CORRIGENDA.** Atque hic locus ad paedobaptismi approbationem facit. Quorsum enim eadem doctrina, in aliis vocaretur baptismi doctrina: in aliis verò impositionis manuum? Nisi quia posteriores accepto jam baptismo in fide erudiebantur: ut non aliud restaret, quam illis **MANVS IMPONERE.**

Idem, Lib. 4. Institut. Cap. 19. §. 4.

II.

Hic mos olim fuit, ut Christianorum liberi, postquam adoleverant, coram Episcopo sisterentur: ut officium illud implerent quod ab eis exigebatur qui se ad baptismum adulti offerebant. Hi enim inter Catechumenos sedebant, donec ritè fidei mysteriis instituti poterant fidei confessionem coram Episcopo ac populo edere.

Ab Episcopo examinabantur secundum formulam Catechismi quam tunc habebant CERTAM ac COMMVNEM. Quo autem hac actio qua alioqui gravis sanctæque meritò esse debebat, plus reverentiæ haberet ac dignitatis, caremonia quoque adhibebatur MANVVM IMPOSITIONIS. Ita puer ille, fide sua approbata, cum SOLENNI BENEDICTIONE dimittebatur. Hujus moris sæpe mentionem faciunt veteres. — — — **TALEM ERGO MANVVM IMPOSITIONEM,** *que simpliciter loco benedictionis fiat, LAVDO ET RESTITVTAM HODIE IN PVRVV VSVV VELIM.*

Ioan. Calvinus Lib. 4. Instit. Cap. 19. §. 13.

III.

Hujus disciplinæ utilitas, multiplex.

Utinam verò morem retineremus quem apud Veteres fuisse admonui, priusquam abortiva hæc Sacramenti larva nasceretur. — — — Hæc disciplina si hodie valeret, profecto parentum quorundam ignavia acueretur, qui liberorum institutionem quasi reus nihil ad se pertinentem, securè negligunt, quam tum sine publico dedecore omittere non possent. Major esset in populo Christiano fidei consensus, nec tanta multorum inscitia & ruditas. Non adeo temerè quidam novis & peregrinis dogmatibus abriperentur. Omnibus denique esset quedam velut methodus doctrinæ Christianæ.

Theodorus Beza, in Notis ad cap. 6. ad
Heb. Vers. 1. & 2.

IV.

*Quinque Capita Catechismi numerat, [Author Epistolæ ad Hebræos] nempe, professionem emendationis vitæ : Fidei summam de DEO : Doctrinæ explicationem compendiarium, quæ in baptismis & impositione manuum tradi rudibus præsertim solebat, (id est, cum ad baptizandas Infantes vel adultos ; item CVM AD IMPO-
NENDAS TALIBVS MANVS CONVENIEBATVR) caput resurrectionis mortuorum, & futuri judicij.*

In Harmonia Synodorum Belgicarum,
Cap. 11. Can. 13.

V.

Catechizandi consuetudo ab Apostolis accepta in omnibus Ecclesiis observanda censetur.

Augustin

Augustinus, Lib. 3. de Baptismo, contra Donatistas.

VI.

SPIRITUS autem sanctus quia in sola Catholica per manus impositionem dari dicitur, nimirum hoc intelligi majores nostri voluerunt, quod Apostolus ait, Quoniam charitas DEI diffusa est in cordibus nostris per Spiritum sanctum, qui datus est nobis. —

Rom. 5.

Non autem habet DEI charitatem, qui Ecclesie non diligit unitatem. Ac per hoc recte intelligitur dici non accipi nisi in Catholica Spiritus sanctus, neque enim temporalibus & sensibilibus miraculis attestantibus per manus impositionem modo datur Spiritus sanctus, sicut antea dabatur ad commendationem rudis fidei, & Ecclesie primordia dilatanda. Quis enim nunc hoc expectat, ut ij quibus manus ad accipiendum Spiritum sanctum imponitur, repente incipiant linguis loqui? Sed invisibiliter & latenter intelligitur per vinculum pacis eorum cordibus divina charitas inspirari, ut possint dicere quoniam charitas DEI diffusa est in cordibus nostris per Spiritum sanctum, qui datus est nobis. — — —

Manus autem impositio non sicut baptismus repeti non potest. Quid est enim aliud nisi ORATIO SUPER HOMINEM? Hæc Augustinus.

Ista posteriora Augustini verba intuens Gratianus; Ex eo, inquit, quod manus impositio iterari præcipitur, Sacramentum non esse ostenditur. Caus. 1. Quæst. 1. Can. Arianos.



CAPVT XVIII.

DE DIEBVS FESTIS.

AVGVSTINVS, Lib. xxxii. contra Faustum
Manichæum, Cap. 12. reddens rationem cur
Christiani celebrent Pascha &
Pentecosten, ait:

I.



*A quippe anniversariè in ECCLE-
SIA celebrantur, quæ insigniter excel-
lentiæ certis diebus facta sunt, ut eorum
necessariam salubremque memoriam fe-
stivitas concelebrata custodiat.*

Idem, Epist. 118. Cap. 1.

II.

*Illæ autem quæ non scripta, sed tradita custodimus,
quæ quidem TOTO TERRARVM ORBE ob-
servantur, dantur intelligi, vel ab ipsis Apostolis, vel
plenariis Conciliis, quorum est in Ecclesia saluberrima au-
thoritas, cõmendata atque statuta retineri, sicuti quod
DOMINI passio, & resurrectio, & ascensio in Cælum,
& adventus de Cælo Spiritus sancti, anniversaria solen-
nitate celebrantur, & si quid aliud tale occurrerit quod
servatur ab universa quacunque se diffundit ECCLE-
SIA.*

De celebratione NATIVITATIS DOMINI
anniversaria, mentionem facit Augustin. Epist. 119. cap. 1.

Ioann

Ioann. Calvin. Lib. 4. Instit. Cap. 10. §. 19.

explicans illa Augustini verba, citata
ex Epist. 118.

Quum pauca enumeret (Augustinus) exempla, quis non III.
videat eam ad Authores fide & reverentia dignos referre voluisse
ustatas tunc observationes, non nisi SIMPLICES ILLAS,
ET RARAS, ET SOBRIAS, QVIBVS ECCLESIAE ORD-
DINEM CONTINERI VTILE EST?

In Confessione Helvetica, Cap. 24. §. præterea.

Præterea si Ecclesiæ, PRO CHRISTIANA LIBER- IV.
TATE, memoriam DOMINICÆ Nativitatis, Circum-
cisionis, Passionis, & Resurrectionis, Ascensionis item in Cæ-
lum, & missionis sancti Spiritus in Discipulos, religiose cele-
brent, MAXIMOPERE APPROBAMVS. Festa verò homini-
bus, aut divinis instituta: non probamus.

In responso Protestantium, de reformandis abusibus Ecclesiasticis, Anno Dom. 1541. apud Goldastum: in ea parte responsi cujus Author est Philippus Melancthon, §. 2.

Prohibendam est, ne omittantur Conciones ordinariae in Fe- V.
stis diebus, & curandum per eos qui præsent ut Pastores pia
& utilia ad edificationem, & apta temporibus dicant.

Ioan. Calvin. in Epist. Hallerum, Col. 136.

Quum Festi dies hic abrogati graviter ex vestris quosdam VI.
offenderint. ————— Ego autem sanctè testari possum
me inscio ac ne optante quidem hanc rem fuisse transactam. —
———— Ex quo sum revocatus, hoc temperamentum QVÆ-
SIVI, ut CHRISTI natalis celebraretur vestro more: aliis
A a a 3 autem

autem diebus EXTRAORDINARIÆ SUPPLICATIONES, tabernis mane clausis, fierent. ———— HOC TESTATVM ESSE VOLO, si mihi delata optio fuisset, quod nunc constitutum est non fuisset pro sententia dicturum.

Idem in Epist. ad Ministrum Burensem, Col. 138.

VII. Cum plebiscito audivi abrogatos esse dies illos, adeo res erat inexpectata, et propemodum obstupuerim. Certe si sententiam rogatus essem, nihil aliud dico, nisi quod vix AVSVS essem ita statuere. ——— Si quid tamen culpæ esset, iniquè faciunt, qui me subjiciunt alicui facti reum.

Henric. Bulling. in epist. ad Calvin. in lib. epist. Calvin. Col. 138. de eadem quaestione.

VIII. Non aliud expectaveram de te, mi Frater, responsum, quàm quod exhibes. Scio enim in hujusmodi rebus parum pietatem promoventibus, multum autem invidie conflantibus, te nunquam fuisse MOROSVM. Ego quidem in his EAM LIBERTATEM servari cupio, quam video apud Ecclesias viguisse AB IPSIS APOSTOLORVM TEMPORIBVS. Nostra Ecclesia ante annos in fallor duodecim, plura habuit festa: sed abrogatis his, solum retinuit diem Dominicam, & festa CHRISTI, Nativitatis, videlicet, Circumcisionis, & Ascensionis DOMINI; adiecit & missionem Spiritus sancti.

Ioan. Calvin. in Epist. ad Ministrum Burensem, superius citata.

IX. Dissimulare non poteram, præposterè celebrari CHRISTI Circumcisionem, præterito mortis die.

Hieron.

Hieron. Zanchius, in quantum præceptum, in tractatu de diebus festis, in explicatione primæ Theſeos, Quæſt. 2. §. *Accedit*, Col. 672.

Vetus Ecclesia solita fuit præter diem DOMINICVM, alios quoque dies festos celebrare, Pascha, Pentecosten, festum Ascensionis, Natalem DOMINI, quæ vetus consuetudo retinetur adhuc in non paucis Ecclesiis ex Evangelio reformatis, quas ego certè nullo modo hac in parte damnare possum, aut etiam VLLO MODO REPRÆHENDERE: præsertim cum SINE VLLA SUPERSTITIONE, sinèquæ vlla conscientiarum obligatione serventur, & ad ÆDIFICATIONEM sint instituti dies illi festi.

X.
Vide supra,
Cap. 4. Num.
13.

Idem, ibidem. Theſ. 2. Col. 673.

Quamquam ECCLESIE CHRISTI LIBERVM EST, QVOS VELIT, PRÆTER DOMINICVM DIES SIBI SANCTIFICANDOS DELIGERE: honestius tamen est, laudabilius atque utilius, eos sanctificare, quos etiam VETVS ATQVE APOSTOLICA PVRIORQVE ECCLESIA sanctificare solita fuit.

XI.

Idem, ibidem. in explicatione Theſeos 2. §. *Atque hæc*. Col. 675. loquens de festis Paschatis, Pentecostes, Ascensionis, Passionis, Nativitatis DOMINI.

Atque hæc sunt Festa, quæ sicut à veteribus sanctificabantur: sic si nunc sanctificentur, non solum improbari non potest; sed etiam LAUDABILE EST, HONESTVM ATQVE VFILÈ: quemadmodum in Theſi diximus.

XII.

Idem ibidem, in explicatione Quæst. 1^a, §, Quare
efficitur, & §. Si igitur, Col. 671.

XIII.

*Tempus conveniendi simul, audiendi Verbum, perci-
piendi Sacramenta, invocandi Nominis DEI, liberum
est Ecclesia CHRISTI: SED ITA TAMEN LIBE-
RUM, VT CMNINO ORDO & εὐταξία sit necessaria:
& ita nullius conscientia obstringitur sanctificandis diebus,
vt tamen crimine non careat, qui nulla coactus ne-cessita-
te, constitutos ab Ecclesia dies festos negligit, nec observat.*


§. Si igitur. *Æquum est & pium, vt in Ecclesia sint
certi dies festi: iniquum est & impium, aut nullos esse, aut
qui sunt contemnere. SIC DOCENT sacra Litera; sic
Patres, sic nostri seculi p̃j Doctores, sic denique vetus
consuetudo, atque vsus in omnibus, omniumque locorum, &
Gentium Ecclesiis, receptus & approbatus, confirmant.*

Festus Hommius, in Collegio Antibellarminiano,
Disputatione 41. Thesi 3.

XIV.

*Præter diem Dominicum non est illicitum, nec libertati
Christiane omnino repugnans, si de cōmuni Ecclesia consensu
alij adhuc statim quidam dies in Ecclesia Christiana obseruen-
tur, vel extraordinariè, vt in iis solennes in publicis calamita-
tibus supplicationes instituantur; vel ordinariè, vt in iis quo-
tannis sollemniter cōmemorētur & celebrēter insignia quadā
DEI beneficia, sive temporalia populo aliūq; præfita,
(quam ob causam institutum olim erat festum Purim) sive
spiritualia in totam Ecclesiam collata à DOMINO no-
stro IESV CHRISTO. Vtile enim est, & Ecclesie
edificationi insigniter servit, præcipuas DEI patefactio-
nes, & maxime insignia in Ecclesiam beneficia, vt in recen-
ti sensu*

ti semper sint memoria, populo QVOTANNIS STATO TEMPORE repetere, & solenniter incultare. Hunc in finem cum jam inde AB APOSTOLORVM TEMPORIBVS primitiva Ecclesia memoriam Nativitatis, Mortis, Resurrectionis, & Ascensionis DOMINI, & missionis Spiritus sancti in die Pentecostes, statis diebus anniversariè celebraverit, RECTE FACIUNT qui in hac re non tantum adiaphora, sed etiam ad adificationem VALDE VTILI, praxin Ecclesie primitiva imitantur & retinent, modo ne supersticiosè diebus illis aliquam per se sanctitatem affingant, aut contra libertatem Evangelicam absolutæ necessitatis laqueum animis Christianorum injiciant.




CAPVT XIX.

DE SCHISMATE.

PARS PRIMA.

Schisma malum quid sit, & quomodo differat ab Hæresi, ejusque duo gradus.



SCHISMA vel significat ipsam alicujus rei rupturam sive hiatum, MATTH. 9. 16. vel ipsum lacerationis actum, quo sensu peccatū dicitur Schisma malum, sic accipitur, 1. CORINTH. 1. 10. Denique in malam partem acceptum significat factionem illam quæ se separat ab Ecclesia Catholica, quo sensu dixit AVGVSTINVS, loquens de

I.

Manichæis, *Estis sanè Schisma*, &c. Lib. 20. contra Faustum, Cap. 4.

II.

Vt cognoscatur Schisma malum, scire oportet necessitatem servandæ unitatem spiritus in uniculo pacis, quia una est Fides, unum Baptisma, unus DOMINVS, una Ecclesia Catholica, quæ est Mater omnium nostrum, toto orbe diffusa; & multæ particulares Ecclesiæ Catholicæ sunt hæc una Ecclesia. De qua Cyprianus, in Libro de unitate Ecclesiæ, & simplicitate Prælatorum, hæc scribit:

Cantic., 6.

Quam unam Ecclesiam etiam in Cantico Canticorum, Spiritus sanctus, ex persona DOMINI; designat, & dicit; Una est Columba mea, Perfecta mea, una est Matri suæ, electa genitrici suæ. Hanc Ecclesiæ unitatem qui non tenet, tenere se fidem credit? Qui Ecclesiæ renititur & resistit, in Ecclesia se esse confidit? Quando & beatus Paulus Apostolus hoc doceat, & Sacramentum unitatis ostendat, dicens; Vnam Corpus, & unus Spiritus, una Spes vocationis vestræ, unus DOMINVS, una Fides, unum Baptisma, unus DEVS. QUAM VNITATEM FIRMITER TENERE ET VINDICARE DEBEMVS, MAXIME EPISCOPI QVI IN ECCLESIA PRÆSIDEMVS, VT EPISCOPATVM QVOQVE IPSVM VNVM ATQVE INDIVISVM PROBEMVS. Nemo fraternitatem mendacio fallat, nemo fidei veritatem perfida prævaricatione corrumpat. Episcopatus VNVS est, cuius à singulis in solidum pars tenetur. Ecclesia VNA est, quæ in multitudinem latius incremento fecunditatis extenditur: quomodo Solis multi radii, sed lumen VNVM, & rami arboris multi, sed robur VNVM tenaci radice fundatum. Et cum de fonte VNO rivi plurimi defluunt, numerositas licet diffusa videatur exundantis copię largitate, VNITAS tamen servatur in origine. Avelle radium Solis à corpore, DIVISIONEM lucis VNITAS non capit. Ab arbore frange rammum, FRACTVS germinare non poterit. A fonte præside rivum, PRÆCISVS arefcet: sic & Ecclesia DOMINI luce perfusa per totum orbem radios suos porrigit, VNVM tamen lumen est, quod ubique diffunditur, nec VNITAS corporis separatur: ramos suos in uniuersam terram copia ubertatis extendit: profucentes largiter

ter rivos latius expandit, VNVM tamen Caput est, & origo VNA,
 & VNA MATER fecunditatis successibus copiosa. Illius facti
 nascimur, illius lacte nutrimur, Spiritus ejus animamur. Adulterari
 non potest SPONSA CHRISTI: INCORRUP-
 TA EST ET PVBLICA. VNAM Domum novit,
 VNIVS Cubicali sanctitatem casto pudore custodit. HÆC
 nos DEO servat, HÆC Filios Regno, quos generavit, assignat.
 Quisquis ab Ecclesia segregatus adulteræ jungitur, à promissis
 Ecclesiæ separatur. Nec pertinet ad CHRISTI præmia,
 qui relinquit Ecclesiam CHRISTI. Hæc Cyprianus.

Augustinus, in Psalm. 141.

*Quæ via, ipsa & via: quemadmodum quæ Ecclesia, ip-
 sa Ecclesia: & quod Cælum, & ipsi Cæli. Pluraliter di-
 cuntur, & singulariter dicuntur, propter VNITATEM
 Ecclesiæ, VNA ECCLESIA; VNA est Columba
 mea, VNA est Matris suæ: propter Congregationes
 fraternas, per loca, multe sunt Ecclesiæ. ECCLESIAE,
 inquit, Iudææ, quæ erant in CHRISTO, gaudebant
 quod ille qui nos persequeretur, nunc evangelizet fi-
 dem, quæ aliquando vastabat, & in me glorificabant DEVM.
 Ecclesias sic dixit. Et VNAM Ecclesiam sic dicit, sine
 offensione esote Iudæis, & Græcis, & ECCLESIAE
 DEI.*

III.

Cyprianus, Lib. de unitate Ecclesiæ.

*Quis sic est sceleratus & perfidus, quis sic discordia fu-
 rore vesanus, ut credat scindi posse, aut audeat scinde-
 re VNITATEM DEI? Vestem DOMINI?
 Ecclesiam CHRISTI? Monet ipse in Evangelio suo,
 & docet, dicens: Et erit VNVS GREX, ET VNVS
 PASTOR. ET ESSE POSSE VNØ IN*

IV.

Ioan. 10.

1 Cor. I.

Ephes. 4.

LOCO ALIQUIS EXISTIMAT, AVT
 MULTOS PASTORES, AVT PLURES GRE-
 GES? *Apostolus item Paulus, hanc eandem nobis in-*
sinuans VNITATEM; obsecrat & hortatur, dicens;
Obsecro vos, inquit, Fratres per Nomen DOMINI
nostri IESV CHRISTI, ut IDIPSVM dicatis
omnes, & non sint in vobis SCHISMATA. Sitis au-
tem compositi in EODEM SENSU, ET IN
EADEM SENTENTIA. Et iterum dicit; Su-
stinentes invicem in dilectione, satisfagentes servare
VNITATEM spiritus in conjunctione pacis. Stare
tu, & vivere putas posse de Ecclesia recedentem? Sedes
sibi alias & diversa domicilia condentem? ———
Caro CHRISTI, & Sanctum DOMINI, ejici fo-
rus non potest, nec alia vlla credentibus prater VNAM
ECCLESIAM Domus est.

Idem eodem libro, docens nihil præsidiū habere Schismaticos in illis verbis DOMINI: *Vbiunq; fuerint duo aut tres col-*
lecti in Nomen meo, EGO cum illis sum. MATTH. 18.

V.

Ut ipsi ab Ecclesia scissi sunt, ita capituli vnius senten-
tiam sciunt. ——— Si duobus, inquit DO-
MINVS, ex vobis convenerit in terra, &c. UNA-
NIMITATEM prius posuit, CONCORDIAM
PACIS ante pramissit, ut conveniat nobis fideliter & fir-
miter docuit. QVOMODO AVTEM POTEST EI CVM
ALIQVO CONVENIRE, CUI CVM CORPORE IPSIVS
ECCLESIAE, ET CVM VNIVERSA FRATERNITATE
NON CONVENIT? Quomodo possunt duo aut tres in No-
mine CHRISTI colligi, quos constat à CHRISTO,
& ab ejus Evangelio SEPARARI? non enim nos ab il-
lis, sed illi à nobis recesserunt: & cum Hareses & Schis-

mata

mata postmodum nata sint, dum conventicula sibi diversa constituunt, veritatis Caput atque originem reliquerant. DOMINVS autem de Ecclesia sua loquitur, ad hos qui sunt in Ecclesia loquitur, ut si ipsi concordessent fuerint, si secundum quod mandavit & monuit, duo aut tres licet, collecti unanimiter oraverint, duo aut tres licet sint, impetrare possint, de DEI Majestate quod postulant: Vbicunque fuerint duo aut tres collecti, in Nomine meo, EGO, inquit, CVM EIS SVM; cum supplicibus scilicet atque pacatis, cum DEVM timentibus, & DEI precepta servantibus. Cum his duobus vel tribus licet, esse se dixit: Quomodo & cum tribus pueris in camino ignis. — — — Quando ergo in preceptis suis ponit, & dicit, Vbi fuerint duo aut tres collecti, in Nomine meo, ego cum eis sum: NON HOMINES AB ECCLESIA DIVIDIT, QUI INSTITVIT ET FECIT ECCLESIAM, sed exprobrans discordiam perfidis, & fidelibus pacem sua voce commendans, ostendit magis esse se cum duobus aut tribus unanimiter orantibus, quam cum discedentibus plurimis, pl'usque impetrari posse paucorum concordie prece, quam discordie oratione multorum.

Augustinus, Lib. Quæst. Evangelicarum secundum
MATTHÆVM, Cap. II.

VI.

Solet quæri, Schismatici quid ab Hereticis distent, & hoc inveniri, quod Schismaticos non fides diversa faciat, sed cõmunione disrupta societas. Sed utrum inter Hæzania numerandi sint, dubitari potest: Magis autem videntur speciei corruptis esse similiores.

Idem ibidem ostendit duos esse Schismatis gradus; unum, quando se actu separant, & seorsum Congregationes faciunt Schismatici; alterum, quando id facere parati sunt & cogitant, si occasionē invenerint, quamvis interim corporali conversatione Ecclesiæ socientur. Et similia etiam esse Hæreticorum duo genera. Ejus verba sunt :

VII. *Nec tamen consequens est, ut omnis Hæreticus vel Schismaticus corporaliter ab Ecclesia separetur. Si enim falsa de DEO credit, vel de aliqua parte doctrina, qua ad fidei pertinet edificationem, ita ut non querentis cunctatione tentatus sit, sed inconcussè credentis, nec omnino scientis opinione atque errore discordans, Hæreticus est, & foris est animo, quāvis corporaliter intus videatur. Multos enim tales portat Ecclesia, QVIA NON ITA DEFENDUNT FALSITATEM SENTENTIÆ SVÆ, VT, INTENTAM MULTITUDINEM FACIANT: QVOD SI FECERINT, TVNC PELLANTVR. Item quicumque invident bonis, ita ut querant occasiones excludendi eos, aut degradandi: vel crimina sua sic defendere parati sunt, si objecta vel prodata fuerint, ut etiā CONVENTICVLORVM SEGREGATIONES, VEL ECCLESIAE PERTVRBATIONES COGITENT EXCITARE, jam Schismatici sunt, & ab unitate CORDE DISCISSI, etiamsi non inventis occasionibus, aut occultatis factis suis, Sacramento Ecclesiæ corporali conversatione socientur.*

Hieronymus, apud Gratianum, Caus. 24.
Quæst. 3, Can. Inter.

VIII. *Inter Hæresim & Schisma hoc esse arbitror, quod Hæresi,*
perve

perversum dogma habeat; Schisma post Episcopalem discessionem ab Ecclesia pariter separatur. Quod equidem in principio aliqua ex parte intelligi potest diversum. Ceterum nullum Schisma est, nisi sibi aliquam Heresin confingat, ut recte ab Ecclesia recessisse videatur.

Ioannes Calvinus, Lib. 4. Institut. Cap. i. §. 9.

Ut summam huius rei liquido teneamus, his veluti gradibus progrediendum est: Ecclesiam universalem, esse collectam ex quibuscunque gentibus multitudinem, quæ intervallis locorum disita & dispersa, in unam tamen divine doctrinæ veritatem consentit, & ejusdem Religionis vinculo colligata est. Sub hac ita comprehendendi singulas Ecclesias, quæ oppidatim & vicatim pro necessitatis humana ratione dispositæ sunt, ut unaquaque nomen & auctoritatem Ecclesiæ jure obtineat; ——— ita & Ecclesiæ universali suam servamus VNITATEM, QVAM DISSECARE SEMPER STVDVERVNT DIABOLICI SPIRITVS: nec conventus legitimos, qui pro locorum opportunitate dispositi sunt, sua auctoritate fraudamus. IX.

Idem eodem Cap. §. 11.

Iam verò quam periculosa, imo quam exitialis tentatio est, ubi vel in mentem venit discessionem facere ab ea Congregatione in qua signa conspiciuntur ac tessera quibus sufficienter Ecclesiam descriptam DOMINVS putavit? Videmus quanta utrinque adhibenda sit cautio. Nam ne sub Ecclesiæ titulo impostura nobis fiat, ad illam probationem ceu ad Lydium lapidem exigenda est omnis Congregatio quæ Ecclesiæ nomen obtendit. Si ordinem habet in Ver-

bo & Sacramentis à DOMINO cōmendatum: non faller: securè illi honorem Ecclesiis debitum deferamus. Rursum verò si absque Verbo & Sacramentis se vendunt, à talibus prastigiis non minùs religiøsè cavendum, quam in altera parte temeritas superbiaque fugienda.

Idein eodem Capite, §. 12.

XI.

Primum quidem est, ut per omnia consentiamus: scd quoniam nemo est, qui non aliqua ignorantia nubecula obvolutus sit; aut nullam relinquamus Ecclesiam oportet, aut hallucinationem condonemus in iis rebus, quæ & inviolata Religionis summa, & citra salutis jacturam ignorari possint. Hic autem patrocinari erroribus, vel minutissimis nolim, ut blandiendo & connivendo sentiam fovendos: sed dico, non temere ob quaslibet dissentientulas deferendam nobis Ecclesiam, in qua duntaxat ea salvi, & illibata doctrina retineatur qua constat incolumitas pietatis, & Sacramentorum usus à DOMINO institutus custodiatur. Interim si nitimur emendare quod displicet, faciamus id ex officio nostro. Et huc pertinet illud PAULI, si melius quid discendi revelatum fuerit, prior taceat. Vnde constat singulis Ecclesie membris demandatum publicæ edificationis studium pro mensura gratiæ suæ, modo decenter, et secundum ordinem: hoc est, ne vel Ecclesiæ cōmunionem renunciemus, vel in ea permanentes pacem et disciplinam rite compositam turbemus.

Petrus Martyr, Locor. Commun. Class. 4. Cap. 6. §. 3.

XII.

Si totum ipsum bonum fuerit, & partes aliquæ putres ac vitiatæ recesserint, tale Schisma detestandum & malum statuemus.

Wolfgangus Musculus, in Locis Comm. de Schismate, Art. Quotuplex sit Schisma.

Qui separat rectè coherentes, malum Schisma inducit; rectè coherent, quos DOMINVS conjunxit: malè, quos coadunavit Diabolus. Malo igitur illi, isti verò bono Schymate separantur. XIII.

CAP. XIX. PARS SECUNDA.

Schisma proles superbiæ, malè perseverando sit Hæresis, & mater Hæreseos.

Augustinus, Lib. 3. contra Parmenianum, Cap. 1. de Donatistis Schismaticis loquens.

Illi filij mali, qui non odio iniquitatum alienarum, sed studio contentionum suarum infirmas plebes jactantia sui nominis irretitas, vel totas trahere, vel certè dividere affectant superbia timidi, pervicacia vesani, calumniis insidiosi, seditionibus turbulenti, ne luce veritatis carere ostendantur, umbram rigide severitatis obtendant, & que in Scripturis Sanctis salva dilectionis sinceritate, & custodita pacis unitate, ad corrigenda fraterna vitia moderatori curatione fieri praecepta sunt, ad sacrilegium Schismatis, & ad occasionem praecisionis usurpant. I.

Ioannes Calvinus, Lib. 4. Instit. Cap. 1. §. 13.

Fuerunt semper qui falsa absoluta sanctimonia persuasione imbuti, tanquam AERII QUIDAM DEMONES jam facti essent, omnium hominum consortium aspernarentur, in quibus humanum adhuc aliquid subesse cernerent. Tales olim erant CATHARI, & II

(qui ad eorum vesaniam accedebant) Donatista. Tales hodie sunt ex Anabaptistis nonnulli, qui supra alios volumus videri profecisse.

Idem eodem Cap. §. 16.

III.

Quaquam autem ex inconsiderato iustitia zelo haec tentatio bonis etiam interdum oboritur: hoc tamen reperiemus, nimiam morositatem ex SUPERBIA magis & fastu FALS AQVE sanctitatis opinione, quam ex vera sanctitate verique ejus studio nasci. Itaque qui ad faciendam ab Ecclesia defectionem sunt aliis audaciores, & quasi antesignani, ij vò plurimum NIHIL ALIUD causa habent, nisi ut omnium contemptu ostentent se aliis esse meliores.

Augustinus Epist. 164. ad Emeritum, Donatistam.

IIII.

Neque enim vobis obijcimus, nisi Schismatis crimen, quam etiam Haresin male perseverando fecistis. Quantè autem divino judicio pendatur hoc facinus, lege quod te legisse non ambigo, invenies Datan & Abiron hiatus terre devoratos, &c.

In Concilio Oecumenico secundo, Constantinopoli celebrato, Anno DOM. 382. Can. 6.

V.

Si sit crimen Ecclesiasticum, quod Episcopo intenditur; tum examinari [placuit Synodo] personis accusatorum: Vt primum quidem Hæreticis non liceat orthodoxos Episcopos pro rebus Ecclesiasticis accusare. HÆRETICOS AUTEM DICIMVS, & qui olim ab Ecclesia abdicati sunt, & qui sunt postea à nobis anathematizati

*zati. Ad hac autem & eos, QUI SE SANAM
QVIDEM FIDEM CONFITERI PRÆSE
FERUNT, AVULSI AVTEM SVNT, ET
ABSCISSI, ET ADVERSVS CANONICOS
NOSTROS EPISCOPOS CONGREGATIO-
NEM FACIUNT.*

Vide Distinct. 40. Can. Si Papa. In Glossa. Vbi con-
tumacia dicitur Hæresis, & contumax dicitur Infidelis.

Cyprianus Lib. de unitate Ecclesiar.

*Hinc Hæreses & facta sunt frequenter, & fiunt, dum VI.
perversa mens non habet PACEM, dum perfidia discordans
non tenet VNITATEM.*

Hieronymus apud Gratianum Caus. 24.

Quæst. 3. Can. Inter.

*NVLLVM SCHISMA EST, NISI SIBI VII.
ALIQVAM HÆRESIN CONFINGAT, VT
RECTE AB ECCLESIA RECÉSSISSE
VIDEATUR.*

CAP. XIX. PARS TERTIA.

Quibus imputandum sit Schisma malum, sive
quinam habendi sint pro Schismaticis.

Hieronymus in Epist. ad Pammachium, adversus er-
rores Ioannis Hierosolymitani: quæ incipit, Si
juxta Paulum. Prope finem Epistolæ.

*Quis scindit Ecclesiam? Nos quorum omnis domus Bethle- I.
hem in Ecclesia communicat? An tu qui aut bene credis, &
superbè de fide taces: aut malè, & verè scindis Ecclesiam?*

Qui igitur aut ipse male credit, aut bene credens, retinet veritatem, atque ita Schismati liberum cultum permittit, quem impedire posset per veritatis sinceram & apertam professionem, is verè est Schismaticus, scindens Ecclesiam. Vide & confer quæ scripsimus Lib. 1. hujus IRENICI, Cap. 5. §. 8. & Cap. 8. & Cap. 10. §. 2. & Cap. 11. §. 4. Et clarissimè invenies Schismatis Auctores & verè Schismaticos esse Ministros istos decretis Perthesibus inobedientes, & vel falsa docentes, vel veritatem superbè tacentes.

Petrus Martyr, Loc. Comm. Class. 4. Cap. 6. §. 2.

II. *Fit quandoque, ut licet convenient in mente & sententia, tamen adeo quidam sunt amantes locutionum suarum, & formularum dicendi, easque tam mordicus retinent, ut potius a fratribus velint separari, quam eas deferere.*

Idem ibidem, §. 5.

III. *In Ecclesiatria sunt rerum genera; nam quedam necessaria sunt, alia verò libera, nonnulla vitiose. — Libera, jam non sinunt [Papistæ] esse libera. — Ceremonias & Ritus adeo cōmunes volunt, ut omnes illis utantur. IN SUMMA, LIBERA FECERVNT NECESSARIA: VITIOSA ET CORRUPTA RESECARE NOLVNT, MORDICVS RETINENT, ET EVM QVI MONVERIT GRAVITER INSECTANTVR.*

Per hæc & alia docet Martyr laudabilem fuisse Patrum nostrorum discessum à Papatu ex parte nostra, omnem verò culpam residere penes ipsos Papistas.

Wolfgangus Musculus, in Locis Communibus, de Schismate, Art. Unde sunt Schismata.

In malo Schismate non modo causa, sed & culpa assignanda est malis, non bonis, qui nec Authores illius sunt nec quicquam in eo peccant quod malis in MALO acquiescere non possunt.

IV.

CAP. XIX. PARS QUARTA.

Quam grave sit peccatum Schismatis, & quanto-
pere vitandum: & quam misera sit Schis-
maticorum conditio.

CYPRIANVS, Lib. 3. Epist. 9. ad ROGATIANVM.

Hæc sunt initia Hæreticorum, & ortus atque conatus Schismaticorum male cogitantium, VT SIBI PLACEANT, VT PRÆPOSITVM SUPERBO TYMORE CONTEMNANT. Sic de Ecclesia RECEDITVR, sic Altare PROPHANVM foris collocatur, sic contra Pacem CHRISTI & ordinationem atque unitatem DEI REBELLATVR.

I.

Idem Lib. de unitate Ecclesiæ.

Quisquis ab Ecclesia segregatus adulteræ jungitur, à promissis Ecclesiæ separatur. Nec pertinet ad CHRISTI præmia, qui relinquit Ecclesiam CHRISTI. ALIENVS EST, PROPHANVS EST, HOSTIS EST. HABERE IAM NON POTEST DEVM PATREM, QUI ECCLESIAM NON HABET MATREM. Si potuit evadere, qui extra arcam Noë fuit, & qui extra Ecclesiam foris fuerit, evadit. Moneo DOMINVS, & dicit; Qui non est mecum, adversus me est: & qui non mecum colligit, spargit. QUI PACEM CHRISTI

II.

CHRISTI ET CONCORDIAM RVM-
PIT, ADVERSVS CHRISTVM FACIT.
*Qui alibi prater Ecclesiam colligit, CHRISTI Eccle-
siam spargit.*

Idem eodem Lib.

*Ad pacis premium venire non possunt, qui pacem
DOMINI discordie furore reperiunt.*

Idem eodem Lib.

IV. *An secum esse CHRISTVM, cum collecti fue-
rint, opinantur, qui extra CHRISTI ECCLE-
SIAM colliguntur? Tales etiamsi occisi in confessione
Nominis fuerint, MACVLA ISTA NEC SAN-
GVINE ABLVITVR. INEXPIABILIS E T
GRAVIS CVLPA DISCORDIÆ NEC PAS-
SIONE PVRGATVR. Esse Martyr non potest,
qui in Ecclesia non est: ad Regnum pervenire non pote-
rit, qui eam quæ regnatura est derelinquit. Pacem nobis
CHRISTVS dedit: Concordes atque unanimis esse
præcepit: Dilectionis & Charitatis fœdera incorrupta atq.
inviolata servari mandavit: EXHIBERE SE
NON POTEST MARTYREM QVI FRA-
TERNAM NON TENVIT CHARITA-
TEM. Docet hoc & contestatur Paulus Apostolus, di-
cens; Etsi habuero fidem ita ut montes transferam, cha-
ritatem autem non habeam, nihil sum, &c.*

I. COR. 13

Idem ibidem.

Y. *Qui charitatem non habet, DEVM non habet: Ioan-
nis beati Apostoli vox est; DEVS, inquit, dilectio est,
& qui*

& qui in dilectione manet, manet in DEO, & DEVS in illo manet. CVM DEO MANERE NON POSSVNT, QVI ESSE IN ECCLESIA DEI VNANIMES NOLVERVNT, ardeant licet flammis, & ignibus traditi, vel objecti bestiis animas suas ponant, non erit illa fidei corona, sed pœna perfidia, nec religioſe virtutis exitus glorioſus, ſed deſperationis interitus. Occidi talis poteſt, coronari non poteſt. SIC SE CHRISTIANVM ESSE PROFITETVR, QVOMODO ET CHRISTVM DIABOLVS SÆPE MENTITVR.

Idem ibidem.

QVAM VERO VNITATEM SERVAT, QVAM DILECTIONEM CVSTODIT, AVT VI. COGITAT, QVI DISCORDIÆ FVRORE VESANVS, ECCLESIAM SCINDIT, FIDEM DESTRVIT, PACEM TVRBAT, CHARITATEM DISSIPAT, SACRAMENTVM PROPHANAT? *Malum hoc fideliffimi fratres, jam pridem cœperat, ſed nunc crevit ejuſdem mali manifeſta clades, & ſurgere & pullulare plus cœpit Heretica perverſitatis & Schiſmatum venenata pernicies: quia & ſic in occaſum mundi oportebat, prænuſſante per Apoſtoli nobis & præmonente Spiritu ſancto; In noviffimis, inquit, diebus aderunt tempora moleſta, & erunt HOMINES SIBI PLACENTES, SUPERBI, TVMIDI, CVPIDI, BLASPHEMI, PA- 2.TIM.3. RE NTIBVS INOBEDIENTES, &c.*

Idem ibidem.

Docet DOMINVS & admonet à talibus RE- VII. CEDENDVM. CÆCI SVNT, inquit, & DV- MAT.15. RES CÆCORVM: Cacus autem cecum ducens ambo in foveã cadet. AVERSANDVS TALIS ATQVE EVGIENDVS

TIT. 3.

QVISQVIS FVERIT AB ECCLESIA SEPARATVS: perversus est hujusmodi, & peccat, & à semetipso damnatus. An esse sibi cum CHRISTO videtur, qui adversus Sacerdotes CHRISTI facit? qui se à Cleri ejus vel plebis societate secernit? arma ille contra Ecclesiam portat, contra DEI dispositionem repugnat. Hostis Altaris, adversus sacrificium CHRISTI rebellu, PRO FIDE PERFIDVS, PRO RELIGIONE SACRILEGVS, INOBSEQVENS SERVVS, FILIVS IMPIVS, FRATER INIMICVS: CONTEMPTIS EPISCOPIS, ET DEI SACERDOTIBVS DERELICTIS, CONSTITVERE AVDET ALIVD ALTARE, precem alteram illicitis vocibus facere, Dominica hostie veritatem per falsa sacrificia PROFANARE, nec scire quoniam qui contra ordinationem DEI nititur, ob temeritatis audaciam divina animadversione punitur. Sic Chore, & Dathan, & Abiron, &c.

Idem ibidem.

VIII.

Filii Aaron, qui imposuerunt Altari ignem alienum, quem non praeceperat DOMINVS, in conspectu statim DOMINI vindicantis extincti sunt: quos imitantur scilicet atque sectantur, qui DEI traditione contempta alienas doctrinas appetunt, & MAGISTERIA HVMANÆ INSTITVTIONIS INDVCVNT, quos increpat DOMINVS & objurgat in Evangelio suo, dicens; Rejicitis mandatum DEI ut traditionem vestram statuatis. PEIVS HOC CRIMEN EST quam quod admisisse lapsi videntur, qui tamen in penitentia criminis constituti,

tuti, DEVM plenis satisfactionibus deprecantur. Hic Ecclesia queritur & rogatur: illic Ecclesia repugnatur. Hic potest necessitas fuisse; illic voluntas tenetur in scelere. Hic qui lapsus est, sibi tantum nocuit: illic qui Hæresin vel Schisma facere conatus est, multos secum trahendo decepit. Hic anima unius est damnum; illic periculum plurimorum. Certè peccasse se, hic & intelligit, & lamentatur, & plangit; ille TVMENS IN PECCATO SVO ET IN IPSIS SVIS DELICTIS PLACENS, à Matre Filios segregat, Oves à Pastore sollicitat, DEI Sacramenta disturbat. Et cum lapsus semel peccaverit, ille quotidie peccat.

Idem ibidem.

Opto equidem, dilectissimi Fratres, & consulo pariter & suadeo, ut si fieri potest, nemo de Patribus pereat, & consentientis populi corpus unum gremio suo gaudens Mater includat. SI TAMEN QVOSDAM SCHISMATVM DVCES, ET DISSENSIONIS AVTORES, NON POTVERIT AD SALVTIS VIAM CONSILIVM SALVRE REVOCARE: cateritam vel simplicitate capti, vel errore inducti, vel aliqua FALLENTIS ASTVTIÆ CALLIDITATE DECEPTI, à fallacia vos laqueis solvite, vagantes gressus ab erroribus liberate, iter rectum VIA COELESTIS agnoscite.

Idem ibidem.

Inter sua divina mandata & magisteria salutaria passioni jam proximus DOMINVS addidit, dicens; PA-
 IOAN. 14.
 D d d C E M

CEM DIMITTO VOBIS, PACEM MEAM DO VOBIS. Hanc nobis hereditatem dedit, dona omnia sua pollicitationis & præmia in pacis conservatione promissit. SI COHÆREDES CHRISTI sumus, in CHRISTI pace maneamus. SI FILII DEI sumus, pacifici esse debemus. Beati, inquit, pacifici, quoniam ipsi Filij DEI vocabuntur. Pacificos esse oportet DEI Filios, corde mites, sermone simplices, affectione concordēs, fideliter sibi unanimi- tatis nexibus coherentes.

Hæc omnia CYPRIANVS, Doctor suavissimus, & Martyr beatissimus.

Hieronymus comment. in Ose, Cap. 9.

XI. *Omnes nos CHRISTI & Ecclesiæ membra sumus, qui ergo de Ecclesia recesserit, CHRISTI corpus lacerat.*

Augustinus tract. 27 in Evang. Ioannis.

XII. *Anima tua non vivificat nisi membra quæ sunt in carne tua, unum si tollas, jam non vivificatur ex anima tua, quia unitati corporis tui non copulatur. Hæc dicantur ut AMEMVS VNITATEM, ET TIMEAMVS SEPARATIONEM; nihil sic enim debet formidare Christianus, quam separari a corpore CHRISTI. si enim separatur a corpore CHRISTI, non est membrum ejus: si non est membrum ejus, non vegetatur spiritu ejus.*

Idem Lib. I. contra Epist. Parmeniani, Cap. 7.

XIII. *Hominum multitudo non in corde cor habet, sed in oculis: nam si sanguis exit de carne mortali, quisquis aspicit exhorrescit:*

refcit: si pro parte CHRISTI precise anima atque separata in Hæresis vel Schismatis sacrilegio moriuntur, quia non videtur, non plangitur, imò verò mors tetrior atque luctuosior, & ut planè dixerim, verior, jure consuetudinis deridetur; cum
**AVTHORES TANTARVM MORTIVM
 PVBLICE INSULTANT, &c.**

In Concilio Carthaginensi 2. Can. 8.

Si quis Presbyter contra Episcopum suum inflatus Schisma fecerit, Anathema sis.

XIV.

Vide supra, Cap. 11. Num. 19. & Proposit. 12.

Causa 9. Quæst. 1. Can. nos consecrationem, in Glossa.

Hæretici vel Schismatici sunt ipso jure excommunicati.

XV.

Wolfg. Musculus Loc. Commun. de Schismate. Art. quam grave sit peccatum Schismatis.

Schismaticus se ipse in discrimen salutis conjicit, dum a communione gregis DOMINICI discedit. ——— deinde integrum CHRISTI corpus, quantum in ipso est, scindit. ——— 3 facit hoc superbissimo contempnu non unius aut alterius Christiani, sed totius Ecclesie. Cujus communionem respuit, illamq; se respuere discedendo profitetur. Quantum autem delicti habeat, CONTEMNERE ECCLESIAM DEI, Apostolus admonet, cum 1 Cor. 11. Schismaticos Corinthios urget dicens; AN ECCLESIAM DEI CONTEMNITIS? 4. non contemnit modo, SED ET CONDEMNAT ECCLESIAM

XVI.

DEI, quasi sit non germana, sed adultera: & quam condemnat, impugnat etiam, & iniquis modis proscindit. 5. Vinculum pacis dirumpit, charitatem, scilicet, qua Ecclesiam suam CHRISTVS ipse connectit, dum non modo discedit ipse, sed & quos potest, inter se odiose committit, dirvellitque à cæteris, & omnia dissidiis & odiis, & contentionibus disturbat.

Ioannes Calvinus, Lib. 4. Instit. Cap. i. §. 4.

XVII.

Extra ejus [visibilis Ecclesiæ] gremium, nulla est speranda peccatorum remissio, nec ulla salus; teste Iesaja & Ioele. — Paternus DEI favor, & peculiare spiritualis vitæ testimonium ad gregem ejus restringitur: VT SEMPER EXITIALIS SIT AB ECCLESIA DISCESSIO.

Idem eodem Cap. §. 5.

XVIII.

Quo magis detestabiles sunt Apostata, qui scindendis Ecclesiis inhiant, perinde ac si oves abigerent à caulis, ac projicerent in fauces luporum.

Idem eodem Cap. §. 7.

XIX.

Quemadmodum ergo nobis invisibilem, solius DEI oculis conspicuam, Ecclesiam credere necesse est; ita hanc, quæ respectu hominum Ecclesia dicitur, observare, ejusque communionem colere jubemur.

Idem eodem Cap. §. 10.

XX.

Ubi reverenter auditur Evangelij prædicatio, neque Sacramenta negliguntur, illic pro eo tempore neque fallax neque ambigua Ecclesiæ apparet facies, CIVIS VEL
AUTHOR.

AUTHORITATEM SPERNERE, VEL MONITA RESPVERE, VEL CONSILIIS REFUGARI, VEL CASTIGATIONES LUDERE NEMINI IMPVNE LICET: MVLTATO MINVS AB EA DEFICERE, AC EIVS ABRVMPERE VNITATEM. Tantienim Ecclesie sue communionem facit DOMINVS, vt pro TRANSFUGA ET DESERTORE Religionis habeat, quicumque se à QVALIBET Christiana societate, que modo verum Verbi ac Sacramentorum Ministerium colat, contumaciter alienaris. Sic ejus authoritatem cõmendat, vt dum illa violatur, suam ipsius immunitatem censeat. ——— *VNDÈ SEQVITVR, DISCESSIONEM AB ECCLESIA, DEI ET CHRISTI ABNEGATIONEM ESSE, quò magis à tam scelerato dissidio cavendum est: quia dum veritatis DEI ruinam, quantum in nobis est, molimur, digni sumus ad quos conterendos toto ira sue impetu fulminet, NEC VLLVM ATROCIVS FINGI CRIMEN POTEST, Quàm sacrilega perfidia violare conjugium quod nobiscum. vnigenitus DEI Filius contrahere dignatus est.*

In Constitutionibus Ecclesiæ SCOTICANÆ,
 quæ præmittuntur Psalterio Metrico, in tractatu de
 Ministris, Cap. de Hebdomadario conventu Mini-
 strorum.

Quedam sunt crimina, quæ si in Ministro deprahendantur, deponendus est; vt Heresis, Papismus, SCHISMA, Perjurium, &c.

XXI.

Vide supra, Cap. 3. Num. v. vj. vij.

CAP. XIX. PARS QUINTA.

De non recipiendis alterius Presbyteri Parochianis contemnentibus proprium suum Presbyterum.

IN CONCILIO NANNETENSI, CAP. 1. quod, tanquam ex Concilio MELDENSI, citavit GRATIANVS, Caus. 9. Quæst. 2. Can. In Dominicis.

In secunda
parte, Tomi
tertii Conci-
liorum.

I.

Ut Dominicis & Festis diebus Presbyteri, antequam missas celebrent, plebem interrogent, si alterius Parochianus in Ecclesia sit, qui PROPRIO CONTEMPTO PRESBYTERO, ibi missam velit audire. Quem si invenerint, statim ab Ecclesia ejiciant, & ad suam Parochiam redire compellant.

Item, in eodem CONCILIO NANNETENSI, CAP. 2.

II.

Ut nullus Presbyter alterius Parochianum, nisi in itinere fuerit, vel placitum ibi habuerit, ad missam recipiat.

Hic etiam Canon, paulò aliter, in eandem tamen sententiam, citatur à GRATIANO, Caus. 9. Quæst. 2. Can. Nullus Presbyter. Vbi vocatur Concilium NAVATENSE.

De vocabulo missæ diximus supra, Cap. 10. in fine exegeseos propositionis 13.

C A P.

CAP. XIX. PARS SEXTA.

In qua proponuntur duæ admonitiones & fulminationes Apostolicæ, contra Schismaticos, ut à tam horrendo flagitio homines deterreantur.

AD HEBRÆOS, CAP. X. VERS. 24. 25. 26. &c.

Observemus alij alios ad imitationem charitatis & bonorum operum; NON DESERENTES AGGREGATIONEM NOSTRI MUTUAM, SICUTI MOS EST QVIBVS DAM, sed adhortantes alij alios: idque eo magis quod videtis diem illum appropinquare. NAM SI ultro peccaverimus post acceptam cognitionem veritatis, non ultra pro peccatis reliqua est hostia. Sed horrenda quædam expectatio iudicii, & ignis fervor qui devoraturus est adversarios. Qui abjecerit Moysi legem, absque misericordia, ex duorum aut trium testimonio moritur. Quanto putatis acerbioris supplicio dignus censebitur, QVI FILIVM DEI CONCVLCARIT, ET SANGVINEM FOEDERIS PER QVEM FVERIT SANCTIFICATUS, PROFANVM DVXERIT, ET SPIRITVM GRATIÆ CONTVMELIA AFFECERIT? novimus enim eum qui dixit: meum est vicisci, ego rependam, dicit DOMINVS, & rursum, DOMINVS judicabit populum suum. Horrendum est incidere in manus DEI vivi.

Observe diligenter argumentum quo utitur Apostolus ad deterrendum homines a peccato Schismatis, quia, nimirum, temendum iudicium certò manet eos qui post acceptam veritatis cognitionem voluntariè peccantes FILIVM DEI conculcarint, & sanguinem fœderis profanum duxerint, & SPIRITVM gratiæ contumelia

melia affecerint. Consentiant Theologi hoc loco describi peccatum illud in Spiritum Sanctum quod est irremissibile. Difficile est igitur esse contumacem Schismatis Antesignanum, quin incidas in peccatum illud irremissibile: nam ex argumentatione Apostolica constat peccatum eorum qui Ecclesiam superbe deserunt non longè abesse à peccato illo irremissibili.

I V D. V E R S. 11. 12. &c.

De querulis murmuratoribus, contradicentibus Ecclesiæ Catholicæ, & seipsos ab ea segregantibus loquens B. IVDAS Apostolus, eorum impietatem et paratam iis damnationem sic describit.

11.

Ve ipsi: nam viam CAIN ingressi sum, & DECEPTIONE MERCEDIS qua deceptus fuit BALAAM, EFFUSI SUNT, & CONTRADICTIONE CORE PERIERUNT: hi sunt macularum instar in agapis vestris, dum vobiscum convivantur, absque ullius metu seipsos pascentes, nubes aqua carentes, ventis circumactæ, arbores emaride, infrugifera, bis mortua & eradicata: vnde effera maris, despumantes sua ipsorum dedecora: stelle erratica: quibus caligo tenebrarum in æternum servata est. Prophetavit autem etiam de istis septimus ab ADAM ENOCH, dicens; Ecce venit DOMINVS, cum Sanctus millibus suis. Ut ferat iudicium adversus omnes, & redarguat quicumque ex ipsis sunt impij, de factis omnibus quæ impiè patraverint, deque omnibus duris quæ loquuti fuerant ADVERSVS IPSVM peccatores impij: HI SUNT MVRMVRATORES, QVERVLI, in cupiditatibus suis incedentes: & QVORVM OS LOQVITVR PRÆTVMIDA, admiran-

rantes personas utilitatis gratia. Vos autem dilecti memores estote verborum quæ prædicta fuerunt ab Apostolis DOMINI nostri IESV CHRISTI: quod scilicet dixerunt vobis in extremo tempore futuros irrisores, qui in impijs suis cupiditatibus incedant, HII SVNT QVI SEIPSOS SEGREGANT, animales, Spiritum non habentes.

Hortor fratres inobedientes, omnesque eorum sequaces, & obtestor per DOMINVM nostrum IESVM CHRISTVM, ut ad istas tremendas & clarissimas denunciationes contra Schismaticos, oculos suos non claudant, aures non obturent, corda sua non amplius obfirmant. Durum est adversus stimulos calcitrare. Rogo iterum atque iterum ut ex hoc Diaboli laqueo, quo captivi detinentur, maturè resipiscant. Et obediant admonitioni illi qua nos hortatur IVÐAS Apostolus, ut vitantes Schisma contrariam unanimi- tatis in charitate virtutem conservemus.

Paranesis
ad Schismaticos.

IVÐÆ Vers. 17, 20, 21.

Vos autem dilecti, memores estote verborum quæ prædicta fuerunt ab Apostolis DOMINI nostri IESV CHRISTI. — — — Vos autem dilecti, sanctissima vestra fidei superfirmantes vos ipsos, per SPIRITVM SANCTVM orantes, vos ipsos in charitate DEI conservate, expectantes misericordiam DOMINI nostri IESV CHRISTI in vitam eternam.

III.

Officium
Christianorum
pro vitando schismate.

Officium Christianorum oppositum Schismati est ut nosmetipsos & alij alios in dilectione DEI conservemus, ut servemus unitatem Spiritus in vinculo pacis, in

Explicatio;

Ecc

cha-


Beati paci-
fici.

charitate quod est vinculum perfectionis unanimis maneamus, ut hoc officium præstare valeamus duo nobis cōmendat Apostolus necessaria adminicula, nempe, sanitatē fidei secundū doctrinam ab Apostolis traditam, & devotam precandi sedulitatem. Sicut autem tremendum iudicium denunciavit Schismaticis, sic misericordiam promittit pacificis, se in sanctissima fide sua ædificantibus, & per Spiritum sanctum orantibus, atque ita in dilectione DE I se conservantibus. Tales enim exspectare jubet misericordiam DOMINI nostri IESV CHRISTI in vitam æternam. Monet etiam ut non solum unusquisque nostrum sui ipsius curam gerat, sed etiam ut proximorum salutē pro viribus procuremus, &, habito delectu, convenientē singulis medicinā adhibeamus: dicens, Vers. 22. 23.

IV. *Et alios quidem habito delectu cōmiseramina: alios verò terrore servate, ex flamma rapientes: odio habentes vel eam tunicam quæ à carnis contactu sit maculata.*

Nec omittendam hoc loco iudicamus doxologiam, quæ Epistolam suam claudit B. IVDAS Apostolus, quæ etiam & nos hoc de Schismate Caput claudemus. Legitur in duobus ultimis versibus illius Epistolæ, in hæc verba:

V. *Caterum ei qui potest vos servare à peccato immunes, & statuere in cōspectu gloriae suæ inculpato cū exultatione, id est, SOLI SAPIENTI DEO, ET SERVATORI NOSTRO, Gloria & Magnificentia, & Imperium, & Potestas, & nunc, & in omnia secula: Amen.*



CAPVT XX.
DE SCANDALO.

PARS PRIOR.

In qua colloquuntur duo Verbi Mini-
stri Presbyteri:

O B E D I E N S & I N O B E D I E N S.

O B E D I E N S.



ON possum satis mirari istam
tuam contumacem licitis ac justis Eccle-
sia & Reipublicæ constitutionibus resi-
stendi præfidentiam.

I N O B E D I E N S.

*Est DEO parendum potius quam ho-
minibus.*

O B E D. Rectè quidē: nempe hæc regula locū habet, quā-
do pugnant hominū mandata cum mandato DEI: ac ipse
DEVS mādavī exhibitionē obedientiaē licitis & justis ho-
minū nobis præpositorū constitutionibus. Ut tacēā etiam
cumbere subditis obediendi necessitatem, quamdiu quod
facere jubentur peccatum non est, etiamsi in jubendo su-
periores sua abutantur potestate.

I N O B E D. *Accommoda igitur ad Decreta P E R -
T H E N S I A.*

O B E D. Aio esse licita & justa, nec posse subditos eis
contumaciter resistere sine peccato.

I N O B. *Scilicet ut Regi non displiceas, infirmos fra-
tres scandalizabis. Quamvis enim res illic decreta non
essent in se impia, superstitiosa, idololatræ, & antichri-*

I.

II.

III.

stiana, tamen vel hoc solo nomine eas suscipere non debeo, quia sunt per se scandalosæ. Scandalum autem est spiritalis homicidij species.

IV.

O B E D. Vtrum per se scandalosas esse has res dicis, quomodo idololatria, & superstitio, et omnia peccata, sunt scandalosa, an verò res has agnoscis in se non esse malas?

I N O B. *Aio etiamsi in se mala non essent, esse tamen scandalosas.*

V.

O B E D. Frustra de scandalo laboramus, et ineptum erit inani disputatione tempus terere, nisi de rerum ipsarum natura sive conditione in se prius consentiamus. Nam si in se malæ sint, frustra litigatur de Scandalo, cum magis compendiaria vobis pateat via ad eas exterminandas, nempe, ut doceatis res esse in se malas.

I N O B. *Sed dispiciamus interim an non sint scandalosæ & inexpedientes.*

VI.

O B E D. Nisi mihi concedas eas in se non esse malas, et ratione sui posse sine peccato fieri, cur ego operam ludam, ut tibi persuadere coner eas non esse scandalosas? Nam cum omnia dixerò, et argumentorum pondere silentium tibi imposuero, semper recurre ad latentem istum in herba anguem, et clamabis, nullam rem in se illicitam posse fieri sine scandalo, aut posse ullo modo esse expedientem. Hunc errorem nisi abjuraveris, æquum non est ut de hac quæstione scandali, in judicio aliquo Ecclesiastico, suffragii jure potiaris. Aut evidenter demonstra res istas esse in se superstitiosas et impias. Quod quia et falsò et impie à vobis dicitur, aut abjicite errorem, aut non estis audiendi de scandalo vel inexpedientia.

I N O B. *Fere persuasisti per superiores tuas exercitationes, ut erga res ipsas in se spectatas jam aqrior sim: interim quoniam incidit nobis de hac quæstione sermo, rogo te, ut stricti juris legitimarum disputationum rigori hac in parte aliquid detrabere non graveris,*
neque

neque à me severè exigas, ut ipsas res apertè profitear esse licitas; sed mecum de scandalo inceptam hanc collationem prosequaris.

OBED. Quamvis hoc quod postulas in publicis iudiciis fieri nec debeat nec deceat; in privato tamen hoc nostro Colloquio, petitioni tuæ largior obsequelam. Et ad illam tuam objectionem respondeo; nos in hoc argumento per Regis displicentiam duo intelligere: 1. Inofficiosam et lege DEI prohibitam resistantiam potestati à DEO ordinatæ. 2. Tantæ potestatis, id est, religiosissimorum ac potentissimorum Principum scandalizationem: nam si nefas sit vel pusillū quempiam scandalizare, & præstiterit alligata collo mola asinaria demergi quēpiā in profundū maris, quam scandalizare unum ex pusillis Christianis; quam est horrendum flagitiū et quam atroci supplicio vindicandum, scandalizare eos quorum unius offensio magis est periculosa quam aliorum multorum; quia habet semper princeps sociam multitudinem, & potestate armatus est, quam revereri, non contemnere debemus, & cui jubemur subjici propter conscientiam. Præterea cur omititis auctoritatem Ecclesiæ? Quam miror te tam obstinatè contemnere. Articulos illos Rex Ecclesiæ proposuit: eos Ecclesiæ licitos esse, & utiles pronunciavit in Nationali Synodo PERTHENSIS, eosque Decreto suo Synodico suscepit; quod decretum Synodicum ordines Regni approbarunt, in solemni illo & supremo omnium Regni ordinum conventu, qui triennio post Synodum PERTHENSEM habitus est EDINBURGI, Anno DOM. 1621, mense Augusto. Vbi ex omnium ordinum consensu lex civilis condita est, imperans omnibus subditis, ut decreto illi PERTHENSIS promptum obsequium exhibeant, tanquam justo & pio, & legitimè à legitima Nationali Synodo condito. Consentiant Ecclesiæ & Respublica: utrique subjectionem debes; neutram fas scandalizare, cur ergo non obsequeris.

INOB. *Quia nolo offendere infirmos fratres.*

VIII. O B E D . Suntne facienda mala, ut eveniant bona ?

I N O B . Non sunt.

IX. O B E D . At D E O ejusque ordinationi resistere malum est. Quicumque Magistratui suo licita imperanti resistit, is D E I ordinationi resistit, adeoque ipsi D E O resistit. Et propriam suam vulnerat conscientiam, quia oportet subjici propter conscientiam, R O M . 13. Qui autem contemnit Ecclesiam D E I , is C H R I S T V M ipsum contemnit, & jubente D O M I N O , habendus est sicut Ethnicus & Publicanus. M A T T H . 18. 17. L u c . 10. 16.

I N O B . Si jubeat superior potestas aliquid licitum, non est ei resistendum : at Articuli illi non sunt tales, quia sunt per se scandalosi, ex conditione operis, quamvis fortasse prater intentionem operantis. Quicquid autem ex conditione operis, est per se scandalosum, sive induktivum ad ruinam, neque debet potestas illud precipere, neque subditi exequi.

X. O B E D . Istam quidem distinctionem depromere videris ex T H O M A A Q V I N A T E , 2^a 2^a Quæst. 43. Art. 1. Audiamus igitur ipsius T H O M A E verba, loco citato; In processu, inquit, viæ spiritualis contingit aliquem disponi ad ruinam spiritualem, per dictum vel factum alterius; in quantum, scilicet, aliquis sua A D M O N I T I O N E vel I N D U C T I O N E , aut E X E M P L O alterum trahit ad peccandum. Et H O C P R O P R I E D I C I T V R S C A N D A L V M . Nihil autem secundum propriam rationem disponit ad spiritualem ruinam, nisi quod habet aliquem defectum rectitudinis: quia id quod est perfecte rectum, magis munit hominem contra casum, quam ad ruinam inducat. Et ideo convenienter dicitur, quod dictum vel factum minus rectum, præbens occasionem ruinæ, sit scandalum. Hæc T H O M A S . Ostende igitur eos qui obediunt Ecclesiæ et Reipublicæ decretis de illis quinque Articulis, aliquem ad peccandum

Definitio
Scandali, ex
T H O M A .

sua

sua *ADMONITIONE*, vel *INDUCTIONE*, aut *EXEMPLO* trahere, et hanc ipsorum obedientiam habere *ALIQUAM DEFECTUM RECTITUDINIS*.

INO B. Habet aliquid defectum rectitudinis, vel quia est secundum se malum, sicut peccatum, vel quia habet speciem mali, sicut cum aliquis recumbit in idoleio: hoc enim quia habet quandam speciem mali, vel similitudinem venerationis Idoli, potest alteri præbere occasionem ruinae, & ideo Apostolus monet, ut ab omni specie mala abstineamus, 1. *THESS.* 5. Minus recta igitur sunt non solum illa quæ secundum se sunt peccata, sed etiam illa quæ habent speciem mali: sicut monet *THOMAS*, loco citato. Et huiusmodi sunt ea quæ *PERTHENSIS* decreto nobis injunguntur, ut Geniculatio in sumptione Sacramenti, dies festi, &c.

O B E D. Quicquid est minus rectum propterea quod habeat speciem mali, illud de sui ratione habet quod sit inductivum ad peccandum, ut ibidem docet *THOMAS*, ad quartum. At verò quæ in Synodo *PERTHENSIS* decreta sunt, non sunt de sui ratione ad peccandum inductiva: ergo non habent speciem mali. Porro (ut de Geniculatione loquar) quod speciem habet pie & Christianæ venerationis, ac proinde olim potuit eam fructu usurpari, illud per se habet speciem boni, non mali: at Geniculatio, dum symbola accipiuntur, speciem habet piæ, etc. ut monet *THEODORUS BEZA*, Epist. 12. Quamvis non adeo favens Geniculationi: ergo, etc.

INO B. Quoniam Geniculationis instantia usus es, in ea maneamus. Dico igitur eam habere speciem *Idolatricæ*.

O B E D. Vtrum per se, vel per accidens?

INO B. Per se: sicut accubitus in idoleio habebat

per se speciem venerationis Idoli.

XIII.

O B E D. Hoc argumento ipsam excludes Eucharistiæ celebrationem, omnemq; in ea celebratione religiosam reverentiam: ne ea exhiberi videatur Sacramento: quemadmodum prohibitum est omne mensale consortium in delubris Idolorum propter speciem cultus Idoli. Profanum est etiam nonplus reverentiæ concedere exercendum erga **CHRISTVM** in celebratione sacræ Cœnæ, ab ipso institutæ, & in ipsius memoriam celebrandæ, quam permittitur erga Idola in agitatione conviviorum in delubris Idolorum. Idola nefas, **CHRISTVM** fas adorare.

I N O B. *Peccatum est adorare Sacramentum: hujus peccati speciem habet adoratio in celebratione Sacramenti.*

XIV.

O B E D. Dupliciter aliquid habet alterius speciem; vel per se, vel per accidens. Per se quidem ex conditione operis: per accidens autem ex aliorum interpretatione. Adoratio in celebratione Cœnæ, ex conditione operis, habet speciem piæ & religiosæ adorationis **DOMINI** nostri **IESV CHRISTI**, qui necessario adorandus est, & laudabiliter adoratur in hac actione. Neque omitrenda est adoratio **CHRISTI** in celebratione Sacramenti, vel celebratio Sacramenti cum adoratione **CHRISTI**, propter abusum Artolatrarum (vide supra Cap. 16. Part. 4. Num. 1.) Per accidens autem habet aliquid speciem mali, vel ex interpretatione infirmorum, vel ex interpretatione malignorum, omnia perverse in malam partem rapientium. Propter infirmorum interpretationem res necessariæ non sunt omittendæ, qualis est obedientia Superioribus debita, & Lege **DEI** imperata: sed mentes eorum melius informandæ sunt: at res media nullam habens utilitatem, (ne obedientiæ quidem) quæ eam reddat necessariam, omitti debet, ut non scandalizetur infirmus: quæ autem habet insignem utilitatem, differri debet aut

bet aut clementer proponi, donec proximo per sufficientem instructionem, vel exemptus fuerit error, vel manifestè adempta infirmitatis excusatio; id est, versa fuit infirmitas in perversitatem, et superbam præsumptionem impediendi res utiles, sola indocilis contumaciæ oppositio: quo casu non est Ecclesiæ libertas, vel utilitas substernenda pedibus factiosorum et contumacium: sed quamvis propter infirmos circumcidi possit TIMOTHEVS, omnino tamen resistendum est falsis Fratribus jugum servitutis volentibus Ecclesiæ imponere, et cogere ut etiam circumcudatur TIRVS. Adoratio in celebratione Eucharistiæ habet insignem utilitatem, et conjunctam habet obedientiæ necessitatem: qui jam resistunt protervi sunt, et inexcusabiles.

INOB. *At vestra Geniculatio inducit proximum ad ruinam.*

OBED. Nos Geniculando neque ADMONITIONE, neque INDUCTIONE, neque EXEMPLO, quenquam ad ruinam inducimus. Nam ruinam proculdubio constituis, XV.
vel in adoratione nobiscum, et hæc non est ruina, sed pietas: vel in indignatione oblatrantium, et hæc quidem ruina est; sed scandalomerè passivo, id est, solo ipsorum vitio, et malitia, cui obsequi non tenemur, neq. libertatem atq; utilitatē Ecclesiæ fastui Pharisæico calcandam præbere.

INOB. *Pietatem vocas adorationem in perceptione Sacramenti? Quid si infirmus aliquis tuo fretus exemplo ipsum adoret Sacramentum?*

OBED. Infirmus iste de quo loqueris, aut reformatam proficetur RELIGIONEM, aut Papista est: si reformatæ RELIGIONIS Professor sit, agnoscit mecum Sacramentum, etiam post consecrationem, non esse natura DEVM, sed retinere naturam & substantiam meræ creaturæ. Et similiter mecum agnoscit nullam meram creaturam esse religiosè adorandam, & illum

XVI.

solum adorat qui est natura DEVS, cujus iussu & in
 ejus recordationem & honorem sumit Sacramentum.
 Si sit Papista, non meo exemplo (quod contemnit) ado-
 rat Sacramentum, sed ex hæretica sua Hypothesi trans-
 substantiationis, quam novit me abominari: si autem
 Hæresin transsubstantiarum abneget, & mecum religio-
 nem reformatam profiteatur, non amplius adorabit cum
 transsubstantiaris Sacramentum, sed cum Catholicis rem
 Sacramenti; id est, ipsum DOMINVM nostrum
 IESVM CHRISTVM, pro nobis crucifixum,
 & jam sedentem in Cœlo gloriosum. Interroga simpli-
 cissimum idiotam inter SCOTOS Catholicos debitam
 salubribus superiorum constitutionibus obedientiam ex-
 hibentem, quidnam adoret: respondebit, se adorare
 DEVM, & DOMINVM IESVM CHRI-
 STVM, in Cœlo sedentem. Quære, Num. adoret ipsa
 symbola, perneccabit. Porro Reformatæ Ecclesiæ PO-
 LONIÆ, RVSSIÆ, LITHVANIÆ, SA-
 MOGITIÆ, &c. in generali Synodo PETRICO-
 VIENSI, Art. 4. (prout invenies supra, Cap. 16.
 Part. 4. Num. 6.) Sessionem in Eucharistia prohibent,
 ut minùs honestam ac religiosam, simplicioribusque ad-
 modum scandalosam. Genucationem vero ut & honestam
 & minimè scandalosam, quamvis in medijs Papistis posi-
 tæ, admittunt.

INOB. Paulus Apostolus abstinuit ab accipiendo
 stipendio propter infirmitatem Corinthiorum, noluit
 enim sibi placere, sed potius infirmis fratribus, ad edi-
 ficationem, & tamen diligenter eos informaverat de suo
 jure & potestate accipiendi stipendium. Fac igitur res
 has a Synodo PERTHENSI decretas licitas esse, re-
 ctè tamen facimus qui plebeiorum infirmitati consuli-
 mus, & potius jure nostro cedimus ut eis placeamus,
 ad adificationem. Quod autem de Sarmaticis Ecclesiis
 profers,

profers, ad illud respondeo, gestum Sessionis apud illos scandalosum esse propter Arianos.

O B E D. In dissimillimo simili quod adfers de **PAYLO** stipendium accipiente, has observa discordias.

XVII.

1. Cum in omnium ordinum civili conventu suscepta sint decreta **P E R T H E N S I A**, nugæ sunt quas jactas de plebeiorum sive secularium hominum offensione. Siqui adhuc obmurmurant, non sunt propter senela angulorum murmura, contemnendæ salubres constitutiones publicæ.

2. B. Apostolus non docuit acceptionem stipendij esse illicitam aut per se scandalosam, neque jussit Corinthios offendi; videbat enim se non posse talen: ijs doctrinam proponere, nisi veritati divinæ resisteret: ideo etiam abstinens ab acceptione stipendij clausimè tamen docuit rem in se esse licitam, & eos non debere offendi si quicumque Evangelium ijs prædicans accipiat aut etiam exigat stipendium; **CHRISTVM** enim constituisse ut qui prædicat Evangelium, ex Evangelio vivat: vos autem econtrario clamatis, inter auditores vestros, articulos **P E R T H E N S E S** esse per se illicitos, & eam mali speciem ex conditione operis habere, ut sint per se scandalosi, & misellos quosdam plebeios, quos infirmos non tam invenitis quam facitis, jubetis offendi, & resistere; adeo ut non tam obftet plebeiorum infirmitas quam vestræ doctrinæ fallitas, & turbulenta procacitas: sustulistis clavem cognitionis, ipsi non introitis, & eos qui introibant, prohibuistis. *LVC. 11. 52.*

3. Abstinent B. Apostolus ab acceptione stipendij, ante sufficientem Corinthiorum informationem propter ipsorum infirmitatem. *1 COR. 9.* nec tamen veritatem timide aut superbe tacuit, vel falsitatem docuit, sicut vos facitis. Post sufficientem autem informationem, abstinuit, ad obtinendum ora malevolis seductionibus, quod faciendum sibi esse existimavit, non obstante populi jam melius informati, & hac ejus ab-

stinentia etiam offensi displicentia, 2. CORINTH. II. 10. 11. 12. 13. Quia nimirum non nisi ad ædificationem voluit populo placere, non consensit adhuc populo ad accipiendum stipendium, ut os occluderet malignis pseudo-Apostolis.

4. Quando quæstio est de jure meo, & displicentia Fratrum; ego jus meum non abnegabo, neque suum abnegavit Apostolus, sed potestate ea quam me constanter habere profiteor, non utar pro tempore, ne offendatur frater infirmus, aut ne gloriatur malignus: at si jugum servitutis mihi imponere satagant homines protervi obtentu infirmitatis, cum interim mera sit contumacia qua adversus meam libertatem feruntur, non debeo, ut illis placeam, vel obolum expendere, aut mihi debitum remittere, ne consentiendo applaudam ipsorum iniquitati, et pœne illorum particeps fiam; et ne videar abnegare ipsam potestatem mihi à CHRISTO concessam. Et jam non amplius status quæstionis vertetur inter me et proximum, sed inter veritatem divinam et proximum, inter Ecclesiæ libertatem, et proximi mei præsumptionem.

5. Quando autem quæstio est de veritate DEI, aut libertate Ecclesiæ, clementer quidem informare conabor, et quoad licet tolerabo infirmos, at fas mihi non est, vel DEI veritatem, vel Ecclesiæ libertatem prodere, ut placeam protervis. In tali casu *docendus est populus, non sequendus*, ut rectè dicitur 63 Dist. Can. *Nosse tuam*. Nefas displicere DEO, ut placeas hominibus.

6. Apostolo PAVLO liberum fuit accipere, vel non accipere stipendium, eaque libertate uti debuit ad ædificationem Ecclesiæ pro circumstantiis; nullo autem decreto Ecclesiastico jussus est pro illo tempore accipere stipendium à CORINTHIIS, quemadmodum nos jubemur decreto PERTHENSIS suscipere illos quinque Articulos. Potuit igitur PAVLVS sine contemptu Ecclesiasticæ authoritatis abstinere ab acceptione stipendii; nos Articulos nobis injun-

injunctos contempnim rejicere non possumus, absque manifesto contemptu Ecclesiæ CHRISTI, & potestatis etiam civilis, adeoque ipsius DEI.

7. Debeimus placere proximo in bonum, ad ædificationem, ROM. 15. 2. Non autem, ut eum in errore confirmemus: & dicamus pax, quando non est pax, & consueamus pulvinaria sub axillis populi, ad venandum animas, & sic contaminemus DOMINVM in populo ipsius, pro pugillis hordei, & fragmentis panis, interficientes animas quæ non morientur, & vivificantes animas, quæ non vivent, mentientes populo DEI, auscultanti mendacio: & dolore afficientes cor justii mendaciter, quod DOMINVS dolore non affecit, & roborantes manus impij, ut non avertatur à via sua mala, vivificando eum, EZECH. 13. Sicut vos facitis, ingerentes animis imperitorum, vel in iis foventes erroneas, superstitiosas, & seditiosas opiniones, per quas homines imperitos, superstitiosos, schismaticos, rebelles, fratrum innocentium osiores, & obrectatores, in sua imperitia, superstitione, schismate, rebellionem, odio Fratrum, et detractatione corroboratis, et obfirmatis; mansuetos autem, et dociles, et debitam DEO ejusque ordinationi obedientiam exhibentes, vel exhibere volentes contristatis, et quantum in vobis est, ab officii præstatione retrahitis. Atque ita dum vobis ipsis vestrisque sectatoribus in hac impietate placetis, displicetis interim DEO, ejusque Ecclesiæ, et pio Magistratui, et sanioribus civibus: rebelles estis lumini, non vultis cognoscere vias ejus, nec stare in semitis ejus: sicut contumaciæ impietatem descripsit IOB, CAPITULUM XXIV. VERS. 13. Quis vestrum convincit Ecclesiam erroris aut peccati, in condendis illis Decretis? Si veritatem dicit, si iusta exigit, cur non creditis? Cur non obeditis?

8. B. PAULVS nullo offensionis metu, nullo inimicorum astu adduci potuit, ut quicquam veritati contrarium

prædicarét, vel veritatem abnegaret, aut etiam superbè timidève reticeret: si PAVLVM imitari vis, predica veritatem, dic gregi DOMINICO, cui præces, res has esse in se licitas, & partim necessarias, partim laudabiles, neque ullam esse justam causam scandali cuiquam datam à Rege, vel ab Ecclesia: hæc doce, & finis erit contentio- nis, evanescet scandalum, cessabit Schisma. Sed quamdiu aut falsa doces, aut veritatem superbè timidève taces, aut falsa docentibus, vel veritatem importuno & impio silen- tio reticentibus, in tam miserando Ecclesiæ incendio, ani- mos addis, tua praxi vel tergiversatione, vel segnitie, vel collaudatione, tamdiu autor es, vel fautor nefarii Schisma- tis, scandalizas DEI Ecclesiā, iustorū corda contristas, & ma- nus impiorum corroboras, & cum iis Domum DEI (quan- tum in te est) veluti malleis, vectibus, & securibus demo- liris, & DEVM in populo ipsius contaminas. Me- memento quid Sacerdoti ELI dictum sit in Nomine DO- MINI; *Honorantes me honorabo, & contemnentes me contemnentur* 1. SAM. 2. 30. *Maledicite Me- roz, dixit Angelus DOMINI, Maledicite male- dicendo habitatoribus ejus; quia non venerunt ad auxi- lium DOMINI, ad auxilium DOMINI contra fortes.* IUDIC. 5. 23.

Nemo potest servire duobus Dominis, CHRISTO, & BELIAL; Veritati, & Mendacio; Iustitiæ, & In- iustitiæ; Luci, & Tenebris; Ecclesiæ, & Schismati.

Quod autem ais Ecclesias Sarmaticas propter Arianos abstinere a Sessione tanquam admodum scandalosa, quam- vis eum gestum in se medium & liberum esse fateantur, pro nobis facit. Nam illi inter Papistas degunt, & quotidiana- nas, ac publicas Missas; & tamen ex oppositi erroris scan- dalo sumunt regulam praxeos. Quanto magis nos apud quos (per DEI misericordiam) desit jamdiu pub- licum Papismi exercitium, exceptionem habemus scanda- li, ex obtrusa Sessionis necessitate, quam sequitur con- tem p

tempus Ecclesiæ SCOTICÆ, aliarumque Reformatarum Ecclesiarum, & inde inevitabilis iniquitas nefarij Schismatis?

INOBED. Num igitur omnes eos, qui nondum Genicalatione in Ecclesiâ SCOTICÂ, post PERTHENSEM Synodum, visi sunt, accensos Schismaticis, & rebellibus?

OBED. Scio piis quibusdâ Pastorib⁹, per vicinorū incendiariorū effrænem intemperiem & rabiem, tantâ creati molestiam, ut nondum adeo commodè potuerint eam, quam optarent, obedientiam decretis Synodicis exhibere: vel saltem nondum ita confirmato fuerint animo, ut quod cupiebant exquerentur. Non defendo hanc eorum infirmitatem; benignè tamen, ut charitas jubet, interpretor. Suadeo etiam ut DEO freti in DEI causa non sint pusillamines: sed meminerint DEVM dixisse Ioshuæ; *Annon præcepi tibi? Confortare & robustus es; ne contemneris, neque terrearis, quia tecum est DOMINUS DEUS tuus in omnibus ad qua perrexeris, Iosh. 1. 9.* XVIII.

INOBED. Potestne superior potestas Ecclesiastica, vel civilis mihi imperare, ut id faciam quo scandalizetur proximus? Aut nunquid me apud supremum iudicem, qui scandalum prohibuit, excusabit mandatum superiorum?

OBED. Petis Principium, non enim sunt Articuli PERTHENSES per se scandalosi, neque jam post tantam Ecclesiæ patientiam, & sufficientem informationem, quæq; iam offendere possunt, nisi vel sponte et contumaciter ignarum, vel miserum cecorum ducum affectam, semper discentem et ad cognitionem veritatis nunquam pervenientem. Respondeo igitur directe ad tua interrogata: Non potest humana potestas te cogere ad faciendum

XIX.

illud quod facere non possis absque inevitabili datione scandali: neque in hoc casu te apud supremum judicem tuebitur obtentus obedientiæ superioribus debita. Ac quando aliquid tibi injungit superior potestas quod nulli possit esse scandalo, si tu officium præstes adhibendo debitam informationem, nisi improbe protervo, debes obedire potius potestati superiori cui te subijci DEVS iussit, quam protervi rebellatoris Improbitati, quam reprehendere debes, non fovere, ne existas particeps culpæ ejus & socius pœnæ in judicio Cœlesti.

I N O B. Quid si potestas Superior imperet tibi rem in se indifferentem, ex qua homicidium consequuturum esse videretur, puta si jubeat equum, aut currum agere per eam viam, in qua ludunt pueruli, quos necesse sit cursu tuo collidi, quamvis fortasse Superior cursum tibi imperans nesciat interim hoc periculum?

XX. *O B E D.* Si mihi superior aliquid imperet, ex quo homicidium ulla mea culpa sequuturum sit, non teneor obedire: quod ad similitudinem abs te allatam, non quadrat proposito nostro: nam supra ostendi Articulos *P E R T H E N S E S* nulli obedienti esse nocivos, inobedientibus autem, non Articulos, sed suam ipsorum inobedientiam esse lethalem. Quemadmodum lethalis est impietas concupiscentiæ, quam sumpta ex bona & Sancta *D E I* Legge occasione operatur. *R O M. 7.* Similitudo equi vel currus sic conveniet, si nempe jubeat Princeps equum vel currum agere per viam patentem, in qua nullius sit læsionis periculum, sed quam obsident quidam rebelles & seditiosi, conviciis & jurgiis transeunti mihi oblatraturi, eo quod indignentur me aliis civibus exemplum obedientiæ præbere, & non adhærere seditiosæ ipsorum factioni, & cum illis contra Principem rebellare. Ego officium faciam: illi ad ravim latent. Quicumque meo exemplo similem Principi obedientiam præstat, non interimitur, sed

sed à nefario seditionis & rebellionis crimine abstinet.

INO B. Difficile est conscientie vim inferre.

OB E D. Adhibenda tamen erranti conscientie medicina est, per quam ab errore liberetur, ne relinquamus peccatum super proximum nostrum, & nos ejus osortes esse deprehendamus in cœlesti judicio; *LEVIT. 19. 17.* Multi errore conscientie persecuti sunt, & trucidarunt *CHRISTVM* ejusque Discipulos.

XXI.

INO B. Mea tamen conscientia non patitur me decreto PERTHENS I obtemperare; neque possum sine peccato facere contra dictamen mea conscientia.

OB E D. Quando conscientie dictamen erroneum est et impium, quale est in omnibus Hæreticis, et Schismaticis, et quacunque superstitione fascinati, nemo potest, sine peccato, sequi tale dictamen. Non jubeo, ut contra conscientiam facias, sed ut veritatem discas, et tunc jam saltem monentem audias, et *DEVM* fideliter invoces, ut det tibi sapientiam, promisit enim daturum petentibus in fide, *IACOB. 1. 5. 6.* Quocirca nisi perspicua veritati tibi ob oculos politæ cedas, si adversus lucem oculis tuis sese ingerentem, pertinaciter conniveas, et indocilis contumaciæ pugnaces nervos intendere pergas, ipsa tua conscientia coram cœlesti Tribunali aliquando testabitur lucem tibi oblatam esse, et te præfracta perversitate, et plane irrisorio obtentu conscientie, repulisse lucem, et magis tenebras dilexisse. Vide supra, *LIB. I. CAP. 13. §. 14.*

XXII.

INO B. Tanti ne ergo momenti existimas illos quinque Articulos, ut ob eorum ignorantiam, vel de his dissensionem putes cuiquam esse metuendam damnationis sententiam in foro cœlesti.

OB E D. Tanti certè est pax Ecclesiæ, ejusque reverentia, ut etiam parva alioqui offensa jure mereri possit excommunicationem, propter offendentis contemptum, et contumaciam, qua contemnit Ecclesiam *DE I*; sicut docui

XXIII.

supra, Cap. 3. Num. 5. 6. 7. Quocirca de quacunque re, quam tibi præscribit Ecclesia, discere debes quid tui sit officii, ne contemptor Ecclesiæ inveniaris. Contemptus enim Ecclesiæ DEI, semper est exitialis. Vide supra, Cap. 19. Part. 4. et Part. 6.

I N O B. Utinam res istas neque Rex proposuisset, neque Ecclesia decrevisset; sic pacem haberemus, neque daretur infirmis scandalum.

XXIV.

O B E D. Utinam verò officium vestrum vos toties moniti disceretis et faceretis, neque vobis in vestra incertitia et protervia nimis placeretis: sic pax esset, neque daretur infirmis scandalum. Nihil in hoc fecit Rex nisi quod Christianum Pium, et Prudentem Principem decebat, proponens ea quæ ad DEI gloriam et Ecclesiæ ædificationem facere videbantur, et revera erant idonea, eaque pro viribus procurans: nihil fecit Ecclesia nisi quod tacere rectè potuit, et quod eam facere decuit, cum inventi-
ret eas res non tantum Sapientissimo Principi placere, sed etiam Ecclesiæ nostræ apprimè esse utiles. Infirmis et imperitis scandalum non dedit Rex, utilia iis proponens, neque Ecclesia utilia decernens: sed vos dedistis scandalum imperitis, quando eos in ruinam, id est, in superstitionis et contumaciæ foveam traxistis, erronea vestra doctrina et schismatico exemplo. Hoc vos facere nequam decebat.

I N O B. Nisi tamen hæc fuissent à Rege proposita, & decreto Ecclesiastico definita, non prorupissent homines in eos quos vocas errores.

XXV.

O B E D. Nisi CHRISTVS ejusque discipuli lotionem manuum prætermisissent, non offenderentur ea omissione turgidi Pharisei, duces cæci cæcorum. MATTH. 15. MARC. 7. LUC. 11. Nisi DOMINVS Sabbato sanasset, non propterea eum quæsisent Iudæi interficere tanquam violatorem Sabbati. IOAN. 5. Neque inde blas-

blasphemandi occasionem arripuissent Pharisei, IOAN. 9. Nisi *DEVS* legem ferret, nemo legem *DEI* transgrediretur: nisi *CHRISTVS* prædicasset, Pharisei *CHRISTVM* prædicantem non contempsissent: nisi lex adveniret, non inde sumeret peccatum occasionem ad decipiendum et occidendum homines, neque manifestaretur hyperbolicè peccans per mandatum: si Ecclesia negligeret scandala, neque præscriberet quippiam, neque quemquam admoneret, nemo posset convinci contumaciæ, nullius morbus innotesceret, utilitas et ædificatio Ecclesiæ negligeretur. Pia et prudens fuit Regis propositio, et Ecclesiæ determinatio; at impia et stulta est vestra rebellio, et contumacia.

INO. Sed annon expediret rogari Regem *CAROLVM*, ut in Lege sua dispenset, & propter pacem Ecclesiæ, permittat subditis suis secundum conscientiam suam vivere.

OBE D. Nempe hoc satagitis, ut terrore Regio liberemini, securè contempturi Ecclesiam *DEI*. Non est pax redimenda peccato, nec veritas adjuvanda mendacio. Quznam erit obedientiæ laus apud Magistratum, si hunc suæ rebellionis fructum referant contumaces? Absit hoc à sapientissimo et religiosissimo Rege *CAROLO*, Paternæ Sapientiæ, et Pietatis Hæredi, ut Orthodoxam *DEI* Ecclesiam, cui fovendæ ac tuendæ Nutritor à *DEO* ac defensor datus est, calcari et contui sinat, ejusque salubres, constitutiones contemni, & auctoritatem ejus pessundari à Pharisaico tactu & Capernaïtica protervia inobedientium [*τῶν ἀνυποτάκτων*:] apud quos, utcumque *Pyritatem* polliceantur, postquam tamen eos penitus introspexerit, & causam in publicum examen deduxerit, nihil in hac concertatione inveniet, præter superbas sordes, arrogantem inscitiam; factiosam loquacitatem; audaces blasphemias; impudentes assertiones; insidiosa sus-

piria; indocilem contumaciam; & regulam illam Donatisticam, *QVOD VOLVIMVS SANCTVM EST*, quam sacris Literis, catholicæ Antiquitati, rectæ rationi, reformatarum Ecclesiarum consensui, Veritati & Paci, furore sacrilego anteponunt. Quod ais permittendum esse subditis, ut secundum suam conscientiam vivant, id (prout à te intelligitur) prorsus absurdum est. Estne hoc tolerabile, ut qui se Ecclesiæ hujus filios professi sunt, infando matricidio manus suas impune contaminent? Regis officium est dare operam, ut nemini desit conveniens informatio; & ut Ecclesia contumaces incendiarios, post unam aut alteram admonitionem rejiciat. Hæc tuta est & vera pacificationis via, ab ipso Ecclesiæ Sponso ac *DOMINO* monstrata. *MATTH. 18. 17. & 1 TIM. 1. 20. & 2 TIM. 2. 23. 24. 25. 26. & TIT. 3. 10. FI.*

INOB. Non potest certum tempus omnibus hominum ordinibus designari, quo dicantur accepisse sufficientem instructionem, & parcendum est eis donec eam acciperint.

XXVII. *O BED.* Certè discrimen est latum inter verbi ministros, & homines plebeios quos ministri informant. Diutius expectandi plebeij, & cum eis lentius agendum est, quia per probabilem simplicitatem seducuntur à suis Pastoribus, visionem cordis sui loquentibus, non autem de ore *DOMINI*; neque adeo periculosa est plebei hominis hæsratio aut contraria opinatio, testis enim est Historia Ecclesiastica, non per plebeios, sed potius per Clericos introductas esse Hæreses & Schismata: miseranda igitur est plebis deceptæ conditio, & omnino liberandus est grex *DOMINI*, de manibus istiusmodi pastorum, ne ultra relinquantur animæ in manibus eorum in venationem. *EZECHIEL. 13. 21.* Vide quæ scripsimus supra, Lib. I. Cap. 10. §. 2. Vbi ostendimus prorsus esse inexcusabilem

bilem ministrorum hanc verè affectatam, & voluntariam ignorantiam. Pastorem oportet esse *διδάσκων*. Undecimus jam annus agitur, ex quo articuli illi decreto Synodico suscepti sunt: qui decennali disciplina nondum usq; eo profecerunt, ut tam faciles in Theologia quæstiones intelligant, non possunt apti esse ad sustinendum onus pastorale in Ecclesia DEI. Qui autem operam non dederunt, ut de his quæstionibus quid tenendum esset & ipsi intelligere, & aliis tradere possent, in publico hoc incendio, conflagrantem DEI Ecclesiam, siccis ac truculentis oculis conspicientes, & DEI veritatem, Ecclesiæ pacem, conscientiarum ovium ipsis commissarum tranquillitatem susque deque habuerunt, vix illis, nisi maturè recipiscant, opus enim D O M I N I negligenter fecerunt: & vel hæc sola impietas, ut divinam indignationem, ita & Ecclesiasticam animadversionem meretur.

Quod autem dixisti de certo tempore, non debet excludere certum illum rerum terminum à D O M I N O constitutum. MATTH. 18. 17. TIT. 3. 10. Cujus dijudicandi potestas data est Ecclesiæ, ut patet ex locis istis citatis.

INOB. Parcendum est existimationi eorum ministrorum, qui jam multos annos palam prædicarunt in commendationem illius consuetudinis quam habebat Ecclesia SCOTICA ante Synodum PERTHENSEM: neque exigendum ab eis ut se falsos testes pronuncient, ut adificando illud quod aliquando destruxerunt, seipsos prævaricatores constituent, & despicabiles: cum Apostolus præceperit Tito, Ne quis te contemnat. TIT. 2. 15.

XXVIII.

O B E D. Monet idem Apostolus multorum gloriam esse in ipsorum ignominia, dum terrena sapiunt. P H I L I P. 3. 19. Phariseorum peccatum fuit, quod omnia faciebant, ut conspicerentur ab hominibus. M A T T H. 23. 5. Tales D O M I N U S pronunciat recepisse mercedem suam. M A T T H. 6. 2. 5. Taxantur illi qui dilexerunt gloriam hominum, magis quam gloriam D E I: I O A N. 12. 43. *Quamodo potestis vos credere,* (inquit D O M I N U S Iudæis) *qui gloriam à vobis invicem captatis, & eam gloriam quæ à solo D E O est, non quaritis?* I O A N. 5. 44. C H R I S T U S è contrario, *Gloriam,* inquit, *Ab hominibus non capio.* I O A N. 5. 41. Et Apostolus Paulus de se scribens ad Thessalonicenses, *Exhortatio,* inquit, *nostra non fuit ex impostura, neque ex impuritate, neque cum dolo, sed sicut placuimus D E O, quibus crederetur Evangelium, ita loquimur, non ut hominibus placentes, sed D E O qui approbat corda nostra, neque enim unquam sermone assentatorio usi sumus, sicut nostis: nec avaritia causa quicquam pretextuimus: D E U S testis est. Neque quærentes ex hominibus gloriam, nec à vobis, nec ab aliis.* 1. T H E S S A L. 2. 3. 4. 5. 6. Idem alibi, *Nunc enim,* inquit, *homines an D E U M suadeo? aut quero hominibus placere? enimvero si adhuc hominibus placerem, C H R I S T I servus non essem.* G A L A T. 1. 10. Item alibi, *Requiritur in dispensatoribus, quod fides quisque comperiatur. Mihi verò pro minimo est, quod à vobis dijudicer, aut ab humano die, imò nec meipsum dijudico, nullius enim rei mihi conscius sum, sed non per hoc iustificatus sum. Sed D O M I N U S is est qui me dijudicat: proinde, ne ante tempus quicquam dijudicetis usque dum venerit D O M I N U S, qui &*
illu-

illustraturus est occulta tenebrarum, & manifesta faciet consilia cordium, ac tunc laus erit unicuique à DEO.

1 CORINTH. 4. 3. 4. 5. Si prædicabant fratres veritatem, id est, si ita laudarunt illius temporis consuetudinem, ut hominum conscientis necessitatis laqueum, & cultus divini, quasi in talibus rebus mutabilibus, & circumstantialibus consistentis; erroneam opinionem, non injecerint, neque vel rerum ipsarum mediarum mutabilitatem, vel Ecclesiæ auctoritatem, ac libertatem negaverint, in nullo jam periculo est eorum existimatio. Vide supra, Lib. 1. Cap. 10. §. 4. Sin autem pro veritate errorem, pro Pietate superstitionem auditoribus suis tradiderunt, neque errorem agnoscere aut abjicere sustinent, quærunt gloriam in ignominia sua, neque CHRISTO digni sunt, qui non seipfos abnegant, ut CHRISTVM, qui veritas est, sequantur.

INOB. Non suam, sed Ministerij sui existimationem charam habent, quam ipsis commendavit Apostolus, loco citato ad Titum.

OBED. Non sunt facienda mala ut eveniant bona. XXIX.

ROM. 3. 8. Numquid pro DEO loquemini iniquitatem, & pro eo loquemini dolum? an faciem ejus accipietis? numquid pro DEO contendetis? an bonum fuerit quod investiget vos? an sicut mentitur aliquis de homine, mentiemini de eo? arguendo arguet vos, si in adscodito faciem acceperitis. Nonne excellentia ejus terrere debeat vos, & pavor ejus cadere debeat super vos: inquit, IOB. Cap. 13. Vers. 7. 8. 9. 10. 11. Non possumus quicquam adversus veritatem, sed pro veritate.

2 COR. 13. 8. Si volunt obedire præcepto Apostolico ad Titum, audiant ipsam Apostolum sui præcepti interpretem: Per omnia, inquit, temetipsum præbens exemplar bonorum operum, in doctrina integritatem, gravita-

tem, sermonem sanum, qui damnari non possit: ut qui se ex adverso opponit, erubescat, nihil habens quod de vobis dicat mali: ————— hac loquere, & exhortare, & argue cum omni imperio, nemo te contemnat. Tit. 2. 7. 8, ————— 15. Nemo igitur illi Apostoli præcepto paret, nisi qui doctrinam incorruptam prædicat, & seipsum exemplar bonorum operum, in quibus est, subjectio & obedientia authoritati Ecclesiasticæ, toties nobis in Scripturis commendata & imperata. Plus exultationis & veræ laudis consequutus est Apostolus P E T R U S auscultando repræhensioni P A V L I & ab illa verè repræhensibili dissimulatione desistendo (G A L A T. 2.) quam si importuna retinendæ popularis auræ pertinacia salubribus collegæ monitis (quod absit) restitisset.

I N O B. Quoniam toties nobis objicis Ecclesiam, & nos Schismatis infimalas, quasi Ecclesiæ bellum indixerimus, & ab ejus communione discessum adornemus, dic quas, quid nomine Ecclesiæ intelligas?

XXX.

O B E D. Immediatè intelligo Orthodoxam nationalem Ecclesiam Scoticanam, & ea mediante, intelligo totam Ecclesiam reformatam per Europam, & tandem universalem sive Catholicam Ecclesiam toto orbe diffusam, quam reformatæ Ecclesiæ agnoscit.

I N O B. Num multas nobis proponis Ecclesias?

XXXI.

O B E D. Multas quidem, & tamen unam, sicut docuimus in tractatu de Schismate: supra Cap. 19. Vna est CHRISTI Ecclesia Catholica, unum corpus, unius capitis; unus grex, unius pastoris; una familia, unius Patris familias; unus populus, unius DEI: hæc una Ecclesia unam habet fidem, unum baptisma, uno regitur Spiritu, unum adorat DOMINUM IESUM CHRISTUM. Et una hæc ita in multitudinem incremento fecunditatis extenditur, ut unaquæque pars & inter se, & cum universali

Ecclesia

Ecclesia, cujus pars est, retineat unitatem Spiritus in vinculo pacis. Non est divilus CH & I S T U S, neque bi-corpor, neque bigamus; unam habet columban. sibi dilectam : unitatem suis commendavit & apprecatus est, I O A N N. 13. 17. Ea est autem ratio & conditio hujus unius Ecclesiæ, ut & nomen Ecclesiæ & unitas se per omnes particulares Ecclesias diffundant, si modo unaquæque intra seipsam & cum universali adeoque cum omnibus ejus partibus servet catholicam unitatem. Hinc sicut est una Ecclesia universalis, sic est una aliqua nationalis, una provincialis, una Diocesana, una parochialis. Nec Ecclesia vera est quæ non servat unitatem in una illa universali, cujus pars est Nationalis, & hujus Diocesana, & hujus rursus Parochialis, si autem divisio existat in Parochia, pars ea est Ecclesia Parochialis, quæ unitatem servat cum catholica Diocesana, cujus pars est; altera autem Parochiæ pars schisma est: sic in Diocesi si existat divisio, pars ea quæ ab Orthodoxa Nationali discordat, schisma est; pars altera est vera Catholica sive Orthodoxa Ecclesia: Idem de Nationalibus statuendum, nam si quæ nationalis Ecclesia se separet à reliquis nationalibus orthodoxis Ecclesiis, unitatem Ecclesiæ universalis servantibus, Schismatica evadit. Quemadmodum interit digitus amputatus à manu & manus à brachio abscissa perit, & brachium à reliquis corporis partibus. Quid autem universalis Ecclesiæ nomine intelligamus, liquet ex Cap. 11. Propos. 16. & Cap. 19.

INOB. *Ista quidem libenter recipio, & ut propius accedam, confiteor tibi omnem particularem in Scotia cætum, aut quemlibet singularem hominem, qui se à reformatæ sive Catholice nationalis Scoticanæ Ecclesiæ communionem separaverit, esse verè Schismaticum, & extra veram D E I Ecclesiam, neque posse in hoc statu plus sibi salutifera lucis & humectationis polliceri,*

*ri, quam potest radius avulsus à Sole, vel rivulus à fonte abscissus: quorum alter tenebrescat, alterius arefcit alveus necesse est. Dace autem nos à Catholica si-
ve Reformata nationali SCOTICANA Ecclesia dis-
cessisse, aut salubribus ejus constitutionibus resistere: nam
quicquid sit de constitutionibus PERTHENSIBVS,
quoad salubritatem, nego tamen eas esse constitutio-
nes Catholica nationalis Ecclesie SCOTICANÆ.
Non contendo nunc, sed propterea nego, quia negant
quidam Fratres mei, & ut ex te audiam responsionem.
Quam igitur dicis esse Catholicam siue Reformatam il-
lam unam nationalem Ecclesiam SCOTICANAM?*

XXXII.

O B E D. Ecclesia una duas habet considerationes: vel enim consideratur in toto & secundum totum: vel consideratur secundum partes. In priori consideratione Ecclesia nationalis SCOTICA est cœtus ille profitemium reformatam Religionem in SCOTIA qui complectitur, & Pastores, & populum: hoc sensu accipitur nomen Ecclesiæ, EPHES. 1. 22, 23. & Cap. 5. Vers. 23, 24, 25. In posteriore consideratione Ecclesia spectatur vel in illa Ecclesiæ parte quæ rector est & gubernatrix partis alterius, quam pascit & custodit, vel in ea parte quæ gubernatur, pascitur & custoditur Ministerio partis gubernatricis. Nomen Ecclesiæ utrique parti tribuitur in sacris Literis, cum respectu ad alteram partem. Pars gubernata appellatur Ecclesia, ACT. 20. 28. Vbi monet Apostolus Presbyteros EPHESINOS, ut pascant Ecclesiam DEI. Vbi etiam appellatur grex, Vers. 27. & I PET. 5. 2. Item Familia CHRISTI, MATTH. 24. 45. Parti gubernatrici tribuitur nomen Ecclesiæ, MATTH. 18. 17. *dic ECCLESIAE: quod si non audierit ECCLESIAM, sit tibi velut Ethnicus & Publicanus.* Nam Ecclesiæ nomine illic so-
lospa-

los pastores sive pastorum conventum intelligi inde constat, quia eam CHRISTVS intelligit Ecclesiam cui data est potestas clavium, per quam remittant vel retineant hominum peccata, hæc autem potestas non data est nisi Evangelij Ministris, quos ad prædicandum Evangelium & exercendam clavium disciplinam misit CHRISTVS, sicut ipse a Patre missus est. MATTH. 16, 19. IOANN. 20, 21, 22, 23. Præterea ea illic intelligitur ECCLESIA cui subiecti sunt etiam Spiritus Prophetarum, Spiritus autem Prophetarum subiecti sunt Prophetis. 1. CORINTH. CAP. 14. VERS. 32. nusquam autem in Scripturis legimus, Spiritus Prophetarum, subiectos esse plebeiis. Pastores igitur, quorum est gregem pascere & gubernare, intelliguntur illic nomine Ecclesiæ. Et hoc sensu nationalis Ecclesia SCOTICA, quam qui non audit habendus est sicut Ethnicus & Publicanus, est collegium Pastorum & rectorum gregis DOMINICI, id est, Episcoporum, et assessorum eorundem, nempe, Presbyterorum agnoscentium regimen Episcoporum, et cum iis Ecclesiam regentium. Ecclesia vero nationalis SCOTICA gubernata, est grex ille qui ab Episcopis eorumque assessoribus Compresbyteris gubernatur, et pascitur, et ab iis se gubernari et pasci sinit; hinc facile perspicis quid intelligamus nomine Ecclesiæ nationalis cui subiectionem debemus. Quicumque gregis huius cõunionem, et rectorum istorum gubernationem spernit, ille spernit DEI Ecclesiam, Schismaticus est, hostis est, foris est. Quam grave autem hoc sit peccatum, invenies supra, Cap. 19. part. 4. et part. 6.

INOB. Solos igitur Episcopos, & illos Presbyteros qui Episcopis adherent agnoscis pro vera Ecclesia gubernatrice? Quid igitur illi Presbyteri qui eorum regimen oppugnant.

OBE D. Cum certum sit Episcopos eorumque assessores esse illam gubernatricem Catholicam Ecclesiam nationalem

nalem SCOTICAM cui obedientiam debemus, haud dubiè illi Ministri qui ab eis se separant, et à cõmunionem gregis illos sequentis se segregant, et seorsum Congregationes faciunt, se separant ab Ecclesia CHRISTI, et sunt extra Ecclesiam. Non enim sunt in una natione duæ nationales Ecclesiae, sed pars altera Schisma est.

INOB. *At quid si ea pars potius sit Schisma, quam vos vocatis Ecclesiam?*

XXXIV.

OBED. Ideo hanc vocamus Ecclesiam Orthodoxam, sive Catholicam reformatam, quia ei conveniunt omnes notæ Ecclesiae Catholicae reformatae, quas retinet à prima reformatione; nempe, doctrinae veritas, legitima Sacramentorum administratio, secundum ipsam DOMINI institutionem, et sanctae exercitium disciplinae per legitimum usum clavium. Omnes in SCOTIA Verbi Ministros hæc ordinat, agnoscitur à Rege et Republica, ut unica illa vera nationalis Ecclesia SCOTICA, servat Catholicam unitatem et cõmunionem cum omnibus aliis Catholicis reformatis Ecclesiis, et ab iis omnibus hæc sola agnoscitur pro Catholica reformatâ Ecclesia nationali SCOTICA, cum hac sola tanquam cum vera Ecclesia SCOTICA habent cõmercium, concordiam, et unitatem. Duæ autem non sunt Ecclesiae Nationales in SCOTIA. Pars igitur ista quæ ab hac Ecclesia adeoque ab omnium reformatarum Ecclesiarum cõmunionem discessit, est extra Ecclesiam Catholicam, & Schisma est.

INOB. *Prior est Ecclesia quam Schisma: Schisma discedit ab Ecclesia, non Ecclesia à Schismate: vos à nobis discessistis, non nos à vobis. Nam ante hasnovationes erat vera Catholica Nationalis Ecclesia SCOTICA, sine istis Articulis, & sine Episcopis: nos priorem consuetudinem retinentes manemus in Ecclesia: vos ab ea discessistis.*

OBED.

XXXV.

OBED. Vera erat *Ecclesia SCOTICA* habens *Episcopos*, priscis seculis; vera etiam erat habens *Superintendentes*, sive *Episcopos* statim post reformationem; quod autem *Ecclesia SCOTICA* nuper ad breve tempus caruit *Episcopis*, defectus is fuit *Oeconomicus*, cuius emendatio non destruxit *Ecclesiam*, sed eam magis exornavit, munivit, & constabiliavit. Eadem manens *Ecclesia* priorem suam consuetudinem quoad quinque articulos mutavit, ea potestate atque authoritate ac libertate quam de talibus rebus *CHRISTVS* suo acquisitam sanguine ei donavit. Vos interea inobsequentes filij, servi fugitivi, audaces, arrogantes indignamini *Ecclesiam* sua libertate usam esse, eamque libertate sua utentem deseruistis. Priorem quidem consuetudinem retinetis, at *Ecclesiam* reliquistis, consuetudo non est *Ecclesia*: vos autem pertinaciam retinendi mutabilem consuetudinem ipsi *Ecclesie* & unitati *Catholicæ*, scelerata quadam insania, præculistis. Somniantes consuetudinum *Ecclesiasticarum* immutabilitatem. Consistis etiam aliis erroribus, ne frustra ab *Ecclesia* discessisse videamini. Vestram abominamur & lugemus inobedientiam, per quam laceratis *Ecclesiam*, nulla alia de causa nisi quia *NON VULTIS* *Ecclesie* suam consuetudinem sapienter mutanti obedire vel consentire; & hujus vestræ dissensionis & rebellionis nullam revera aliam adferre potestis veram causam, nisi illam *Donatistarum* regulam, quam ipsorum Magister *TICONIVS* apud *AVGVSTINVM* refert, QVOD VOLVIMVS SANCTVM EST. *August. Lib. 2. contra Epistolam Parmeniani, Cap. 13.* prætractam hanc & indomitam *PERVERSAE VOLVNTATIS* contumaciam, DEO ejusque Angelis & *Ecclesie Catholicæ* omnibusque hominibus sanis exosam, meritò detestamur. Perinde facitis ac si olim hoc solo nomine ab *Ecclesia Scotica* vel ab *Ecclesia Romana* vel ab *Ecclesia Hispanica*

Regula Donatistarum,

quidam fanatici se separassent, quod viderent Ecclesiam Scoticam suscipere Palladium aliosque ab eo ordinatos Episcopos, aut Romanam ac Toletanam Ecclesias consuetam antiquiori Ecclesie trinam mersionem mutasse in simplam mersionem, & huic sacrilego suo furori impudenter prætenderent consuetudinem, scilicet, veteris Ecclesie: & ideo suam schismaticam concisionem appellarent veram Catholicam Ecclesiam, quod more antiquioris Ecclesie Scoticæ non haberent Episcopos (etsi Ecclesia Scotica nunquam contempsit Episcopos) & uterentur in tingendo, primitivæ Ecclesie consuetudine. Quis non facile agnoscit tam scelestam audaciam talium turbatorum DEO hominibusque exosam fore? Ecclesiam Iudaicam fatentur Christiani fuisse veram Ecclesiam ante mutationem Sacerdotij, & inde colligunt Iudæi Christianos non esse veros Israëlitas, eo quod Sacerdotij, & caeremoniarum sacrarum mutationem admiserint: vos autem Iudæos transfugas antiquis caeremoniis inhaerentes vestra hac argumentatione defenditis & imitamini. Qui DEI Ecclesiam iusta præscribentem contemnit, is ipsum DEVM contemnit: Dic, obsecro, quam tu rationem CHRISTO reddes in die iudicii de hoc pertinaci Ecclesie contemptu & desertione? Dices ne Ecclesiam SCOTICAM non debuisse priorem suam de quinque articulis consuetudinem mutare, aut te debuisse Ecclesie hanc suam consuetudinem mutanti pertinaciter resistere, usque ad ipsius Ecclesie lacerationem, & ad omnium reformatarum Ecclesiarum scandalizationem, & concitationem animorum plebis ad rebellionem? annon dicet tibi, quis requisivit ista de manibus tuis? Cur contempsisti Ecclesiam meam? cur eam scandalizasti? cur eam lacerasti? cur mei nominis cultum in rebus à me non imperatis collocasti? cur toties monitus, & mea mandata, & salubres Ecclesie constitutiones, & fraternas omnes admonitiones contumaciter sprevisi? cur in sanctæ meæ

Eccle-

Ecclesiæ præcisione sacrilego furore contumaciter perseverasti? hoc peccatum est, hæc iniquitas est, hoc scelus est; discedite à me omnes operatores iniquitatis: nunquam novi vos?

I N O B. *At metuo offendere quosdam plebeios.*

O B E D. Non tamen metuis offendere Ecclesiam *D E I*, XXXVI.
cui subijci debes & obedire. Tu verbi minister plebem docere debes, & ducere in via veritatis, & obedientiæ, non de recta via abducere, aut cum errantibus aberrare, sed errantes quærere ac reducere ad debitam obedientiam, quam debetis Ecclesiæ *C H R I S T I*. Non dixit *D O M I N V S*, si non audierit plebeium quemque, sed, si non audierit Ecclesiam (id est, Rectores Ecclesiæ) sit tibi velut *Ethnicus & Publicanus*. *M A T T H.* 18. Et loquitur illic *D O M I N V S* de Scandalo, cujus ultimum iudicium deferri jubet Ecclesiæ. Tu ne hanc *D O M I N I* manifestam præceptionem contemnis, & irritam facis, ut tuæ, & muliercularum quarundam semper discipulorum nunquam autem ad veritatis agnitionem venientium perversæ, & indocili *V O L V N T A T I* obsequaris? doce plebem, & non offendes, & liberabis animam tuam.

I N O B. *Fere persuades ut tecum sentiam: metuo enim ne dum vobis Scandali crimen impingere nitimur, nos ipsi multorum gravissimorum Scandalorum, quæ superius commemorasti, rei & manifesti comperiamur, in accusatione fratrum innocentium, & traditione falsæ doctrinæ, superbique veritatis reticentia, & contemptu Ecclesiæ, & separatione Schismatica ab ea, & pertractione aliorum in eandem nobiscum ruinam, &c.*

O B E D. Faxit *D E V S* ut non modo fere, sed etiam XXXVII
omnino, non me, sed ipsam sequaris veritatem. Nam ista
H h h 4 omnia

omnia considerans, si nimium peruersus & pertinax esse nolueris, poteris ab omni, vel aliena, vel propria seductione liberari, hoc quidem *DEI* donum est, qui solus dat incrementum. Ad hoc te hortor in *DOMINO*: hoc tibi à *DEO* apprecari non desinam.

INO B. Exime adhuc unum scrupulum, audio enim quosdam fratres nostros muscantes contra Synodum Perthensem, ac si non esset legitima, nec obligarent ejus decreta.

XXXVIII *OBE D.* De Synodo diximus supra, num. 7. et Lib. I. Cap. 6. prolixam et luculentam ejus defensionem scripsit reverendissimus D. *LINDESAIVS*, Episcopus *BRECHINENSIS*, adversus famosum quendam libellum ἀνάρητον & ἀδόκιμον, quem ex ineptis quibusdam nœniis & prophanis calumniis fuiliter et impiè confarcinatum dicaculus quidam schismatis hortator, contra sanctam *DEI ECCLESIAM*, impuro gutture evomit. Ipsa authentica gestorum Synodaliū monumenta hisce oculis inspexi, et diligenter scrutatus sum, (apud Doctorem *SANDILANDIVM*, juratum Synodi illius omniumque nationalium Synodorum scribam, virum tantæ integritatis et tam spectatæ fidei, ut ne apud ipsos quidem Schismaticos ulla vel levissima laboret falsitatis suspicione) nihil ex monumentis publicis extulpi potest, quod venerandæ illius Synodi, vel auctoritatem prosterne, vel decreta infirmare valeat. Frivola quædam objiciunt, et falsa configunt criminosi quidam Synophantæ. Sed frustra sunt: Synodum illam, ut legitimam nationalem, ejusque decreta, ut pia ac salubria, suscepit princeps, & publicus omnium regni ordinum conventus; suscepit nationalis Catholica *ECCLESIA SCOTICA* quæ ab aliis omnibus reformatis Ecclesiis in Catholica agnoscitur unitate. Pudet referre palmariam illam quorundam Aërianorum exceptionem contra præsentiam & præfidentiam Episcoporum in Synodo.

Mirum

Mirum est hæreticis istis permissum esse ut in Synodo sederent aut suffragij jus quocunque commissionis prætextu obtinerent, ante quam abjurassent istam Aërij hæresin. Sunt quidem in quibusdam Ecclesiis, quæ carent Catholicis Episcopis, legitimæ quædam Synodi Presbyterorum sine Episcopis : sed à seculo non est auditum in aliqua Catholica Ecclesia ab Episcopis Catholicis pro tempore gubernata præsumpsisse Presbyteros celebrare Synodos exclusis Episcopis, aut negatâ eis præsentia, ad quos ratione officij præcipuè pertinet cura regiminis Ecclesiæ.

Planè hospes est in ecclesiastica antiquitate qui nescit veterum Concilia Provincialia, et Nationalia, et Generalia appellata esse Concilia Episcoporum, et in eis solos ferè Episcopos sententiam definitivam dixisse et subscripsisse. Quamvis autem in quibusdam reperiantur quorundam Presbyterorum, et quorundam etiam Diaconorum subscriptiones, appellata sunt tamen non Presbyterorum, vel Diaconorum, sed Episcoporum Concilia : quia præcipuè penes Episcopos, tanquam ex officio Primarios Ecclesiæ Rectores, agnoscebatur Synodorum autoritas. Neque ullum unquam celebratum legitur Concilium absque Episcopis, (multò minùs exclusis Episcopis, in locis ubi essent Episcopi) præsidebant semper Episcopi còtumve legati, et quæ Episcopi Catholici Synodicè congregati, nec sacris Scripturis, nec antiquitatis Catholicæ saluberrimis Canonibus contraria, consensu unanimi decrevissent, ea Presbyteri mansueta humilis obsequij promptitudine recipiebant, tanquam legitima et authentica decreta Synodalia. Et consentiens Episcoporum in Concilio vox habebatur vox Ecclesiæ, quam contemnere nefas. Næ vos hac vestra exceptione magnam inibitis gratiam ab Arianis et Nestorianis, aliisque Hæreticis, quorum Hæreses Synodicis sententiis Catholicæ antiquitatis damnatæ sunt: nam secundum hanc vestram novam Theologiam, vel potius Aërianam Matæologiam dicent suas opiniones nunquam

esse pronunciatas Hæreticas neque damnatas sententia ullius legitimæ Synodi; quia scilicet Oecumenicæ illæ & inferiores Synodi, in quibus eorum opiniones damnatæ sunt, secundum vos non fuerunt legitimæ, quia in eis non sederunt soli Presbyteri, exclusis Episcopis, vel saltem non est negata Episcopis præsentia, sed fuerunt conventus illi Episcoporum, & præfederunt Episcopi. Atque hoc uno spiritu (scilicet) dissolabitis primam œcumenicam Synodum trecentorum et amplius Episcoporum, quæ contra ARIVM celebrata est, Anno DOMINI 328. Et secundam œcumenicam Synodum Episcoporum 150. celebratam contra MACEDONIANOS, & alios Hæreticos, Anno DOM. 382. Et tertiam œcumenicam Synodum Episcoporum 200. celebratam contra Hæresin NESTORII, Anno DOM. 431. Et quartam œcumenicam Synodum Episcoporum 630. celebratam Anno DOM. 451. contra Hæresin EUTYCHETIS et DIOSCORI. Et Synodum œcumenicam quintam, Episcoporum 165. celebratam de tribus capitulis, & contra Origenistas, Anno DOM. 553. Et Synodum œcumenicam sextam, Episcoporum 170. celebratam anno DOM. 680. et 681. contra Monothelitas. Et Concilium Africanum, Episcoporum 217. (in quibus fuit B. AVGVSTINVS) quod celebratum est circa annum DOM. 423. Et Concilium FRANCOFVRTENSE, Episcoporum 300. celebratum anno DOM 794. contra adoratores Imaginum. Et alias innumeras Catholicorum Synodos. Viden' quam absurda sit ista Aërianorum quorundam exceptio adversus Nationalem Synodum PERTHENSEM?

Presbyteri Sacerdotum inter esse debent Concilijs, inquit HIERONYMVS, apud GRATIANVM, 95. Distinct. Can. Ecce ego. Non abnuo. Sed nemo vnquam Catholicus dixit deberi Presbyteris præsentiam in Episcoporum Concilijs, aut solos debere in Concilijs sedere Presbyteros, exclusis suis Episcopis. Ne-

mo sanus auscultabit confictis Schismaticorum calumniis, aut ridiculis naniis, & inanibus nugis, ut, contra publicam Ecclesiæ et Reipublicæ fidem, autoritatem Synodi illius in dubium vocet, et Ecclesiam relinquat, eive obedire detrectet, et se gravissimo contumaciæ et Schismatis flagitio contamineat, propter factiosos quosdam acculatores Ecclesiæ DEI, imitantes eum qui in SCRIPTURIS appellatur *Accusator Fratrum*, APOCAL. CAP. XII. VERS. 10.

IN OB. IAM FACTVS OBEDIENS.

Absit à me: ut hanc mihi jam clarissimè propositam veritatem ulterius contemniam. DEO gratias ago, te diligo, mihi vehementer gratulor de hoc nostro congressu, ex quo ambo per DEI gratiam victores abimus: tu mei, ego erroris. Et utinam mihi sic semper disputare contingat, ut ad meliora proficiens, deseram quod malè tenebam. Et quamvis alicubi asperior mihi visus fueris, video tamen, si quid asperè dicis, id te referre non ad amaritudinem dissensionis, sed ad correctionem dilectionis.

O BED. Ea felix est victoria victorem esse err. XXXIX. ris, præsertim sui, & gloriosus triumphus est propria triumphare vitia, & suam mentem captivam ducere ad obediendum CHRISTO. Qui autem suum non potest cohibere spiritum, cum sapientissimus SALOMON similem esse ait urbi deruptæ et absque muro, PROVERB. 25. 28. Te verò ego nec vincere volebam nec vincire, sed vineto erroris compedes detrahare, errantem in rectam viam reducere, amissum CHRISTO lucrari, & DEO PATRI, ac ECCLESIAE MATRI, te restituere, &c. Ex toto corde

gratias *DEO* ago de tam prospero successu. Tu jam conversus, confirma Fratres tuos, *LUC. 22. 32.* Doce pravaricatores vias *DOMINI*, ut peccatores ad illum convertantur, *PSAL. 51. 15.* Qui convertit peccatorem ab errore viæ suæ, servabit animam à morte, et obteget multitudinem peccatorum, *IACOB. 5. 20.*

CAP. XX. PARS SECUNDA.

Exhibens quædam scriptorum Ecclesiasticorum testimonia à præcedentis Dialogi argumento non aliena.

HIERONYMVS, in MATTH. CAP. XV.

- I. *Scandalum nos offendiculum vel ruinam & impactionem pedis possumus dicere. Quando ergo legimus; Quicumque de minimis istis scandalizaverit quempiam, hoc intelligimus, qui dicto factorè occasionem ruina cuiquam dederit.*

Idem ibidem, in illa *DOMINI* verba, Sinite illos, cæci sunt, duces cæcorum, &c.

- II. *Hoc est quod Apostolus præceperat: Hæreticum hominem post unam & alteram correptionem devota: sciens quod perversus sit huiusmodi, & à semetipso damnatus. In hunc sensum & SALVATOR præcepit DOCTORES PESSIMOS DIMITTENDOS ARBITRIO SVO: sciens eos difficulter ad veritatem posse trahi: & COECOS ESSE, ET COECVM POPVLVM IN ERROREM trahere.*

Idem in Dialogo adversus Luciferianos.

- III. *Solent oculis clausis denegare qui non credunt factum esse quod nolunt.*

Cyprianus Lib. de Simplicitate Prælatorum.

Nemo per Confessoris exemplum pereat. Nemo iniustitiam, nemo insolentiam, nemo perfidiam de Confessoris moribus discat. Confessor est, sit humilis & quietus, sit in actu suo cum disciplina modestus, ut qui CHRISTI Confessor dicitur, CHRISTUM quem confitetur imitetur. ————— ceterum si culpabilis & detestabilis postmodum fuerit, si confessionem suam mala conversatione prodiderit, si vitam suam turpi fæditate maculaverit, si ECCLESIAM DENIQUE, ubi Confessor factus est, DE RELINQUENS ET VNITATIS CONCORDIAM SCINDENS, fidem primam perfidia posteriore mutaverit, blandiri sibi per confessionem non potest, quasi electus ad gloria premium, cum ex hoc ipso magis creverint merita penarum.

IV.

Nullius exemplo falli debemus ut schismatici sequamur.

Augustinus in Psalm. 30.

Quid est ut ACCIPERENT ANIMAM MEAM CONSILIATI SUNT? ut consentirem pravitatibus eorum: illis enim qui maledicunt, & non intrant, PARVUM EST QUIA NON INTRANT, ET ELICERE HINC VOLVNT VITUPERANDO. Si ejecerint te de Ecclesia, acceperunt animam tuam, id est, tenuerunt conscientiam tuam, & eris in circuitu tuo, non in mansione. Ego autem inter hæc opprobria, inter hæc scandala, inter hæc mala, inter istas seductiones, foris iniquitates, & perversitates intus, cum attenderem homines justos, & quærerem quos imitarer, & deessent, quid feci? quod consilium inveni? EGO

AVTEM IN TE SPERAVI DOMINE. Nihil salubrius, nihil securius. Volebas imitari nescio quem, invenisti illum non bonum. Tolle imitationem hanc, alium quaesisti, nescio quid displicuit tibi. Tertium quaesisti, & ipse non placuit. Numquid quia & ille, & ille displicuit, & tu peribis? TOLLE AB HOMINE SPEM, QVIA MALEDICTVS OMNIS QVI SPEM SVAM PONIT IN HOMINE. Si attendis adhuc hominem & cum quæris imitari & ex illo pendere, adhuc lacte vis nutriri, & fies Mammothreptus, quales dicuntur pueri qui diu sugunt, quod non decet. Etenim lacte ubi tanquam per carnem velle sibi cibum trahere, hoc idem est PER HOMINEM VIVERE. idoneus esto ad mensam, inde cape unde ille cepit. AVT FORTASSE NON CEPIT. Forte utiliter & in malum incidisti quem bonum putasti, ut in ubere quasi materno amaritudinem invenires, & ea offensione repellereris & ad cibum validiorem invitareris. Faciant enim hoc nutrices Mammothreptis, ut aliqua arena ponant in papillis suis, quibus offensi parvuli ab ubere resiliant, & ad mensam inibent. Ergo dicit, ERGO AVTEM IN TE SPERAVI DOMINE DIXI TV ES DEVS MEVS: Tu es DEVS meus, recedat Donatus, recedat Cæcilianus? nec ille, nec iste meus DEVS est. Non ad hominis nomen ambulo, CHRISTI Nomen teneo. Ipsum PAVLVM audi dicentem, nunquid PAVLVS pro tebis crucifixus est, aut in nomine PAVLI baptizati es? Perirem si essem de parte PAVLI? Quomodo non pereor, si fuero de parte Donati? PRORSVS RECEDANT HVMANA NOMINA, HVMANA CRIMINA, HVMANA FIGMENTA.

μαμ-
μόθρεπ-
τῶ.

In Te, DOMINE, speravi, dixi, Tu es DEVS meus, NON HOMO QVISQVAM, SED TV ES DEVS MEVS. Unus deficit, unus proficit: DEVS meus non deficit, neque proficit, nec habet quo proficiat perfectus, nec habet unde deficiat aternus.

Idem Lib. 2. contra Epistolam Parmeniani, Cap. 13.
de Donatistis loquens.

Cum ad pacem CHRISTI revocantur, Calumniatores sunt. Cum paci Donati consulunt, dissimulatores sunt. Quid est hoc aliud, quam quod eorum Magister Ticonius de illis ait, QVOD VOLVIMVS, SANCTVM EST.

VI.

Idem Lib. 2. contra secundam Gaudentij
Epistolam, Cap. 26.

Quamdiu vos non tenetis Ecclesiam quam prænunciaverunt Piscatores, [forte Prophetæ] Apostoli plantaverunt, tam diu Reges qui eam tenent, rectissimè ad suam curam judicant pertinere, ne vos adversus eam rebellatis impune.

VII.

Gregorius Lib. 7. Epiist. ex Regist. Cap. 6.

Qui non despici à præcipiente [CHRISTO] desiderat; præceptoris verba non renuat: quia & is quem vas electionis redemptor sibi noster testatus est esse, servare nos unitatè spiritus in vinculo pacis admonuit. Unde quisquis hoc se teneri salutis vinculo non recusat, QVÆ PACIS SVNT STYDEAT, ET LOCVM HOSTI NON PRÆBEAT, VT FACTA FORTIVS VALEAT VNITATE CALCARI, QVI IN FRATRVM SÆVA POTERAT DIVISIONE GRASSARI. Si verò, quod non optamus, erroris huius

VIII.

deprehēduntur jaculo vulnerati: Ecclesiastica adhortationis est adhibenda curatio: ut aut inter oves DOMINICAS, si sanati fuerint, permaneant: aut ab unitate Ecclesiastici corporis excidantur; quatenus & magnum ex damno modico lucrum fiat, & totum faciat liberum pars amissa. Nam & providi sollicitudo Pastoris ovem languidam qua curationem non recipit, ne alias languoris sui labe contamineat, à sanarum consortio non differt ejicere, sciens ceterarum se sanitatem non aliter nisi hujus posse ejectione servare.

Augustinus Epist. 161. De Schismate
Donatistarum.

- IX. *Ista omnia considerans [Donatista] si nimium perversus & pertinax esse noluerit, poterit ab omni vel aliena, vel propria seductione liberari. ——— Si aliquid asperè diximus, non ad amaritudinem dissensionis, sed ad correctionem dilectionis valere cognoscat.*

Gregorius Homil. 7. Super Ezechielem.

- X. *Magistra veritas ne in quorundam cordibus scandalum gigneretur, quod non debuit tributum dedit. (Matth. 17.) Et rursus, quia generari scandalum in quorundam cordibus contra veritatem vidit, in suo eos scandalo remanere permisit. (Matth. 18.) Ex qua re nobis considerandum est, quia in quantum sine peccato possumus, vitare proximorum scandalum debemus, si autem de veritate scandalum sumitur, UTILIUS PERMITTITUR NASCI SCANDALUM, QUAM VERITAS RELINQUATUR.*

Idem

Idem, in tertia parte curæ Pastoralis, Cap. 8.

*Aliter admonendi sunt impudentes, atque aliter ver-
recundi. Illos namq[ue] ab impudentia vitio non nisi IN-
CREPATIO DVRA compeſcit, iſtos autem ple-
runque ad melius exhortatio modeſta componit. Illi ſe
delinquere nesciunt, niſi etiam à pluribus increpentur,
iſtis plerumque ad conversionem ſufficit quod eis doctor
mala ſua ſaltem leniter ad memoriam reducit. ILLOS
MELIUS CORRIGIT QVI INVEHENDO
REPRÆHENDIT: iſtis autem maior proſectus
adducitur, ſi hoc quod in eis repræbenditur quaſi ex latere
tangatur. Impudentem quippe Iudaorum plebem DOMI-
NVS apertè increpans ait; Frons mulieris meretricis fa-
cta eſt tibi, noluiſti erubeſcere, &c.*

XI.

Vi flagellum
e quo, & capi-
trum aſino
convenit: ſic
virga neceſſa-
ria eſt tergo
ſtultorum.
Prov. 26. 3.

Hierem. 3.

Idem ibidem, Cap. 9.

*Aliter admonendi ſunt protervi, atque aliter puſilla-
mines. Illi enim dum valde de ſe præſumunt, exprobando ca-
teros dedignantur: iſti autem dum nimis infirmitatis ſue
ſunt conſci, plerumque in deſperationem cadunt. Illi ſingu-
lariter ſumma æſtimant cuncta quæ agunt, iſti vehementer
depecta putant eſſe quæ faciunt, & idcirco in deſperatione
franguntur. Subtiliter itaque ab arguente diſcutienda ſunt
opera protervorum, ut in quos ſibi placent, oſtendantur quia
DEO diſplicent. TUNC ENIM PROTERVOS
MELIUS CORRIGIMVS, CVM EA QVÆ
BENE EGISSE SE CREDVNT, MALE
ACTA MONSTRAMVS, ut unde adepta credi-
tur gloria, inde utilis ſubſequatur conſuſio.*

XII.

Sapientior eſt
piger in ocu-
lis ſuis, ſeptem
reſpondenti-
bus conſilium.
Prov. 26. 16.

AVGVSTINVS serm. 237. De tempore.

XIII.

Charitas non
gaudet de in-
justitia, con-
gauler autem
veritati. 1 Co-
rinth. 13, 6.

*Quod videris judica, quod non vides DEO di-
mitte: quando autem judicas dilige homines, oderis vi-
tium. NOLI PROPTER HOMINEM DI-
LIGERE VITIUM, NEC PROPTER VI-
TIUM ODISSE HOMINEM. Homo, prox-
imus est tuus. Vitium inimicum proximo tuo. Tunc
amas amicum, si oderis quod nocet amico ———
vis ut sis inimicus inimici tui? inimicus esse debeo
vitij tui. ——— MEDICVS NON
AMAT ÆGROTANTEM, SI NON
ODIT ÆGRITVDINEM. ut liberet aegrotum,
persequitur febrem: nolite amare vitia amicorum vestro-
rum, si amatis amicos vestros.*

Gregorius Lib. 4. Epist. ex Registro Cap. 80.

XIV.

*Pacem tunc veraciter tenemus, cum superborum cul-
pas, cum charitate simul & iustitia insistente persequi-
mur: cum eos diligimus, & eorum vitia odio habemus,
opus quippe DEI homo est, sed opus hominis vitium.
Nos ergo discernamus quid DEUS, quid autem
homo fecerit, & neque propter errorem odio habeamus
hominem, neque propter hominem diligamus errorem.*

Thomas Aquinas, in 2^a 2^a Quæst. 43. Art. 7.

XV.

*HIERONYMVS dicit, quod dimittendum est propter
scandalum omne quod potest pratermitti, salva triplici veritate,
scilicet, Vita, Iustitia, & Doctrina.*

Idem

Idem ibidem.

Cum scandalum activum sit dictum vel factum minus rectum, nihil est cum scandalum activo faciendum. Habet autem locum questio, si intelligatur de scandalum passivo, considerandum est ergo quid sit dimittendum, ne alius scandalizetur. Est autem in spiritualibus bonis distinguendum. Nam quaedam horum sunt de necessitate salutis, quae praeferri non possunt sine peccato mortali, manifestum est autem quod NULLVS DEBET MORTALITER PECCARE VT ALTERIVS PECCATVM IMPEDIAT; Quia secundum ordinem charitatis plus debet homo suam salutem spirituales diligere, quam alterius: & ideo ea quae sunt de necessitate salutis non debent praeferri propter scandalum vitandum. IN HIS AVTEM SPIRITUALIBVS BONIS, QVÆ NON SVNT DE NECESSITATE SALVTIS, VIDETVR DISTINGVENDVM; quia scandalum quod ex iis oritur quandoque ex malitia procedit, cum scilicet aliqui VOLVNT IMPEDIRE HVIVS-MODI SPIRITVALLIA BONA, SCANDALLA CONCITANDO. & hoc est SCANDALLVM PHARISÆORVM, qui de doctrina DOMINI scandalizabantur: quod esse contemnendum DOMINVS docet MATTH. 15, quandoq; verò scandalus procedit ex infirmitate vel ignorantia, & huiusmodi est SCANDALLVM PUSILLORVM, propter quod sunt spiritualia bona vel occulta, vel etiam interdū differenda; ubi periculum non imminet, quousque reddita ratione, huiusmodi scandalum cessat. SI AVTEM POST REDDITAM RATIONEM HVIVS-MODI SCANDALLVM DVRET, IAM VIDETVR EX MILITIA ESSE. Et sic propter ipsam non sunt huiusmodi spiritualia opera dimittenda.

XVL

Scandalum
Phariseorum.Scandalum
Pusillorum.

Quando transeat in malitiosum.

Idem ibidem.

- XVII. *Est de necessitate salutis, ut contrarium veritati non doceat, sed veritatem secundum congruentiam temporis, & personarum proponat ille, cui incumbit docendi officium. Et ideo PROPTER NVLLVM SCANDALVM QVOD SEQVI VIDEATVR, DEBET HOMO, PRÆTERMISSA VERITATE, FALSI-
TATEM DOCERE.*

Idem ibidem.

- XVIII. *Dicendum, quod in veritate vita, doctrina, & iustitie, non solum comprehenditur id, quod est de necessitate salutis, sed etiam id per quod perfectius venit ad salutem.*

Idem eadem Quæstione, Art. 8.

- XIX. *Aliquando scandalum nascitur ex malitia: quod est scandalum Phariseorum. Et PROPTER EOS QVI SIC SCANDALA CONCITANT, NON SVNT TEMPORALIA DIMITTENDA: quia hoc & noceret bono cōmuni; daretur enim malis rapiendi occasio; & noceret ipsis rapientibus, qui retinendo aliena, in peccato remanerent.*

IOANNES CALVINVS, Lib. 3. Institut.
Cap. 19. §. 10.

- XX. *Fratrum infirmitatem sic suslineri à nobis decet ne quid temere admittamus cum eorum offenculo. Verum interdum quoque INTEREST, CORAM HOMINIBVS ASSERTI NOSTRAM LIBERTATEM.*

Idem

Idem ibidem, §. II.

Scandalum in re aliqua datum dicitur, cujus culpa ab XXI.
autore rei ipsius profecta est. Scandalum acceptum vocatur, cum RES ALIOQVI NON IMPROBE NEC IMPORTVNE ADMISSA, MALEVOLENTIA AVT SINISTRA QVADAM ANIMI MALIGNITATE IN OFFENSIONIS OCCASIONEM RAPITVR. Non enim hic datum erat scandalum; sed *significari illi interpretes* SINE CAUSA accipiunt. Priore illo scandali genere non nisi infirmi offenduntur: hoc autem secundo acerba ingenia, & Pharisaica suspensilia. Quare alterum vocabimus scandalum infirmorum, alterum Phariseorum: ac sic libertatis nostrae usum temperabimus, ut fratrum infirmorum ignorantia cedere debeat: Phariseorum austeritati nequaquam. ——— Phariseorum autem offensus quanti sit facienda, discimus ex verbis DOMINI, quibus jubet omitti illos, quia CÆCISVNT DVCESCÆCORVM. Admonuerant Discipuli, eos sermone ipsius offensos fuisse. Respondet negligendos, NEC CVRANDAM ESSE eorum offensionem.

MATH. 18

Idem ibidem, §. III.

Quicquid autem de cavendis offendiculis docui, ad res XXII.
medias, & indifferentes referri volo. Nam quae necessaria sunt facta, nullius offendiculi timore omitte da sunt. Quemadmodum enim charitati subjicienda est nostra libertas: ita sub fidei puritate subsidere vicissim charitas ipsa debet. Equidem & hic charitatis rationem habere decet, sed usque ad aras: hoc est ne in gratiam proximi DEVM offenda-

" *mus. Non est probanda eorum intemperies qui nihil nisi*
 " *tumultuando agunt, & qui perrumpere omnia malunt*
 " *quam dissuere. At nec audiendi sum qui cum in mille*
 " *impietatis formas duces se præbent, sit sibi agendum fin-*
 " *gunt ne proximis sint offendiculum. Quasi non interim*
 " *proximorum conscientias in malum adificent: præsertim*
 " *ubi nulla spe exiit in eodem semper hærent luto. Et*
 " *SVAVE S HOMINES, seu doctrina, seu vitæ exemplo sit*
 " *instituentus proximus, aut lacte pascendum esse, quem*
 " *pestimis exitiis & opinionibus induunt.*

Ex Concilij Oecumenici quinti, colla-
 tione octava.

XXIII. *Apostoli nos admonitiones in corde habentes, quod unus-*
quisque pro se rationem reddet DEO; timentes au-
tem & iudicium imminens eis, qui vel unum ex minimis
scandalizant, QVANTO MAGIS Imperatorem ita
Christianissimum, & populos, & Ecclesias totas?

Hæc dicunt Patres, de obstinatione VIGILII, Pa-
 pæ ROMANI, qui cum tempore illius Concilii esset
 CONSTANTINOPOLI, eumque & Imperator
 IVSTINIANVS monuisset, & Patres Synodici horta-
 ti essent, ut Concilio interesset, abnuvit, quia trium illo-
 rum capitulorum damnationem, propter quam Impera-
 tor Concilium convocaverat, non cupiebat VIGI-
 L I V S; metuens offensionem multorum Occidenta-
 lium, qui illam trium illorum capitulorum damnatio-
 nem perperam interpretabantur, ac si esset contraria de-
 finitioni Synodi CHALCEDONENSIS. Istorum
 fugiens VIGILIVS displicentiam inobsequens fuit
 iusto Principis mandato: neque Patribus Synodicis aus-
 cult:

cultavit. Quamvis postea deposita pertinacia susceperit decreta Synodica. Idemque fecerunt ejus Successores Episcopi ROMANI, non obstante offensione Schismaticorum, qui non pauci erant in Occidente, etiam Episcopi & Presbyteri, cum suis plebibus, diu contemnentes illam Synodum ejusque decreta, & se à ROMANÆ Ecclesiæ aliarumque Synodum recipientium Ecclesiarum communione propterea segregantes. Donec tandem agnito suo errore justum Synodi judicium agnoverunt, & ad unitatem Catholicam redierunt.

IN CONCILIO OECUMENICO SE-
CVNDO, CAN. 6.

Hereticis non liceat Orbidos Episcopos pro rebus Ecclesiasticis accusare. Hereticos dicimus & qui olim ab Ecclesia abdicati sunt, & qui sunt postea à nobis anathematizati. Ad hac autem & eos, qui se ipsam quidem fidem coniteri præ se ferunt, avulsi autem sunt, & abscessi, & adversus Canonicos nostros Episcopos congregationem faciunt.

Sed si nonnulli nec Heretici, nec excommunicati fuerint, nec prius damnati, vel aliquorum criminum accusati, dicant autem se habere aliquas adversus Episcopum criminationes; eos jubet Sancta Synodus PRIMUM quidem apud provincie Episcopos accusationem persequi, & apud eos probare crimina Episcopi, qui aliquarum rerum accusatur. QVOD SI everserit, ut provinciales Episcopi crimina quæ Episcopo intentata sunt, corrigere non possint, TUNC ipsos accedere ad majorem Synodum diæcesis illius Episcoporum pro hac causa convocatorum, & accusationem non prius intendere, quam æquale periculum sibi statuant, siquidem in rebus examinandis accusatum Episcopum calumniari convicti fuerint. Si quis autem is, quæ, ut prius declaratum est, decreta sunt, contemptis, ausus fuerit vel imperatoris aures molestia afficere, vel secularium principum judicia, vel universalem Synodum perturbare, neglectis diæcesis Episcopis; cum

XXIV.

Schismatici
accusantes
Episcopos
non sunt au-
dendi.

Non sunt mo-
lestia afficien-
da aures Re-
giæ contemp-
to ordine Ec-
clesiastico.


nullo modo esse ad accusationem admittendum, ut qui canonibus injuriam fecerit, & Ecclesiasticum ordinem [τὴν ἐκκλησιαστικὴν εὐταξίαν] everterit.

In Concilio Milevitano secundo (quod celebratum est Anno DOMINI 416. cujus pars fuit B. Augustinus, Episcopus Hipponensis) Can. 19.

XXV. Placuit, ut quicumque ab imperatore cognitionem judiciorum publicorum petierit, honore proprio privetur, si autem Episcopale judicium ab imperatore postulaverit, nihil ei obfit.

Item, in eodem Concilio, Can. 20.

XXVI. Placuit, ut quicumque Clericus, propter necessitatem suam alicubi ad comitatum ire voluerit, formatam ab Episcopo suo accipiat. Quod si sine formata voluerit pergere, à communione removeatur. Quod si alicubi ei repentina necessitas orta fuerit ad comitatum pergendi, alleget apud Episcopum loci ejus ipsam necessitatem, & de hoc scripta ejusdem Episcopi deferat.



CAPVT XXI.
DE DIE IEIUNI.



ON quarimus nunc utrum debeant esse stata quædam anniversaria aut hebdomaria Ieiunia, vel an solis extraordinariis Ieiuniis locus in publica devotione esse debeant: Sed quæstio nostra est, Quis dies hebdomadis sit publico Ieiunio, siue ordinario, siue extraordinario, convenientior: Dominicus ne, an alius dies: seu quo die Ieiunare conveniat.

*Status
quæstionis.*

Hanc & aliquot sequentes quæstiones cogor brevius attingere,

*Extremo quia jam sub fine laborum
Vela traho, & terris festino advertere proram.*

Summam responsionis ad hanc quæstionem his paucis complectemur Propositionibus.

Prima Propositio: *De jure divino, nec nefas, nec necesse est Ieiunare die Dominico.*

Hoc enim lege divina, nec imperatum est, nec prohibitum. Ego (inquit AUGUSTINVS) in Evangelicis & Apostolicis literis, totoq; instrumento quod appellatur Testamentum novum, animo id revolvens, video præceptum esse Ieiunium. Quibus autem diebus non oporteat Ieiunare, & quibus oporteat, præcepto DOMINI vel Apostolorum non invenio definitum. Hæc AUGUSTINVS, Epist. 85. ad Casulanum. Vbi etiam plura invenies huc spectantia.

Vide etiam Hieronymum, in Epist. ad Lucinium, quæ incipit,

capit, *Nec opinanti mihi.* Vide & Nicolaum Vedelium, in Exercitatione in Ignatii Epist. ad Philippenſes, Cap. 5. Considera Analogiam Festi expiationis in Lege Moſaica, quod per omnes hebdomadis dies erat mobile, ſervato certo menſis die. Papiſtæ videant etiam Bellarm. Lib. 2. De bonis operibus, Cap. 23. §. Sed illud.


Secunda Propoſitio: *Niſi neceſſitas aliqua cogat die Dominico jejunare, convenientius eſt ut jejunium alio potiùs hebdomadis die celebretur.*

Ratio hujus Propoſitionis, eſt ea ipſa propter quam obſervamus diem Dominicum; nempe, quia in memoriam Reſurrectionis DOMINI hanc hebdomadariam habemus lætam feſtivitatem: neque (extra caſum neceſſitatis) convenit *feſtivitatem ſpiritualis hujus beatitudinis jejunio impedire*; ut monet Hilarius, in Prologo in explicatione Pfalmodum. Ideo Tertullianus, Lib. de Corona militis, Cap. 3. *Die Dominico, inquit, jejunium nefas dicimus, vel de geniculis adorare.* (Nempe, illo tempore, contra laudabilem totius Eccleſiæ conſuetudinem utrumque nefas; propter contemptum & ſcandalum: nunc autem utrumque fas; quamvis adoratio de geniculis feſtivitati diei Domini minùs inconviens videatur, quàm jejunium.) Manichæi Hæretici, mortem & reſurrectionem DOMINI negantes, delegerunt diem Dominicum ad jejunandum, in contemptum Catholicorum & Orthodoxæ Fidei: eodem die jejunabant Priſcillianiſtæ Hæretici; eoque vigilantius caverunt Catholicis ne jejunarent die Dominico, ſed feſtivitatis lætitia veritatem contra Hæreticos palam, & conſtanter profiterentur, ut patet ex Auguſt. Epist. 86. ubi vide plura. Propter ſuperbos Eccleſiæ contemptores, Euſtathianos, denunciatum eſt Anathema jejunantibus die DOMINICO: (nempe cum contemptu Eccleſiaſtica *ἐνταξίας*) in Concilio Gangrenſi, Can. 18. Quod Concilium circa magni Nicæni

Nicæni primi Concilij Oecumenici tempora celebratum est.

Tertia Propositio: In publica jejuniij observatione agendum est, sicut agit Ecclesia in qua degimus.

Aliter, per contemptum, facientibus Anathema dictum est, in Concilio Gangrensi, Can. 19. Quod Gangrense decretum repetitum est, Anno DOMINI 813, in Concilio Moguntiaco, Cap. 35. & Anno DOM. 816, in Concilio Aquisgranensi, Cap. 69. & inseruit Decreto Gratianus 30 Dist. Can. *Si quis eorum*. Huc pertinet illud Ambrosij; *Quando hic sum, non jejuno Sabbato; quando Roma sum, jejuno Sabbato: & ad quamcunque Ecclesiam veneritis, ejus morem servate, si pati scandalū non vultis aut facere.* Hæc Ambrosius apud Augustinum, Epist. 86. Vbi Augustinus hæc sua verba subjungit; *Mos eorum mihi sequendus videtur, quibus eorum populorum congregatio regenda commissa est. Quapropter si consilio meo, præsertim quia in hac causa plus forte, quam satis fuit te petente atque urgente loquutus sum, libenter acquiescis, Episcopo tuo in hac re noli resistere, & quod facit ipse, sine ullo scrupulo vel disceptatione, sectare.* Hæc August. Epist. 86. ad Casulanum. Vide supra Cap. 2. & Cap. 3. & Cap. 7.



CAPVT XXII.

De recitatione Orationis Dominicæ.



PROPOSITIO prima. ORATIONEM DOMINICAM, nobis tradidit DOMINVS, non solum ut regulam ad quam alias Orationes conciperemus; sed etiam ut Orationem quam precantes diceremus.

Nam DOMINVS non solum tradidit canones precandi, sed etiam precationem hanc Canonicam conceptis verbis composuit, & nobis non solum imitandam, sed etiam in precibus dicendam eam commendavit, inquit; *Sic igitur orate vos*, PATER NOSTER, &c. Matth. 6. 9. (Confer Num. 6. 23.) Item, *Quando oratis, dicitur*, PATER NOSTER, &c. Luc. 11. 2. Ecce hanc precationem nos non solum imitari, sed etiam DICERE iussit. Vtilissimum infirmitatis nostræ, & non contemnendum subsidium, perfectumque defectuum precationum nostrarum supplementum nobis misericorditer suppeditans, quo uti etsi non semper necesse est, sæpè tamen convenit, & est valdè tutum, DOMINO verba suggerente, eorumque usum commendante. Quæ enim (inquit CYPRIANVS) potest magis spiritualis esse oratio, quam quæ à CHRISTO nobis data est, à quo nobis & Spiritus sanctus missus est? Quæ vera magis apud PATREM precatio, quam quæ à FILIO, qui est Veritas, de ejus ore prolata est? Ut aliter orare quam docuit non ignorantia sola sit, sed & culpa, quando ipse posuerit, & dixerit, Rejicitis mandatum DEI,

MATH. 15

IOAN. 16

ut traditionem vestram statuatis. Oremus itaque fratres dilectissimi sicut Magister DEVS docuit. Amica & familiaris oratio est DEVM de suo rogare: ad aures ejus ascendere CHRISTI ORATIONEM. AGNOSCAT PATER FILII SUI VERBA, cum precem facimus. Qui habitat intus in pectore, ipse sit & in voce. Et cum ipsam habeamus, apud Patrem, Advocatum pro peccatis nostris, quando peccatores pro delictis nostris petimus, ADVOCATI NOSTRI VERBA PROMAMVS. Nam cum dicat, quia, quodcumque petieritis à Patre in Nomine meo, dabit vobis: QVANTO EFFICACIVS impetramus quod petimus in CHRISTI Nomine, SI PETAMVS IPSIVS ORATIONE. Hæc Cyprianus, in serm. de Oratione Dominica.

Secunda Propositio. Apostoli eosq; sequuta Catholica Antiquitas precantes vsi sunt recitatione Orationis Dominicæ.

AUGUSTINVS, Epist. 59. Quæst. 5. loquens de Orationibus, quæ fiebant in celebratione CENÆ DOMINICÆ; Quam totam, inquit, petitionem ferè omnis Ecclesia Dominica Oratione concludit. Hæc ille.

GREGORIUS, Lib. 7. Epist. ex Regist. Cap. 63. Orationem, inquit, DOMINICAM idcirco post precem dicimus; quia mos Apostolorum fuit, ut ad ipsam solummodo orationem oblationis hostiam consecrarent. Et valde mihi inconueniens visum est, ut precem quam Scholasticus composuerat, super oblationem diceremus, & ipsam traditionem quam Redemptor noster composuit, super ejus corpus & sanguinem non dicere. Sed DOMINICA oratio apud Græcos ab omni populo dicitur; apud nos autem a solo Sacerdote. Hæc Gregorius, hujus nominis primus, Episcopus Romanus.

Vide Tertulliani librum de oratione.

Tertia Propositio: In omnium reformatarum Ecclesiarum liturgiis recitatio orationis Dominica fieri iubetur. Hæc Propositio ulteriore non eget probatione inipientibus ipsas liturgias.

Nemo reprehendit quod Psalmos D A V I D I C O S D E O decantamus, aut quod sollempni illa benedictione, quam partim Aaroni D E V S per Moſen dictavit, (Numer. Cap. 6. Verſ. 24. &c.) Partim Apoſtolus Paulus nobis ſcriptam reliquit, (2. Cor. 13. 14.) Paſtores noſtri populo benedicant. Quid admittit in nos D O M I N U S I E S V S, ut Orationem, ab illo compoſitam, & nobis ad D I C E N D U M traditam dicere reſugiamus? annon ipſe eſt idem ille vnicus verus D E V S, Author Pſalmorum, & benedictionum, & huius orationis, quam ab Authore Dominicam appellamus? Vide ſupra, Cap. 13.



C A P V T XXIII.

Occurrendum eſt erroribus, & fieri debet errorum abjuratio.

AUGUSTINVS in Pſalmum 49.

I.



TSI non facis, & laudas quod ſit, aſtipulator es facti.

Idem ibidem.

II.

OS TVVM ABVNDAVIT MALITIA, ET LINGVA TVA AMPLEXA EST DOLOSITATEM.] Malevolentiam

tiam & dolositatem, fratres, quorundam hominum dicit, qui per adulationem quamvis sciant mala esse que audiunt, ne offendant eos à quibus audiunt, non solum non reprehendendo sed tacendo consentiunt.

Idem ibidem.

Precipitas hominem incautè vitia sua proferentem, & an sint vitia nescientem, tu qui scis vitium esse, non dicis corruisse illum. III.

Gregorius Lib. 7. Epist. ex Registro, Cap. 6.

Nam quomodo sine erroris suspitione sit qui patientiam præstat erranti? aut quam de se estimationem præbeat, si ea que fervor fidei postulat aperta purgari satisfactione non prævidet. — qui non corrigit refecanda, committit. IV.

VICTOR, Episcopus CARTHAGINENSIS, in Epistola ad THEODORVM Papam ROMANVM, quæ extat in Actis Concilij illius LATRANENSIS, quod prælide MARTINO primo Papa ROMANO, THEODORI immediato successore celebratum est: Anno DOM, 642.

A beato Fælice Apostolica vestra sanctitatis Predecessore dictum est; Negligere quippe, cum possis deturbare perversos, nihil est aliud quam fovere: nec caret scrupulo societatis occulta, qui manifesto facinori desinit obviare. V.

Hæc Victor, hortans Theodorum, ut Monothelitis Hæreticis vigilanter resistat, ne culpæ taciturnitatis teneatur obnoxius. Extat hæc Epistola, in Secretario secundo illius Concilij.

Isidorus Hispalensis, Lib. 3. de summo
bono, Cap. 42.

VI. *Hac est in DEI Sacerdotibus vera discretio; qua
nec per libertatem superbi, nec per humilitatem remis-
si sunt.*

Ioannes Calvinus, Lib. Epist. Col. 461.

VII. *Nos consulitis, an adigendi sint ad fidem suam
publicè testandam, qui se in Ecclesiam admitti postu-
lant. ——— Non videmus cur grave sit homi-
ni, qui inter Ecclesie domesticos censerit vult, CHRI-
STO capiti in solidum nomen dare, quod fieri non
potest, nisi DISERTE SUBSCRIBAT SINCE-
RÆ PIETATI, ET INGENVE ERRO-
RES DAMNET, QVIBVS SINCERITAS
RELIGIONIS CORRUMPITVR. IAM
ERRORVM DETESTATIO SÆPE EX
CIRCVMSTANTIA TEMPORVM PEN-
DET, QVIA PROVT NOVAS TVRBAN-
DI RATIONES EXCOGITAT SATAN,
PRVDENTER OCCVRRERE NECESSE EST.
Scimus quantopere nobis commendat Paulus vnitatem Spi-
ritus in vinculo pacis. Porro ad fovendam & retinendam
inter pios consensum, PLVS QVAM NECESSARIA EST
illa solennis fidei professio. Denique quiunque optabunt
Ecclesiam DEI stare incolumem, non agre ferent, hoc
adminiculo cam fulciri. Non patamur esse, qui litem
moveant de generali illa professione: sed frigeret illa, nisi
DISTINCTE QVISQVE TAM HÆRETI-
CIS, QVAM PERVERSIS DOGMATI-
BVS RENVNCIET.*



CAPVT XXIV.

Contra juramentum dolosum.



DOLOSITAS est *fraus quædam in verbis, aliud promendi, aliud sentiendi*, inquit Augustinus, in Plalm. 49. mentiri & fidem quandoque negare, docebant Hæretici Helcesaitæ [Euseb. Lib. 6. Hist. Ecclesiast. Cap. 31. 24.] & Priscilianistæ [August. Lib. contra mendacium, ad Consentium, Cap. 11.] quorum erat illud axioma,

Iura, perjura, secretum prodere noli;

teste Augustino, in libro de Hæresibus ad QVODVLT-DEVM, Hæres. 70.

De perjurio doloso diximus in explicatione tertii præcepti. De nefaria etiam arte illa mentiendi, quam æquivocationem vocant, per quam evertitur legitimus sermonis usus, & commercium inter homines labefactatur, & omnis necessitas confitendi CHRISTVM coram hominibus prorsus tollitur, & Martyrum Passiones evacuantur, & de hominum societate omnino perit humana societas, & discrimen omne inter veriloquium, et mendacium quoad homines evanescit, disseruimus in explicatione noni præcepti, et in Isagoge, Cap. 5. Part. 7. Sect. 2.

Iuramentum (inquiunt) non est vinculum iniquitatis, propterea non obligat iuramentum ad faciendum rem malam, quam te facturum jurasti.

M m m

• Respond

Respondeo: Hoc quidem verum est, sicut docuimus supra, Lib. 1. Cap. 9. §. 2. At æque verum est illum sumere DEI Nomen in vanum, quicumque jurat se facturum rem illicitam, aut etiam rem quamcunque quam non intendit exsequi: vel qui assertoriè jurat aliquid esse verum, quod non certò scit esse verum. Regula enim juramenti liciti est, ut juremus *in veritate, in judicio, & in justitia*: Hierem. 4. 2. Quicumque igitur vel assertoriè jurat quod verū non est, aut quod ipse non certò scit & firmiter credit esse verū, vel promissoriè jurat aliquid in se injustum, aut quod non certò scit firmiterque credit esse justum, aut quod non intendit facere; ille sumit Nomen DEI in vanum, adeoque perjurus est, vel incauto, vel injusto, vel doloso perjurio.


Lubet hic uti verbis Augustini; *Sunt, inquit, in eis docti, qui etiam regulas figant sineq; constituent, quando debeat, quando non debeat pejerari. O ubi estis fontes Lachrimarum? Et quid faciemus? Quo ibimus? Vbi nos occultabimus ab ira veritatis, si non solum negligimus cavere mendacia, sed audemus insuper docere perjuriam?* Hæc August. Lib. contra mendacium, Cap. 18.

Si iniquitas est promittere, cur promittunt? Cur non apertè profitentur neque promittere se posse sine peccato, neque præstare quod promiserint, ut ab eorum imposturis cavere possimus, eorumque dictis & juramentis fidem non adhibeamus? *Nefas est, inquit Lactantius, eum qui veritati studeat, in aliqua re esse fallacem, atque ab ipsa, quam sequitur, veritate discedere. In hac justitia virtutumq; omnium via, nullus mendacio locus est. Itaque viator ille verus, ac justus non dicet illud Lucilianum;*

Homini amico, ac familiari non est mentiri meum:

sed

sed etiam inimico, atque ignoto existimabit non esse mentiri suum. Nec aliquando committet, ut lingua interpret animi, à sensu, & cogitatione discordet. Hæc Lactantius, Lib. 6. divinarum institutionum, qui est de vero cultu, Cap. 18.



CAPVT XXV.

De Synodorum utilitate & necessitate.

In Canonibus, qui Apostolorum dicuntur,
Canon. 36.



IS in anno fiat Episcoporum Synodus, & inter se examinent decreta Religionis, & incidentes Ecclesiasticas controversias componant. I.

In Concil. Nicæn. 1. Can. 5.

Placuit, annis singulis per unamquamque provinciam bis in anno Concilia celebrari, ut communiter omnibus simul Episcopis congregatis provincia, discutiuntur hujusmodi quæstiones. II.

Concil. Antioch. Can. 20.

Propter usus Ecclesiasticos & pro componendis controversiis, rectè habere visum est, ut Synodi Episcoporum in unaquaque provincia fiant bis in anno. III.

Idem, decretum est in Concilio CHALCEDONENSI, Can. 19. ut sciz. bis in anno Episcopi cujusque Provin-
ciæ in unum locum, qui à Metropolitano designatus fuerit,
Synodice convenient. Et ea quæ in doctrina aliisve nego-
tiis Ecclesiasticis correctione indigent, corrigant. Qui-
cunque verò non advenerint Episcopi, resident autem in
suis civitatibus, & quidem, si in sua incolumitate consistunt,
omniq; inevitabili [*ἀνεγμήτῃ*] et necessaria occupatio-
ne liberi sunt, eos decernit Synodus CHALCEDONENSIS
fraternè corripiendos. Vide GRATIAN, 18. Dist.

In Concilio Arelatenſi ſecundo (quod celebra-
tum eſt vergente quarto ſeculo) Can. 19.

- V. *Si quis adesse neglexerit, aut ceterum fratrum, antequam dissolvatur Concilium, crediderit deserendum, alienum se à fratrum communione cognoscat, nec eum recipi liceat nisi in sequenti Synodo fuerit ab- solutus.*

In Concilio Carthag. 4. Can. 21.

- VI. *Ut Episcopus ad Synodum ire non sine satis gra- vi necessitate inhibeatur: sic tamen, ut in sua persona le- gatum mittat, suscepturus, salva fidei veritate, quic- quid Synodus statuerit.*

In Concil. Carthag. 3. Can. 104

- VII. *Placuit, ut quotiescunque congregandum est con- cilium, Episcopi, qui neque atate, neque agritudi- ne, neque alia graviore necessitate impediuntur, competenter occurrant, &c.*

Postea

Postea in Consilio Agathensi, Can. 71. five VIII. ult. Anno DOMINI 506. et in Concilio Toletano 4. Can. 3. Anno DOMINI 633. (cujus verba inferius exhibebo.) & in quinisexta Synodo, Can. 8. Anno DOMINI 692. statutum est, ut quoniam in quibusdam Regionibus duæ Synodi quotannis haberi commodè non possunt, una saltem singulis annis in unaquaque Provincia habeatur.

Necessitatem verò, et utilitatem Synodorum luculenter declararunt Patres CONSTANTINOPOLITANI, in Concilio œcumenico quinto: et Patres TOLETANI, in Concilio illo TOLETANO quarto: utriusque Concilii verba subjiciam.

In quinta Synodo œcumenica, quæ Constantinopoli celebrata est Anno DOMINI 553. in collat. 8. in præfatione sententiæ Synodicæ, sic loquuntur illi 165. Patres.

Licet sancti Spiritus gratia & circa singulos Apostolos abundaret, ut non indigerent alieno consilio ad ea quæ agenda erant, non tamen aliter voluerunt de eo quod movebatur, si oporteret gentes circumcidi, definire, priusquam cõmuniter congregati, divinarum Scripturarum testimoniis unusquisque sui dicta confirmaverunt. Unde cõmuniter de eo sententiam protulerunt, ad gentes scribentes. — Sed & sancti Patres qui per tempora in sanctis quatuor Conciliis convenerunt, antiquis exemplis utentes, cõmuniter de exortis hæresibus & questionibus disposuerunt, certò constituto, quod in cõmunibus disceptationibus cum proponuntur quæ ex utraq; parte discutienda sunt, veritatis lumen tenebras expellit.

M m m 3

IX. mendacij.

mendacij. Nec enim potest in cōmunibus de fide disceptationibus aliter veritas manifestari, cum unusquisq; proximi adjutorio indiget, sicut in Proverbiis dicit Salomon, Frater fratri adjutorium præsians exaltabitur sicut civitas munita, valet verò, sicut regnum fundatum. Et iterum in Ecclesiaste dicit, Potiores duo quam unus, quibus est merces bona in labore ipsorum. Sed etiam ipse Dominus dicit, Amen dico vobis, si duo ex vobis convenerint super terram, de omni re quamcunque petierint, continget illis à Patre meo qui in cœlis est. Ubicunque enim fuerint duo aut tres collecti in Nomine meo, ego cum eis sum in medio ipsorum.

In Concilio Toletano quarto, (quod celebratum est Anno D O M. 633.) Can. 3.

X.

Nulla pæne res disciplina mores ab Ecclesia CHRISTI magis depulit, quam Sacerdotum negligentia, qui contemptis Canonibus ad corrigendos Ecclesiasticos mores Synodum facere negligunt. Ob hoc à nobis universaliter definitum est, ut, quia juxta antiqua Patrum decreta, bis in anno difficultatis temporis fieri Concilium non sinit, saltem vel semel à nobis celebretur. Ita tamen, ut si causa fidei est, aut qualibet alia Ecclesie communis, generalis totius Hispania & Gallia Synodus convocetur: si verò nec de fide, nec de communi Ecclesie utilitate tractabitur, speciale erit Concilium uniuscujusque provincie, ubi Metropolitanus elegerit peragendum.

CON-



CONCLUSIO HUIUS

I R E N I C I .

Hortatio Apostolica.

I. CORINTH. I. 10.

*Hortor autem vos, Fratres, per Nomen DOMINI nostri
IESU CHRISTI, ut idem loquamini omnes, & non sint
inter vos schismata, sed sitis coagmentati in eadem mente,
& in eadem sententia.*

Precatio Apostolica.

ROM. 15. 5. 6.


DEUS autem patientia & consolationis, det vobis
ut eodem animo inter vos mutuò affecti sitis secundum
CHRISTVM IESVM,

Δοξολογία Apostolica.

EPHES. 3. 20. 21.

*Ei verò, qui potest infinita cum redundantia facere om-
nia super ea, quæ petimus, aut mente concipi-
mus, pro vi illa agente in nobis, sit glo-
ria in Ecclesia, per CHRISTVM
IESVM, in omnes ætates seculi
seculorum: Amen.*

FINIS.





Lege

Pag. 56. Lin. 23. præsidentia. p. 59. l. 19. profigato. p. 8. l. 6. subjaceant. l. 31. eligat. p. 141. l. 17. *ἰσχυρῶς*. in Marg. Part. 4. Num. 14. p. 143. l. 4. elucebit. p. 145. l. 18. Canon. 34. p. 168. l. 3. Rabano. p. 189. l. 2. confirmatio. p. 231. l. 3. Aphthartodocitarum. l. 4. arg. 17. p. 248. l. 22. ad significandum. p. 249. l. 16. *ἕως*. p. 254. l. 1. sine. p. 262. l. 14. Hinc. p. 263. l. 1. geminam l. 2. inscribitur. p. 271. l. 13. illa. p. 279. & seqq. usque ad 297. in titulo pag. De Papa Romano. p. 287. l. 31. Bonifacium. l. ult. quidem. p. 296. l. 30. Vide. p. 297. l. 11. vnus. p. 303. l. 25. ineptiis. p. 306. l. 9. fit. p. 331. l. 29. capita tegant. l. penult. infirmis. l. ult. eximamus. p. 336. l. antepenult. sursum sunt. p. 337. l. 1. submove-ret. l. 27. Incarnationis Dominicæ. p. 346. l. 16. donum. p. 348. l. 1. *ὅψα*. p. 354. l. 13. fieret. p. 399. l. 27. tremen-dum. p. 403. l. 19. incumbere. p. 404. l. 28. vobis. p. 410. l. 17. pernegabit. p. 413. l. 20. obfirmatis. p. 435. l. ult. restituere. Et ex. p. 438. l. 22. ego autem in te speravi. p. 441. l. 21. despecta. p. 446. l. 10. imbuunt.

Dele

P. 321. l. 23. omina. p. 331. l. 2. & super illud obrulerunt.

Reliqua lectoris iudicio & benignitati relinquimus.

Quædam transposita sic restitue.

PAG. 208. Adversus Luciferianos. Et qui hoc postea negarunt fieri rectè posse, *LUCIFERIANI*, Schismaticis, & propter obstinatam animositatem etiam Hæreticis annumerati sunt. *AUGUSTINVS* autem disertè scribit ordinem in ea hæresi acceptum in qua baptizatos recipimus, non esse iterandum, sed esse verum ordinem; Lib. 2. contra Epistolam Parmeniani, Cap. 13. Et eam Augustini doctrinam.

PAG.

PAG. 59. *Gregorii*, qui trinam ipse adhibens mentionem, fatetur unam nullatenus esse possereprehensibilem.

PAG. 251. & 252. Vt loquitur *Damasus*. Epist. 5. Quam expositionem confirmare videntur prima illa verba, Can. 10. *Antioch.* τὰς ἐν τῷ κώμῳ, ἢ τῷ χωρίῳ, ἢ τὰς καλεμέναις χωρεπισκόπαις. Vbi pro eodem ponuntur hæ duæ descriptiones; nempe, 1. *Qui sunt in vicis, vel pagis*: 2. Et quasi exegetice, *vel qui Chorepiscopi nominantur*, ut omnis Episcopus in villis sit Chorepiscopus. Et secundum hanc expositionem necesse erit dicere Conciliū *Laodicenum* decrevisse, ut deinceps non constituerentur Chorepiscopi.

Dele.

PAG. 25. lin. 7. in prima figura.

PAG. 429. lin. ult. vel ab Ecclesia *Romana*. PAG. 430. 1. 3. *Romanam* ac.

Omissa vel addenda suis locis inferere, & quædam mutanda seu aliter legenda sic lege.

PAG. 20. Post illa verba; *Frequenti communicantium cœtu*. inferere: Olim in *Ægyptiacis* cœnis, mensæ non apponebantur, sed patinæ circumtereabantur. Vt ex *Protagoride* refert *Athenæus* apud *Henr. Stephanum* in Appendice illa ad *Herodotum*, quæ est de *Ægyptiacis* legibus & institutis.

PAG. 23. Post illa verba; *Convivas, ad Mensam Dominicam*. inferere: Si verò in gestu etiam mysterium quærimus, ille secundum *Irenæum* commendat nobis humilitatem adeoque sicut humilem, non autem sessionem epularem. Quapropter, (inquit) & recumbentibus eis ministrabat escam, significans eos qui in terra recūbebant, quib⁹ venit ministrare vitā. Sicut *Hieremias* ait; *Recommemoratus est DOMINVS sanctus Israël mortuorū suorū, qui prædormierunt in terra defossionis, & descendit ad eos ut Evāgelizaret salutare suum ad salvandum eos*. Hæc *Irenæus* Lib. 4. adversus hæreses, Cap. 39. Supponens eodem gestu Discipulos usos esse in Cœna, quo usi in Paschate.

PAG. 26. Post illa verba; *HOC FACITE*. inferere; Porro sic
N n n argu-

argumentatur Anonymus quidam scriptor; panis Azymus, & circumstantia temporis verspertini, & coenaculum superius, &c. necessariò retenta sunt, neque potuerunt convenienter mutari: gestum autem sedendi potuit CHRIS TVS sine miraculo mutare in stationem aut geniculationem, & ideo non mutavit, ut ostenderet se eum gestum instituere usurpandum deinceps in S. Cœna. Argumentum in forma tale erit; Quod de circumstantiis Cœnæ illius Paschalis mutare potuit CHRIS TVS convenienter, id est, sine miraculo, & non mutavit, illud est à CHR ISTO institutum ut in Eucharistiæ celebratione esset perpetuum: at gestum sedendi, &c. Ergo. Observa autem vocabula ista *convenienter*, & *sine miraculo*, esse hoc loco *λογικὰ μὲν*, alioqui erunt quatuor termini. Respondeo igitur. 1. Nego majorem. Nam potuisset CHRIS TVS sine miraculo expectare donec Discipuli Pascha edere desissent. Sin autem dicas eos desisse edere, pari jure dicitur eos desisse accumbere. Potuisset sine miraculo differre institutionem Cœnæ donec post comestum Pascha hora una vel duæ interfluxissent. Potuisset sine miraculo hospitium mutare, & in alia ad id ante præparata domo Cœnam instituere. Vel etiam in eodem manens hospitis potuisset descendere in locum inferiorem, ibique S. Cœnam instituere, ad vocatis etiam mulieribus & pluribus viris. Potuisset sine miraculo plura adhibere pocula. [Vide Lib. 2. Cap. 16. Part. 5. Num 3.] Potuisset CHRIS TVS sine miraculo baptizari sola asperzione, & stans aut genibus innixus in ripa fluminis. 2. Ad minorem; Discipuli in Paschate non sederunt, sed accubuerunt, neque eam accubationem, vel retinuisse, quum ad cœnam ventum est, vel in sessionem mutasse leguntur. Sed vereor ne prudentibus displiceat quod in talibus nugis refellendis immorer.

PAG. 50. Post illa verba; Hæc habentur diserta verba. inferre: *Causa cur generalia Concilia convenerunt, non fuit ut aliquam perpetuam, non ante à D E O latam, legem conderent.* Item;

PAG. 77. Post illa verba; Potius dicendum remunerabile. inferre: *ad vitam æternam.*

PAG. 130. Post illa verba; Sed utili, & laudabili. inferre: Imò quandoque præfecturam Episcopalem, ab ipso arcessit jure divino. Vtin Epist. ad Marcellam, quæ incipit; *Testimonia.* (ejus verba invenies infra in exegesi propositionis 15. pag. 259.) Et alibi.

PAG. 137. l. ult. Post illa verba; *Cum quibus populum judicaret.* inferre: Non igitur debent Episcopi prærogativam suam renunciare, sed tantummodo assessores seipsis inferiores sibi adjungere, & in Consilium adhibere: sicut fecit *Moses.* Si audimus *Hieronymum.*

PAG. 138. Post illa verba, Hæc *Hieronymus.* inferre: Vide eundem *Hieronymum* in Epist. ad *Nepotianum* quæ incipit; *Petis à me. Vbi ait; Esto subjectus Pontifici tuo, & quasi animæ parentem suspice.* Vide ibi plura. & in Epist. ad *Rasticum Monachum*: quæ incipit: *Nil Christiano felicius.*

PAG. 139. Post illa verba, Vide reliqua supra, Cap. 3. Num. 2. & 3. inferre: Verum *Hieronymus*, ut supra monebam, Episcopalem ~~Episcopalem~~ etiam ad jus divinum refert. Nam in Epistola ad *Marcellam*, ait; *Episcopos tenere locum Apostolorum.* Qui certè locus divini juris est, quippe a DEO institutus. Locum pro munere dixit *Hieronymus*, quod tenent Episcopi successione divini juris, alioqui non rectè dici possent tenere locum Apostolorum, & quidem jussè ex officio, ut ibi intelligit *Hieronymus*. Locum, inquam, seu munus Apostolorum, ad successores transmissum, ordinariæ mansuræque in Ecclesia gubernationis & præfecturæ supra simplices Presbyteros. Tempore igitur *Hieronymi* talis & specie eadem fuit Ecclesiastica politia in Episcopis & Presbyteris, qualis & quæ erat olim in Apostolis & inferioribus clericis. Qua melior aut aptior excogitari nulla potest: cum ea fuerit primigenia & divinitus instituta. Idem *Hieronymus* in Catalogo Scriptorum Ecclesiasticorum disertè attulit ab ipsis Apostolis ordinatos esse Episcopos, *Iacobum Hierosolymitanum*, & *Polycarpum Smyrnæ*, &c. Ideo in fine Epistolæ ad *Evagrium*, subordinationem hanc qua Episcopis subsunt Presbyteri, & utrisque Diaconi, vocat traditionem Apostolicam, sumptam de Veteri Testa-

mēto, ut quod *Aaron* & filij ejus atque *Levite* in Templo fuerunt, hoc sibi Episcopi, & Presbyteri, & Diaconi vendicent in Ecclesia. Vide in eandem sententiam *Calvinum*, Lib. 4. Instit. Cap. 6. §. 17.

PAG. 140. Post illa verba: Functionibus & potestate. inferre: Doctissimus *Chamier* in sua panstratia Tomo 2. Lib. 10. Cap. 5. & 6. minùs commodè scripsit de Episcopis. Sed postea, re meliùs perpenſa, agnovit laudabilem eſſe, & à Scriptura, principatum seu ἡγεμονίαν Episcopalem etiam supra Presbyteros. In eodem Tomo, Lib. 13. Cap. 19. §. 16. & 18.

PAG. 143. Post illa verba: Necessitatem moderatorum sive præsidum: inferre: Prima Christianæ Ecclesiæ politia divinitus instituta est cum inæqualitate ministrorum & rectorum. Semperque in Ecclesia, jam inde à primis ejus initiis, fuit aliqua auctoritas personalis, quam Episcopalem vocamus, superior cœtu simplicium Presbyterorum. CHRISTVS præerat Apostolis non solum Dominica potestate qua servis, & Magisteriali qua Discipulis, sed etiam Episcopali qua Presbyteris seu verbi administris: nam omnis ista dignitas & perfectio eminenter in magno illo animarum nostrarum Episcopo emicabat. Vnde beatus *Ignatius Martyr* in Epistola ad *Trallianos*, monet ut subjiciantur Episcopo, ut CHRISTO, & Presbyteris ut Apostolis CHRISTI, sic enim ipsos beatos Apostolos præcepisse. Vide infra, in exegeſi Prop. 12. Deinde post ascensionem DOMINI, Apostoli superiores erant reliquis verbi ministris. Et multiplicatis cœtibus, dederunt Apostoli Ecclesiis proprios Episcopos, cum ipsi omnibus adesse aut subvenire non possent. (vide infra, pag. 169. 182. 183.) Neque ullo unquam tempore simplices Presbyteri fuerunt supremi in Ecclesia rectores. (nisi forte alicubi, post tempora Apostolica, per defectum œconomicum, particulari interdum Ecclesiæ contingentem,) aliter enim Ecclesiæ suæ regimen DOMINVS instituit. Neque melior est ulla Ecclesiæ politia, quàm quæ fuit tempore CHRISTI & temporibus Apostolorum.

Ibidem, lin. ult. Post illa verba: Non nisi unus sit Episcopus. inferre: Hoc argumento usus est *Ioannes Chrysostomus* contra *Sinnum*

Annium Novatianorum Constantinopoli Episcopum. Socrat. Lib. 6. hist. Eccles. Cap. 20. x6. Plures quidem in S. Scriptura legimus unius Ecclesiæ Episcopos sed intelliguntur ibi simplices Presbyteri, quibus Apostolus aliquis aut vir Apostolicus præerat reëtrice potestate.

PAG. 145. Post illa verba: Collegam se Presbyterorum esse cognoscat. inferre: Mansuetudinis tamen in Episcopo necessitas non derogat potestati, quam à DEO habet præcipiendi subiectis sibi Clericis & Laïcis, cum auctoritate & imperio, ut officium faciant; & peccantes arguendi. 1. Tim. 1. 3. & 4. 11. & 5. 20. & 6. 17. & Tit. 2. 15. Apocal. 2. 2. 14. 15. 20. Rectè igitur Gregorius, *Sic, inquit, servanda est virtus humilitatis, ut non solvantur jura regiminis.* Lib. 1. Epist. ex registro Cap. 24. Vbi vide plura.

PAG. 150. Post illa verba: Prohibet Apostolus, 2. Tim. 2. 14. inferre: *Quid est enim contentiosius, quam ubi de re constat, certare de nomine?* inquit, Augustinus Epist. 174.

PAG. 151. Post illa verba: SMYRNÆ Episcopum. inferre: IRENÆVS Episcopus Lugdunensis, ait; *Habemus annumerare eos, qui ab Apostolis instituti sunt EPISCOPI in Ecclesiis, & successores eorum usque ad nos. ----- Sed quoniam valde longum est omnium Ecclesiarum enumerare successiones. ----- Fundantes igitur & instruentes beati Apostoli [Petrus & Paulus] Ecclesiam [Romanam] Lino EPISCOPATVM administrande Ecclesiæ tradiderunt. Hujus Lini Paulus in his quæ sunt ad Timotheum Epistolis meminit. Succedit autem ei Anacletus. Post eum tertio loco ab Apostolis EPISCOPATVM sortitur Clemens, qui & vidit ipsos Apostolos, & contulit cum eis. ----- Huic autem Clementi succedit Evaristus, & Evaristo Alexander, ac deinceps sextus ab Apostolis constitutus est Sixtus, & ab hoc Telephorus, qui etiam gloriosissimè Martyrium fecit; ac deinceps Hyginus, post Pius, post quem Anicetus.*

cetus. Cum autem successisset Aniceto Soter, nunc duodecimo loco EPISCOPATVM ab Apostolis habet Eleutherius. ----- Et Polycarpus autem non solum ab Apostolis edoctus, & conversatus cum multis ex eis, qui DOMINUM nostrum viderunt, sed etiam ab Apostolis in Asia, in ea qua est Smyrnis Ecclesia constitutus EPISCOPVS, quem & nos vidimus in prima nostra aetate, multum enim perseveraverat, & valde senex gloriosissimè & nobilissimè Martyrium faciens exiit de hac vita. Hæc IRENÆVS, Lib. 3. Adversus Hæretes, Cap. 3. Hinc cernis eos latè errare qui dicunt Episcopos non distingui apud Irenæum à simplicibus Presbyteris. Quamvis alibi ipsos Episcopos vocet Presbyteros. Nam apertissime Irenæus loco jam citato Episcopum intelligit cum qui reliquis Presbyteris potestate superior est ex institutione Apostolica, adeoque divina. Nec nisi unum uno tempore ponit Episcopum, cum interea multi sint Presbyteri. Et rebus caducis exempto Episcopo, alius qui jam antea erat Presbyter, incipit esse Episcopus. Anianus Episcopus Alexandrinus Marci Evangelistæ successor sedit annos 22. & morienti successit Abilius, anno quarto Domitiani Imp. ut scribit Eusebius, Lib. 3. Hist. Ecclesiast. Cap. 12. 17. Sedit Abilius annos 13. Ei successit Cerdo, anno primo Trajani Imperatoris. Quo anno vivebant beatus Ioannes Apostolus, & Simon Cleopæ Episcopus Hierosolymitanus. Eusebius & Hieronymus in Chronico scribunt CHRISTVM passum esse anno 18. Tiberij Imp. quem fuisse ipsius DOMINI Nostri IESV CHRISTI annum 32. Adnotatur in ejusdem operis editione Scaligeriana. Testantur iidem scriptores Iacobum fratrem DOMINI Ecclesiæ Hierosolymitanæ primum Episcopum ordinatum esse anno Tiberij 19. Qui fuit secundum memoratum calculum annus CHRISTI 33. Et Evodius Antiochiæ primum (post Petrum) Episcopum ordinatum esse anno tertio Claudij Imp. qui fuit annus CHRISTI 44. Et Iacobo in Episcopatu Hierosolymitano successisse Simconem Cleopæ, anno septimo

Neronis

Neronis Imp. qui fuit CHRISTI 62. Et Petrum ac Paulum Apostolos Martyrio occubuisse anno Neronis 14. qui fuit CHRISTI 69. Eodemque anno Linum Romæ, & Ignatium Evodij successorem Antiochiæ Episcopos ordinatos esse, Ignatium hunc et Polycarpum Smyrnaeum fuisse insignes Ioannis Apostoli auditores, ait Eusebius ejusque interpretæ Hieronymus in Chronico, ad annum 3. Trajani Imp. Quam clarè autem et vehementer B. Ignatius cõmendat ordinem Episcopalem, (prout Episcopus à simplicibus Presbyteris distinguitur) patebit ex ipsius verbis, quæ mox subijciam in exegesi sequentis propositionis. Ignatij & Simeonis Cleopæ Martyria ad unum eundemque annum refert Eusebius in Chronico, nempe ad annum Trajanidæcimum, qui fuit juxta editionem Scaligerianam annus CHRISTI centesimus octavus. Usque ad obitum Simeonis hujus Episcopi Hierosolymitani, et Ignatij Episcopi Antiocheni, Ecclesiam virginem integram et incorruptam permansisse scripsit Hegeſippus, referente Eusebio, Lib. 3. Hist. Eccles. Cap. 26. 28. Vide etiam Cap. 30. 23. Et tamen multò antè florebat ordo Episcopalis suffragiis ipsorum Apostolorum. Vide Ignatij Epistolas. et Euseb. Chron. Lib. 2. et Hist. Lib. 3. et Eccles. Hieronym. in Catalogo script. Eccles.

PAG. 158. Post illa verba: In quartum Sent. inferre: Dist. 24.

PAG. 159. lin. 4. Pro illis verbis: Ante Episcoporum institutionem. lege: Ante ordinatos in singulis Ecclesiis proprios Episcopos.

Ibidem, lin. 7. Post illa verba: Antequam ibi ullus esset. inferre: proprius.

Ibid. lin. 16. Post illa verba: Et viri Apostolici. inferre: quibus suberant, et

Ibidem, lin. 25. Pro illis verbis: Ante Episcoporum institutionem. lege: Ante Episcoporum illis Ecclesiis propriorum ordinationem;

Ibid. lin. 26. Pro illis verbis: Post constitutos in Ecclesiis Episcopos. lege: Post constitutos passim in Ecclesiis proprios Episcopos.

PAG. 161. lin. 13. Post illa verba: Sed hominum sunt manus; inferre: (Obvius et planè alius est sensus *dextra societatis*, Ga-

lat. 1. Distinguendum est inter τὴν ἑπὶθεσίαν τῶν χειρῶν τῶν πρεσβυτέρων apud Paulum, ubi manus tribuuntur Presbyterio sive Presbyteris, et τὴν τῶν πρεσβυτέρων χειροθεσίαν, quam legitur Origenes accepisse πρὸς τὴν ἑπὶθεσίαν, ab Episcopis sive per impositionem manuum Episcoporum: apud Eusebiam, Lib. 6. Hist. Eccles. Cap. 17. κγ. Vbi Presbyterium significat ipsum gradum sive officium Presbyterale. Et quod ibi χειροθεσία πρεσβυτέρων appellatur, id alibi Eusebius vocat χειροτονίαν πρεσβυτέρων, Lib. 6. Cap. 13. κ. Nam discrimen est haud obscurum, ut patet ex collatione alterius loci apud Paulum, 2. Tim. 1. 6. Ἀλλὰ τῆς ἐπιθέσεως τῶν χειρῶν μὲν, per impositionem manuum mearum.)

Ibidem, lin. 23. Post illa verba: Ei deferunt. inferere: & subjiciunt:

Ibidem, lin. 24. Post illa verba: Præfecturam & regimen. inferere: Ab Apostolo datum agnoscentes, et pro seipsum etiam

PAG. 172. Post illa verba: Canone ea quæ. inferere: competunt.

PAG. 191. lin. 10. Post illa verba: Alia verò immediate. inferere: (sub Episcopo, et cum eo, si habeant Episcopum, vel etiam sine eo, si nullum habeant.)

PAG. 193. lin. 32. Post illa verba: postulant dictionem. inferere jurisdictionem est etiam iudicis dandi licentia; inquit Iulianus ff. de jurisdictione, lege. 3. Imperium.

Ibidem, lin. 33. et 34. Pro illis verbis: Cum vero ex collegarum in publicis judiciis æqualitate dissidia et factiones nascerentur, lege: Cum verò ex collegarum, simplicium Presbyterorum, in publicis judiciis æqualitate, multiplicatis jam Ecclesiis et absentibus sæpe Apostolis virisque Apostolicis, dissidia et factiones in Ecclesiis proprios Episcopos non habentibus nascerentur,

PAG. 194. lin. 3. Post illa verba: Jurisdictionis potestatem. inferere: (in eis Ecclesiis quæ nondum ad præveniendum hoc malum acceperant proprios Episcopos,)

Ibidem, lin. 14. 15. 16. Pro illis verbis: Diffusa conveniebat toti Presbyterio dederunt Apostolici etiam Episcopo personaliter; atque ita, quod antea, erat tantum collegiale, evasit etiam

etiam officium personale, lege: Diffusa, sub Apostolis, conve-
niebat toti Presbyterio, dederunt Apostoli etiam Episcopo
personaliter; simul impertientes ei Apostolicam ordinariam,
id est, Episcopalem supra simplices Presbyteros potestatem,
arque ita, quod antea in illis Ecclesiis erat tantum collegiale;
(sub Apostolis) evasit etiam cum adjecta Apostolica præ-
fectura officium personale, in Episcopo tenente locum Apo-
stolicum supra simplices Presbyteros, etiam in eis Ecclesiis
quæ antea à Presbyterorum collegiis, sub Apostolis, rege-
bantur, nondum acceptis propriis Episcopis.

Ibidem, lin. 20. Pro illis verbis: Novus ordo sacer in Eccle-
sia, lege: Novus ordo sacer in ea Ecclesia.

Ibidem, lin. 21. Post illa verba: Ordo Episcopalis, inferre: (an-
tea quidem existerat hic ordo in personis Apostolorum; sed
novum appello partim respectu illarum Ecclesiarum quæ
nondum acceperant proprios Episcopos, partim etiam respec-
tu pastorum immediatam revelationem non habentium.)

Ibidem, lin. 22. Post illa verba: Presbyterium obtinebat, inferre:
& Apostolicam præsentiam,

Ibidem, lin. penult. Post illa verba: Collegij præsidii. inferre: lo-
cumque Apostolicum obtinenti.

PAG. 195. lin. 6. Post illa verba: Non alia atque alia, inferre: quan-
tū separata,

Ibidem, lin. 21. Post illa verba: Quod præstolari poterunt.
inferre: Quemadmodum in republica tempore interregni, vel
in exercitu imperatore mortuo, vel in societate præfecto, re-
sidet penes ordines aut Vicarios, vel penes exercitum aut se-
natum castrensem, vel penes societatem, suprema rerum po-
testas, quam antea gerebat princeps, vel Imperator, vel præ-
fectus, & ab eis validè exercetur; licet non sine defectu æco-
nomico, seu majoris politico; ac propterea, quantum permittit
publica necessitas, libenter differunt graviores causas, donec no-
vum principem, vel imperatorem, vel præfectum nacti fuerint:
Sic in Ecclesia, deficiente Episcopo, residet penes presbyte-
rium jurisdictionis ad eam Diæcesin pertinentis potestas ple-
naria & integra, Quoad valorem exercitij, præsertim ne-
cessarij, licet non Quoad perfectionem status regiminis.

Quocirca sedulo annitendum, ut sublato isto defectu cœconomico, collocetur ad clavum illius Diæceseos Orthodoxus Episcopus: & ei reservanda sunt ea negotia, quæ ad Episcopalem ejus curam propius spectant, modo ex ea mora nihil Ecclesia detrimenti capiat.

Ibidem, lin. ult. Post illa verba: Cui non esset Episcopus. inferre: Ipsa etiam pastoralis in Ecclesia jurisdictio non est doctrinæ vacua. Matth. 18. 17. 1. Tim. 1. 3. Tit. 3. 10. Apocal. 2. & 3. Habet itaque Episcopus pastorem tum regendi tum docendi curam ac potestatem generalem erga totam Diæcesin; qualem habet presbyterium Episcopo carens, vel potius qualis erat illa in Apostolo Paulo Episcopalis et ordinaria (id est, apud posteros in Episcopis duratura) potestas et cura Ecclesiæ Corinthiaca, quæ describitur, 1. Corinth. 5. 2. 3. 4. 5. Et cura ac potestas Episcopalis beati Iacobi in Ecclesiam Hierosolymitanam. Act. 12. 17. et Cap. 21. vers. 18. 19. Et Timothei in Ecclesiam Ephesiam, 1. Tim. 1. 3. 4. et Cap. 5. vers. 19. 20. 21. 22. et Titi in Ecclesiam Cretensem. Tit. 1. 5. et Cap. 2. 15. et Cap. 3. vers. 10. Et septem Angelorum, id est, Episcoporum in septem Ecclesias Asiaticas, Apocal. 2. et 3. et beati Marci in Ecclesiam Alexandrinam: et Evodij, ejusque successoris Ignatij in Ecclesiam Antiochenam; et Damæ Episcopi, licet ætate juvenis, in Ecclesiam Magnesium; cujus Damæ Episcopi honorificam mentionem facit beatus Ignatius in sua ad Magnesium Epistola; in qua etiam, sicut et in aliis suis Epistolis, prolixè disserit de jure divino præsentis ac potestatis Episcopalis supra presbyteros et Diaconos et Laicos, et de necessitate obediendi Episcopo, et monet ut nihil faciant sine eo vel præter ejus judicium, *ἡ δὲ τὸ ἐκείνῳ πρῶτον*, Quod enim tale est id iniquum esse et Deo inimicum. Et ait videri sibi eos non bona conscientia præditos esse; sed simulatores et personatos, qui contemnunt suum Episcopum. Quæ autem præcepta dat Apostolus Timotheo, pro regimine tum presbyterorum aliorumque Clericorum, tum Laicorum, sunt perpetua, et rectoribus Cleri et populi, id est, Episcopis conveniunt, usque ad secundum DOMINI adventum. 1. Tim. 6. 13. 14. Et unusquisque Episcopus inde discere debet

debet quomodo oporteat versari in domo Domini. 1. *Tim.* 3. 15. Huc pertinent et præcepta *Tito* data, qua presbyterorum ordinatori et rectori; et Epistolæ *Apocalyptica* ad Angelos Ecclesiarum. Mirantur quidam quod, 1. *Tim.* 3. ubi præscribuntur regulæ presbyteris (qui illic Episcopi dicuntur) et Diaconis, quod nulla fiat mentio illius presbyteri qui aliis ex officio præest, dignitate et potestate eis superior, quem strictiore significato Episcopum vocamus. Sed mirari desinent, si meminerint Epistolam illam scribi ad Episcopum rectorem presbyterorum. (*Hæc tibi scribo, --- ut scias, &c.* Cap. 3. vers. 14. 15.) Et illic (sicut et *Tit.* 1.) poni regulas quarum observationem exigere debeat Episcopus à presbyteris et Diaconis, ipse interea ut compresbyter præclaro exemplo eis præluces. Peculiaria autem Episcopo præcepta dantur passim in illis Epistolis locis sup. cit. Puerile autem est quod quidam excipiunt fuisse *Timotheum* et *Titum* Evangelistas, non Episcopos. Nam præcepta quæ in illis Epistolis dantur *Timotheo* et *Tito*, et Angelis Ecclesiarum in Epistolis *Apocalyptis* sunt perpetua, et ad ordinarium semperque duraturum Ecclesiæ regimen, rectorumque officium pertinent. Vocabulum autem Evangelistæ, 2. *Tim.* 4. 5. si ex opere illic in juncto exponendum sit, latiore illo in loco significationem habere inveniatur, quàm ut extraordinarium duntaxat & temporarium denotet ministerium.

PAG. 196. lin. 4. Post illa verba: Cum suo Presbyterio. inferre:
(vel etiam solum quando idoneo Presbyterio destituitur)

Ibidem, lin. 8. *Postilla-verba:* Eam habet Presbyterium.
infer: Vel cum suo Episcopo, vel solum si careat Orthodoxo
Episcopo.

Ibidem, lin. 9. Post illa verba: Vi ordinis sui Presbyteralis.
inferre: Huc pertinet illa, non inepta, ut quidam temere dicti-
tant, sed idonea & valida argumentatio Epiphaniij contra Aë-
rium, Hæresi 75. Quod (inquit) dicat (Aërius) Epif-
copum & Presbyterum aequalem esse, & quomodo est
hoc possibile? ἢ ἂν καὶ ἐστὶ πατέρων γενική καὶ τίς,
πατέρας γὰρ γενεᾷ ἐκκλησίᾳ· ἢ δὲ πατέρας καὶ ἐκκλη-
σίαν
Ο Ο Ο 2 ὡς ἡ

μὴν γενᾶν, Ἀλλ' ὃ ἔστι λατρεῖς παλιγγενεσίας πικρὰ γεν-
νᾶ τῇ ἐκκλησίᾳ, οὐ μὲν πατέρας ἢ διδασκάλους.

Ibidem, lin. 21. Pro illis verbis: Qui p. c. & fund. ordo. lege:
Qui purus est & à jurisdictione distinctus ordo.

PAG. 198. lin. 19. Post illa verba: Est potestas Synodica. inferre:
Can. Apost. C. 73. & Concil. 2. œcum. Can. 6.

PAG. 218. lin. 30. Post illa verba: Et perfecta depositione. inferre:
quæ patribus quiniseptæ Synodi dicitur, παντελὴς καὶ διη-
ρετικὴ καθάρσις, perfecta & perperua depositio. Concil.
quinisept. Can. 21.

PAG. 219. lin. 12. Post illa verba: Tamen ipso jure nulla fuit.
inferre: Sicut declaraverunt patres in Concilio Martini primi
Papæ Romani, Secretario 5. Anathematismo 18.

PAG. 221. lin. 2. Post illa verba: Quæst. 8. Qui admisit.
inferre: πάσης ἱερατικῆς τάξεως τε ἔστι λατρυγίας γυνωδῆ-
τω, omni sacerdotali ordine & officio (seu ministerio). de-
nudetur. Concil. Sext. œcum. Actione 15.

PAG. 232. lin. 24. Post illa verba: Et fit Sacramentum. inferre:
August. Tract. 80. in Evangelium Ioannis.

PAG. 234. lin. 20. Post illa verba: Remissionem consequun-
tur. inferre: Per obedientiam, inquam à CHRISTO quon-
dam viatore præstitam. Nunc autem CHRISTVM
non esse amplius in statu merendi, postquam viator esse de-
sistit, docet Thomas, Part. 3. Quæst. 19. Art. 3. ad 1^m. Vide
eundem in 2^o. 2^o. Quæst. 13. Art. 4. ad 2^m.

PAG. 236. lin. 24. Post illa verba: Docuimus supra, Arg. 12.
inferre: Inspice autem Epist. 23. Augustini, & animadvertes tropi-
cum in verbo EST tertij adjacentis. HOC, 1. Hic
panis; EST. 1. Secundum quendam modum est; COR-
PVS MEVM, id est, ipsissimum naturale CHR IST I
Corpus. Hæc est Augustini expositio, loco citato. Vide in-
fra, Cap. 16. Num. 1. §. Huc ergo.

PAG. 248. lin. 18. Post illa verba: De Missa, Cap. I. inferre:
Olim post celebrata mysteria Isis, dicebat scriba, λαοῖς δι-
δασκῶν, populis Missio. Et inde mutuatos esse hunc morem
Christianos Latinos, ut dicerent, *Ita, Missa est*, ait Poly-
dorus.

orus Vergilius, Lib. 5. de rerum inventoribus, Cap. 12.

PAG. 254. lin. 6. Post illa verba; A pluribus simul Episcopis. inferre: (Vide Euseb. Lib. 6. Hist. Eccles. Cap. 17. κγ.)

PAG. 261. lin. 26. Post illa verba; CYPRIANVM, loco citato. inferre: Vbi docet omnes Episcopos esse pares potestate clavium. De hoc etiam, vide Glossam, extra, de electione. Cap. 15. Transmissam. Et aliam Glossam, Caus. 2. Qu. 1. Can. Nemo. Et extra, De Treuga & Pace. Cap. 16. Cum inferior. Vbi dicitur quod iurisdictione inferior nequeat ligare vel solvere potiore seu superiore; qui igitur ligandi solvendi que potestate pares sunt, ij sunt iurisdictione pares.

PAG. 263. lin. 4. Post illa verba: Simplicitate Prælatorum. inferre: Idem Cyprianus alibi contra eundem Novatianum Schismaticum Disputans, Lib. 4. Epist. 2. ad Antonianum, Cum sit, (inquit) una Ecclesia per totum mundum in multa membra divisa: item Episcopatus unus, Episcoporum multorum concordie numerositate diffusus, &c. Vide etiam infra, Cap. 19. Part. 1. Num. 2. & 4.

PAG. 267. lin. 5. Post illa verba: Episcopo Sancti Andreæ. inferre: τοῖς πολιτικοῖς καὶ δημοτοῖς τύποις καὶ ἢ τῷ ἐκκλησιαστικῶν πραγμάτων τάξιν ἀρελῶς δέτω, id est, Civiles ac publicos typos Ecclesiasticarum quoque rerum ordo consequatur. Concil. Quinisext. Can. 38.

PAG. 268. lin. 17. Post illa verba: Quod egerit. inferre: Et ipse gradus sui periculo subjacebit.

PAG. 277. lin. 17. Post illa verba; Adversus Donatistas. inferre: Hanc etiam toto orbe diffusam Ecclesiam Augustinus opponit Ecclesie Romanæ, ut parti solum totius. Epist. 86. Carolus Magnus in constitutione sua contra Hæresin Elipandi facta in Concilio Francofurtensi, §. 23. Prædicamus, inquit, unam sanctam DEI Ecclesiam, toto orbe diffusam, locis separatam, fide & charitate conjunctam.

Ibidem, lin. 31. Post illa verba: aut plures greges. inferre: Hoc sensu Smyrnenfis Ecclesia appellatur catholica Ecclesia: apud

Eusebium, Lib. 4. Hist. Eccles. Cap. 14. 16.

PAG. 288. lin. 16. Post illa verba: *Concessit Concilium Cbalcedonense*, infere: *Episcopo Constantinopolitano*.

PAG. 290. lin. 7. Post illa verba: *Hæc Gregorius*, infere: *Vide etiam Gregorium*, Lib. 2. Epist. ex Registro, Cap. 103. Similia etiam invenies in Suggestione seu Epistola *Agathonis Papæ Romani*, ad *Constantinum 4. Imp.* quæ exstat in quarta actione Synodi sextæ œcum.

PAG. 291. lin. 6. Post illa verba, *Concilij Pisani*, Anno 1409. infere: *Vt notorius schismaticus, notorius hæreticus, & à fide devius. Concil. Pisân. Sess. 14.*

PAG. 292. lin. 1. Post illa verba, *Ejus vita*, infere: *Testantibus idipsum etiam actis Concilij Sinnessani*, in quo cõdemnatus est *Marcellinus*, Anno DOM. 303. (Tom. 1. Cõcil. part. 1. edit. Bin.)

PAG. 300. lin. antepenult. Post illa verba; *Hæc ille*, infere: *Vide Concilium Cabilonense 2^m Cap. 3.*

PAG. 301. lin. ult. Post illa verba; *affirmatur*, aut infere: *in Scriptura traditum.*

PAG. 302. lin. 17. Post illa verba: *Reprehensione digni sint.* infere: *Gnosimachi &*

PAG. 417. Num XXIII. Post, *OBED.* infere: *Qui modica spernit, paulatim decedit*; ait *Augustin.* Lib. 9. Cõtess. Cap. 8.


PAG. 423. lin. 16. Post illa verba: *Veritas est sequantur.* infere: *Nimis perversè seipsum amat, qui & alios vult errare, ut suus error lateat.* Inquit *Augustinus*, Epist. 7. Vbi vide plura in eandem sententiam.

PAG. 424. lin. 7. Post, & seipsum. infere: *præbet.*

PAG. 431. lin. 4. Post illa verba: *Novi vos?* infere: *Vide Irenæum*, Lib. 4. *Adversus Hæreses*, Cap. 62.

Notula omiſſa.


PAG. 191. lin. 1. 2. 3. Pro illis verbis: *Recurr. ad fund. ord. n. pr. qui rel. ex se quoda. em. et pr. q. rel. s. instituti. lege: Recurrendum est ad ordinem Presbyteralem, qui purus est ordo, prout à jurisdictione ordo distinguitur.*



BENIGNO LECTORI.

IRENICI hujus major pars αὐτοχρηδίασι delinenda, & Er-
gentibus operis, ad prælum ilicò raptæ est. Vnde factum, Et postea rele-
genti occurrerint nonnulla quæ clarioris explanationis indigere existimavi.
Quocirca quæ impressarum inferenda vel etiam mutanda videbantur, ea
satis duxi in istis pagellis tibi candidè exhibere, quam mea vihi animad-
versa παρορμήματα aliis vel sequenda vel reprobenda relinquere.
Te interea, benigne Lector, amanter rogo, Et hanc ingenui animi opellam
boni consulas. Nihil enim in toto hoc negotio ago καὶ ἐτερομείησιν:
sed Veritati & paci, coram DEO, studiosè deservio: & quæ vera ju-
disco, ea sine fūco, χαρπὶς ὁρασθῆναι τε πρὸς ἀθείας ἢ ἀντιπαθείας,
enuncio. Divina igitur misericordia fiducia in spem bonam optati successus
animus erigitur.


Soli DEO Gloria.




UNIVERSITY OF
MICHIGAN


THE UNIVERSITY OF MICHIGAN
LIBRARY
ANN ARBOR, MICHIGAN
48106-1000

1911









127

